

ମାଥୂର ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର ମାଥୂର ଅଲ୍ଲାକାଦ୍ ଯୀଶୁ ଖ୍ରୀଷ୍ଟଆଃ ସୁକୁକାଜି ପାରିଚାଏ

ଯୀଶୁ ଖ୍ରୀଷ୍ଟଆଃ ଜୀବନ୍ତକେ ଉଦ୍ଭବେତାନ୍ ନାମ୍ନା ନିୟାମରାଃ ଉପୁନିୟା* ପୁଅକଏତେ ମାଥୂର ଅଲ୍ଲାକାଦ୍ ସୁକୁକାଜି ହବାଅଃତାନା ନିଆଁଦ୍ । ଏନ୍ ସବେନ୍ ପୁଅକକେ ଯୀଶୁ ଖ୍ରୀଷ୍ଟଆଃ “ସୁକୁକାଜି” କାଜିୟଃତାନା । ଯୀଶୁଆଃ ଗନଏଃ ତାୟମ୍ତେ ଏନ୍ ସୁକୁକାଜିକେ ମାଥୂର, ମାର୍କ, ଲୁକ, ଆତଃ ଯୋହାନ୍ ତିକୁ ଅଲ୍ଲାକାଦାଃକ । ମାଥୂର ଅଲ୍ଲାକାଦ୍ ସୁକୁକାଜିରାଃ ଅନଲ୍ ଦିପିଲି କା ସାରିୟଃରେୟ, ବାଇବାଲ୍ ପାଣ୍ଡିତ୍ୱକ କାଜିୟାଃକ ଯେ, ନେଆଁ ଖ୍ରୀଷ୍ଟଆଃ ଜାନାମ୍ ତାୟମ୍ ୭୦ କରେ ଅଲ୍ଲାକାନ୍ ତାଇକେନା । ନେଆଁରାଃ ଅନଲ୍ ଠାୟାଦ୍ କା ସାରିୟଃତାନ୍ରେୟ, ଚିମିନ୍କ ପାଲେଷ୍ଟାଇନ୍ ଦିଶୁମ୍ରାଃ ଯୀରୁଶାଲେମ୍ ନାଗାଋରେ ଅଲ୍ଲାକାନା ମେନ୍ତେକ ବିଶ୍ୱାସାଃ ।

ନେ ପୁଅରାଃ ଅନଲ୍ନିଃ ମାଥୂର ତାନିଃ, ଯୀଶୁ ଇନିଃକେ ଆୟାଃ ଚେଲା ବାଇୟଃ ନାଲ୍ କେଡ଼ା ସିଦାରେ ଇନିଃ ମାଲ୍ହାରମ୍ ତାଇକେନାଏ । ଇନିଃ ଲେବୀ ମେନ୍ତେୟ ସାରିୟଃ ତାଇକେନାଏ । ମାଥୂର ଗେଲ୍ବାର୍† ପ୍ରେରିତ୍ୱକଏତେ ମିହୁଡ୍, ତାଇକେନାଏ ଆତଃ ଇନିଃ ବିଶେଷ୍ଟକେଦ୍ତେ ଯିହୁଦୀ ହତ୍ତକଆଃ ନାଗେନ୍ତେ ନେ ସୁକୁକାଜି ଅଲ୍ଲାକାଦାଏ । ଅକ୍ନାଃଚି ଆୟାଃ ଅନଲ୍ରେ ମାରି ନିୟାମ୍ ଧାରାମ୍ପୁଅରାଃ ଆପିହିସିଠୁ ବାଚାନ୍, ନେ ମାଥୂର ପୁଅରେ ଉଦ୍ଭବଃତାନା । ଯୀଶୁ ଖ୍ରୀଷ୍ଟ ଚାଏ ମାସି ପାର୍ମେଶ୍ୱାରଆଃ ସାଲ୍ଲାକାନ୍ ବାଞ୍ଛାଅନିଃ ଆତଃ ରାଜା ତାନିଃ । ଅକଏୟାଃ ହିନ୍ଦୁଃ ବିଷାଏରେ ମାରି ନିୟାମ୍ରାଃ ଧାରାମ୍ପୁଅରେ ଆୟାର୍କାଜି‡ କାଜିକାନ୍ ତାଇକେନା, ଏନା ମାଥୂର ପୁରାଃତେ ଉଦ୍ଭବ୍ ନାଲ୍ ସାନାଲ୍ ତାଇକେନାଏ ।

* : ୧:୦ ଚାଇର୍ † : ୧:୦ ବାରାଝାନ୍ ‡ : ୧:୦ ସିଦାରେ ହବାଃଅତେୟାଃ

ଯିହୁଦୀକ ମାସିକେ ଆକଆଃ ରାଇଜୁରାଃ ରାଜା ହବାଅଃଆଏ ମେନ୍ତେ ଆସ୍ରାକାଦ୍ ତାଇକେନାକ । ମାଥୂର, ପାର୍ମେଶ୍ୱାର୍ଆଃ ରାଇଜୁକେ, ଆମ୍ବିକ୍ରେୟାଃ ରାଇଜୁ ତାନାଃ, ଅତେଦିଶୁମ୍ବରାଃ ରାଇଜୁ ନାହାଁଲାଃ ମେନ୍ତେ କାଜିକାଦା । ମାଥୂର ଆୟାଃ ଅନଲ୍ରେ ପାର୍ମେଶ୍ୱାର୍ଆଃ ରାଇଜୁ ବିଷାଏରେ ପୁରାଃତେ ଉଦୁବ୍ ନାଜ୍ ସାନାଜ୍କାଦାଏ ।

ମାଥୂର ଅଲ୍ଲକାଦ୍ ସୁକୁକାଜି ନାଞ୍ଜା ନିୟାମ୍ବରାଃ ପାହିଲା ପୁଥୁ ନାଗେନ୍ତେ ପୁରାଃ ବୁଗିନ୍ ତାନାଃ, ଚିୟାଃତି ମାରି ନିୟାମ୍ବରାଃ ବାଚାନକ ପୁରାଃତେ ଉଦ୍‌ବାକାନା । ନେ ପୁଥୁ, ମାରି ଆତଃ ନାଞ୍ଜା ନିୟାମ୍ ବାରାନାଃକେ ମେସାଃଏ । ବାଇବାଲ୍ ପାଣ୍ଡିଡକହଁ କାଜିୟାଃକ, ମାଥୂର ଆୟାଃ ଅନଲ୍ରେ ମୁଗା ନାବୀରାଃ ଆନ୍‌ତୁ ଲେକା ସେସେନ୍ ନାଜ୍ ସାନାଜ୍କାଦାଏ, ଅକ୍‌ନାଃତି ମାରି ନିୟାମ୍ବରାଃ ପାହିଲା ମଶେୟାଁସ୍ ପୁଥୁ ତାନାଃ । ଯୀଶୁଆଃ ବୁରୁ ଚେତାନ୍‌ରେୟାଃ ଇନିତୁ ୫-୭ ଆଧ୍ୟାୟକେ ପାର୍ମେଶ୍ୱାର୍, ମୁଗା ନାବୀକେ ଏମାକାଇ ଆନ୍‌ତୁଲ୍‌ଃ ହଗି ଜକାଃଏ ୨ କିଲିକଆଃ ୧୯:୩-୨୩:୨୧ ।

ପୁଥୁ ଭିତରରେ ତାଇକାନ୍ କାଜି

- ୧. ଯୀଶୁ ଖ୍ରୀଷ୍ଟଆଃ ଜାନାମ୍ ଆତଃ ସେଞ୍ଜାକାମିରାଃ ଏନେଟେଦ୍ । ୧-୪
- ୨. ଯୀଶୁ ଖ୍ରୀଷ୍ଟଆଃ ସେଞ୍ଜାକାମି ଆତଃ ଇନିତୁ । ୫-୨୫
- ୩. ଯୀଶୁ ଖ୍ରୀଷ୍ଟଆଃ ଗନଏଃ ଆତଃ ଜୀଉବିନିରିଦ୍ । ୨୬-୨୮

ଯୀଶୁ ଖ୍ରୀଷ୍ଟଆଃ କିଲି
(ଲୁକ ୩:୨୩-୩୮)

^୧ ନେଆଁ ହବାଅଃତାନା ଯୀଶୁ ଖ୍ରୀଷ୍ଟଆଃ ପୁର୍‌ଖା ଆପୁକଆଃ ନୁତୁମ୍‌କ ଅଲ୍ଲକାନ୍ ପୁଥୁ, ଯୀଶୁ ଖ୍ରୀଷ୍ଟ, ଦାଉଦ୍‌ଆଃ କିଲିରେନ୍ ଆତଃ ଦାଉଦ୍, ଆବ୍ରାହାମ୍‌ଆଃ କିଲିରେନ୍ ତାଇକେନାଏ ।

^୨ ଆବ୍ରାହାମ୍‌ଆଃ ହନ୍ ଇସାକ୍, ଇସାକ୍‌ଆଃ ହନ୍ ଯାକୁବ୍, ଯାକୁବ୍‌ଆଃ ହନ୍ ଯିହୁଦା ଆତଃ ଆୟାଃ ହାଗାକ ତାଇକେନା,
^୩ ଯିହୁଦାରାଃ ହନ୍ ପେରସ୍ ଆତଃ ସେରହ, ଇନ୍‌କିନାଃ ଏଙ୍ଗାତେ ତାମ୍‌ରି ତାଇକେନାଏ, ପେରସ୍‌ରାଃ ହନ୍ ହେସ୍ରୋନ୍, ହେସ୍ରୋନ୍‌ରାଃ ହନ୍ ଅରାମ୍, ^୪ ଅରାମ୍‌ରାଃ ହନ୍ ଅମ୍ଲାନାଦବ୍, ଅମ୍ଲାନାଦବ୍‌ରାଃ

§ : ୧:୦ ପାଞ୍ଚୁ

ହନ୍ ନହଶୋନ୍, ନହଶୋନ୍ରାଃ ହନ୍ ସାଲ୍ମନ୍, ^୫ ସାଲ୍ମନ୍ରାଃ ହନ୍ ବୋୟାଜ୍, ବୋୟାଜ୍ରାଃ ଏକ୍ଷାତେୟାଃ ନୁତୁମ୍ ରାହାବ୍, ବୋୟାଜ୍ରାଃ ହନ୍ ଓବେଦ୍, ଓବେଦ୍ରାଃ ଏକ୍ଷାତେ ରୁଡ୍, ଓବେଦ୍ରାଃ ହନ୍ ଯିଶି, ^୬ ଯିଶିରାଃ ହନ୍ ରାଜା ଦାଉଦ୍, ରାଜା ଦାଉଦାଃ ହନ୍ ସୁଲିମାନ୍, ସୁଲିମାନ୍ରାଃ ଏକ୍ଷାତେ ସିଦାହେତେ ଉରିୟରାଃ କୁଡ୍ ତାଇନ୍କେନା,

^୭ ସୁଲିମାନ୍ରାଃ ହନ୍ ରିହବିୟାମ୍, ରିହବିୟାମ୍ରାଃ ହନ୍ ଅବିୟ, ଅବିୟରାଃ ହନ୍ ଆସା, ^୮ ଆସାରାଃ ହନ୍ ଯିହୋଶାଫ୍ତ୍, ଯିହୋଶାଫ୍ତ୍ରାଃ ହନ୍ ଯୋରାମ୍, ଯୋରାମ୍ରାଃ ହନ୍ ଉକ୍ଳିୟ, ^୯ ଉକ୍ଳିୟରାଃ ହନ୍ ଯୋଥାମ୍, ଯୋଥାମ୍ରାଃ ହନ୍ ଆହାସ୍, ଆହାସ୍ରାଃ ହନ୍ ହିଜକିୟ, ^{୧୦} ହିଜକିୟରାଃ ହନ୍ ମନଶି, ମନଶିରାଃ ହନ୍ ଆମୋନ୍, ଆମୋନ୍ରାଃ ହନ୍ ଯୋଶିୟ, ^{୧୧} ଯୋଶିୟରାଃ ହନ୍ ଯିକନିୟ ଆତଃ ଆୟାଃ ହାଗାକ ତାଇକେନା, ନେଆଁ ଇସ୍ରାଏଲ୍ ହତକକେ କିରିଙ୍ଗ୍ ଦାସିକେଦ୍ତେ ବାବିଲୋନ୍ତେ ଇଦିକୁତାଇକେନ୍ ଦିପିଲିରାଃ କାଜିତାନାଃ ।

^{୧୨} ବାବିଲୋନ୍ତେ ତଲ୍ଲଦି ତାୟମ୍ତେ ଯିକନିୟ ଶଲ୍ଟିୟେଲ୍କେ ଜାନାମ୍କିୟା, ଶଲ୍ଟିୟେଲ୍ରାଃ ହନ୍ ଜିରୁବାବେଲ୍, ^{୧୩} ଜିରୁବାବେଲ୍ରାଃ ହନ୍ ଅବିହୁଦ୍, ଅବିହୁଦ୍ରାଃ ହନ୍ ଏଲିୟାକିମ୍, ଏଲିୟାକିମ୍ରାଃ ହନ୍ ଆଜୋର୍, ^{୧୪} ଆଜୋର୍ରାଃ ହନ୍ ସାଦୋକ୍, ସାଦୋକ୍ରାଃ ହନ୍ ଆଖ୍ମ୍, ଆଖ୍ମ୍ରାଃ ହନ୍ ଏଲିହୁଦ୍, ^{୧୫} ଏଲିହୁଦ୍ରାଃ ହନ୍ ଏଲିୟାଜାର୍, ଏଲିୟାଜାର୍ରାଃ ହନ୍ ମାଡ୍ବାନ୍, ମାଡ୍ବାନ୍ରାଃ ହନ୍ ଯାକୁବ୍, ^{୧୬} ଯାକୁବ୍ରାଃ ହନ୍ ଯୋଷେଫ୍, ଇନିଃ ମାରିୟାମ୍ରାଃ କଡାତେ ତାଇକେନା, ଏନ୍ ମାରିୟାମ୍ ଯାଶୁକେ ଜାନାମ୍କିୟା, ଇନିଃକେ ମାସି ମେନ୍ତେ କାଜିୟାଃକ ।

^{୧୭} ନେ ଲେକାତେ ଆବ୍ରାହାମ୍ଏତେ ଦାଉଦ୍ ଜାକେଦ୍ ଗେଲ୍ଡପୁନ୍* ପିଡ୍ଡି, ଆତଃ ଦାଉଦ୍ଏତେ ବାବିଲୋନ୍ତେ ତଲ୍ଲଦିକାଦ୍ କାକେଦ୍ ଗେଲ୍ଡପୁନ୍ ପିଡ୍ଡି, ଆତଃ ବାବିଲୋନ୍ତେ ଇଦିକାଦ୍ ଦିପିଲିଏତେ ମାସି ଜାକେଦ୍ ଗେଲ୍ଡପୁନ୍ ପିଡ୍ଡିକ ତାଇକେନା ।

* ୧:୧୭ ୧:୧୭ ଗାଉଦା

ୟୀଶୁ ଖ୍ରୀଷ୍ଟ ଆଃ ଜାନାମ୍
(ଲୁକା ୨:୧-୭)

୧୮ ✨ୟୀଶୁ ଖ୍ରୀଷ୍ଟ ନେ ଲେକାଏ ଜାନାମ୍‌ଲେନା । ଇନିୟାଃ ଏକ୍ଷାତେ ମାରିୟାମ୍‌କେ ଯୋଷେଫ୍ ନାକ୍ ଆସିଆକାନ୍ ତାଇକେନା । ମେନ୍‌ଦ ଇନିଃଲଃ ଆଣ୍ଡିୟାନ୍ ସିଦାରେ ଇନିଃ ପାବିତାର୍ ଆମ୍‌ତେ ଆବ୍ରାଅୟାନା ଆତଃ ହାମ୍‌ଲାରୋଝା କାନାଏ ମେନ୍ତେ ଆବ୍‌କାରୟାନା । ୧୯ ଇନିୟାଃ କଡ଼ା ଯୋଷେଫ୍ ମିଆଁଦ୍ ଧାର୍‌ମାନ୍ ହଡ଼ ତାଇକେନାଏ, ଏନାତେ ମାରିୟାମ୍ ବାଦ୍‌ନାମଃକାଏ ମେନ୍ତେ ଇନିଃ କାଏ ସାନାକ୍‌କେଦା, ଏନାମେନ୍ତେ ଇନିଃକେ କା ଆଣ୍ଡିୟାଃ ନାକ୍ ଉଡ଼ଃକେଦାଏ । ୨୦ ମେନ୍‌ଦ ଇନିଃ ନେଆଁ ଉଡ଼ଃତାନ୍ ତାଇକେନ୍‌ରେ ପ୍ରାଭୁଆଃ ମିଆଁଦ୍ ଦୁଁଡ଼ କୁମ୍‌ରେ ଉଦୁବେନ୍‌ୟାନା ଆତଃ କାଜିକିୟାଏ, “ହେ ଦାଉଦ୍‌ଆଃ ହନ୍ ଯୋଷେଫ୍, ଆମାଃ କୁଡ଼ି ଲେକା ମାରିୟାମ୍‌କେ ଅଡ଼ାଃତେ ଇଦିନାକ୍ ଆଲମ୍ ବରଏୟା, ଚିୟାଃଚି ଇନିୟାଃ ହାମ୍‌ଲାରୋଝା ପାବିତାର୍ ଆମ୍‌ତେ ହବାକାନା । ୨୧ ✨ଇନିଃ ମିଆଁଦ୍ କଡ଼ାହନ୍ ଜାନାମ୍‌ୟାଏ, ଆତଃ ଆମ୍ ଇନିଃକେ ଯୀଶୁ ମେନ୍ତେମ୍ ନୁତୁମ୍‌ୟା, ଚିୟାଃଚି ଇନିଃଦ୍ ଆୟାଃ ହଡ଼କକେ ଆକଆଃ ପାପ୍‌ହେତେ ବାସ୍ତାଅକଆ ।”

୨୨ ନାବାକଆଃ ହରାତେ ପ୍ରାଭୁ କାଜିକାଦ୍ ନେ କାଜି ପୁରାଅଃ ନାଗେନ୍ତେ ନେ ସବେନାଃ ହବାକାନା, ୨୩ “ମିଆଁଦ୍ ଡିଣ୍ଡାକୁଡ଼ି ହାମ୍‌ଲାରୋଝା ହବାଅଆଏ ଆତଃ କଡ଼ାହନ୍ ଜାନାମ୍‌ୟାଏ, ଆତଃ ହଡ଼କ ଇନିଃକେ ଇମ୍ମାନୁୟେଲ୍” ମେନ୍ତେକ ନୁତୁମ୍‌ୟା, ଏନାରେୟାଃ ମୁଣ୍ଡିଦ୍, “ପାର୍‌ମେଶ୍‌ବାର୍ ଆବୁଲଃଚିୟା ।”

୨୪ ଏନ୍ତେ ଯୋଷେଫ୍ ଦୁଡ଼ମ୍‌ଏତେ ବିରିଦ୍‌କେଦ୍‌ତେ, ପ୍ରାଭୁଆଃ ଦୁଁଡ଼ ଆରୁକାଇ ଲେକା ଆୟାଃ କୁଡ଼ି ମାରିୟାମ୍‌କେ ଅଡ଼ାଃତେ ଇଦିକିୟା । ୨୫ ✨ମେନ୍‌ଦ ଇନିଃ ମୁଡ଼କୁଲ୍ କଡ଼ାହନ୍ ଆଉରି ଜାନାମ୍‌ ଜାକେଦ୍ ଯୋଷେଫ୍ ଇନିଃକେ କାଏ ଜୁଟିଦ୍‌କିୟା । ଆତଃ ଯୋଷେଫ୍ ଏନ୍ ହନ୍‌କେ ଯୀଶୁ ମେନ୍ତେ ନୁତୁମ୍‌କିଆ ।

✨ ୧:୧୮ ୧:୧୮ ଲୁକା ୧:୨୭. ✨ ୧:୨୧ ୧:୨୧ ଲୁକା ୧:୩୧. † ୧:୨୧ ୧:୨୧ ଲୁକା ୧:୩୧ ✨ ୧:୨୫ ୧:୨୫ ଲୁକା ୨:୨୧.

୨

ସିଙ୍ଗିତୁରସ୍ୟାସରେନ୍ ପାଣ୍ଡିତକ ଯାଶୁକେ ନେନେଲ୍ନାଙ୍ଗକ ହିଜୁଃତାନା

୧ ହେରୋଦ୍ ରାଜାରାଃ ଦିପିଲିରେ ଯିହୁଦା ଦିଶୁମ୍ରେୟାଃ ବେଥଲେହେମ୍ ସାହାରରେ ଯାଶୁ ଜାନାମ୍‌ୟାନ୍ ତାୟମ୍‌ତେ, ସିଙ୍ଗିତୁରସ୍ୟାସରେନ୍ ଚିମିନ୍ ପାଣ୍ଡିତକ* ଯାରୁଶାଲେମ୍‌ତେକ ହିଜୁଃୟାନା, ୨ ଆତଃ କୁଲିକେଦାଃକ, “ଯିହୁଦୀକଆଃ ରାଜା ହବାଅଃନିଃ ଜାନାମାକାନ୍ ହନ୍ ଅକ୍ତାଃରିୟା ? ଆଲେଦ ସିଙ୍ଗିତୁରସ୍ୟାସରେ ଇନିୟାଃ ଇପିଲିକେ ନେଲ୍‌କେଦ୍‌ତେ ଇନିଃକେ ଜହାରି ନାଗେନ୍ତେଲେ ହିଜୁଃକାନା ।”

୩ ନେଆଁ ଆୟୁମ୍‌କେଦ୍‌ତେ ହେରୋଦ୍ ରାଜା ଆତଃ ଇନିଃଲଃ ଗଟା ଯାରୁଶାଲେମ୍‌ରେନ୍‌କ ଆକ୍‌ବାକାଅୟାନା । ୪ ଆତଃ ଇନିଃ ହଡକଆଃ ସବେନ୍ ମୁଲ୍ ଯାଜାକ୍‌କ ଆତଃ ଆଇନ୍ ଇଡୁକକେ ହାକାଅ ହୁଣ୍ଡିକେଦ୍‌ତେ “ମାସି ଚାଏ ଶ୍ରୀଷ୍ଟ, ଅକ୍ତାଃରେ ଜାନାମଃଆ ?” ମେନ୍ତେ କୁଲିକେଦ୍‌କଆ ।

୫ ଇନ୍କୁ ଇନିଃକେ କାଜିରୁହାଡ଼କିୟାକ, “ଯିହୁଦା ଦିଶୁମ୍ରେୟାଃ ବେଥଲେହେମ୍ ସାହାରରେ,” ଚିୟାଃଚି ନେଆଁକେଦ୍ ନାବୀ ନେ'ଲେକାଏ ଅଲ୍‌କାଦା,

୬ “ରେ ଯିହୁଦା ଦିଶୁମ୍ରେୟାଃ ବେଥଲେହେମ୍,

ଆମ୍ ଯିହୁଦାରେୟାଃ ମାରାଙ୍ଗ ନାଗାର୍‌କଏତେ

ଜେତାଲେକାତେ କାମ୍ ହୁଡିଙ୍ଗ୍‌ୟାଁ,

ଚିୟାଃଚି ଆମେତେଦ ମିଆଁଦ୍ ଆଗୁଆଇ ଅତଙ୍ଗ୍‌ଅଃଆଏ,

ଇନିଃ ଆଇଁୟାଃ ଇସ୍ରାଏଲ୍ ହଡକକେ ହରକଆ ।”

୭ ଏନ୍ତେ ହେରୋଦ୍, ଏନ୍ ସିଙ୍ଗିତୁରସ୍ୟାସରେନ୍ ପାଣ୍ଡିତକକେ ଦାନାଙ୍ଗ୍‌ତେ ହାକାଅକେଦ୍‌କଆ, ଆତଃ ଏନ୍ ଇପିଲି ଚିମ୍‌ତାଏ ନେଲଃୟାନା, ଏନା ଇନ୍କୁତାଃଏତେ ବୁଗିଲେକାଏ ସାରିନାମ୍‌କେଦା । ୮ ଏନ୍ତେ ଇନିଃ ଇନ୍କୁକେ ବେଥଲେହେମ୍‌ତେ କୁଲ୍‌କେଦ୍‌ତେ ମେତାଦ୍‌କଆ, “ସେନଃପେ ଆତଃ ବୁଗିଲେକାତେ ଏନ୍ ବାଲେଃହନ୍‌କେ ଦାଶାଁଇପେ ଆତଃ ଇନିଃକେ ନାମ୍‌କିଃରେ

* ୨:୧ ୨:୧ ନିକ୍ତୁଦ ସିମ୍‌ରେନ୍ ଇପିଲିକକେ ପାଢ଼ାଅକେଦ୍‌ତେ ସାରିଉରୁମ୍‌କ ତାଇକେନା

ଉଦ୍‌ବାଇଙ୍ଗ୍‌ପେ, ଏନ୍ତେ ଆଇଙ୍ଗ୍‌ହ୍ ସେନ୍‌କେଦ୍‌ତେ ଇନିଃକେ ଜହାରିୟାଈଙ୍ଗ୍ ।”

^୯ ଇନକୁ ରାଜାରାଃ କାଜି ଆୟୁମ୍‌କେଦ୍‌ତେ ଆକଆଃ ହରାରେ ସେନଃୟାନାକ ଆଡଃ ନେଲେପେ, ଇନକୁ ସିଙ୍ଗିତୁରଃସାଃରେ ନେଲାକାଇ ଏନ୍ ଇପିଲ୍‌କେଗି ନେଲ୍‌କିଃତେ ପୁରାଃ ରାସ୍‌କାୟାନାକ । ଏନ୍ ଇପିଲ୍, ଏନ୍ ହନ୍ ତାଇକେନ୍ ଠାୟାଦ୍‌ତେ ଆଉରି ସେଟେର୍ ଜାକେଦ୍ ଇନକୁକେ ଆୟାର୍ ଇଦିକତାନ୍ ତାଇକେନା, ଏନ୍ତେ ଏନ୍ ଠାୟାଦ୍‌ତେ ସେଟେର୍‌ୟାନ୍‌ତି, ଏନ୍ ଇପିଲ୍ ଏନ୍ତାଃରେ ଆଟ୍‌କାୟାନା । ^{୧୦} ଇନକୁ ଏନ୍ ଇପିଲ୍‌କେ ନେଲ୍‌କିଃତେ ପୁରାଃଗିକ ରାସ୍‌କାୟାନା । ^{୧୧} ଆଡଃ ଇନକୁ ଅଡଃତେ ବଲ୍‌ୟାନ୍‌ତି ହନ୍‌କେ ଆୟାଃ ଏଙ୍ଗାତେ ମାରିୟାମ୍‌ଲଃ ନେଲ୍‌କିୟାକ ଆଡଃ ଇନକୁ ଇକ୍‌ଡ୍‌ମୁକେଦ୍‌ତେ ଇନିଃକେକ ଜହାରିକିୟା ଏନ୍ତେ ଆକଆଃ ପଟ୍‌ମ୍‌କେ ରାଡ଼ାକେଦ୍‌ତେ ସୋନା, କୁମ୍‌ରୁ ଆଡଃ ବୁଗିନ୍ ସହାନ୍‌ସୁନ୍‌ମ୍ ଦାନ୍‌କ ଏମ୍‌କିୟା ।

^{୧୨} ଏନ୍ତେ ହେରୋଦ୍‌ତାଃତେ ଆଲ୍‌ପେ ସେନ୍‌ରୁହାଡ଼ାଃ ମେନ୍ତେ ପାର୍‌ମେଶ୍‌ବାରଆଃ ଆନାରୁ କୁମ୍‌ରେ ନାମ୍‌ୟାନ୍‌ତି, ଇନକୁ ଏଟାଃ ହରାତେ ଆକଆଃ ଦିଶ୍‌ମ୍‌ତେକ ସେନଃରୁହାଡ଼ାୟାନା ।

ଯୋଷେଫ୍ ଆଡଃ ମାରିୟାମ୍ ହନ୍‌କେ ମିସାର୍‌ତେକିନ୍ ଇଦିତାନା

^{୧୩} ଇନକୁ ସେନଃୟାନ୍ ତାୟମ୍‌ତେ, ପ୍ରାଭୁଆଃ ମିଆଁଦ୍ ଦୁଁଡ୍ ଯୋଷେଫ୍‌ତାଃତେ କୁମ୍‌ରେ ହିଜୁଃୟାନା ଆଡଃ କାଜିକିୟାଏ, “ହେରୋଦ୍, ହନ୍‌ତାମାଃକେ ଗଏଃନାଙ୍ଗ୍ ଦାଣ୍ଡାତାନାଏ, ଏନାତେ ମାର୍ ବିରିଦ୍‌ମେ, ହନ୍ ଆଡଃ ଆୟାଃ ଏଙ୍ଗାତେକେ ମିସାର୍ ଦିଶ୍‌ମ୍‌ତେ ଇଦିକିନ୍‌ମେ ଆଡଃ ଆଉରିଙ୍ଗ୍ ଉଦ୍‌ବାମେ ଜାକେଦ୍ ଏନ୍ତାଃରେ ତାଇନ୍‌ମେ ।”

^{୧୪} ଯୋଷେଫ୍ ବିରିଦ୍‌କେଦ୍‌ତେ ଏନ୍ ନିଦାରେଗି ହନ୍ ଆଡଃ ଇନିୟାଃ ଏଙ୍ଗାତେକେ ମିସାର୍ ଦିଶ୍‌ମ୍‌ତେ ଇଦିକେଦ୍‌କିନା ।

^{୧୫} ହେରୋଦ୍ ଆଉରି ଗଜଃ ଜାକେଦ୍ ଏନ୍ତାଃରେଗି ତାଇନ୍‌ୟାନା । “ଆଇଙ୍ଗ୍ ମିସାର୍ ଦିଶ୍‌ମ୍‌ହେତେ ହନିଙ୍ଗ୍‌କଡ଼ାକେଇଙ୍ଗ୍ କେଡ଼ାଆଉକିୟା” ମେନ୍ତେ ନାବୀତେ କାଜିକାଦ୍ ପ୍ରାଭୁଆଃ କାଜି ନେ ଲେକାତେ ପୁରାୟାନା ।

ସିଟିଆ ହନ୍‌କକେ ଗଗଏଃ

୧୭ ହେରୋଦ୍ ରାଜା, ସିଙ୍ଗିତୁରଃସାଃରେନ୍ ପାଣ୍ଡିତ୍ ହତ୍ତକ
 ବେଦାକେଦିୟା ମେନ୍ତେ ଆଚ୍‌କାରକେଦ୍‌ତି, ପୁରାଃଗି ଖୁସ୍‌ୟାନା
 ଆତଃ ପାଣ୍ଡିତ୍‌କକେ କୁଲିକେଦ୍‌ତେ ଅକ୍‌ନାଃ ସାରିକାଦ୍
 ତାଇକେନାଏ, ଏନ୍ ଲେକାଗି ବେଥ୍‌ଲେହେମ୍‌ରେନ୍ ଆତଃ
 ଏନାରେୟାଃ ହପ୍‌ରଜାପାଃରେନ୍ ହନ୍‌କ, ଅକନ୍‌କତି ବାବାର୍
 ସିର୍ମାରେନ୍ ଆତଃ ଏନାଏତେ ହୁପ୍‌ତିଙ୍ ସବେନ୍ କଡ଼ାହନ୍‌କକେ
 ଗଏଃନାଙ୍ ଆଚୁକେଦ୍‌କଆଏ ।

୧୭ ନେ ଲେକାତେ ଯିରିମିୟ ନାବୀ କାଜିଲେଦ୍ କାଜି ପୁରାୟାନା,
 ୧୮ “ରମା ସାହାରରେ ହାୟ ହାୟରେୟାଃ ରାଆଃ
 ଆତଃ ପୁରାଃ କୁସୁଦ୍ କୁସୁଦ୍ ରାଆଃ ଆୟୁମ୍‌ୟାନା,
 ରାହେଲ୍ ଆୟାଃ ହନ୍‌କ ନାଗେନ୍ତେ କୁସୁଦ୍ କୁସୁଦ୍ ରାଆଃ କେଦାଏ;
 ଇନିଃ ଜାଉରାଡ୍‌ଡେନ୍ କାଏ ସାନାଙ୍‌ତାନ୍ ତାଇକେନା,
 ଚିୟାଃଚି ଆୟାଃ ସବେନ୍ ହନ୍‌କ ଗଏଃୟାନାକ ।”

ଯୋଷେଫ୍ ଆତଃ ମାରିୟାମ୍ ମିସାରହେତେ ରୁହାଡ୍‌ୟାନାକିନ୍

୧୯ ହେରୋଦ୍ ଗଏଃୟାନ୍ ତାୟମ୍‌ତେ, ପ୍ରାଭୁଆଃ ମିଆଁଦ୍ ଦୁଁଡ୍
 ମିସାର୍ ଦିଶ୍‌ମ୍‌ରେ ଯୋଷେଫ୍‌ତାଃରେ କୁମ୍‌ରେ ଉଦୁବେନ୍‌ୟାନ୍‌ଲଃ
 କାଜିକିୟାଏ, ୨୦ “ବିରିଦ୍‌ମେ, ହନ୍ ଆତଃ ଇନିୟାଃ ଏଙ୍‌ପାତେକେ
 ଇସ୍ରାଏଲ୍ ଦିଶ୍‌ମ୍‌ତେ ସୁତୁଃଇଦିକିନ୍‌ମେ, ଚିୟାଃଚି ହନ୍‌ରାଃ ଜାଉ
 ଇଦି ନାଙ୍ ସାନାଙ୍ ତାଇକେନ୍ ହତ୍ତକଦ୍ ଗଏଃୟାନାକ ।” ୨୧ ଏନ୍ତେ
 ଯୋଷେଫ୍ ବିରିଦ୍‌କେଦ୍‌ତେ ହନ୍ ଆତଃ ଇନିୟାଃ ଏଙ୍‌ପାତେକେ
 ଇସ୍ରାଏଲ୍ ଦିଶ୍‌ମ୍‌ତେ ସୁତୁଃରୁହାଡ୍‌କେଦ୍‌କିନାଏ ।

୨୨ ମେନ୍‌ଦ୍ ଆଖି ଲିୟସ୍ ଆୟାଃ ଆପୁତେ ହେରୋଦ୍‌ଆଃ
 ଠାୟାଦ୍‌ରେ ଯିହୁଦା ଦିଶ୍‌ମ୍‌ରେ ରାଜାକାନା ମେନ୍ତେ ଆୟୁମ୍‌କେଦ୍‌ତେ,
 ଇନିଃ ଗାଲିଲ୍‌ତେ ସେନ୍‌ନାଙ୍ ବରକେଦାଏ । ୨୩ ☆ଆତଃ କୁମ୍‌ରେ
 ପାରମେଶ୍‌ବାର୍ ଆଚୁକାଦ୍ ଲେକା ଗାଲିଲ୍ ଦିଶ୍‌ମ୍‌ରାଃ ନାଜ୍‌ରେଡ୍
 ସାହାରତେ ସେନଃୟାନା । ଆତଃ “ଇନିଃ ନାଜ୍‌ରେଡ୍‌ରେନ୍ ମେନ୍ତେ
 ନୁତୁମ୍‌ଆ ।” ମେନ୍ତେ କାଜିକାନ୍ ନାବୀକଆଃ କାଜି ନେ ଲେକାତେ
 ପୁରାୟାନା ।

☆ ୨:୨୩ ୨:୨୩ ମାର୍ଚ୍ଚ ୧:୨୪; ଲୁକ ୨:୩୯; ଯୋହାନ୍ ୧:୪୫.

୩

ବାପ୍ତିସ୍ମା ଏମଃନିଃ ଯୋହାନ୍‌ରାଃ ଇନିତୁ

(ମାର୍କ ୧:୧-୮; ଲୁକା ୩:୧-୯, ୧୫-୧୭; ଯୋହାନ୍ ୧:୧୯-୨୮)

୧ ଏନ୍ ଦିପିଲିରେ ବାପ୍ତିସ୍ମା ଏମଃନିଃ ଯୋହାନ୍ ହିଜୁଃୟାନାଏ, ଆଡଃ ଯିହୁଦାରେୟାଃ ବିରରେ ଇନିତୁ କାଜି ଏଟେଦକେଦା, ୨ *“ଆପେୟାଃ ପାପ୍‌ହେତେ ମନ୍‌ରୁହାଡ଼େପେ ଚିୟାଃଚି ସିର୍ମା ରାଜ୍‌ଜନ୍‌ ନାଡ଼େଃରେଗିୟାଃ ।” ୩ ଅକନ୍‌ ହଡ଼ଆଃ ବିଷାଏରେ ଯିଶାୟ ନାବୀ କାଜିକାଦ୍‌ନିଃ ଯୋହାନ୍‌ଗି ତାନିଃ : ଇନିଃ କାଜିକେଦାଏ, “ଜେତାଏ ବିରରେ କାଉରିତାନ୍‌ନିୟାଃ ସାଡ଼ି ଆୟୁମଃତାନା, ‘ପ୍ରାଭୁଆଃ ହରା ବାଇୟେପେ; ଇନିୟାଃ ନାଜ୍‌ ହରା ସିଧାଏପେ ।’”

୪ ଯୋହାନ୍ ଉର୍‌ରାଃ ଉବ୍‌ତେ ବାଇୟାକାନ୍‌ ଲିଜାଃ ତୁସିଜ୍‌ଅଃତାନ୍‌ ତାଇକେନାଏ, ଆୟାଃ ମାୟାଜ୍‌ରେ ଉହୁର୍‌ରାଃ କାସ୍‌ନା ତଲଃ ତାଇକେନାଏ ଆଡଃ ଇନିଃ ସନ୍‌ସରେଦ୍‌ ଆଡଃ ହୁରୁମ୍‌ସୁକୁ ଜମ୍‌କତାନ୍‌ ତାଇକେନାଏ । ୫ ଯାରୁଶାଲେମ୍‌ରେନ୍‌କ, ଗଟା ଯିହୁଦାରେନ୍‌କ ଆଡଃ ଯାର୍ଦାନ୍‌ ନାହ୍‌ରାଃ ସବେନ୍‌ ହପର୍‌ଜାପାଃରେନ୍‌ ହଡ଼କ ଇନିଃତାଃତେକ ହିଜୁଃୟାନା । ୬ ଆଡଃ ଇନ୍‌କୁ ଆକଆଃ ପାପ୍‌କ ପାଡ଼ିୟାରକେଦା, ଏନ୍ତେ ଇନିଃ ଯାର୍ଦାନ୍‌ ନାହ୍‌ରେ ଇନ୍‌କୁକେ ବାପ୍ତିସ୍ମାକେଦକଆ ।

୭ *ମେନ୍‌ଦ ଯୋହାନ୍ ପୁରାଃ ଫାରୁଶୀକ ଆଡଃ ସାଦୁକିକ ଆୟାଃତାଃତେ ବାପ୍ତିସ୍ମା ନାମେ ନାଗେନ୍ତେ ହିଜୁଃତାନାଏ ନେଲ୍‌କେଦକଚି ଇନ୍‌କୁକେ ମେତାଦକଆ, “ଏ ବିଜ୍‌କଆଃ ହନ୍‌କ !” ହିଜୁଃତାନ୍‌ ମାରାଜ୍‌ ଏନେସେଦ୍‌ଏତେ* ନିର୍ ନାଗେନ୍ତେ ଅକଏ ଆପେକେ ଚେତାଝାଦ୍‌ପେୟାଏ ? ୮ ଆପେ ସାର୍‌ତିଗି ପାପ୍‌ଏତେ ହେୟାତିଜ୍‌କାଦ୍‌ରେଦ ଆପେୟାଃ ବୁଗିନ୍‌ କାମିତେ ଉଦୁବେନ୍‌ପେ । ୯ *ଆଡଃ ଆବ୍ରାହାମ୍‌ ଆଲେୟାଃ ଆପୁ ତାନିଃ ମେନ୍ତେ ଆପେ ଡିଡ଼ିକେଦତେ କାଜିତାନ୍‌ଲଃ ନେ ସାଜାଇଏତେ ବାଞ୍ଛାଝାଃଲେ

* ୩:୨ ୩:୨ ମାଥୁରା ୪:୧୭; ମାର୍କ ୧:୧୫. * ୩:୭ ୩:୭ ମାଥୁରା ୧୨:୩୪; ୨୩:୩୩.

* ୩:୭ ୩:୭ ଏନେସେଦ୍‌ଏତେଖ୍‌ସ୍‌ଏତେ * ୩:୯ ୩:୯ ଯୋହାନ୍ ୮:୩୩.

ମେନ୍ତେ ଆଲ୍‌ପେ ଉଡ଼ୁୟା । ଚିୟାଃତି ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ପାର୍‌ମେଶ୍ୱାର୍‌ଦ ନେ ଦିରିକଏତେ ଆବ୍ରାହାମ୍ ନାଗେନ୍ତେ ହନକଏ ବାଇଦାଡ଼ିୟା ! ^{୧୦} ✨ଆତଃ ନାହାଁଃ ଦାରୁରେୟାଃ ବୁଟାରେ ହାକେ ମାଣ୍ଡାଞ୍ଜା କାନା; ଅକନ୍ ଦାରୁ ବୁଗିନ୍ ଜ କା ଜଅଃଆ ଏନାକେ ମାଗଃଆ ଆତଃ ସେଙ୍ଗେଲ୍‌ରେ ହୁରାଙ୍ଗ୍‌ଅଃଆ ।

^{୧୧} “ଆଇଙ୍ଗ୍‌ଦ ଆପେୟାଃ ହେୟାଡ଼ିଙ୍ଗ୍ ନାଗେନ୍ତେ ଦାଆଃତେ ବାପ୍ତିସ୍ତାପେ ତାନାଇଙ୍ଗ୍ ମେନ୍‌ଦ ଆଇଁୟାଃ ତାୟମ୍‌ତେ ଆଇଙ୍ଗ୍‌ଏତେ ପେଡ଼େୟାନ୍‌ନିଃ ହିନ୍ତୁଃତାନାଏ; ଇନିୟାଃ ଖାର୍‌ପା ଗଅଃଇଦି ଲେକାନିଃହ ଆଇଙ୍ଗ୍ ନାହାଁଲିଙ୍ଗ୍ । ଇନିଃ ଆପେକେ ପାବିତାର୍ ଆମ୍‌ ଆତଃ ସେଙ୍ଗେଲ୍‌ତେ ବାପ୍ତିସ୍ତାପେୟା । ^{୧୨} ଆୟାଃ ତିଃଇରେ ହାଟାଆଃ ମେନାଃ, ଏନାତେ କଲ୍‌ମରେୟାଃ ଗହମ୍ ଆତଃ ବାବା ଗୁମ୍ ସାଫାକେଦ୍‌ତେ ଆୟାଃ ଭାଣ୍ଡାର୍ ଅଡ଼ାଃରେ ମାଣ୍ଡାୟା ଆତଃ ପେଟେଃକେ କା ଇଶ୍‌ ଜଃ ସେଙ୍ଗେଲ୍‌ରେ ଅଣ୍ଡୁର୍‌ଏଣ୍ଡାଗେୟା ।”

ୟାଣ୍ଡୁ ବାପ୍ତିସ୍ତାୟାନାଏ

(ମାର୍କ ୧:୯-୧୧; ଲୁକ ୩:୨୧-୨୨)

^{୧୩} ଏନ୍ ଦିପିଲିରେ ଯାଣ୍ଡୁ ଯୋହାନ୍‌ତେ ବାପ୍ତିସ୍ତା ଇଦି ନାଗେନ୍ତେ ଗାଲିଲ୍‌ଏତେ ଯାଦାନ୍ ନାହାଁତେ ହିନ୍ତୁଃୟାନାଏ । ^{୧୪} ମେନ୍‌ଦ ଯୋହାନ୍ ଇନିଃକେ ମାନାତାନ୍‌ଲଃ କାଜିକିୟାଏ, “ଆଇଙ୍ଗ୍‌କେ ଆମାଃଏତେ ବାପ୍ତିସ୍ତା ଇଦି ଲାଗାଡ଼ିଙ୍ଗ୍‌ୟାଃ, ଏନ୍‌ରେହଗି ଆମ୍ ଆଇଙ୍ଗ୍‌ତାଃତେମ୍ ହିନ୍ତୁଆକାନା !”

^{୧୫} ମେନ୍‌ଦ ଯାଣ୍ଡୁ ଇନିଃକେ କାଜିରୁହାଡ଼କିୟାଏ, “ନାହାଁଃ ନେଆଁରେ ମାନାଡ଼ିଙ୍ଗ୍‌ୟାଃମେ, ଚିୟାଃତି ନେ ଲେକାତେ ଆବୁ ପାର୍‌ମେଶ୍ୱାର୍‌ଆଃ ସବେନ୍ ଧାର୍‌ମାନ୍ କାଜି ପୁରାନାଙ୍ଗ୍ ଆବୁକେ ରିକା ଲାଗାଡ଼ିଙ୍ଗ୍‌ୟାଃ ।” ଏନ୍ତେ ଯୋହାନ୍ ଇନିୟାଃ କାଜିକେ ମାନାଡ଼ିଙ୍ଗ୍‌କେଦାଏ ।

^{୧୬} ଯାଣ୍ଡୁ ବାପ୍ତିସ୍ତାୟାନ୍ ତର୍‌ସା ଦାଆଃଏତେ ଅତଙ୍ଗ୍‌ୟାନା । ଏନ୍ତେ ଇନିଃ ନାଗେନ୍ତେ ସିମା ନିଜ୍‌ୟାନା ଆତଃ ଇନିଃରେ ପାର୍‌ମେଶ୍ୱାର୍‌ଆଃ ଆମ୍ ଦୁଦୁମ୍‌ଲ୍ ଲେକା ଆଡ଼ଗୁଃତାନ୍‌ତେୟାଃ ଯୋହାନ୍ ନେଲ୍‌କିୟାଏ

। ୧୭ ☆ଆତ୍ମ ସିର୍ମାଏତେ ନେ'ଲେକା କାଜି ଆୟୁମ୍‌ୟାନା, “ନିଃଗି ଆଇଁୟାଃ ଦୁଲ୍ଲାଡ୍ ହନ୍ ତାନିଃ, ନିଃତାଃରେ ଆଇଁୟାଃ ପୁରାଃଗି ସୁକୁ ।”

୪

ୟୀଶୁଆଃ ବିନିତାଅ

(ମାର୍କ ୧:୧୨-୧୩; ଲୁକ ୪:୧-୧୩)

୧ ☆ଏନ୍ତେ ପାବିତାର୍ ଆମ୍ ଦୟୀଶୁକେ ବିରତେ ଇଦିକିୟା, ଏନ୍ତାଃରେ ସାଏତାନ୍ ଇନିଃକେ ବିଡାଅକିୟା । ୨ ବାର୍‌ହିସି ନିଦାସିଙ୍ଗି ରେଙ୍ଗେଃ କାଟାବ୍‌କେଦ୍ ତାୟମତେ ଯୀଶୁକେ ରେଙ୍ଗେଦ୍‌କିୟାଃ । ୩ ଏନ୍ତେ ସାଏତାନ୍ ଇନିଃତାଃରେ ହିଜୁଃୟାନା ଆତ୍ମ କାଜିକିୟାଏ, “ଆମ୍ ପାର୍‌ମେଶ୍ୱାର୍‌ଆଃ ହନ୍ ତାନ୍‌ମେରେଦ୍, ନେ ଦିରିକକେ ହଲ୍‌ଇଁ ବାଇୟାଃକା ମେନ୍ତେ ଆରୁତାମ୍ ।”

୪ ମେନ୍‌ଦ୍ ଯୀଶୁ ଇନିଃକେ କାଜିରୁହାଡ୍‌କିୟା, “ଧାରାମ୍‌ପୁଥ୍‌ରେ ଅଲ୍‌କାନା, ‘ହଡ୍ ହଲ୍‌ଇଁତେ ଏସ୍‌କାର୍ କା ମେନ୍‌ଦ୍ ପାର୍‌ମେଶ୍ୱାର୍‌ଆଃ ମତାଏତେ ଅତଙ୍ଗ୍‌ଅଃତାନ୍ ସବେନ୍ କାଜିତେ ଜାହିଦଃଆ ।’”

୫ ଏନ୍ତେ ସାଏତାନ୍ ଯୀଶୁକେ ଯୀରୁଶାଲେମ୍ ଏନ୍ ପାବିତାର୍ ନାଗାର୍‌ତେ ଇଦିକିଃତେ ମାନ୍‌ଦିର୍ ଅତାଃରେୟାଃ ରୁଟିରେ ତିଙ୍ଗୁକିୟା, ୬ ଆତ୍ମ କାଜିକିୟାଏ, “ଆମ୍ ପାର୍‌ମେଶ୍ୱାର୍‌ଆଃ ହନ୍ ତାନ୍‌ମେରେଦ୍ ନେତାଃଏତେ ଲାତାର୍‌ତେ ତେଗାଅତାମେ, ଚିୟାଃତି ଧାରାମ୍‌ପୁଥ୍‌ରେ ଅଲ୍‌କାନା,

“ପାର୍‌ମେଶ୍ୱାର୍ ଆୟାଃ ଦୁଁଡ୍‌କକେ ଆରୁକଆ;

ଆତ୍ମ ଆମାଃ କାଟା ଦିରିରେ ଆଲକା ଠଗଃକା
ମେନ୍ତେ ଇନ୍‌କୁ ଆକଆଃ ତିଃଇତେକ ତେଲାମେୟାଁ ।”

୭ ଯୀଶୁ ଇନିଃକେ କାଜିରୁହାଡ୍‌କିୟାଏ, “ଧାରାମ୍‌ପୁଥ୍‌ରେ ନେଆଁହିଗି ଅଲ୍‌କାନା, ‘ପ୍ରାଭୁ ଆମାଃ ପାର୍‌ମେଶ୍ୱାର୍‌କେ ଆଲମ୍ ବିଡାଅଇୟା ।’”

୮ ଏନ୍ତେ ସାଏତାନ୍ ଯୀଶୁକେ ମିଆଁଦ୍ ସାଲାଙ୍ଗି ବୁରୁତେ ଇଦିକିଃତେ ଅତେଦିଶୁମ୍‌ରେୟାଃ ସବେନ୍ ରାଇଜ୍ ଆତ୍ମ

☆ ୩:୧୭ ମାଥୁର ୧୨:୧୮; ୧୭:୫; ମାର୍କ ୧:୧୧; ଲୁକ ୯:୩୫. ☆ ୪:୧ ୪:୧ ଏନ୍ତା ୨:୧୮; ୪:୧୫.

ଏନାରେୟାଃ ସୁଗାଡ଼ାନତେୟାଃକ ଉଦୁବ୍‌କିୟାଏ ।^୯ ଆତଃ ସାଏତାନ୍
ୟୀଶୁକେ କାଜିକିୟାଏ, “ଆମ୍ ଆଇଙ୍ଗକେ ଇକ୍‌ଡ଼ମ୍‌କେଦତେ
ଜହାରିଙ୍ଗରେଦମ୍ ନେ ସବେନାଃଇଙ୍ଗ ଏମାମେୟା ।”

^{୧୦} ଏନ୍ତେ ଯୀଶୁ ଇନିଃକେ କାଜିକିୟାଏ, “ଆତମେନ୍‌ମେ
ସାଏତାନ୍, ଚିୟାଃଚି ନେଆଁ ଧାରାମ୍‌ପୁଅରେ ଅଲୀକାନା, ‘ପ୍ରାଭୁ
ଆମାଃ ପାରମେଶ୍ଵାରକେ ଜହାରିମେ ଆତଃ ଇନିଃକେ ଏସ୍‌କାର୍
ସୁସାରିମେ ।’”

^{୧୧} ଏନ୍ତେ ସାଏତାନ୍ ଯୀଶୁକେ ବାଗିକେଦତେ ନିରୁୟାନା ଆତଃ
ଦୁଁଡକ ହିନ୍ତୁଃକେଦତେ ଇନିଃକେ ସୁସାର୍ ଏଟେଦ୍‌କିୟାକ ।

ଗାଲିଲ୍‌ରେ ଯୀଶୁଆଃ କାଜିକାମି ଏନେଟେଦ୍

(ମାର୍କ ୧:୧୪-୧୫; ଲୁକ ୪:୧୪-୧୫)

^{୧୨} ✧ଯୋହାନ୍ ଜେହେଲ୍‌ୟାନାଏ ମେନ୍ତେ ଯୀଶୁ ଆୟୁମ୍‌କେଦତେ
ଗାଲିଲ୍ ସାହାରତେ ସେନଃୟାନା ।^{୧୩} ✧ନାଜରେଡ୍ ବାଗିକେଦତେ
ସବ୍‌ଲୁନ୍ ଆତଃ ନପ୍ତାଲି ସିମ୍‌ନାରାଃ ଗାଲିଲ୍ ଦରେୟା ହେପାଦ୍‌ରାଃ
କପର୍‌ନାହୁମ୍ ସାହାରତେ ସେନ୍‌କେଦତେ ତାଇନ୍‌ୟାନାଏ ।

^{୧୪} ନେଆଁତେ ଯିଶାୟ ନାବୀ କାଜିକାଦ୍ କାଜି ପୁରାୟାନା,

^{୧୫} “ସବ୍‌ଲୁନ୍ ଦିଶୁମ୍ ଆତଃ ନପ୍ତାଲି ଦିଶୁମ୍,

ଦରେୟା ହେପାଦ୍‌ରାଃ ଯାଦାନ୍ ଗାଡ଼ା ହାନ୍ ପାରମ୍‌ରେ

ସାଅଁସାରକଆଃ ଗାଲିଲ୍ ଦିଶୁମ୍,

^{୧୬} ନୁବାଃରେ ତାଇନ୍‌କାନ୍ ହଡକ

ମାରାଙ୍ଗ୍ ମାର୍ସାଲ୍‌କ ନେଲେୟା

ଆତଃ ଗନଏଃରେୟାଃ ଉମ୍‌ଲୁରେ ତାଇନ୍‌କାନ୍ ହଡକ ନାଙ୍ଗ୍

ମାର୍ସାଲ୍ ତୁରଃଆ ।”

^{୧୭} ✧ଏନ୍ ଦିପିଲିଏତେ ଯୀଶୁ ଇତ୍ତୁ ଏଟେଦ୍‌କେଦତେ କାଜିକେଦା,
“ଆପେୟାଃ ପାପ୍‌ହେତେ ମନ୍‌ରୁହାଡେପେ ଚିୟାଃଚି ସିମ୍‌ନା ରାଇଜ୍‌ଦ
ନାଡେଃରେଗିୟାଃ ।”

✧ ୪:୧୨ ୪:୧୨ ମାଥୂର ୧୪:୩; ମାର୍କ ୬:୧୭; ଲୁକ ୩:୧୯, ୨୦. ✧ ୪:୧୩ ୪:୧୩ ଯୋହାନ୍
୨:୧୨. ✧ ୪:୧୭ ୪:୧୭ ମାଥୂର ୩:୨.

ୟୀଶୁ ଉପୁନିୟା* କେଉଁଠିକେ କେଡ଼ାକତାନା

(ମାର୍କ ୧:୧୭-୨୦; ଲୁକ ୫:୧-୧୧)

୧୮ ୟୀଶୁ ଗାଲିଲ୍ ଦରେୟା ଗେନାଗେନାତେ ସେନଃତାନ୍ ଇମ୍ତା, ପାଡ଼ରାସ୍ ନୁତୁମଃତାନ୍ ଶିମୋନ୍ ଆତଃ ଆୟାଃ ହାଗାତେ ଆହିୟ, ଏନ୍ ବାରାନ୍ ହାଗିୟାକିନ୍‌କେ ଦରେୟାରେ ଜାଲୋମ୍ ହୁଦମାକେଦ୍‌ତେ ହାକୁ ସାବ୍‌ତାନ୍ ନେଲ୍‌କେଦ୍‌କିନାଏ, ଚିୟାଃଚି ଇନ୍‌କିନ୍‌ଦ କେଉଁଠିକିନ୍ ତାଇକେନା । ୧୯ ୟୀଶୁ ଇନ୍‌କିନ୍‌କେ କାଜିୟାଦ୍‌କିନା, “ଦେଲା ଆଇଙ୍ଗ୍‌କେ ଅତଙ୍ଗ୍‌ଇଙ୍ଗ୍‌ବେନ୍, ଆଇଙ୍ଗ୍ ଆବେନ୍‌କେ ହଡ଼କକେ ପାର୍‌ମେଶ୍ୱାର୍‌ତାଃତେ ଆଉତେୟାଃ ଇତୁବେନାଇଙ୍ଗ୍ ।” ୨୦ ଏନ୍ତେ ଇନ୍‌କିନ୍ ଇମ୍ତାଙ୍ଗ୍‌ଗି ଜାଲୋମ୍ ବାଗିକେଦ୍‌ତେ ୟୀଶୁକେ ଅତଙ୍ଗ୍‌କିୟାକିନ୍ ।

୨୧ ୟୀଶୁ ଏନ୍ତାଃଏତେ କାଟିଃସାଙ୍ଗିନ୍ ଆୟୁର୍‌ତେ ସେନ୍‌କେଦ୍‌ତେ ଏଟାଃ ବାର୍‌ହଡ଼୍ ହାଗିୟାକିନ୍, ଜେବଦୀୟାଃ ହନ୍ ଯାକୁବ୍ ଆତଃ ଆୟାଃ ହାଗାତେ ଯୋହାନ୍‌କେ ଆକିନାଃ ଆପୁତେ ଜେବଦୀଲଃ ଲାଉକାରେ ଜାଲୋମ୍ ଚାପିତାନ୍ ନେଲ୍‌କେଦ୍‌ତେ ଇନ୍‌କିନ୍‌କେ କେଡ଼ାକେଦ୍‌କିନା । ୨୨ ଏନ୍ତେ ଇନ୍‌କିନ୍ ଇମ୍ତାଙ୍ଗ୍‌ଗି ଲାଉକା ଆତଃ ଆକିନାଃ ଆପୁତେକେ ବାଗିକେଦ୍‌ତେ ୟୀଶୁକେ ଅତଙ୍ଗ୍‌କିୟାକିନ୍ ।

ୟୀଶୁଆଃ ଇନିତୁ, ପ୍ରାଚାର୍, ଆତଃ ପେଡ଼େୟାନ୍ କାମି

(ଲୁକ ୬:୧୭-୧୯)

୨୩ ✧ ୟୀଶୁ ଗଟା ଗାଲିଲ୍ ସେନ୍‌କେଦ୍‌ତେ ଇନ୍‌କୁଆଃ ସାମାଜ୍ ଅତାଃକରେ ଇତୁତାନ୍‌ଲଃ ରାଇଜ୍‌ରେୟାଃ ସୁକୁକାଜି ଉଦୁବକେଦାଏ ଆତଃ ହଡ଼କଆଃ ସବେନ୍ ଦୁକୁ ଆତଃ ସବେନ୍ ହାସୁକ୍‌ଏତେ ବୁଗିକତାନ୍ ତାଇକେନାଏ । ୨୪ ଆତଃ ଇନିୟାଃ ନୁତୁମ୍ ଗଟା ସିରିୟା ଦିଶ୍ୱମ୍ ଜାକେଦ୍ ସେଟେର୍‌ୟାନ୍ ଆତଃ ହଡ଼କ ସବେନ୍ ଲେକାନ୍ ଦୁକୁତାନ୍, ହାସୁତାନ୍‌କକେ ଆତଃ ବଙ୍ଗା ଏସେର୍‌କାନ୍‌କକେ, ମିକ୍ ବେମାର୍‌କକେ, ଆତଃ ବାଡ଼ତାକାନ୍‌କକେ ଇନିଃତାଃତେକ ଆଉକେଦ୍‌କଆ ଆତଃ ଇନିଃ ଇନ୍‌କୁକେ ବୁଗିକେଦ୍‌କଆ । ୨୫ ଆତଃ

* ୪:୧୭ ୪:୧୮ ଗଇର୍ ଝାନ୍ ✧ ୪:୨୩ ୪:୨୩ ମାଥୁର ୯:୩୫; ମାର୍କ ୧:୩୯.

ଗାଲିଲ, ଦେକାପଲ୍ଲୀ†, ଯୀରୁଶାଲେମ୍, ଯିହୁଦା ଆଡ଼଼ ଯାଦୀନ୍ ହାନ୍ ପାରମ୍ଭବେ ଗାଦେଲ୍ ହଡ଼କ ଇନିଃକେକ ଅତଙ୍ଗକିୟା ।

୫

ୟୀଶୁ ବୁରୁ ଚେତାନ୍ରେ ଗାଦେଲ୍ ହଡ଼କକେ ଇଡୁକତାନା
 ୧ ଯୀଶୁ ଗାଦେଲ୍ ହଡ଼କକେ ନେଲ୍କେଦ୍ତେ ବୁରୁତେ
 ରାକାବ୍ଯାନା ଆଡ଼଼ ଇନିଃ ଦୁବାକାନ୍ତାଃ ଆୟାଃ ଚେଲକ
 ହୁଣ୍ଡିବିୟୁରକିୟାକ, ୨ ଆଡ଼଼ ଇନିଃ ହଡ଼କକେ ଇଡୁ ଏଚେଦ୍କେଦ୍ତେ
 ମେତାଦ୍କଆ,

ସାର୍ତି ରାସ୍କା
 (ଲୁକ ୭:୨୦-୨୩)

- ୩ “ଆମ୍ବାରେ ରେଙ୍ଗେଃତାନ୍କ ସୁକୁତାନ୍ଗିୟାଃ;
 ଚିୟାଃଚି ସିର୍ମା ରାଇଜ୍ ଇନ୍କୁଆଃଗି ତାନାଃ !
- ୪ ଏୟମ୍ବେତାନ୍କ ସୁକୁତାନ୍ଗିୟାଃ;
 ଚିୟାଃଚି ପାର୍ମେଶ୍ଵାର୍ ଇନ୍କୁକେ ଜୀଉରାଡ଼େଃକଆ !
- ୫ ଲେବେଃଜୀଉକ ସୁକୁତାନ୍ଗିୟାଃ;
 ଚିୟାଃଚି ପାର୍ମେଶ୍ଵାର୍ ବାନାର୍ସା* ଏମାକାଦ୍ତେୟାଃକ
 ଅତେରେକ ଆକ୍ତେୟାର୍ରେୟା ।
- ୬ ଆପେ ଧାର୍ମାନ୍ ନାଗେନ୍ତେ ରେଙ୍ଗେଃତାନ୍କ, ସୁକୁତାନ୍ ଗିୟାଃପେ;
 ଚିୟାଃଚି ପାର୍ମେଶ୍ଵାର୍ ଆପେକେ ବିୟାଃଗି ଏମାପେୟା !
- ୭ ଦାୟାତାନ୍କ ସୁକୁତାନ୍ଗିୟାଃ;
 ଚିୟାଃଚି ପାର୍ମେଶ୍ଵାର୍ ଇନ୍କୁକେ ଦାୟାକଆ !
- ୮ ମନ୍ରେ ଫାର୍ତିଆକାନ୍କ ସୁକୁତାନ୍ଗିୟାଃ;
 ଚିୟାଃଚି ଇନ୍କୁଦ୍ ପାର୍ମେଶ୍ଵାର୍କେକ ନେଲିୟା !
- ୯ ବାପାଈଚିକ ସୁକୁତାନ୍ଗିୟାଃ;
 ଚିୟାଃଚି ଇନ୍କୁଦ୍ ପାର୍ମେଶ୍ଵାର୍ଆଃ ହନ୍କ ନୁଡୁମଃଆ !
- ୧୦ ☆ଧାର୍ମାନ୍ ନାଗେନ୍ତେ ସାସାତି ନାମ୍ତାନ୍କ ସୁକୁତାନ୍ଗିୟାଃ;
 ଚିୟାଃଚି ସିର୍ମା ରାଇଜ୍ ଇନ୍କୁଆଃଗି ତାନାଃ !

† ୪:୨୫ ୪:୨୫ ଦାଶୁ ସାହାରାଃ ସିମ୍ନା * ୫:୫ ୫:୫ ବାନାର୍ସା କାଜି ଏମ୍କାନା

☆ ୫:୧୦ ୫:୧୦ ୧ ପାଡ଼ରାସ୍ ୩:୧୪.

୧୧ ☆“ଆଇଙ୍ଗ୍ ନାଗେନ୍ତେ ହଡ଼କ ଆପେକେ ନିନ୍ଦାପେୟାକ, ସିଗିଦ୍‌ପେୟାକ, ଆଡ଼ଃ ହସଡ଼ କାଜିତେ ଆପେୟାଃ ବିରୁଧ୍‌ରେ ଏଡ଼କାନ୍ କାଜିକ କାଜିୟାପେରେଦ, ଆପେ ସୁକୁତାନ୍‌ଗିୟାଃ ।
 ୧୨ ☆ଆପେ ପୁରାଃଗି ରାସ୍‌କାଅଃପେ, ଚିୟାଃଗି ସିର୍ମା ଦିଶୁମ୍‌ରେଦ ଆପେୟାଃ ନାଲା ପୁରାଃଗିୟା, ଏନ୍ ଲେକାଗିଦ ଇନ୍‌କୁ ଆପେୟାଃ ସିଦାରେନ୍ ନାବୀକକେ ସିଗିଦ୍‌କେଦ୍‌କଆକ ।

ବୁଲୁଙ୍ଗ୍ ଆଡ଼ଃ ମାର୍ସାଲ୍

(ମାର୍କ ୯:୫୦; ଲୁକ ୧୪:୩୪-୩୫)

୧୩ ☆“ଆପେ ସବେନ୍‌କ ଅତେଦିଶୁମ୍‌ରେନ୍ ହଡ଼କ ନାଗେନ୍ତେ ବୁଲୁଙ୍ଗ୍ ଲେକାଗି ତାନ୍‌ପେ, ମେନ୍‌ଦ ବୁଲୁଙ୍ଗ୍ ସାବାଗଃରେଦ ଏନା ଚିଲ୍‌କାତେ ଆଡ଼ଃମିସା ସିବିଲ୍‌ରୁହାଡ଼ଃଆ ? ଏନା ଆଡ଼ଃ ଜେତାନ୍ କାମିରେ କା ଲାଗାଡ଼ିଙ୍ଗ୍ ଦାଡ଼ିୟାଃଆ ଆଡ଼ଃ ବାହାରିରେ ହୁରାଙ୍ଗ୍ ଏଣ୍ଡାଗଃଆ । ହଡ଼କ ଏନାକେ ଡିକାକେଦ୍‌ତେ ସେନଃଆକ ।

୧୪ ☆“ଆପେ ଅତେଦିଶୁମ୍‌ରେୟାଃ ମାର୍ସାଲ୍ ଲେକାଗି ତାନ୍‌ପେ । ବୁରୁରେ ବାଇକାନ୍ ନାଗାର୍ କା ଉକୁଦାଡ଼ିୟାଃଆ । ୧୫ ☆ଆଡ଼ଃ ହଡ଼କ ଦିମି ଦୁଲ୍‌କେଦ୍‌ତେ ତାଝାଲାତାରରେ କାକ ହାରୁବେୟା ମେନ୍‌ଦ ଦିର୍କାରେକ ଦହୟା, ଆଡ଼ଃ ଅଡ଼ଃରେନ୍ ସବେନ୍‌କକେ ଏନା ମାର୍ସାଲ୍ ଏମାକଆଏ । ୧୬ ☆ଏନ୍ ଲେକାଗି ଆପେୟାଃ ମାର୍ସାଲ୍ ହଡ଼କଆଃ ଆୟାରରେ ମାସ୍ତାଲଃକା, ଏନାତେ ଇନ୍‌କୁ ଆପେୟାଃ ବୁଗିନ୍ କାମି ନେଲ୍‌କେଦ୍‌ତେ ସିର୍ମା ଦିଶୁମ୍‌ରେନ୍ ଆପୁକେକ ମାରାଙ୍ଗ୍‌ଇକା ।

ଆଇନ୍ ବିଷାଏରେ ଇନିଡୁ

୧୭ “ଆଇଙ୍ଗ୍ ମୁଣା ନାବୀ ଏମାକାଦ୍ ଆନ୍‌ରୁ ଆଡ଼ଃ ନାବୀକଆଃ ଇନିଡୁ ଇଣିଂଃ ନାଗେନ୍ତେ ହିଜୁଆକାନାଇଙ୍ଗ୍ ମେନ୍ତେ ଆଲ୍‌ପେ ଆଟ୍‌କାରେୟା, ମେନ୍‌ଦ ଏନା ପୁରାଅଃ ନାଗେନ୍ତେ ହିଜୁଆକାନାଇଙ୍ଗ୍ । ୧୮ ☆ଆଇଙ୍ଗ୍ ସାର୍‌ତିଗି କାଜିତାନାଇଙ୍ଗ୍, ସିର୍ମା ଦିଶୁମ୍ ଆଡ଼ଃ

☆ ୫:୧୧ ୫:୧୧ ୧ ପାଡ଼ରାସ୍ ୪:୧୪. ☆ ୫:୧୨ ୫:୧୨ ପ୍ରେରିଡ଼ ୭:୫୨. ☆ ୫:୧୩ ୫:୧୩ ମାର୍କ ୯:୫୦; ଲୁକ ୧୪:୩୪,୩୫. ☆ ୫:୧୪ ୫:୧୪ ଯୋହାନ୍ ୮:୧୨; ୯:୫. ☆ ୫:୧୫ ୫:୧୫ ମାର୍କ ୪:୨୧; ଲୁକ ୮:୧୨; ୧୧:୩୩. ☆ ୫:୧୬ ୫:୧୬ ୧ ପାଡ଼ରାସ୍ ୨:୧୨. ☆ ୫:୧୮ ୫:୧୮ ଲୁକ ୧୨:୧୭.

ଅତେ ଆଉରି ଜିୟନଃ ଜାକେଦ୍ ଆଡ଼ଃ ସବେନାଃ ଆଉରି ଚାବାଃଅ ଜାକେଦ୍†, ମୁଣା ନାବାଆଃ ଆନୁରୁରେୟାଃ ହୁଡ଼ିଙ୍ଗ୍ ଅନଲ୍ ଚାଏ ହୁଡ଼ିଙ୍ଗ୍ ବିନ୍ଧୁହ୍ ଜେତାଲେକାତେ କା ଜିୟନଃଆ । ୧୯ ଏନା ନାଗେନ୍ତେ ଜେତାଏ ନେ ହୁଡ଼ିଙ୍ଗ୍ ଆନୁରୁଏତେ ଜେତା ମିଆଁଦ୍ ଆନୁରୁ କାଏ ମାନାତିୟାଃ ଆଡ଼ଃ ଏନ୍ ଲେକାଗି ହଡ଼କକେ ଇଡୁକଆ, ଇନିଃ ସିର୍ମା ରାଇଜ୍ରେ ସବେନକଏତେ ହୁଡ଼ିଙ୍ଗ୍ ମେନ୍ତେ ଲେକାଅଃଆଏ ମେନ୍ଦ୍ ଜେତାଏ ଏନ୍ ସବେନାଃକେ ମାନାତିୟାଃ ଆଡ଼ଃ ଇଡୁଆଃଏ, ଇନିଃ ସିର୍ମା ରାଇଜ୍ରେ ମାରାଙ୍ଗ୍ ମେନ୍ତେ ଲେକାଅଃଆ । ୨୦ ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ଆପେୟାଃ କାମି ପାର୍ମେଶ୍ୱାର୍ଆଃ ମନେ ଲେକା, ଆଇନ୍ ଇଡୁକ ଆଡ଼ଃ ଫାରୁଣୀକଆଃଏତେ ଆଦକା ପାତିୟାର୍ କା ହବାଅଃ ଜାକେଦ୍ ଆପେ ଜେତାଲେକାତେ ସିର୍ମା ରାଇଜ୍ରେ କାପେ ବଲ ଦାଡ଼ିୟାଃ ।

ଖୁସ୍ ବିଷାଏରେ ଇନିଡୁ (ଲୁକ ୧୨:୫୭-୫୯)

୨୧ “ସିଦା ଦିପିଲିରେନ୍ ହଡ଼କକେ କାଜିୟାକାନ୍ ତାଇକେନା, ‘ଆଲମ୍ ଗଗଏଃ ଆଡ଼ଃ ଜେତାଏ ଗଗଏଃରେଦ୍, ଇନିଃ ବିଚାରରେ ସାଜାଇ ନାମେୟାଏ’ ମେନ୍ତେ ଆପେ ଆୟୁମ୍‌କାଦାପେ । ୨୨ ମେନ୍ଦ୍ ଆଇଙ୍ଗ୍ ଆପେକେଇଙ୍ଗ୍ କାଜିୟାପେତାନା, ଜେତାଏ ଆୟାଃ ହାଗାକେ ଖୁସ୍‌ଅଃଆଏ‡, ଇନିଃ ବିଚାରରେ ସାଜାଇ ନାମେୟାଏ । ଆଡ଼ଃ ଜେତାଏ ଆୟାଃ ହାଗାତେକେ ତଣ୍ଡୁ ମେନ୍ତେ କାଜିନିଃ ମାରାଙ୍ଗ୍ ପାଞ୍ଚେଟ୍ରେ ସାଜାଇ ନାମେୟାଏ, ଆଡ଼ଃ ଜେତାଏ କକଲେ ମେନ୍ତେ କାଜିନିଃ ସେଙ୍ଗେଲ୍ ନାରାକ୍ରେ ସାଜାଇ ନାମେୟାଏ । ୨୩ ଏନାମେନ୍ତେ ଆମ୍ ଆମାଃ ଦାନ୍ ପାର୍ମେଶ୍ୱାର୍ଆଃ ନାଗେନ୍ତେ ବେଦିତେମ୍ ଆଡ଼ଃ ଇମ୍‌ତା ଆମାଃ ବିରୁଧ୍ରେ ଆମାଃ ହାଗାମାଃ ଜେତା କାଜି ମେନାଃ ମେନ୍ତେମ୍ ପାହାମତାରେ, ୨୪ ଏନ୍ ବେଦିତାଃରେ ଆମାଃ ଦାନ୍‌କେ ବାଗିକେଦ୍‌ତେ ସେନଃମେ ଆଡ଼ଃ ସିଦାତେ ଆମାଃ ହାଗାମ୍‌ଲଃ ବାପାଇୟେନ୍‌ମେ, ଏନ୍ତେ ହିଜୁଃକେଦ୍‌ତେ ଆମାଃ ଦାନ୍‌କେ ପାର୍ମେଶ୍ୱାର୍ତାଃରେ ରାକାବେମେ ।

† ୫:୧୮ ୫:୧୮ ଏନ୍ ସବେନାଃରାଃ ଇନିଡୁ ପୁରା ହବାଃଅ ଜାକେଦ୍ ‡ ୫:୨୨ ୫:୨୨ ଚିମିନ୍ ମାରି ଅନଲ୍ରେ ଅଲ୍ଲୀକାନା, ହାଗାତେକେ ସାମା ସାମାରେ ଖୁସ୍‌ଅଃଆଏ

୨୫ “ଆମାଃ ବାଇରିଲଃ ହରାରେ ସେନ୍ତାନ୍ ଇମ୍ତା ବାପାଇଦାବେନ୍ଦେ, କା'ରେଦ ବାଇରି ଆମ୍ବକେ ବିଚାରନିୟାଃ ତିଃଇରେ ଏମ୍ବେୟା, ଆତଃ ବିଚାରନିଃ ସିପାଇକଆଃ ତିଃଇରେ ଜିମାମେୟା, ଏନ୍ତେ ଆମ୍ ଜେହେଲିଆମ୍ । ୨୬ ଆଇଙ୍ଗ୍ ଆମ୍ବକେ ସାର୍ତିଗି କାଜିତାନା, ଆମ୍ କାଉଡ଼ି କାଉଡ଼ି ଆଉରି ହାଲ୍ଟାବାଏ ଜାକେଦ୍ ଏନ୍ତାଃଏତେ କାମ୍ ଅତଙ୍ଗ୍ ଦାଡ଼ିୟା ।

ଆପାଙ୍ଗିର୍ ବିଷାଏରେ ଇନିତୁ

୨୬ “ଆଲ୍ପେ ଆପାଙ୍ଗିରାଃ, ମେନ୍ତେ ‘କାଜିୟାକାନ୍ କାଜିପେ ଆୟୁମାକାଦାଃ ।’ ୨୮ ମେନ୍ଦ୍ ଆଇଙ୍ଗ୍ ଆପେକେଇଙ୍ଗ୍ କାଜିପେତାନା, ଜେତାଏ ଜେତା କୁଡ଼ିକେ ଏଡ଼କାନ୍ ସାନାଙ୍ଗ୍ତେ ନେଲିରେଦ୍ ଇନିଃ ଆୟାଃ ମନ୍ରେ ଇନିଃଲଃ ଆପାଙ୍ଗିରୟାନାଏ । ୨୯ ✧ଆତଃ ଆମାଃ ଜମ୍ତିସାଃରାଃ ମେଦ୍ ପାପ୍ଇଚିମେରେଦ୍, ଏନାକେ ଅତଙ୍ଗ୍କେଦ୍ତେ ହୁଦ୍ମାଏଣ୍ଡାଃଏମେ, ଚିୟାଃଚି ଆମାଃ ଗଟା ହଡ଼ମ୍ ନାରାକ୍ରେ ହୁଦ୍ମାଅଃଏତେ ମିଆଁଦ୍ ହାଚିଙ୍ଗ୍ ଜିୟନଃରେ ଆମାଃ ନାଗେନ୍ତେ ବୁଗିଅଃତେୟାଃ । ୩୦ ✧ଆତଃ ଆମାଃ ଜମ୍ତିସାଃରାଃ ତିଃଇ ପାପ୍ଇଚିମେରେଦ୍, ଏନାକେ ଛପାଏଣ୍ଡାଃଏମେ, ଚିୟାଃଚି ଆମାଃ ଗଟା ହଡ଼ମ୍ ନାରାକ୍ରେ ହୁଦ୍ମାଅଃଏତେ, ମିଦ୍ ହାଚିଙ୍ଗ୍ ଜିୟନଃରେ ଆମାଃ ନାଗେନ୍ତେ ବୁଗିଅଃତେୟାଃ ।

କଡ଼ାକୁଡ଼ିବାଗି ବିଷାଏରେ ଇନିତୁ

(ମାଥୁର ୧୯:୯; ମାର୍କ ୧୦:୧୧-୧୨; ଲୁକ ୧୬:୧୮)

୩୧ ✧“ନେଆଁହଗି କାଜିକାନା, ‘ଜେତାଏ ଆୟାଃ କୁଡ଼ିକେ ବାଗିରେଦ୍, ଇନିଃ ଏନ୍ କୁଡ଼ିକେ ବାଗିରେଆଃ ଅନଲ୍ଚିଠା ଏମ୍ ଲାଗାତିଙ୍ଗ୍ୟାଃ ।’ ୩୨ ✧ମେନ୍ଦ୍ ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ଜେତାଏ ଆୟାଃ କୁଡ଼ିତେକେ ଆପାଙ୍ଗିର୍ କାମି ବାଗିକେଦ୍ତେ ଏଟାଃ କାମି ନାଗେନ୍ତେ ବାଗିରେଦ୍, ଇନିଃ ଆୟାଃ କୁଡ଼ିତେକେ ଆପାଙ୍ଗିର୍ ରିକାଇରେୟାଃ ଗୁହ୍ମାରେ ଚିଟାଃଝା ଆତଃ

✧ ୫:୨୯ ୫:୨୯ ମାଥୁର ୧୮:୯; ମାର୍କ ୯:୪୭. ✧ ୫:୩୦ ୫:୩୦ ମାଥୁର ୧୮:୮; ମାର୍କ ୯:୪୩. ✧ ୫:୩୧ ୫:୩୧ ମାଥୁର ୧୯:୭; ମାର୍କ ୧୦:୪. ✧ ୫:୩୨ ୫:୩୨ ମାଥୁର ୧୯:୯; ମାର୍କ ୧୦:୧୧,୧୨; ଲୁକ ୧୬:୧୮; ୧ କରିନ୍ଥ୍ଯ ୭:୧୦,୧୧.

ଜେତାଏ ବାରିୟାକାନ୍ କୁଡ଼ିକେ ଆଣ୍ଡିନ୍‌ରେଦ, ଇନିଃ ଆପାଙ୍ଗିର୍ କାମି ରିକାଃଏ ।

କିରିୟା ବିଷାଏରେ ଇନିତୁ

୩୩ “ଆପେ ଆଡ଼ଃଗିପେ ଆୟୁମ୍‌କାଦା, ନେଆଁ ସିଦା ଦିପିଲିରେନ୍ ହଡ଼କକେ କାଜିୟାକାନା, ‘ଆପେ ହସଡ଼ କିରିୟା ଆଲ୍‌ପେୟାଃ, ମେନ୍‌ଦ ଆପେୟାଃ କିରିୟାକ ପ୍ରାଭୁଆଃ ଆୟାରରେ ପୁରାଏପେ ।’
 ୩୪ ☆ମେନ୍‌ଦ ଆଇଙ୍ଗ୍ ଆପେକେଇଙ୍ଗ୍ କାଜିୟାପେତାନା, କିରିୟାଏ ଇମ୍‌ତା ଜେତାନ୍ ବିଷାଏରେ କିରିୟା ଆଲ୍‌ପେ ରିକାଏ, ସିମ୍‌ନା ଦିଶୁମରେୟାଃ ଆଲ୍‌ପେୟାଃ, ଚିୟାଃଚି ଏନାଦ ପାର୍‌ମେଶ୍‌ୟାର୍‌ଆଃ ରାଜଗାଦି ତାନାଃ, ୩୫ ଚାଏ ଅତେରେୟାଃ ଆଲ୍‌ପେୟାଃ, ଚିୟାଃଚି ଏନାଦ ଇନିୟାଃ କାଟାରେୟାଃ ଗାଣ୍ଡୁ ତାନାଃ, ଆଡ଼ଃ ଯାରୁଶାଲେମ୍‌ରେଆଃ ଆଲ୍‌ପେୟାଃ, ଚିୟାଃଚି ଏନାଦ ମାରାଙ୍ଗ୍ ରାଜାକଆଃ ନାଗାର୍ ତାନାଃ । ୩୬ ଆଡ଼ଃ ଆପେୟାଃ ବହଃରେୟାଃ କିରିୟା ଆଲ୍‌ପେୟାଃ, ଚିୟାଃଚି ଏନାରାଃ ମିଆଁଦ୍ ଉବ୍‌କେ ପୁଣ୍ଡି ଚାଏ ହେନ୍‌ଦେ ରିକାନାଙ୍ଗ୍ ଆପେ କାପେ ଦାଡ଼ିୟା । ୩୭ ଏନାତେ ଆପେୟାଃ କାଜି ‘ହଁ ରେଦ ହଁ’ ଚାଏ ‘କା ରେଦ କା’ ମେନ୍ତେ କାଜିପେ, ନେଆଁଏତେ ଆଦକା କାଜିତେୟାଃ ଏଡ଼କାନ୍‌ଏତେ ହିଜୁଃଆ ।

ବାଦ୍‌ଲା ଇଦି ବିଷାଏରେ ଇନିତୁ

(ଲୁକ ୬:୨୯-୩୦)

୩୮ “ଆପେ ମେଦ୍‌ରେଆଃ ବାଦ୍‌ଲା ମେଦ୍, ଆଡ଼ଃ ତାଟାରେୟାଃ ବାଦ୍‌ଲା ତାଟା ମେନ୍ତେପେ ଆୟୁମ୍‌କାଦାଃ ।’ ୩୯ ମେନ୍‌ଦ ଆଇଙ୍ଗ୍ ଆପେକେଇଙ୍ଗ୍ କାଜିୟାପେତାନା, ଜେତାଏ ଆପେୟାଃ ଏଡ଼କାନ୍ ରିକାଏରେଦ, ଇନିୟାଃ ବାଦ୍‌ଲା ଆଲ୍‌ପେ ଇଦିୟା, ମେନ୍‌ଦ ଜେତାଏ ଆପେୟାଃ ଜମ୍‌ସାଃରାଃ ଜଂଝାରେ ଚାଟ୍‌କାନ୍‌ପେରେଦ, ଇନିଃକେ ଏଟାଃ ଜଂଝାହଗି ବିୟୁରାଇପେ । ୪୦ ଆଡ଼ଃ ଜେତାଏ ଆପେଲଃ ବିଚାର୍ ଠାୟାଦ୍‌ରେ ଏପ୍‌ରାଙ୍ଗ୍‌କେଦ୍‌ତେ ଆପେୟାଃ ଦୁସିଙ୍ଗ୍ ଲିଜାଃ ଇଦିନାଙ୍ଗ୍ ସାନାଙ୍ଗ୍‌ରେଦ, ଇନିଃକେ ଚାଦାର୍ ଲିଜାଃ ହଗି ଏମାଇପେ । ୪୧ ଜେତାଏ ପାଲ୍‌ଟାନ୍ ଆୟାଃ ବୋଝା ଗଅଃକେଦ୍‌ତେ ଆପେକେ ମିଦ୍ କିଲୋମିଟର୍ ହରା ସେନ୍ ରିକାପେରେଦ, ଇନିଃଲଃ ବାର୍

☆ ୫:୩୪ ୫:୩୪ ଯାକୁବ ୫:୧୨; ମାଥୁର ୨୩:୨୨.

କିଲୋମିଟର ସେନଃପେ । ୪୭ ଜେତାଏ ଆପେକେ ଆସିପେରେଦ
ଇନିଃକେ ଏମାଲପେ, ଆତଃ ଜେତାଏ ଆପେତାଃଏତେ ରିଶୀ ଇଦି
ସାନାଙ୍ଗ୍ରେଦ ଇନିଃକେ ଏମାଲପେ ।

ବାଇରିକକେ ଦୁଲାଡକପେ
(ଲୁକ ୭:୨୭-୨୮, ୩୨-୩୬)

୪୩ “ଆପେୟାଃ ଗାତିକକେ ଦୁଲାଡକପେ ଆତଃ ବାଇରିକକେ
ହିଲାଙ୍ଗକପେ ମେନ୍ତେ ଆପେ ଆୟୁମାକାଦାଃ ।” ୪୪ ମେନ୍ଦ ଆଇଙ୍ଗ୍
ଆପେକେଇଙ୍ଗ୍ କାଜିୟାପେତାନା, ଆପେ ଆପେୟାଃ ବାଇରିକକେ
ଦୁଲାଡକପେ ଆତଃ ଆପେକେ ସିଗିଦପେତାନକଆଃ ନାଗେନ୍ତେ
ବିନ୍ତିପେ । ୪୫ ଏନାତେ ଆପେ ଆପେୟାଃ ସିର୍ମା ଦିଶୁମ୍ରେନ୍
ଆପୁଆଃ ହନ୍କପେ ବାଇୟାଆ, ଇନିଃ ଏଡକାନ୍ ଆତଃ ବୁଗିନ୍
ହଡକ ନାଗେନ୍ତେ ସିଙ୍ଗି ତୁରାଃଏ, ଧାର୍ମାନ୍ ହଡ ଆତଃ ଏଡକାନ୍
ହଡକ ନାଗେନ୍ତେ ଦାଆଃ ଗାମାଃଏ । ୪୬ ଆପେକେ ଅକନ୍କ
ଦୁଲାଡପେତାନାକ ଇନ୍କୁକେ ଏସକାର୍ ଦୁଲାଡରେକରେଦ
ଆପେୟାଃ ଚିକାନ୍ ନାଲା ନାମାଃଆ ? ଚିୟାଃ ମାଲ୍ହାରମ୍କହ୍
ନେ'ଲେକା କାକ ରିକାଃଚି ? ୪୭ ଆତଃ ଆପେ ଆପେୟାଃ ହାଗାକକେ
ଏସକାର୍ପେ ଜହାର୍ ରେଦ, ଆଦକା ଚିନାଃପେ ଚିକାକାଦା ?
ଚିୟାଃ ସାଅସାର୍କହ୍ ଏନ୍ଲେକା କାକ କାମିୟାଃ ? ୪୮ ଏନାମେନ୍ତେ
ଆପେୟାଃ ସିର୍ମାରେନ୍ ଆପୁ ଲେକା ଆପେୟ ପାବିତାର୍ ତାୟୁଃପେ ।



ଏମଃରେୟାଃ ଇନିଡୁ

୧ * “ହଡକ ନେଲେକା ମେନ୍ତେ ଆପେୟାଃ ଧାର୍ମାନ୍ କାମି
ଇନ୍କୁଆଃ ଆୟାର୍ରେ ଆଲ୍ପେ ରିକାୟା, ଏନାମେନ୍ତେ ଆପେ
ଚିର୍ଗାଲାକାନ୍ ତାଇନ୍ପେ, କା'ରେଦ ଆପେୟାଃ ସିର୍ମା ଦିଶୁମ୍ରେନ୍
ଆପୁତାଃଏତେ ଆପେ ଜେତାନ୍ ନାଲା କାପେ ନାମେୟା ।

୨ “ଏନା ନାଗେନ୍ତେ ଆପେ ରେଙ୍ଗେଃକକେ ଜେଡନାଃ ଏମ୍ ଇମତା
ବେଦାହଡକଆଃ ଲେକା ବିଙ୍ଗୁଲ୍ ବାଜା ଆଲ୍ପେ ସାଡିଆ, ଇନ୍କୁ
ହଡକତାଃଏତେ ଜହାର୍ ନାମେ ନାଗେନ୍ତେ ସାମାଜ୍ ଅଡ଼ାଃକରେ
ଆତଃ ହରାକରେ ଏନ୍ଲେକା ରିକାଃକ । ଆଇଙ୍ଗ୍ ଆପେକେ ସାର୍ଡିଗି

☆ ୭:୧ ୭:୧ ମାଥୁର ୨୩:୫.

କାଜିପେତାନାଇଁ, ଇନ୍କୁ ଆକଆଃ ନାଲା ନାମ୍ ଚାବାକାଦାକ । ୩ ମେନ୍ଦ ଆପେ ଦାନ୍ ଏମ୍ ଇମ୍ତା ଆପେୟାଃ ଜମ୍ତିଃଇ କାମିତାନ୍ତେୟାଃ ଲେଙ୍ଗାଡ଼ିଃଇ ଆଲକାଏ ସାରିକା, ୪ ନେ ଲେକାଗି ଆପେୟାଃ ଏମଃତେୟାଃ ଦାନାଙ୍ଗି ତାଇନାଃ, ଆତଃ ଆପେୟାଃ ଆପୁ ଦାନାଙ୍ଗିରେ କାମିତେୟାଃ ନେଲାଃଏ, ଇନିଃ ଆପେକେ ନାଲାଏ ଏମାପେୟା ।

ବିକ୍ତିରେଆଃ ଇନିତୁ
(ଲୁକ ୧୧:୨-୪)

୫ ✨“ଆପେ ବିକ୍ତି ଇମତା ବେଦାହତକ ଲେକା ଆଲପେ ରିକାନାଃ, ଚିୟାଃଚି ଇନ୍କୁ ହତକଆଃ ନେପେଲରେ ସାମାନ୍ ଅଡ଼ାଃକରେ ଆତଃ ହରା କଚାକରେ ତିଙ୍ଗୁକେଦ୍ତେ ବିକ୍ତି ନାଗେନ୍ତେ ସୁକୁଆଃକ, ଆଇଙ୍ଗ୍ ଆପେକେ ସାର୍ତ୍ତିଗି କାଜିପେତାନାଇଁ, ଇନ୍କୁ ଆକଆଃ ନାଲା ନାମ୍ ଚାବାକାଦାକ । ୬ ମେନ୍ଦ ଆପେ ବିକ୍ତି ଇମତା ଆପେୟାଃ ଭିତାର ବାଖରାରେ ବଲପେ ଆତଃ ଦୁଆର୍ ହାଣ୍ଡେଦ୍ତେ ଆପେୟାଃ କାଏ ନେଲଃତାନ୍ ସିର୍ମାରେନ୍ ଆପୁତାଃରେ ବିକ୍ତିପେ ଏନ୍ତେ ଦାନାଙ୍ଗିରେ ନେଲ୍ତାନ୍ ଆପୁ ନାଲାଏ ଏମାପେୟା ।

୭ “ବିକ୍ତି ଇମତା ସାଅଁସାର୍କ ଲେକା ଏନାଏନାକେଗି ଆଲପେ କାଜିୟା, ଚିୟାଃଚି ଇନ୍କୁ ପୁରାଃ କାଜି କାଜିଲେରେ ଆକଆଃ ବିକ୍ତି ଆୟୁମଃଆ ମେନ୍ତେକ ଉଡ଼୍ଝୁୟା । ୮ ଏନା ନାଗେନ୍ତେ ଆପେ ଇନ୍କୁ ଲେକା ଆଲପେୟାଃ, ଚିୟାଃଚି ଆପେୟାଃ ସିର୍ମାରେନ୍ ଆପୁଦ ଆପେ ଆସି ସିଦାରେ ଆପେୟାଃ ଲାଗାତିଙ୍ଗ୍ତେୟାଃ ସାରିୟାଏ । ୯ ଏନାତେ ଆପେ ନେ ଲେକା ବିକ୍ତିପେ,

“ ହେ ଆଲେୟାଃ ସିର୍ମାରେନ୍ ଆବା;

ଆମାଃ ନୁତୁମ୍ ପାବିତାରଃକା;

୧୦ ଆମାଃ ରାଇଜ୍ ହିନ୍ଦୁଃକା;

ଆମାଃ ମନେ ସିର୍ମାରେ ଲେକା ଅତେଦିଶୁମ୍ରେୟ ପୁରାଅଃକା

।

୧୧ ଆଲେୟାଃ ତିସିଙ୍ଗ୍ରେୟାଃ ଜମେୟାଃ ଏମାଲେମେ ।*

୧୨ ଆଲେ ଆଲେୟାଃ ଏଡକାନ୍କକେ ଛାମାକେଦ୍କ ଲେକା,

☆ ୭:୫ ୭:୫ ଲୁକ ୧୮:୧୦-୧୪.

* ୭:୧୧ ୭:୧୧ ଆଲେୟାଃ ଲାଗାତିଙ୍ଗ୍ତେୟାଃ ତିସିଙ୍ଗ୍

ଆତଃ ଗାପା ନାଗେନ୍ତେ

ଆଲେୟାଃ ପାପକ ଛାମାଏମୈଁ ।

୧୩ ଆତଃ ବିତ୍ତାଅରେ ଆଲମ୍ ଆଉଲେୟା,

ମେନ୍ଦ ଏଡ଼କାନିଃଏତେ ବାସ୍ତାଅଲେମ୍ ।

ରିୟାଃଟି ରାଇଜ୍, ପେଡ଼େଃ ଆତଃ ମାନାରାଜ୍ ଜାଉ ଜରଜ୍

ଆମାଃଟି ହବାଅଃକା, ଆମେନ୍ ।†

୧୪ ✧ “ଆପେ ହଡ଼କଆଃ ଗୁଞ୍ଜାକପେ ଛାମାଏରେଦ, ଆପେୟାଃ
ସିର୍ମାରେନ୍ ଆପୁ ଆପେକେୟାଟି ଛାମାପେୟା । ୧୫ ମେନ୍ଦ ଆପେ
ହଡ଼କଆଃ ଗୁଞ୍ଜାକେ କାପେ ଛାମାଏରେଦ, ଆପେୟାଃ ସିର୍ମାରେନ୍
ଆପୁହିଁ ଆପେକେ କାଏ ଛାମାପେୟା ।

କାଟାବ୍ ବିଷାଏରେ ଇନିତୁ

୧୬ “ଆପେ କାଟାବ୍ ଇମ୍ତା ବେଦାହଡ଼କ ଲେକା ଆଲପେ
ଗସ ମେଦମୁହାଁଡ଼େନା, ରିୟାଃଟି ଇନକୁଦ କାଟାବ୍ତାନାଲେ
ମେନ୍ତେ ହଡ଼କଆଃ ଆୟାରରେ ନେଲଃକାଲେ ମେନ୍ତେ ଆକ
ଗସ ମେଦମୁହାଁଡ଼ିକ ତାଇନାଃ । ଆଇଜ୍ ଆପେକେ ସାର୍ତିଗି
କାଜିପେତାନା, ଇନକୁ ଆକଆଃ ନାଲା ନାମ୍ ଚାବାକାଦାକ ।

୧୭ ମେନ୍ଦ ଆପେ କାଟାବ୍ ଇମ୍ତା ଆପେୟାଃ ମେଦମୁହାଁଡ଼୍
ଆବୁଜ୍‌ୟେନ୍‌ପେ ଆତଃ ବହଃରେ ସୁନ୍ମୁମ୍ ଗସଗେନ୍‌ପେ । ୧୮ ନେ
ଲେକାତେ ଆପେ ହଡ଼କଆଃ ଆୟାରରେ କାଟାବ୍ତାନାକ ମେନ୍ତେଦ
କା ମେନ୍ଦ କା ନେଲଃତାନ ଆପୁତାଃରେ କାଟାବ୍ତାନାକ ମେନ୍ତେପେ
ଉଦୁବଃଆ, ଆତଃ ଦାନାଜ୍‌ରେ ନେଲ୍‌ତାନ ଆପେୟାଃ ଆପୁ ନାଲାଏ
ଏମାପେୟା ।

ସିର୍ମାରେ ଖୁଜ୍

(ଲୁକ ୧୨:୩୩-୩୪)

୧୯ ✧ “ନେ ଅତେରେ ଆପେୟାଃ ନାଗେନ୍ତେ ଖୁଜ୍ ଆଲପେ
ହୁଣ୍ଡିଆଃ, ନେତାଃରେ ନିଦିରକ ଆତଃ ମୁର୍ଚାଜମ୍‌କେଦ୍‌ତେ ଜିୟନଃଆ
ଆତଃ କୁମ୍‌ତୁକୁ ସିହି ତଡ଼ାଅକେଦ୍‌ତେ କୁମ୍‌ତୁଆଃକ । ୨୦ ମେନ୍ଦ
ଆପେ ନାଗେନ୍ତେ ସିର୍ମାରେ ଖୁଜ୍ ହୁଣ୍ଡିପେ, ଏନ୍ତାଃରେ ତିଜୁ ଆତଃ
ନିଦିର କାକ ଜିୟନେଆ ଆତଃ କୁମ୍‌ତୁକୁ ସିହି ତଡ଼ାଅକେଦ୍‌ତେ କାକ

† ୬:୧୩ ୬:୧୩ ନେ ବାତାନ୍ ତିନିନ୍ ମାରି ଅନଲ୍‌ରେ ବାନଆଃ ✧ ୬:୧୪ ୬:୧୪ ମାର୍କ
୧୧:୨୫,୨୬. ✧ ୬:୧୯ ୬:୧୯ ଯାକୁବ ୫:୨,୩.

କୁମ୍ଭୁଆଃ । ୨୧ ଚିୟାଃଚି ଆପେୟାଃ ଖୁଜ୍ ତାଇନଃତାଃରେଗି
ଆପେୟାଃ ମନ୍ ତାଇନାଃ ।

ହତ୍ତମରେୟାଃ ମାର୍ସାଲ୍
(ଲୁକ ୧୧:୩୪-୩୬)

୨୨ “ମେଦଦ ହତ୍ତମରେୟାଃ ଦିମି ତାନାଃ, ଆପେୟାଃ ମେଦ୍
ନିରାଲ୍ ମେନାଃରେଦ ଗଟା ହତ୍ତମତାପେୟାଃ ମାର୍ସାଲିଆ ।
୨୩ ମେନ୍ଦ ଆପେୟାଃ ମେଦ୍ ଏଡକାନ୍ ମେନାଃରେଦ, ଆପେୟାଃ
ଗଟା ହତ୍ତମ୍ ନୁବାଗଃଆ । ଏନା ନାଗେନ୍ତେ ଆପେରେ ତାଇନଃତାନ୍
ମାର୍ସାଲ୍ ନୁବାଗଃରେଦ, ଚିମିନ୍ ମାରାଜ୍ ବରଞ୍ଜାନ୍ ନୁବାଃ ହବାଅଆଃ
।

ପାର୍ମେଶ୍ଵାର୍ ଆତଃ ଖୁଜ୍
(ଲୁକ ୧୭:୧୩; ୧୭:୨୨-୩୧)

୨୪ “ଜେତାଏ ବାରିଆ ଗମ୍ବେକିନାଃ ଦାସି କାଏ ହବାଦାଡିୟାଆ
। ଚିୟାଃଚି ଇନିଃ ମିହୁଡକେ ହିଲାଇଲୟାଏ ଆତଃ ଏଟାଃ ମିହୁଡକେ
ଦୁଲାଇଡିୟାଏ, ଚାଏ ମିଆଁଦ୍ନିଃଲିଃ ମେସାନାଏ ଆତଃ ଏଟାଃନିଃଲିଃ
କାଏ ମେସାନା । ଆପେ ପାର୍ମେଶ୍ଵାର୍ ଆତଃ ଖୁଜ୍ ବାରାନାଃରେ
କାପେ ଦାସିଦାଡିନା ।”

୨୫ “ଏନାମେନ୍ତେ ଆଇଜ୍ ଆପେକେ କାଜିପେତାନାଇଜ୍, ଜାନିଦ୍
ତାଇନଃ ନାଗେନ୍ତେ ଚିକ୍ନାଃରୁ ଜମାଃ ଆତଃ ଚିକ୍ନାଃରୁ ନୁଏୟା, ଚାଏ
ହତ୍ତମରେ ଚିକ୍ନାଃରୁ ଦୁସିଜ୍ମେନା ମେନ୍ତେ ଆପେୟାଃ ଜୀଉରେ
ଆଲ୍ପେ ଉଡ଼ୁୟା । ଜମେୟାଃଏତେ ଜୀଉ ଆତଃ ଲିଜାଃଏତେ
ହତ୍ତମ କାଚି ମାରାଜ୍ଆଁ ? ୨୬ ଚେଣ୍ଟେକେ ନେଲ୍ଲକପେ, ଇନ୍କୁ
କାକ ହେରେୟା ଚାଏ କାକ ଇରେୟା, ଆତଃ ଇନ୍କୁଆଃ ଭାଣ୍ଡାର୍
ଅତାଃରେ କାକ ହୁଣ୍ଡିଆଃ, ହଲେହ୍ ଆପେୟାଃ ସିର୍ମାରେନ୍ ଆପୁ
ଇନ୍କୁକେ ଆସୁଲ୍ଲକତାନାଏ । ଆପେ ଚିନାଃ ଇନ୍କୁତାଃଏତେ କାପେ
ମାରାଜ୍ଆଃ ? ୨୭ ଆପେକଏତେ ଅକଏ ଉଡ଼ୁଃକେଦ୍ତେ ଆୟାଃ
ଜୀଉକେ ମିଦ୍ ଘାଡି ପସାଦାଡିୟାଏ ?

୨୮ “ଆତଃ ଆପେ ଲିଜାଃ ନାଗେନ୍ତେ ଚିନାଃ ମେନ୍ତେପେ
ଉଡ଼ୁତାନା ? ଅତେରେୟାଃ ବାହାକକେ ନେଲେପେ, ଏନାକ ଚିଲ୍ଲକା
ହାରାତାନା, ଏନାକ କାକ କାମିତାନା, ଚାଏ କାକ ତୁକୁଇତାନା,

୨୯ ହଲେହ୍ ଆଇଙ୍ଗ ଆପେକେ କାଜିୟାପେ ତାନାଇଙ୍ଗ, ସୁଲିମାନହ୍ ଆୟାଃ ସବେନ୍ ସୁଗାଡାନ୍‌ତେୟାଃଏତେ ଏନ୍ ବାହାକ ଲେକା କାଏ ସିଙ୍ଗାରାକାନୁ ତାଇକେନା ।^{୩୦} ତିସିଙ୍ଗ୍ ମେନାଃ ଆତଃ ଗାପା ତୁଲ୍ଲୀରେ ହାଣିବଃତାନୁ ଅତେରାଃ ତାସାଦକେ ପାର୍ମେଶ୍ୱାର୍ ନେ ଲେକାଏ ସିଙ୍ଗାରରେ ରେଦ, ଏ ହୁଡିଙ୍ଗ୍ ବିଶ୍ୱାସ୍‌ତାନୁକ, ଚିୟାଃ ଇନିଃ ନେଆଁଏତେ ଆଦକା ଆପେକେ କାଏ ତୁସିଙ୍ଗ୍‌ପେୟା ?

^{୩୧} “ଏନା ନାଗେନ୍ତେ ‘ଚିକ୍‌ନାଃରୁ ଜମେୟା ? ଚାଏ ଚିକ୍‌ନାଃରୁ ନୁଁଏୟା ? ଚାଏ ଚିକ୍‌ନାଃରୁ ତୁସିଙ୍ଗ୍‌ୟେନା ?’ ମେନ୍ତେ ଆଲ୍‌ପେ ଉଡ଼ୁଗେୟା ।^{୩୨} ଚିୟାଃଚି ସାଅଁସାର୍ ହଡ଼କ ନେ ସବେନାଃ ଦାଣାଁବାଡ଼ାଃକ, ଆତଃ ନେ ସବେନାଃ ଆପେୟାଃ ଲାଗାତିଙ୍ଗ୍‌ୟାଃ, ଏନା ଆପେୟାଃ ସିର୍ମାରେନ୍ ଆପୁ ସାରିୟାଏ ।^{୩୩} ମେନ୍ଦ ଆପେ ସିଦାତେ ପାର୍ମେଶ୍ୱାର୍‌ଆଃ ରାଇଙ୍ଗ୍ ଆତଃ ଇନିୟାଃ ଧାର୍ମାନ କାଜି ଦାଣାଁଏପେ, ଆତଃ ନେ ସବେନାଃହ ଆପେକେ ଏମଃଆ ।^{୩୪} ଏନା ନାଗେନ୍ତେ ଗାପାନାଙ୍ଗ୍ ଆଲ୍‌ପେ ଉଡ଼ୁୟା, ଚିୟାଃଚି ଗାପାଦ ଆୟାଃ ନାଙ୍ଗ୍ ଆଇଃକ୍‌ଗି ଉଡ଼ୁୟା । ମୁସିଙ୍ଗ୍‌ରେୟାଃ ଦୁକୁ ମୁସିଙ୍ଗ୍ ନାଗେନ୍ତେ ଥୁମ୍‌ଗିଆ ।



ଏଟାଃକକେ ବିଚାର୍‌ଏମଃ

(ଲୁକ ୭:୩୭-୩୮, ୪୧-୪୨)

^୧ “ଏଟାଃକକେ ଆଲ୍‌ପେ ବିଚାର୍‌କଆ, ଏନାରେ ପାର୍ମେଶ୍ୱାର୍ ଆପେକେ କାଏ ବିଚାର୍‌ପେୟା ।^୨ *ଚିୟାଃଚି ଆପେ ଏଟାଃକକେ ବିଚାର୍‌କ ଲେକାଗି ପାର୍ମେଶ୍ୱାର୍ ଆପେକେ ବିଚାର୍‌ପେୟାଏ, ଆତଃ ଆପେ ସଙ୍ଗେ ତାନ୍ତ୍ରିରେଗି ଆପେ ନାଗେନ୍ତେ ସୋଙ୍ଗଃଆ ।^୩ ଆମ୍ ଆମାଃ ମେଦ୍‌ରେଆଃ ତୁବାଃ କା ନେଲ୍‌କେଦ୍‌ତେ ହାଗାମାଃ ମେଦ୍‌ରେଆଃ ହୁଡିଙ୍ଗ୍ ତୁବାଃ ଚିକା ନାଗେନ୍ତେମ୍ ନେଲେତାନା ?^୪ ଆମାଃ ମେଦ୍‌ରେ ତୁବାଃ ତାଇନ୍‌କେଦ୍‌ତେ, ‘ହାଗାମାଃ ମେଦ୍‌ରେଆଃ ତୁବାଃକେ ଅଡ଼ଙ୍ଗ୍‌ତାମାଇଙ୍ଗ୍’ ମେନ୍ତେ ଚିଲ୍‌କାତେ କାଜି ଦାଡ଼ିୟାମ୍ ?^୫ ଏ ବେଦାହଡ଼, ସିଦାତେ ଆମାଃ ମେଦ୍‌ରେଆଃ

☆ ୭:୨ ୭:୨ ମାର୍ଚ୍ଚ ୪:୨୪.

ରୁବୀଃ ଅତଙ୍ଗର୍ଯ୍ୟେନେ, ଏନ୍ତେ ହାଗାମାଃ ମେଦରାଃ ରୁବୀଃ ଅତଙ୍ଗ୍
ନାଗେନ୍ତେ ବୁଗିଲେକାମ୍ ନେଲ୍ଦାଡ଼ିୟା ।

୬ “ପାବିତାର୍ତ୍ତେୟାଃ ସେତାକକେ ଆଲ୍ପେ ଏମାକଆ ଚାଏ
ଆପେୟାଃ ମୋତି ସୁକୁରିକଆଃ ଆୟାରରେ ଆଲ୍ପେ ଏଣ୍ଡାଏୟା,
କା'ରେଦ ଇନ୍କୁ ଏନାକକେ ଆକଆଃ କାଟାତେକ ତିକାଏୟା ଆତଃ
ରୁହାଡ଼କେଦ୍ଦତେ ଆପେକେ ଅଡ଼େଃପେୟାକ ।

ଆସି, ଦାଣ୍ଠି ଆତଃ ଦୁଆରରେ ଠକ୍ ଠକାଏପେ
(ଲୁକ ୧୧:୯-୧୩)

୭ “ଆସିପେ ଏନାରେଦ ଆପେକେ ଏମଃଆ, ଦାଣ୍ଠିଏପେ
ଏନ୍ରେଦପେ ନାମେୟା, ଦୁଆର ଠକ୍ ଠକାଏପେ ଏନ୍ରେଦ
ଆପେ ନାଗେନ୍ତେ ନିଜଆଃ । ୮ ଚିୟାଃତି ଜେତାଏ ଆସିତାନ୍ନିଃଦ
ତେଲ୍ଲାଇମାଃ, ଆତଃ ଦାଣ୍ଠିଏନିଃଦ ନାମେୟାଏ, ଆତଃ ଠକ୍
ଠକାଏନିଃ ନାଗେନ୍ତେ ନିଜଆଃ । ୯ ଆପେକଏତେ ଅକନ୍ ହଡ଼
ନେ'ଲେକା ମେନାଇୟା, ଆୟାଃ ହନ୍ ହଲ୍ଲଙ୍ଗ୍ ଆସିରେଦ, ଚିନାଃ
ଇନିଃକେ ଦିରି ଏମାଇୟାଏ, ୧୦ ଚାଏ ହାକୁ ଆସିରେଦ ଚିୟାଃ
ଇନିଃକେ ବିଙ୍ଗ୍ ଏମାଇୟାଏ ? ୧୧ ଏନ୍ତେ ଆପେ ଏଡ଼କାନ୍କ
ତାଇନ୍ରେୟ, ଆପେୟାଃ ହନ୍କକେ ବୁଗିନାଃ ଏମଃପେ ସାରିୟା,
ତାବ୍ଦ ଆପେୟାଃ ସିର୍ମାରେନ୍ ଆପୁ, ଅକନ୍କଚି ଆଇଃକ୍କେ ଆସି
ତାନାକ, ଇନ୍କୁକେ ଏନାଏତେ ଆଦ୍କା ବୁଗିନ୍ତେୟାଃ କାଏଚି
ଏମାକଆ !

୧୨ ☆“ଏନାମେନ୍ତେ ହଡ଼କ ଆଲେନାଙ୍ଗ୍ ରିକାଏକାକ ମେନ୍ତେପେ
ସାନାଙ୍ଗ୍ତାନ୍ ଲେକା ଆପେୟାଗି ଇନ୍କୁ ନାଗେନ୍ତେ ଏନ୍ଲେକା
ରିକାଏପେ, ଚିୟାଃତି ନେଆଁଗି ମୁଣାରାଃ ଆନ୍ଦୁ ଆତଃ ନାବୀକଆଃ
ଇନିତୁରାଃ ମୁଣ୍ଡିତାନାଃ ।

ରେସେଦ୍ ଦୁଆର
(ଲୁକ ୧୩:୨୪)

୧୩ “ରେସେଦ୍ ଦୁଆରତେ ବଲପେ, ଚିୟାଃତି ଜିୟନଃତେ ଇଦି
ନାରାକ୍ ଦୁଆରଦ୍ ଚାକାର୍ଗିୟା ଆତଃ ଏନ୍ ହରାତେ ସେନ୍ ନାଙ୍ଗ୍
ପୁରାଃଗି ସାହାଜ୍ଗିଆ, ଏନାରେ ବଲନାଙ୍ଗ୍ ପୁରାଃ ହଡ଼କ ମେନାକଆ

। ୧୪ ମେନ୍ଦ କା ଚୁଣ୍ଡା ଜୀବାନତେ ସେଟେର୍ ଦୁଆର୍ ରେସେଦ୍‌ଗିଆ ଆଡ଼ଃ ଏନ୍ ହରାତେ ସେନ୍ ନାଜ୍ ପୁରାଃଗି କେଟେଦ୍‌ଗିୟା, ଏନାକେ ନାମେ ହଡ଼କ ହୁଡ଼ିଙ୍ଗି ମେନାକଆ ।

ଦାରୁ ଆଡ଼ଃ ଏନାରେୟାଃ ଜ

(ଲୁକ ୭:୪୩-୪୪)

୧୫ “ହସଡ଼ ନାବୀକତାଃଏତେ ଚିର୍ଗାଲାନାନ୍‌ପେ, ଇନ୍‌କୁ ବାହାରି ନେପେଲ୍‌ରେ ମିଣ୍ଡିକ ଲେକା ଆପେୟାଃ ହେପାଦ୍‌ତେକ ହିନ୍‌ଡ଼ଃଆ, ମେନ୍‌ଦ ଇନ୍‌କୁ ଭିତାର ନେପେଲ୍‌ରେ ହୁଣ୍ଡାରକ ଲେକାନ୍‌କ ତାନ୍‌କ । ୧୬ ଆପେ ଇନ୍‌କୁଆଃ କାମିତେ ଇନ୍‌କୁକେପେ ନେଲ୍‌ଉରୁମ୍‌କଆ । ଚିୟାଃ ହଡ଼କ ଜାନୁମ୍ ଦାରୁଏତେ ଦାଖ୍ ଜ ଚାଏ ଦଧାଡ଼ି ଦାରୁଏତେ ଲଆ ଜ ଗଦେୟାକ ? ୧୭ ଏନ୍ ଲେକାତେ ସବେନ୍ ବୁଗିନ୍ ଦାରୁ ବୁଗିନ୍ ଜ ଜଅଃ'ତାନା ମେନ୍‌ଦ ଏଡ଼କାନ୍ ଦାରୁ ଏଡ଼କାନ୍ ଜ ଜଅଃ'ଆ । ୧୮ ବୁଗିନ୍ ଦାରୁଏତେ ଏଡ଼କାନ୍ ଜ କା ଜ ଦାଡ଼ିୟାଆ, ଚାଏ ଏଡ଼କାନ୍ ଦାରୁଏତେ ବୁଗିନ୍ ଜ କା ଜଅଃ'ଆ । ୧୯ ☆ଜେତା ଦାରୁଏତେ ବୁଗିନ୍ ଜ କା ଜ'ରେଦ୍, ଏନା ମାଗଃଆ ଆଡ଼ଃ ସେଜେଲ୍‌ରେ ଏଣ୍ଡାଗଃଆ । ୨୦ ☆ଏନାମେନ୍ତେ ଆପେ ହସଡ଼ ନାବୀକଆଃ କାମିତେ ଇନ୍‌କୁକେପେ ନେଲ୍‌ଉରୁମ୍‌କଆ ।

ଆଇଙ୍ଗ୍ ଆପେକେ କାଇଙ୍ଗ୍ ସାରିୟା

(ଲୁକ ୧୩:୨୫-୨୭)

୨୧ “ଆଇଙ୍ଗ୍‌କେ ‘ହେ ପ୍ରାଭୁ, ହେ ପ୍ରାଭୁ’ ମେତାଇଙ୍ଗ୍‌ତାନ୍ ଏନ୍ ହଡ଼କଏତେ ସବେନ୍ ହଡ଼କ ସିର୍ମା ରାଇଜ୍‌ରେ କାକ ବଲଆ, ମେନ୍‌ଦ ଜେତାଏ ଆଇଙ୍ଗ୍‌ୟାଃ ସିର୍ମାରେନ୍ ଆପୁଆଃ ମନେଲେକା ସେସେନ୍‌ନିଃ ବଲଆଏ । ୨୨ ପାର୍‌ମେଣ୍ଡାର୍‌ଆଃ ସାଜାଇ ହୁଲାଇ ହିନ୍‌ଡ଼଼ରେ, ପୁରାଃ ହଡ଼କ ଆଇଙ୍ଗ୍‌କେ ‘ହେ ପ୍ରାଭୁ, ହେ ପ୍ରାଭୁ, ଚିୟାଃ ଆଲେ ଆମାଃ ନୁଡୁମ୍‌ତେ ପାର୍‌ମେଣ୍ଡାର୍‌ଆଃ କାନାଜି କାଲେଟି କାଜି ? ଆମାଃ ନୁଡୁମ୍‌ତେ ବଙ୍ଗାକକେ କାଲେଟି ହାର୍‌ଅଡ଼ଙ୍ଗ୍ ? ଆଡ଼ଃ ଆକ୍‌ଦାନ୍‌ଅ କାମି କାଲେଟି କାମି ?’ ୨୩ ଏନ୍ତେ ଆଇଙ୍ଗ୍

ଇନ୍ଦ୍ରକୁଳେ ମେତାକଆଇଙ୍ଗ, 'ଆଇଙ୍ଗ ଆପେକେ କାଇଙ୍ଗ ସାରିୟାଃ,
ଏ ଏଡ଼କାନକ, ଆଇଙ୍ଗତାଃଏତେ ଆତମେନ୍ଦେ ।'

ବାରହଡ଼ ଅଡ଼ାଃ ବାବାଇକିନ୍
(ଲୁକ ୭:୪୭-୪୯)

୨୪ “ଏନା ନାଗେନ୍ତେ ଜେତାଏ ଆଇଁୟାଃ ନେ ସବେନ୍ କାଜି
ଆୟୁମକେଦତେ ମାନାତିଙ୍ଗନିଃ, ଚାଟେନ୍ ଦିରିରେ ଆୟାଃ ଅଡ଼ାଃ
ବାଇକେଦ୍ ସେଣାନ୍ ହଡ଼ ଲେକାଃଏ । ୨୪ ଦାଆଃ ଗାମାକେଦାଏ,
ଚୁଡ଼ାୟାନା, ଆନ୍ଦିହୟ ହୟକେଦାଏ ଆଡ଼ ଅଡ଼ାଃରେ ଚଅଃୟାନା,
ମେନ୍ଦ ଏନା କା ହାଦୁଡ଼ୟାନା, ଚିୟାଃଚି ଏନାଦ ଚାଟେନ୍ ଦିରି
ଚେତାନ୍ରେ ବାଇୟାକାନ୍ ତାଇକେନା ।

୨୬ “ମେନ୍ଦ ଜେତାଏ ଆଇଁୟାଃ ନେ ସବେନ୍ କାଜି
ଆୟୁମକେଦତେ କା ମାନାତିଙ୍ଗନିଃ, ଗିତିଲ୍ରେ ଆୟାଃ ଅଡ଼ାଃ
ବାଇକେଦ୍ ତଣ୍ଡୁ ହଡ଼ ଲେକାଃଏ । ୨୬ ଦାଆଃ ଗାମାକେଦାଏ,
ଚୁଡ଼ାୟାନା, ଆନ୍ଦିହୟ ହୟକେଦାଏ ଆଡ଼ ଅଡ଼ାଃରେ ଚଅଃୟାନା,
ଏନ୍ତେ ଏନା ହାଦୁଡ଼ୟାନା, ଆଡ଼ ଏନାରାଃ ଜିୟନଃ ପୁରାଃ ବରଞ୍ଜାନି
ହବାୟାନା ।”

ୟୀଶୁଆଃ ଆକ୍ତେୟାର୍

୨୮ ✧ୟୀଶୁ ନେ କାଜିକ କାଜିଚୁଣ୍ଡୁକେଦ୍, ଗାଦେଲ୍ ହଡ଼କ
ଇନିୟାଃ ଇନିତୁରେ ଆକ୍ଦାଦାଅୟାନାକ, ୨୯ ଚିୟାଃଚି ଇନିଃଦ
ଇନ୍ଦ୍ରକୁଆଃ ଆଇନ୍ ଇତୁକ ଲେକାଦ କାହା, ମେନ୍ଦ ମିଆଁଦ୍
ଆକ୍ତେୟାର୍ ନାମାକାଦନିଃଲେକା ଇତୁକ ତାଇକେନା ।

┌

ୟୀଶୁ ମିଆଁଦ୍ ନାଗେଦାଅନିଃକେ ବୁଗି ତାନା

(ମାର୍କ ୧:୪୦-୪୫; ଲୁକ ୫:୧୨-୧୬)

୧ ଯୀଶୁ ବୁରୁଏତେ ଆଡ଼ଗୁୟାନ୍ତି, ଗାଦେଲ୍ ହଡ଼କ ଇନିଃକେକ
ଅତଙ୍ଗକିୟା । ୨ ଏନ୍ତେ ମିଆଁଦ୍ ନାଗେଦାଅନିଃ ଇନିଃତାଃ
ହିଜୁକେଦତେ, ଇକ୍ତୁକେଦତେ ବିକ୍ତିତାନ୍ଲଃ କାଜିକିୟାଏ,

✧ ୨:୨୮ ୭:୨୮ ମାର୍କ ୧:୨୨; ଲୁକ ୪:୩୨.

“ହେ ପ୍ରାଭୁ, ଆମ୍ଭ ସାନାଙ୍କରେଦ ଆଇଙ୍କକେ ବୁଗିନିୟାର ଦାଡ଼ିୟାମ୍
।”

୩ ଏନ୍ତେ ଯୀଶୁ ଆୟାଃ ତିଃଇ ଜିଲିଙ୍ଗକେଦ୍ତେ ଜୁଟିଦକିୟାଏ
ଆଡ଼ଃ କାଜିକିୟାଏ, “ଆଇଙ୍କ ସାନାଙ୍କତାନିଙ୍ଗ୍ ଆମ୍ଭ ବୁଗିନିୟାରଃମେ
।” ଆଡ଼ଃ କାଜିତାନ୍ ତରସାଗି ଇନିୟାଃ ନାଗେଘାଅ ଫାରତିୟାନା
। ୪ ଏନ୍ତେ ଯୀଶୁ ଇନିଃକେ କାଜିକିୟାଏ, “ନେଲେମେ, ଜେତାଏକେ
ନେ କାଜି ଆଲମ୍ ଉଦୁବକଆଃ, ମେନ୍ଦ, ଜୁ, ଯାକାକତାଃରେ
ଉଦୁବେନ୍ମେ ଆଡ଼ଃ ଆମ୍ଭ ବୁଗିୟାକାନାମ୍ ମେନ୍ତେ ଇନ୍କୁଆଃ ଗାଞ୍ଜା
ନାଗେନ୍ତେ ମୁଣା ନାବୀ ଆତୁକାଦ୍ ଦାଣ୍ଟୋରାଃ ଦାନ୍ ରାକାବେମେ ।”

ୟୀଶୁ ମିଦ୍ ସାଅ ସିପାଇକଆଃ ଗମକେୟାଃ ଦାସିକେ ବୁଗି ତାନା
(ଲୁକ ୭:୧-୧୦; ଯୋହାନ୍ ୪:୪୩-୫୪)

୫ ଯୀଶୁ କପରନାହୁମ୍ ସାହାରତେ ବଲୟାନ୍ ଇମତା ମିଦ୍‌ଶାଅ
ସିପାଇକଆଃ ମିଆଁଦ୍ ରୋମି ଗମକେ ଇନିଃତାଃତେ ହିଜୁଃୟାନା
ଆଡ଼ଃ ଦେଙ୍ଗାନାଙ୍ଗ୍ ବିକ୍ରିକିୟାଏ, ୬ “ହେ ଗମକେ, ଦାସିତାଇଙ୍ଗ୍
ବାଡ଼କାନ୍ତେ ଅଡ଼ାଃରେ ବିରିଦ୍‌ବାଡ଼ା କାଏ ଦାଡ଼ିତାନ୍ ଆଡ଼ଃ
ବରଞ୍ଜାନ୍‌ଗି ଦୁକୁତାନାଏ ।”

୭ ଯୀଶୁ ଇନିଃକେ କାଜିକିୟା, “ଆଇଙ୍କ୍ ସେନ୍‌କେଦ୍ତେ ଇନିଃକେ
ବୁଗିଆଇଙ୍ଗ୍ ।”

୮ ମେନ୍ଦ ମିଦ୍‌ଶାଅ ସିପାଇକଆଃ ଗମକେ କାଜିରୁହାଡ଼କିୟା,
“ହେ ଗମକେ, ଆମ୍ଭ ଆଇଁୟାଃ ଅଡ଼ାଃରେମ୍ ବଲଆ ଏନ୍
ଲେକାନ୍‌ନିଃଦ୍ ନାହାଁଲିଙ୍ଗ୍, ମେନ୍ଦ ମିସାଗି କାଜିତାମ୍
ଏନ୍‌ରେଦ୍ ଦାସି ତାଇୟାଃ ବୁଗିକଆଃଏ । ୯ ଚିୟାଃଚି ଆଇଙ୍ଗ୍‌ହ୍
ଏଟାଃକଆଃ ଆକ୍‌ତେୟାର୍‌ରେ ମେନାଲୟାଃ, ସିପାଇକ ଆଇଁୟାଃ
ଆକ୍‌ତେୟାର୍‌ରେ ମେନାକଆଃ । ଆଇଙ୍ଗ୍ ମିହୁଡ଼କେ ସେନଃମେ
ମେତାଇରେଦ୍ ଇନିଃ ସେନଃଆଏ ଆଡ଼ଃ ଏଟାଃନିଃକେ ହିଜୁଃମେ
ମେତାଇରେ ଇନିଃ ହିଜୁଃଆଏ । ଆଇଁୟାଃ ଦାସିକେ ନେୟାଁ କାମିମେ
ମେତାଇରେ ଇନିଃ କାମିୟାଏ ।”

୧୦ ଯୀଶୁ ନେଆଁ ଆୟୁମ୍‌କେଦ୍ତେ ଆକ୍‌ଦାନ୍‌ଆୟାନା ଆଡ଼ଃ
ଆଇଃକକେ ଅତଙ୍ଗ୍‌ଇତାନ୍ ହଡ଼କକେ ମେତାଦକଆ, “ଆଇଙ୍ଗ୍
ଆପେକେ ସାରତିଗି କାଜିପେତାନାଇଙ୍ଗ୍, ଇସ୍ରାଏଲ୍‌ରେହ ନେ

ଲେକାନ୍ ମାରାଙ୍ଗ ବିଶ୍ୱାସ କାଇଙ୍ଗ ନାମ୍‌କାଦା । ^{୧୧} ✱ଆଇଙ୍ଗ ଆପେକେ କାଜିପେତାନାଇଙ୍ଗ, ପୁରାଃ ହଡକ ପୁରାବ୍ ଆଡ଼ଃ ପାଶ୍ଟିମ୍‌ଏତେକ ହିଜୁଃଆ, ଏନ୍ତେ ଆବ୍ରାହାମ୍, ଇସାକ୍, ଆଡ଼ଃ ଯାକୁବ୍‌ତେକଲଃ ସିର୍ମା ରାଇଙ୍ଗରେ ଜଜମ୍ ନାଙ୍ଗକ ଦୁବାଃ, ^{୧୨} ✱ମେନ୍‌ଦ ଏନ୍ ରାଇଙ୍ଗରେନ୍ ହନ୍‌କ ନୁବାଃଉତାରରେକ ହୁରାଙ୍ଗ୍ ଏଣ୍ଡାଗଆଃ । ଏନ୍ତାଃରେ ଆକଆଃ ରାନାଆଃ ଆଡ଼ଃ ତାଗା ହାବ୍ ରିଡିଦଃଆ ।” ^{୧୩} ଏନ୍ତେ ଯୀଶୁ ମିଦ୍ ସାଅ ସିପାଇକଆଃ ଗମ୍‌କେ କେ କାଜିକିୟା, “ଜୁ ଅଡ଼ଃଃତେ ସେନଃମେ, ଆଡ଼ଃ ଆମ୍ ବିଶ୍ୱାସକାଦ୍ ଲେକା ଆମାଃ ନାଗେନ୍ତେ ହବାଅଃକା ।”

ଆଡ଼ଃ ମିଦ୍ ସାଅ ସିପାଇକଆଃ ଗମ୍‌କେୟାଃ ଦାସି ଏନ୍ ଦିପିଲିରେଗି ବୁଗିୟାନା ।

ଯୀଶୁ ପୁରାଃ ଦୁକୁତାନ୍ ହଡକକେ ବୁଗିକେଦକଆ

(ମାର୍କ ୧:୨୯-୩୪; ଲୁକ ୪:୩୮-୪୧)

^{୧୪} ଯୀଶୁ ପାଡ଼ରାସ୍‌ଆଃ ଅଡ଼ଃଃତେ ହିଜୁଃୟାନ୍‌ଗି, ଇନିଃ ପାଡ଼ରାସ୍‌ଆଃ ହାନାର୍‌ତେକେ ଉରିୟୁତେ ପାର୍‌କମ୍‌ରେ ବାଟିୟାକାନ୍ ନେଲ୍‌କିୟାଏ । ^{୧୫} ଏନ୍ତେ ଯୀଶୁ ଇନିୟାଃ ତିଃଇ ଜୁଟିଦ୍‌କେଦାଏ ଆଡ଼ଃ ଇନିଃ ଉରିୟୁଏତେ ବୁଗିୟାନା, ଏନ୍ତେ ଇନିଃ ବିରିଦ୍‌କେଦ୍‌ତେ ଇନିୟାଃ ସୁସାର୍ ଏଟେଦ୍‌କେଦାଏ ।

^{୧୬} ସିଙ୍ଗିହାସୁରଃ ତାନ୍‌ରେ ହଡକ ପୁରାଃ ବଙ୍ଗା ଏସେରକାନ୍ ହଡକକେ ଯୀଶୁତାଃତେକ ଆଉକେଦକଆ । ଇନିଃ ବଙ୍ଗାକକେ କାଜିତେଗି ହାର୍ ଅଡ଼ଙ୍ଗକେଦକଆ ଆଡ଼ଃ ସବେନ୍ ଦୁକୁହାସୁତାନ୍‌କକେ ବୁଗିକେଦକଆ । ^{୧୭} ଯିଶାୟ ନାବୀ କାଜିକାଦ୍‌ତେୟାଃ ପୁରାଅଃକା ମେନ୍ତେ ଇନିଃ ନେ ଲେକାଏ କାମିକେଦା, “ଇନିଃ ଆଇଃକ୍‌ଗି ଆବୁଆଃ ଦୁକୁହାସୁକଏ ଗଅଃଇଦିକେଦା ।”

ଯୀଶୁକେ ଅଡ଼ଙ୍ଗଙ୍ଗରାଃ ଗନଙ୍ଗ୍

(ଲୁକ ୯:୫୭-୬୨)

୧୮ ଯୀଶୁ ଆୟାଃ ଉପୁନ୍‌ସାଃରେ ପୁରାଃ ହୃଦକକେ ନେଲକେଦତେ ଦରେୟା ହାନ୍ ପାରମ୍‌ତେବୁ ସେନା ମେନ୍ତେ ଚେଲକକେ ଆରୁକେଦକଆ । ୧୯ ଏନ୍ତେ ମିଆଁଦ୍ ଆଇନ୍ ଇତୁନିଃ ହିଜୁଃକେଦତେ କାଜିକିୟା, “ହେ ଗୁରୁ, ଆମ୍ କତେମ୍ ସେନା ଏନ୍ତେଇଙ୍ ଅତଙ୍‌ମେୟା ।”

୨୦ ଯୀଶୁ ଇନିଃକେ କାଜିରୁହାଡ଼କିୟା, “ତୁୟୁକଆଃଦ ଲାତା ମେନାଃ ଆତଃ ସିମା ଲାତାରରେନ୍ ଚେଣୈକଆଃ ଅକା ମେନାଃ ମେନ୍‌ଦ ମାନଃହନ୍‌ଆଃ ବହଃ ଦହନାଙ୍ ଠାୟାଦ୍ ବାନଆଃ ।”

୨୧ ଆୟାଃ ଚେଲକଏତେ ଏଟାଃନିଃ କାଜିକିୟାଏ, “ହେ ପ୍ରାଭୁ, ସିଦାତେ ଆପୁଇଙ୍‌କେ ତପାଇ ନାଗେନ୍ତେ ସେନ୍‌ଇଚିଙ୍‌ମେ ।”

୨୨ ମେନ୍‌ଦ ଯୀଶୁ କାଜିରୁହାଡ଼କିୟାଏ, “ଅତଙ୍‌ଇଙ୍‌ମେ, ଆତଃ ଗଏଃକାନ୍‌କ ଆକଆଃ ଗଏଃକାନ୍‌କକେ ତପାକକାକ ।”

ଯୀଶୁ ମାରାଙ୍ ହୟକେ ହାପାଉତାରକେଦା

(ମାର୍କ ୪:୩୫-୪୧; ଲୁକ ୮:୨୨-୨୫)

୨୩ ଯୀଶୁ ଲାଉକାରେ ଦେଏଃୟାନା ଆତଃ ଇନିୟାଃ ଚେଲକ ଇନିଃକେକ ଅତଙ୍‌କିୟା । ୨୪ ଏନ୍ତେ ନେଲେପେ, ଦରେୟାରେ ଇମ୍‌ତାଙ୍‌ଗି ଦୁଦୁଗାରୁହୟ ବିରିଦ୍‌ୟାନା ଆତଃ ଲାଉକାରେ ଆଲ୍‌ପୁଙ୍‌କ ରାକାବ୍‌ୟାନା, ଆତଃ ଲାଉକା ତୁବିଃଗ୍‌ୟାନ୍ ଲେକା ହବାୟାନା । ମେନ୍‌ଦ ଯୀଶୁ ଦୁଡ଼ୁ ତାଇକେନାଏ । ୨୫ ଚେଲକ ଇନିଃତାଃତେ ସେନ୍‌କେଦତେ ବିରିଦିତାନ୍‌ଲଃ କାଜିକିୟାକ, “ହେ ପ୍ରାଭୁ, ବାଞ୍ଛାଅଲେମେ, ଆଲେ ତୁବିଃଗ୍ ଗଜଃତାନାଲେ !”

୨୬ ଯୀଶୁ ଇନ୍‌କୁକେ କାଜିରୁହାଡ଼କେଦକଆ, “ଏ ହୁଡିଙ୍ ବିଶ୍ୱାସ୍‌ତାନ୍‌କ, ଚିନାଃ ମେନ୍ତେପେ ବରତାନା ।” ଏନ୍ତେ ଇନିଃ ବିରିଦ୍‌କେଦତେ ହୟ ଆତଃ ଦରେୟାରାଃ ଆଲ୍‌ପୁଙ୍‌କେ ମାରାଙ୍‌ମଟାକେଦା, ଏନ୍ତେ ସବେନାଃ ପୁରା ସିଃସଏଃୟାନା ।

୨୭ ହୃଦକ ଆକଦାନ୍‌ଅୟାନାକ, ଆତଃ ମେନ୍‌କେଦାକ, “ନିଃ ଚିଲକାନ୍ ହଡ଼ ତାନିଃ ? ହୟ ଆତଃ ଦରେୟାରାଃ ଆଲ୍‌ପୁଙ୍‌କ ନିଃକେ ମାନାଡିଙ୍‌ତାନାକ !”

ଯୀଶୁ ବଙ୍ଗା ଏସେରାକାନ୍ ବାରହଡ଼କିନ୍‌କେ ବୁଗିକେଦକିନା

(ମାର୍କ ୫:୧-୨୦; ଲୁକ ୮:୨୬-୩୯)

୨୮ ଯୀଶୁ ଦରେୟା ହାନ୍ ପାରମ୍ ଗେରାସିମିକଆଃ ପାରଗାନ୍ତେ ସେଟେରୟାନ୍ତି, ବାରହତ୍ ବଙ୍ଗା ଏସେରକାନ୍କିନ୍ ତପାଠାୟାଦ୍‌ଏତେ ଅତଙ୍ଗକେଦ୍‌ତେ ଯୀଶୁକେ ସେନ୍‌ଦାରମ୍‌କିୟାକିନ୍ । ଇନ୍‌କିନାଃ ପୁରାଃ ପେଡ଼େଃ ଆତଃ ବରଝାନ୍‌ଗି ତାଇକେନାକିନ୍, ଏନାତେ ଏନ୍ ହରାରେ ଜେତାଏ କାକ ସେନ୍‌ପାରମ୍ ଦାଡ଼ିତାଇକେନା । ୨୯ ଆତଃ ଇମ୍‌ତାଗି ଇନ୍‌କିନ୍ କାଉରିତାନ୍‌ଲଃ କାଜିକେଦାକିନ୍, “ହେ ପାରମେଶ୍ଵାର୍‌ଆଃ ହନ୍, ଆଲିଙ୍ଗଲଃ ଆମାଃ ଚିକାନ୍ କାମି ? ଚିୟାଃ ଆମ୍ ନେତା ଆଉରି ସେଟେର୍ ସିଦାରେ ଆଲିଙ୍ଗକେ ସାଜାଇ ଏମ୍ ନାଗେନ୍ତେ ନେତାଃତେମ୍ ହିଜୁଆକାନା ?”

୩୦ ଆତଃ ଇନ୍‌କୁଏତେ କାଚିଃ ସାଙ୍ଗିନ୍‌ରେ ସୁକୁରିକଆଃ ମାରାଙ୍ଗ ଗୋଟ୍ ଆଡିଙ୍ଗତାନ୍‌କ ତାଇକେନା । ୩୧ ଏନ୍ତେ ଏନ୍ ହତ୍‌ଆଃ ଭିତାର୍‌ଏତେ ବଙ୍ଗାକ ଯୀଶୁକେ ବିନ୍ତ୍ରିକେଦ୍‌ତେ କାଜିକିୟାକ, “ଆମ୍ ଆଲେକେ ଅତଙ୍ଗଲେରେଦମ୍ ଏନ୍ ସୁକୁରିକଆଃ ଗୋଟ୍‌ରେ କୁଲ୍‌ତାଲେମେ ।”

୩୨ ଯୀଶୁ ଇନ୍‌କୁକେ ମେତାଦ୍‌କଆ, “ସେନଃପେ ।” ଏନ୍ତେ ଇନ୍‌କୁ ଅତଙ୍ଗକେଦ୍‌ତେ ସୁକୁରିକରେକ ବଲୟାନା, ଆତଃ ସୁକୁରିକଆଃ ଗୋଟ୍, ଦରେୟାରେ ନିର୍ ଛୁଷ୍‌ମାଅୟାନାକ ଆତଃ ଦାଆଃରେ ତୁବିଃଗ୍ ଗଏଃୟାନାକ ।

୩୩ ସୁକୁରି ଗୁପିତାନ୍‌କ ନିର୍‌ୟାନା ଆତଃ ସାହାର୍‌ତେ ତେବାଃୟାନ୍ତି, ହବାକାନ୍ ସବେନାଃ ଆତଃ ଏନ୍ ବଙ୍ଗା ଏସେରକାନ୍‌କିନ୍‌କେ ହବାକାନ୍‌ତେୟାଃ ସବେନାଃ ଉଦୁବାଦ୍‌କଆକ । ୩୪ ଏନ୍ତେ ସାହାର୍‌ରେନ୍ ସବେନ୍ ହତ୍‌କ ଯୀଶୁକେ ନେଲ୍ ନାଗେନ୍ତେକ ଅତଙ୍ଗୟାନା ଆତଃ ଇନିଃକେ ନେଲ୍‌କିଃତେ, ଆଲେୟାଃ ସାହାର୍‌ରାଃ ସିମ୍‌ନାଏତେ ଅତଙ୍ଗଅଃମେ ମେନ୍ତେକ ବିନ୍ତ୍ରିକିୟା ।



ଯୀଶୁ ମିଆଁଦ୍ ବାଡ଼କାନ୍ ହତ୍‌କେ ବୁଗି ତାନା
(ମାର୍କ ୨:୧-୧୨; ଲୁକ ୫:୧୭-୨୬)

୧ ଯିଶୁ ଲାଉକାରେ ଦେଏଃୟାନ୍ତେ ଦରେୟା ପାରମ୍ଭେଦ୍ତେ ଆୟାଃ ସାହାର୍ତେ* ହିଜୁଃରୁହାଡ଼ୟାନାଏ । ୨ ନେଲେପେ, ମିଆଁଦ୍ ବାଡ଼କାନ ହଡ଼କେ ପାରକମରେ ବାରିୟାକାନଗି ଯିଶୁତାଃ ଗଅଃ ଆଉକିୟାକ । ଯିଶୁ ଇନ୍କୁଆଃ ବିଶ୍ୱାସ୍ ନେଲ୍ଲକେଦ୍ତେ ଏନ୍ ବାଡ଼କାନନିଃକେ କାଜିକିୟା, “ଏ ହନ୍ ଆଲମ୍ ବରଏୟା ! ଆମାଃ ପାପକ ଛାମାୟାନା ।”

୩ ଏନ୍ତେ ଆଇନ୍ ଇତୁକଏତେ ଚିମିନ୍କ ଆକ ଆକରେକ କାଜିକେଦା, “ନେ ହଡ଼ ପାରମେଶ୍ୱାରକେ ନିନ୍ଦାଇତାନା ।”

୪ ଯିଶୁ ଇନ୍କୁଆଃ ମନ୍ରେୟାଃ ଉଡ଼ୁ ଆଡ଼କାରକେଦ୍ତେ ମେତାଦକଆ, “ଆପେ ଚିକାନାକ୍ ଆପେୟାଃ ମନ୍ରେ ଏଡ଼କାନାଃପେ ଉଡ଼ୁତାନା ? ୫ ଅକନାଃ ରାଝାଲାଃ ? ‘ପାପ୍ ତାମାଃକ ଛାମାୟାନା’ ମେନ୍ତେ କାଜିତେୟାଃ ରାଝାଲାଃ ଚି ‘ବିରିଦ୍ମେ ଆଡ଼ଃ ସେନେମେ’ ମେନ୍ତେ କାଜିତେୟାଃ ? ୬ ମେନ୍ଦ୍ ନେ ଅତେରେ ପାପ୍ ଛାମାରେୟାଃ ଆକ୍ତେୟାର୍ ମାନଝାହନ୍ଆଃ ମେନାଃ,” ଏନା ଆପେ ସାରିଦାଡ଼ିପେ ମେନ୍ତେ ଇନିଃ ଏନ୍ ବାଡ଼କାନନିଃକେ କାଜିକିୟା, “ମାର୍ ବିରିଦ୍ମେ ଆଡ଼ଃ ପାରକମ୍ତାମାଃ ଗଅଃକେଦ୍ତେ ଆମାଃ ଅଡ଼ାଃତେ ସେନଃମେ ।”

୭ ଇନିଃ ବିରିଦ୍ୟାନ୍ତେ ଅଡ଼ାଃତେ ସେନଃୟାନା । ୮ ନେଆଁ ନେଲ୍ଲକେଦ୍ତେ ପୁରାଃ ହଡ଼କ ବରକେଦାକ ଆଡ଼ଃ ପାରମେଶ୍ୱାର୍, ହଡ଼କକେ ନେ ଲେକାନ୍ ଆକ୍ତେୟାର୍ ଏମାକାଦକ ନାଗେନ୍ତେ ପାରମେଶ୍ୱାରକେ ମାରାକ୍କିୟାକ ।

ଯିଶୁ ମାଥୂରକେ କେଡ଼ାଇତାନା
(ମାର୍କ ୨:୧୩-୧୭; ଲୁକ ୫:୨୭-୩୨)

୯ ଯିଶୁ ଏନ୍ତାଃ ବାରିକେଦ୍ତେ ସେନଃତାନ୍ ଇମ୍ତା ମାଥୂର ନୁତୁମ୍ ମିଆଁଦ୍ ହଡ଼କେ ମାଲ୍ହାରମ୍ ଠାୟାଦ୍ରେ ଦୁବାକାନ ନେଲ୍ଲକେଦ୍ତେ ଇନିଃକେ କାଜିକିୟା, “ଦେଲା ଅତକ୍କାକ୍ମେ ।”

ଏନ୍ତେ ମାଥୂର ବିରିଦ୍କେଦ୍ତେ ଇନିଃକେ ଅତକ୍କିୟା ।

୧୦ ✠ ଯିଶୁ, ମାଥୂରଆଃ ଅଡ଼ାଃରେ† ଜମ୍ ଦୁବାକାନ୍ ତାଇକେନ୍ ଇମ୍ତା, ପୁରାଃ ମାଲ୍ହାରମ୍ ଆଡ଼ଃ ପାପକ ହିଜୁଃକେଦ୍ତେ, ଯିଶୁଲଃ ଆଡ଼ଃ ଆୟାଃ ଚେଲାକଲଃକ ଦୁଦ୍ ମେସାୟାନା ।

* ୯:୧ ୯:୧ କପରନାହୁମ୍ ✠ ୯:୧୦ ୯:୧୦ ଲୁକ ୧୫:୧,୨. † ୯:୧୦ ୯:୧୦ ଯିଶୁଆଃ ଅଡ଼ାଃରେ

୧୧ ଫାରୁଶୀକ ନେଆଁ ନେଲକେଦତେ ଇନିୟାଃ ଚେଲାକକେ କୁଲିକେଦକଆକ, “ଆପେୟାଃ ଗୁରୁ ଚିକାନାଙ୍ଗ୍ ମାଲହାରମ୍‌କଲଃ ଆଡ଼ଃ ପାପିକଲଃ ଜମ୍‌ତାନାଏ ?”

୧୨ ଯୀଶୁ ନେଆଁ ଆୟୁମ୍‌କେଦତେ କାଜିରୁହାଡ଼କେଦକଆ, “ବୁଗିନ୍ ହଡ଼କ ନାଗେନ୍ତେ ମେନ୍ତେଦ କାହା ମେନ୍‌ଦ ହାସୁତାନକ ନାଗେନ୍ତେ ବାଇଦ ଲାଗାତିଙ୍‌ୟାଃ । ୧୩ ☆ମେନ୍‌ଦ ଆପେ ସେନଃପେ ଆଡ଼ଃ ‘ଆଇଙ୍ଗ୍ ଦାଣ୍ଠୋକାବ୍ କାହାଗି ମେନ୍‌ଦ ଲିବୁଇଙ୍ଗ୍ ସୁକୁତାନା’ ନେ କାଜିରେୟାଃ ମୁଣ୍ଡି ଇତୁନପେ, ଚିୟାଃଚି ଆଇଙ୍ଗ୍ ଧାର୍‌ମାନ୍ ହଡ଼କକେ କେଡ଼ା ନାଗେନ୍ତେଦ କା ମେନ୍‌ଦ ପାପିକକେ କେଡ଼ା ନାଗେନ୍ତେଇଙ୍ଗ୍ ହିଜୁଆକାନା ।”

କାଟାବ୍‌ରେୟାଃ କୁନୁଲି‡
(ମାର୍କ ୨:୧୮-୨୨; ଲୁକ ୫:୩୩-୩୯)

୧୪ ଏନ୍ତେ ବାପ୍ତିସ୍ମା ଏମଃନିଃ ଯୋହାନ୍‌ଆଃ ଚେଲାକ ଯୀଶୁତାଃତେ ହିଜୁଃକେଦତେ କୁଲିକିୟାକ, “ଆଲେ ଆଡ଼ଃ ଫାରୁଶୀକ କାଟାବ୍ ରିକାଃଲେ, ମେନ୍‌ଦ ଆମାଃ ଚେଲାକ ଚିନାଃମେନ୍ତେ କାକ କାଟାବାଃ ?”

୧୫ ଯୀଶୁ ଇନ୍‌କୁକେ ମେତାଦକଆ, “ଆଣ୍‌ଦିଅଡ଼ାଃରେ ବାଲାକଲଃ ଦୁଲ୍ଲକଡ଼ା ତାଇନଃ ଜାକେଦ୍ ଚିୟାଃ ଇନ୍‌କୁ ରେଙ୍ଗେଃ କାଟାବ୍‌ଗି ତାଇନାଃକ ? କାହାଗି, ଏନ୍‌କାଦ କା ହବାଅଆଃ । ମେନ୍‌ଦ ନେଡ଼ା ତେବାଗାଃ, ଦୁଲ୍ଲକଡ଼ାକେ ଇନ୍‌କୁତାଃଏତେ ଇଦିୟାଆ, ଏନ୍ ଦିପିଲିରେ ଇନ୍‌କୁ କାଟାବେୟାକ ।

୧୬ “ଜେତାଏ ନାଞ୍ଜା ଲିଜାଃରାଃ କେଚାଃ ମାରି ଲିଜାଃରେ ଜଡ଼ାଇକେଦତେ କାକ ତୁନାୟା, ଚିୟାଃଚି ନାଞ୍ଜା ଲିଜାଃରାଃ କେଚାଃ ମାରି ଲିଜାଃଏତେ ଆଡ଼ଃଗି ଚେଚାଃ ଇଦିୟାଏ, ଆଡ଼ଃ ଏନ୍ ଚେଚାଃ ସିଦାଏତେ ଆଡ଼ଃଗି ମାରାଙ୍ଗ୍ ଇଦିୟାଆ । ୧୭ ଆଡ଼ଃ ହଡ଼କ ନାଞ୍ଜା ଦାଖରାସିକେ ମାରି ଉହୁର୍‌ତୁମ୍‌ପାରେ ଜେତାଏ କାକ ଦୁଲ୍‌ପେରେଜେୟା, ଚିୟାଃଚି ଦାଖରାସି ଉହୁର୍‌ତୁମ୍‌ପାକେ ଅଡ଼େଃତାଃଏ ଆଡ଼ଃ ଦାଖରାସି ଲିଙ୍ଗି ଏଣ୍ଡାଗଃଆ, ଏନାମେନ୍ତେ ହଡ଼କ

☆ ୯:୧୩ ୯:୧୩ ମାଧୁର ୧୨:୭. ‡ ୯:୧୩ ୯:୧୪ କୁଲିତେୟାଃ

ନାଞ୍ଜା ଦାଖରାସିକେଦ ନାଞ୍ଜା ଉତ୍ତୁରତୁମ୍ବାରେ ପେରେଜାଃକ, ଆତଃ ବାରାନାଃ ଦହ ଜାତାନଃଆ ।”

ଯାଇରସରାଃ ହନକୁଡ଼ି ଆତଃ ଦୁକୁତାନ୍ କୁଡ଼ି
(ମାର୍କ ୫:୨୧-୪୩; ଲୁକ ୮:୪୦-୫୬)

^{୧୮} ଯାଶୁ ଇନକୁକେ ନେଆଁ କାଜିୟାକ ତାଇକେନ୍ ଇମ୍ତା, ଯିହୁଦୀକଆଃ ମିଆଁଦ ଆଗୁଆଇ ଇନିଃତାଃ ହିଜୁଃକେଦ୍ତେ ଆୟାଃ ଆୟାର୍ରେ ଇକଡ଼ମ୍ଭୟାନା ଆତଃ କାଜିକିୟାଏ, “ହନିଙ୍ଗକୁଡ଼ି ନାହାଁଃଗି ଚୁଣ୍ଡୁକେଦା । ଇନିଃ ଚିଲ୍ଲକା ବାଞ୍ଚାଅଃଆଏ, ଏନାମେନ୍ତେ ହିଜୁଃମେ, ଆତଃ ଇନିୟାଃ ଚେତାନ୍ରେ ତିଃଇ ଦହେମେ ।”

^{୧୯} ଏନ୍ତେ ଯାଶୁ ବିରିଦ୍‌କେଦ୍ତେ ଆୟାଃ ଚେଲାକଲଃ ଏନ୍ ହାକିମ୍‌କେ ଅତଙ୍ଗକିୟାକ ।

^{୨୦} ଆତଃ ବାରା ବାରାଷ୍‌ଏତେ ମାୟୋମ୍‌ଲିଙ୍ଗି ଦୁକୁରେ ଦୁକୁତାନ୍ ମିଆଁଦ କୁଡ଼ି ଦୟାହରା ହିଜୁଃକେଦ୍ତେ ଯାଶୁଆଃ ଲିଜାଃରାଃ ଆର୍‌ରା ଜୁଟିଦ୍‌କେଦାଏ । ^{୨୧} ଚିୟାଃଚି ଇନିଃ ଆୟାଃ ମନ୍ରେ “ଇନିୟାଃ ଲିଜାଃ ଏସକାର୍ ଜୁଟିଦ୍‌ତାରେଦ ଆଇଙ୍ଗ୍ ବୁଗିକଆଇଙ୍ଗ୍” ମେନ୍ତେ ଉଡ଼ୁତାନ୍ ତାଇକେନାଏ ।

^{୨୨} ମେନ୍‌ଦ ଯାଶୁ ହେତାରୁହାଡ଼କେଦ୍ତେ ଇନିଃକେ ନେଲ୍‌କିଃତେ କାଜିକିୟା, “ଏ ମାଇ, ଆଲମ୍ ବରଏୟା, ବିଶ୍ୱାସ୍ ତାମାଃ ବୁଗିୟାକାଦ୍‌ମେୟାଏ ।” ଏନ୍ ନେତାରେଗି ଏନ୍ କୁଡ଼ି ବୁଗିୟାନା ।

^{୨୩} ଏନ୍ତେ ଯାଶୁ ଏନ୍ ଆଗୁଆଇରାଃ ଅଡ଼ାଃତେ ହିଜୁଃକେଦ୍ତେ ଗନଏଃରାଃ ମୁରଲିସାଡ଼ି ହଡ଼କକେ ଆତଃ ହାଲାଗୁଲାତାନ୍ ହଡ଼କକେ ନେଲ୍‌କେଦ୍ତେ, ^{୨୪} ଇନିଃ ମେତାଦ୍‌କଆଏ, “ବାହାରି ଅତଙ୍ଗଅଃପେ କୁଡ଼ିହନ୍‌ଦ କାଏ ଗଏଃକାନା, ମେନ୍‌ଦ ଦୁଡ଼ମ୍ଭତାନାଏ ।” ଏନ୍ତେ ଇନକୁ ଇନିଃକେ ଲାୟାକିୟାକ । ^{୨୫} ମେନ୍‌ଦ ପୁରାଃ ହଡ଼କକେ ଅତଙ୍ଗକେଦ୍ତେ, ଇନିଃ ଭିତାର୍‌ତେ ବଲ୍‌ୟାନା ଏନ୍ତେ କୁଡ଼ି ହନ୍‌ରାଃ ତିଃଇ ସାଦ୍‌କେଦାଏ, ଆତଃ କୁଡ଼ି ହନ୍ ବିରିଦ୍‌ୟାନାଏ । ^{୨୬} ଆତଃ ନେ କାଜି ଏନ୍ ଗଗା ଦିଶୁମ୍ ଆୟୁମ୍‌ୟାନା ।

ଯାଶୁ ବାରହଡ଼୍‌କା ନେଲ୍‌ଦାଡ଼ିକିନ୍‌କେ ବୁଗିକେଦ୍‌କିନା

୨୭ ଯୀଶୁ ଏନ୍ତାଃଏତେ ସେନଃତାନ୍ ତାଇକେନ୍ ଇମ୍ତା ବାରହଡ଼୍, କା ନେଲ୍‌ଦାଡ଼ିକିନ୍ ଇନିୟାଃ ଦୟାଦୟାତେ ଅତଙ୍ଗକିଃତେ କାଉରିକେଦାକିନ୍, “ହେ ଦାଉଦ୍‌ଆଃ ହନ୍, ଆଲିଙ୍ଗକେ ଦାୟାଲିଙ୍ଗମେ ।”

୨୮ ଯୀଶୁ ଅତାଃତେ ବଲୟାନ୍ତି, ଏନ୍ କା ନେଲ୍‌ଦାଡ଼ିକିନ୍ ଇନିଃତାଃତେ ହିନ୍ଦୁଃୟାନାକିନ୍ ଆତଃ ଯୀଶୁ ଇନ୍‌କିନ୍‌କେ କୁଲିକେଦକିନା, “ଆଇଙ୍ଗ୍ ଆବେନ୍‌କେ ବୁଗି ଦାଡ଼ିୟାଲିଙ୍ଗ୍ ମେନ୍ତେ ତିନାଃ ଆବେନ୍ ବିଶ୍ୱାସତାନାବେନ୍ ?”

ଇନ୍‌କିନ୍ କାଜିରୁହାଡ଼କିୟା, “ହେଗି, ପ୍ରାଭୁ ।”

୨୯ ଏନ୍ତେ ଯୀଶୁ ଇନ୍‌କିନାଃ ମେଦକେ ଜୁଟିଦକେଦତେ ମେତାଦକିନା, “ଆବେନାଃ ବିଶ୍ୱାସ୍ ଲେକା ହବାଅଃକା ।” ୩୦ ଆତଃ ଇନ୍‌କିନ୍ ନେଲ୍ ଦାଡ଼ିକେଦାକିନ୍ । ଏନ୍ତେ ଯୀଶୁ ରେତାଞ୍ଜାନଗି ଇନ୍‌କିନ୍‌କେ ମେତାଦକିନା, “ନେଲେବେନ୍, ନେଆଁ ଜେତାଏକକେ ଆଲ୍‌ବେନ୍ କାଜିକ ।”

୩୧ ମେନ୍‌ଦ ଇନ୍‌କିନ୍ ଅତଙ୍ଗକେଦତେ, ଯୀଶୁଆଃ ବିଷାଏରେ ଏନ୍ ଦିଶ୍ୱମରାଃ ସବେନ୍‌ତାଃକିନ୍ ଉଦୁଦକେଦା ।

ଯୀଶୁ ମିଆଁଦ୍ କା ବାଖାଁଣ୍ ଦାଡ଼ିତାନ୍ ହଡ଼କେ ବୁଗିକିୟା

୩୨ ହଡ଼କ ଅତଙ୍ଗଅଃତାନ୍ ତାଇକେନ୍ ଇମ୍ତା, ତିମିନ୍ ହଡ଼କ ମିଆଁଦ୍ କା ବାଖାଁଣ୍ ଦାଡ଼ିତାନ୍ ହଡ଼କେ ଯୀଶୁତାଃତେକ ଆଉକିୟା । ଇନିଃ ବଙ୍ଗା ଏସେରକାନ୍ ତାଇକେନାଏ । ୩୩ ଆତଃ ବଙ୍ଗା ଅତଙ୍ଗୟାନ୍ ଇମ୍ତାଗି ଇନିଃ ଜାଗାର୍ ଏଟେଦକେଦାଏ । ସବେନ୍ ହଡ଼କ ଆକ୍‌ଦାନ୍‌ଆୟାନାକ ଆତଃ କାଜିକେଦାଃକ, “ଆଲେ ନେ ଲେକାନ୍ କାମି ଚିଉଲ୍‌ହ ଇସ୍ରାଏଲ୍‌ରେ କାଲେ ନେଲ୍‌କାଦା ।”

୩୪ ☆ମେନ୍‌ଦ ଫାରୁଗୀକ ମେନ୍‌କେଦା, “ବଙ୍ଗାକଆଃ ଗମ୍‌କେରାଃ ଦେଙ୍ଗାତେ ଯୀଶୁ ବଙ୍ଗାକକେ ହାର୍ ଅତଙ୍ଗକତାନା ।”

ଯୀଶୁ ହଡ଼କକେ ଲିବୁଇକେଦକଆ

୩୫ ☆ଯୀଶୁ ସବେନ୍ ସାହାର୍ ଆତଃ ହାତୁ ହାତୁ ହନରତାନ୍ ତାଇକେନାଏ । ଇନିଃ ଇନ୍‌କୁଆଃ ସାମାଜ୍ ଅତାଃକରେ

☆ ୯:୩୪ ୯:୩୪ ମାଥୁରା ୧୦:୨୫; ୧୨:୨୪; ମାର୍କ ୩:୨୨; ଲୁକ ୧୧:୧୫. ☆ ୯:୩୫ ୯:୩୫ ମାଥୁରା ୪:୨୩; ମାର୍କ ୧:୩୯; ଲୁକ ୪:୪୪.

ଇଡୁକତାନ୍‌ଲଃ ରାଇଜ୍‌ରେୟାଃ ସୁକୁକାଜି ଉଦୁବ୍‌କେଦାଏ ଆଡଃ ହଡ଼କଆଃ ସବେନ୍ ଦୁକୁ ଆଡଃ ସବେନ୍ ହାସୁକଏତେ ବୁଗିକତାନ୍ ତାଇକେନାଏ । ୩୭ ☆ଇନିଃ ଗାଦେଲ୍ ହଡ଼କକେ ନେଲ୍‌କେଦ୍‌ତେ ଆୟାଃ ମନ୍‌ରେ ବିଲ୍‌କାଅୟାନାଏ, ଚିୟାଃଟି ଇନ୍‌କୁଦ ଗୁପିନିଃ ବାଙ୍ଗାଇ ମିଣ୍ଡିକ ଲେକା ଜୀଉ ଦୁକୁଆକାନ୍ ଆଡଃ ଛିତିବିତିକାନାକ । ୩୮ ☆ଏନ୍ତେ ଇନିଃ ଆୟାଃ ଚେଲ୍‌କକେ କାଜିକେଦ୍‌କଆ, “ଇରୋଃ ପୁରାଃଗିୟାଃ ମେନ୍‌ଦ କାମିନାଲ୍‌କ ହୁଡ଼ିଙ୍ଗ୍‌ଆଁକ । ୩୯ ଆମ୍ ଆମାଃ ଇରୋଃତେ କାମି ନାଲ୍‌କ କୁଲ୍‌କମ୍ ମେନ୍ତେ ଇରୋଃ ଗମ୍‌କେତାଃରେ ବିନ୍ତିମେ ।”

୧୦

ୟୀଶୁଆଃ କୁଲ୍‌କାନ୍ ଗେଲ୍‌ବାର୍ ଚେଲ୍‌କ

(ମାର୍କ ୩:୧୩-୧୯; ୬:୭-୧୩; ଲୁକ ୬:୧୨-୧୬; ୯:୧-୬)

୧ ୟୀଶୁ ଆୟାଃ ଗେଲ୍‌ବାର୍ ଚେଲ୍‌କକେ ଆୟାଃତାଃତେ ହାକାଅକେଦ୍‌ତେ ସଡ଼ରା ଆମ୍‌କକେ ହାରଅଡ଼ଙ୍ଗ୍‌ରେୟାଃ ଆକ୍‌ତେୟାର୍ ଆଡଃ ସବେନ୍ ଲେକାନ୍ କିଲିମିଲି ଦୁକୁ ହାସୁଏତେ ବୁଗିକ ନାଗେନ୍ତେ ଆକ୍‌ତେୟାର୍ ଏମାଦ୍‌କଆଏ । ୨ ଏନ୍ ବାରା ପ୍ରେରିଡ଼କଆଃ ନୁଡୁମ୍ ନେ ଲେକା ମେନାଃ, ପାହିଲାନିୟାଃ ନୁଡୁମ୍ ଶିମୋନ୍, ଇନିଃଦ ପାଡ଼ରାସ୍ ମେନ୍ତେ କାଜିୟଃତାନା ଆଡଃ ଆୟାଃ ହାଗାତେ ଆହିୟାସ୍, ଜେବଦୀୟାଃ ବାରିଆ ହନ୍‌କଡ଼ାକିନ୍ ଯାକୁବ୍ ଆଡଃ ଯୋହାନ୍, ୩ ଫିଲିପ୍ ଆଡଃ ବାର୍ଥୋଲମି, ଥୋମା ଆଡଃ ମାଲ୍‌ହାରମ୍‌ନିଃ ମାଥୁରା, ଆଲ୍‌ଫିୟନାଃ ହନ୍ ଯାକୁବ୍, ଆଡଃ ଅକ୍‌ସିୟ, ୪ ଶିମୋନ୍ ଅକଏଟି ଇସ୍ରାଏଲ୍ ହଡ଼କଆଃ ତନଲ୍‌ହେତେ ରାଡ଼ା ନାଗେନ୍ତେ ସାନାଙ୍ଗ୍ ତାଇକେନାଏ, ଆଡଃ ଇଷ୍ଟାରିୟଡ଼ ଯିହୁଦା ଅକଏଟି ତାୟମ୍‌ତେ ୟୀଶୁକେ ବାଇରିକଆଃ ତିଃଇରେ ଏମ୍ ଏଣ୍ଡାଃକିୟାଏ ।

ବାରାଝାନ୍ ପ୍ରେରିଡ଼କକେ ଏମାକାନ୍ ସେଝାକାମିରାଃ ବାହାରମ୍

(ମାର୍କ ୬:୭-୧୩; ଲୁକ ୯:୧-୬)

☆ ୯:୩୭ ୯:୩୭ ମାର୍କ ୬:୩୪. ☆ ୯:୩୭ ୯:୩୭ ଲୁକ ୧୦:୨.

୫ ଯୀଶୁ ନେ ଗେଲ୍‌ବାର୍ ଚେଲକକେ କୁଲକେଦ୍‌ଦେ ଇନ୍‌କୁକେ ଆରୁକତାନ୍‌ଲଃ ମେତାଦକଆଏ, “ସାଅଁସାର୍ ହଡ଼କତାଃତେ ଆଲ୍‌ପେ ସେନା ଚାଏ ଶମିରୋନିକଆଃ ଜେତା ସାହାର୍‌ତେ ଆଲ୍‌ପେ ବଲଆ । ୬ ମେନ୍‌ଦ ଇସ୍ରାଏଲ୍‌ରେନ୍ ହଡ଼କ, ମିଶ୍ଟିକଲେକା ଆଦାକାନ୍ ହଡ଼କତାଃତେ ସେନଃପେ । ୭ ଆତଃ ସେନ୍‌ତାନ୍ ସେନ୍‌ତାନ୍‌ଲଃ ‘ସିର୍ମା ରାଇଜ୍ ନାଡ଼େଃକାନା’ ମେନ୍ତେ ଉଦୁବେପେ । ୮ ହାସୁତାନ୍‌କକେ ବୁଗିକପେ, ଗଏଃକାନ୍‌କକେ ଜୀଉବିରିଦକପେ, ନାଗେଘାଅକାନ୍‌କକେ ଫାର୍‌ତିକପେ ଆତଃ ବଜ୍ଞାକକେ ହାର୍ ଅଡ଼ଜ୍‌କପେ । ଆପେ ବେଗାର୍ ଗନଜ୍‌ତେ ନାମକାଦ୍‌ତେୟାଃ ବେଗାର୍ ଗନଜ୍‌ତେ ଏମାକପେ । ୯ ଆପେୟାଃ ଆଇଲ୍‌ରେ ସୋନା, ରୁପା ଚାଏ ତାମ୍ବାରେୟାଃ ଟାକା ଆଲ୍‌ପେ ଇଦିୟା । ୧୦ ✨ଆତଃ ହରା ସେନ୍ ନାଗେନ୍ତେ ଆଇଲା ଚାଏ ବାରିଆ ତୁସିଜ୍ ଲିଜାଃ ଚାଏ ଖାର୍‌ପା ଚାଏ ସଟା ଆଲ୍‌ପେ ଇଦିୟା, ଚିୟାଃତି କାମିନିଃଦ ଆୟାଃ ନାଲା ନାମେ ଲେକାଃଏ ।

୧୧ “ଆତଃ ଆପେ ଜେତା ସାହାର୍‌ରେ ଚାଏ ହାତୁରେପେ ବଲରେଦ, ଏନ୍ତାଃରେ ଆପେକେ ସୁକୁଆପେତାନ୍‌ଲଃ ଦାରମ୍‌ପେନିଃକେ ଦାଶାଁଇପେ, ଆତଃ ଏନ୍ତାଃଏତେ ଆଉରି ସେନଃ ଜାକେଦ୍ ଏନ୍ତାଃରେଗି ତାଇନ୍‌ପେ । ୧୨ ଆତଃ ଆପେ ଏନ୍ ଅଡ଼ାଃରେ ବଲ ଇମ୍‌ତା, ‘ଆପେରେ ଜୀଉସୁକୁ ହବାଅଃକା’ ମେତାକପେ । ୧୩ ଆପେକେ ଏନ୍ ଅଡ଼ାଃରେନ୍ ହଡ଼କ ଦାରମ୍‌ପେରେଦ, ଆପେୟାଃ ଜୀଉସୁକୁ ଇନ୍‌କୁରେ ତାଇନ୍‌କା, ମେନ୍‌ଦ ଇନ୍‌କୁ କାକ ଦାରମ୍‌ପେରେଦ ଆପେୟାଃ ସୁକୁ ଆପେତାଃତେ ରୁହାଡ଼କା । ୧୪ ✨ଆତଃ ଜେତାଏ କାକ ଦାରମ୍‌ପେରେଦ ଚାଏ ଆପେୟାଃ କାଜି କାକ ଆୟୁମ୍‌ରେଦ, ଏନ୍ ଅଡ଼ାଃଏତେ ଚାଏ ଏନ୍ ସାହାର୍‌ଏତେ ଅଡ଼ଜ୍ ଇମ୍‌ତା ଇନ୍‌କୁକେ ବାଗିକେଦକଆପେ ମେନ୍ତେ ମିଆଁଦ୍ ଚିଶ୍ଟାଁ ଲେକା ଆପେୟାଃ କାଟା ତାଲ୍‌କାରେୟାଃ ଧୁଡ଼ି କଟା ବାଗିତାପେ । ୧୫ ✨ଆଇଜ୍ ଆପେକେ ସାର୍‌ତିଗି କାଜିପେତାନାଇଜ୍, ବିଚାର୍ ହୁଲାଜ୍‌ରେ ଏନ୍ ସାହାର୍‌ରେନ୍ ହଡ଼କତାଃଏତେ ସୋଦମ୍ ଆତଃ ଗମ୍‌ରା ଦିଶ୍ଟମରେନ୍ ହଡ଼କଆଃ ନାଗେନ୍ତେ ପାର୍‌ମେଶ୍ୱାର୍ ପୁରାଃ ଲିବୁଇୟାକଆଏ ।

✨ ୧୦:୧୦ ୧୦:୧୦ ୧ କରିଛିୟ ୯:୧୪; ୧ ତିମଥ୍ ୫:୧୮. ✨ ୧୦:୧୪ ୧୦:୧୪ ପ୍ରେରିଡ୍ ୧୩:୫୧. ✨ ୧୦:୧୫ ୧୦:୧୫ ମାଥୂର ୧୧:୨୪. ✨ ୧୦:୧୫ ୧୦:୧୫ ଲୁକ ୧୦:୪-୧୨.

ହିଜୁରତାନ୍ ସାସାତି

(ମାର୍କ ୧୩:୯-୧୩; ଲୁକ ୨୧:୧୨-୧୭)

୧୭ ✧ “ନେଲେପେ, ଆଇଙ୍ଗ୍ ଆପେକେ ମିଣ୍ଟିକ ଲେକା ହୁଣ୍ଡାଠକ ଆଲାରେଇଙ୍ଗ୍ କୁଲ୍‌ପେତାନା, ଏନା ନାଗେନ୍ତେ ବିଙ୍ଗ୍‌କ ଲେକା ସେଣ୍ଟାନ୍‌ସପେ ଆତଃ ଦୁଦୁମୁଲ୍‌କ ଲେକା ଲେବେୟ୍‌ସପେ ।

୧୭ ✧ ମେନ୍‌ଦ ହତ୍‌କତାଃଏତେ ଚିର୍ଗାଲକାନ୍ ତାଇନ୍‌ପେ, ଚିୟାଠି ଇନ୍‌କୁ ଆପେକେ ପାଞ୍ଚେଟ୍‌କରେକ ଜିମାପେୟା ଆତଃ ସାମାଜ୍ ଅତାଃକରେକ ହାଁଣ୍‌ସାପେୟା । ୧୮ ଆତଃ ଆଇଁୟାଃ ନାଗେନ୍ତେ ଆପେକେ ଇନ୍‌କୁତାଃ ଆତଃ ସାଅଁସାର୍‌କତାଃ ଗାଞ୍ଜା ଏମ୍ ନାଗେନ୍ତେ ହାକିମ୍ ଆତଃ ରାଜାକଆଃ ସାମ୍‌ନାଙ୍ଗ୍‌ତେକ ଆଉପେୟା । ହାକିମ୍ ଆତଃ ରାଜାକଆଃ ସାମ୍‌ନାଙ୍ଗ୍‌ତେକ ଆଉପେୟା । ୧୯ ମେନ୍‌ଦ ଚିମ୍‌ତାଙ୍ଗ୍ ଇନ୍‌କୁ ଆପେକେ ଜିମାପେୟାକ ଇମ୍‌ତା ଚିନାଃବୁ କାଜିୟା ଚିଲ୍‌କାବୁ କାଜିୟା ମେନ୍ତେ ସିଦାରେ ଆଲ୍‌ପେ ଉଡ଼୍‌ୟୁୟା, ଚିୟାଠି ଏନ୍ ଦିପିଲି ହିଜୁରଆ ଇମ୍‌ତା ଆପେକେ ଅକଆଃ କାଜି ନାଗେନ୍ତେ ଏମଃଆ ଏନାପେ କାଜିୟା । ୨୦ ଚିୟାଠି ଆପେ ଅକ କାଜିପେ କାଜିୟା ଏନାଦ ଆପେତେଗି କା, ମେନ୍‌ଦ ଆପେୟାଃ ଆପୁଆଃ ପାବିତାର୍ ଆମ୍‌ରାଃ ହରାତେପେ କାଜିୟା ।

୨୧ ✧ “ହାଗା ଆୟାଃ ହାଗାତେକେ ଆତଃ ଆପୁ ଆୟାଃ ହନ୍‌କେ ଗଜି ନାଗେନ୍ତେ ଜିମାଲୟାଏ, ଆତଃ ହନ୍‌କ ଆକଆଃ ଏଙ୍ଗା ଆପୁକଆଃ ବିରୁଧ୍‌ରେକ ବିରିଦାଃ ଆତଃ ଇନ୍‌କୁକେ ଗଏଃ ଇଚିକଆକ । ୨୨ ✧ ଆଇଁୟାଃ ନାଗେନ୍ତେ ସବେନ୍ ହତ୍‌କ ଆପେକେ ହିଲ୍‌ଙ୍ଗ୍‌ପେୟାକ, ମେନ୍‌ଦ ଜେତାଏ ଚୁଣ୍ଡୁ ଜାକେଦ୍ ତିଙ୍ଗୁ କେଟେୟାକାନ୍ ତାଇନ୍‌ନିଃ ବାଞ୍ଚାଅଃଆଏ । ୨୩ ଚିମ୍‌ତାଙ୍ଗ୍ ଇନ୍‌କୁ ଆପେକେ ମିଆଁଦ୍ ସାହାର୍‌ରେକ ସାସାତିପେରେ, ଇମ୍‌ତାଙ୍ଗ୍ ଏଟାଃ ସାହାର୍‌ତେ ନିର୍‌ପେ, ଚିୟାଠି ଆଇଙ୍ଗ୍ ଆପେକେ ସାର୍‌ତଗି କାଜିପେତାନା, ଆପେ ଇସ୍ରାଏଲ୍‌ରାଃ ସବେନ୍ ସାହାର୍‌ରେ କାମି ଆଉରି ଚାବାଏ ସିଦାରେ ମାନଞ୍ଜାହନ୍ ହିଜୁରଆଏ ।

✧ ୧୦:୧୭ ୧୦:୧୭ ଲୁକ ୧୦:୩। ✧ ୧୦:୧୭ ୧୦:୧୭ ମାର୍କ ୧୩:୯-୧୧; ଲୁକ ୧୨:୧୧,୧୨; ୨୧:୧୨-୧୫। ✧ ୧୦:୨୧ ୧୦:୨୧ ମାର୍କ ୧୩:୧୨; ଲୁକ ୨୧:୧୬। ✧ ୧୦:୨୨ ୧୦:୨୨ ମାଥୁର ୨୪:୯; ମାର୍କ ୧୩:୧୩; ଲୁକ ୨୧:୧୭ମାଥୁର ୨୪:୧୩; ମାର୍କ ୧୩:୧୩।

୨୪ ☆“ଗୁରୁଏତେ ଚେଲା କାଏ ମାରାଙ୍ଗୁଆଃ ଚାଏ ଆୟାଃ ଗମ୍ବକେଏତେ ଦାସି କାଏ ମାରାଙ୍ଗୁଆଁ । ୨୫ ☆ଚେଲା ଆୟାଃ ଗୁରୁ ଲେକା ଆଡ଼ଃ ଦାସି ଆୟାଃ ଗମ୍ବକେ ଲେକା ହବାଅଃରେଦ, ଇନ୍‌କୁକେ ଇମ୍‌ନାଙ୍ଗୁରେଗି ସୁକୁ ହବାଅଃ ଲାଗାତିଙ୍ଗୁୟାଃ । ଇନ୍‌କୁ ଅଡ଼ାଃରେନ୍ ଗମ୍ବକେ କେ ବାଲ୍‌ଜେବୁଲ୍ ମେନ୍ତେକ ମେତାଇତାନରେଦ, ଇନିୟାଃ ଅଡ଼ାଃରେନ୍‌କକେ ଏନାଏତେ ଆଦକା ଏଡ଼କାନ୍‌କ ନୁଡୁମ୍‌କଆ ।

ଅକଏକେ ବର ଲାଗାତିଙ୍ଗୁୟାଃ
(ଲୁକ ୧୨:୨-୭)

୨୬ ☆“ଏନା ନାଗେନ୍ତେ ହଡ଼କକେ ଆଲ୍‌ପେ ବରଆକଆ, ଚିୟାଃଚି ଅକ୍‌ନାଃ ଉକୁଆକାନ୍‌ତେୟାଃ ଉଦୁବଃଆ ଆଡ଼ଃ ଅକ୍‌ନାଃ ଦାନାଙ୍ଗୁଆଁକାନ୍‌ତେୟାଃ ସାରିୟାଃଆ । ୨୭ ଆଇଙ୍ଗୁ ଆପେକେ ଅକ୍‌ନାଃ ନୁବାଃରେଇଙ୍ଗୁ କାଜିକାଦ୍‌ତେୟାଃ ମାର୍‌ସାଲ୍‌ରେ ଉଦୁବେପେ ଆଡ଼ଃ ଅକ୍‌ନାଃ ଉକୁକେଦ୍‌ତେ ଆୟୁମେତେୟାଃ ସାଡ଼୍‌ମି ଚେତାନ୍‌ଏତେ ଉଦୁବେପେ । ୨୮ ଆପେୟାଃ ହଡ଼ମ ଗଗଏଃକକେ, ମେନ୍‌ଦ ଆମ୍‌କେ କା ଗଏଃ ଦାଡ଼ିକକେ ଆଲ୍‌ପେ ବରଆକଆ, ମେନ୍‌ଦ ପାର୍‌ମେଶ୍‌ବାର୍ ଆପେୟାଃ ହଡ଼ମ ଆଡ଼ଃ ଆମ୍‌ ବାରାନାଃକେ ନାରାକ୍‌ରେ ଜିୟନ୍ ଦାଡ଼ିୟାଏ, ଇନିଃକେ ବରଆଇପେ । ୨୯ ଚିୟାଃ ବାରିଆ ଗେରୁଁଝାକିନ୍ ମିଦ୍ ସିକାତେ କାକିନ୍ ଆଖ୍‌ରିଙ୍ଗୁୟାଃଆ ? ହଲେହ୍ ଆପେୟାଃ ଆପୁଆଃ ବେଗାର୍ ଆରୁତେ ଇନ୍‌କିନ୍‌ଏତେ ମିଆଁଦ୍‌ହ୍ ଅତେ ଲାଡ଼ାରରେ କାଏ ଉୟୁଗଃଆ । ୩୦ ମେନ୍‌ଦ ଆପେୟାଃ ବହଃରାଃ ସବେନ୍ ଉବ୍‌ହ ଲେକାକାନା । ୩୧ ଏନା ନାଗେନ୍ତେ ଆଲ୍‌ପେ ବରଏୟା, ଆପେ ପୁରାଃ ଗେରୁଁଝାକଏତେ ପୁରାଃଗି ଗନଙ୍ଗୁଆଁଃପେ ।

୩୨ “ଜେତାଏ ନେପେଲ୍‌ରେ ଆପାନ୍‌କେ ଆଇଁୟାଃ ମେନ୍ତେ ଆଡ଼ଃ ଆଇଙ୍ଗୁକେ ସାରିୟାଃକ ମେନ୍ତେ ହଡ଼କଆଃ ଆୟାରରେ ଆଇଙ୍ଗୁକେ ସାରିୟାଃଇଙ୍ଗୁ ମେନ୍ତେ କାଜିରେଦ, ଆଇଙ୍ଗୁହ୍ ଆଇଁୟାଃ ସିର୍‌ମାରେନ୍ ଆପୁଆଃ ଆୟାରରେ ଇନିଃକେ ସାରିୟାଃଇଙ୍ଗୁ ମେନ୍ତେ କାଜିୟାଃଇଙ୍ଗୁ । ୩୩ ☆ମେନ୍‌ଦ ଜେତାଏ ହଡ଼କଆଃ ଆୟାରରେ ଆଇଙ୍ଗୁକେ

☆ ୧୦:୨୪ ୧୦:୨୪ ଲୁକ ୬:୪୦ଯୋହାନ୍ ୧୩:୧୬; ୧୫:୨୦. ☆ ୧୦:୨୫ ୧୦:୨୫ ମାଥୁର ୯:୩୪; ୧୨:୨୪; ମାର୍କ ୩:୨୨; ଲୁକ ୧୧:୧୫. ☆ ୧୦:୨୬ ୧୦:୨୬ ମାର୍କ ୪:୨୨; ଲୁକ ୮:୧୭.

☆ ୧୦:୩୩ ୧୦:୩୩ ୨ ଡିମଥୁ ୨:୧୨.

କାଈଁଁ ସାରିୟାଃ ମେନ୍ତେ କାଜିନିଃକେ, ଆଇଁଁଁ ଆଇଁଁଁଁଁଁଁ
ସିର୍ମାରେନ୍ ଆପୁଆଃ ଆୟାରରେ ଇନିଃକେ କାଈଁଁଁ ସାରିୟାଃ ମେନ୍ତେ
କାଜିୟାଈଁଁ ।

ଜୀଉସୁକୁ କା ମେନ୍ଦଦ ତାରାଉଡ଼ି*
(ଲୁକ ୧୨:୫୧-୫୩; ୧୪:୨୬-୨୭)

୩୪ “ଆଇଁଁଁ ଅତେଦିଶ୍ୱମ୍ରେ ଜୀଉସୁକୁ ଏମତେ ହିଜୁଆକାନାଈଁଁଁ
ମେନ୍ତେ ଆଲପେ ଆର୍କାରେୟା । ବାନଃଗି, ଜୀଉସୁକୁ ଏମ୍
ନାଗେନ୍ତେଦ କା ମେନ୍ଦଦ ତାରାଉଡ଼ି ଏମ୍ ନାଗେନ୍ତେ ହିଜୁଆକାନାଈଁଁଁ
। ୩୫ ଚିୟାଃଚି ଆଇଁଁଁ ହନକଡ଼ା ବିରୁଧରେ ଆପୁ, ଆତଃ ହନକୁଡ଼ି
ବିରୁଧରେ ଏଈଁ, କିମିନ୍ ବିରୁଧରେ ହାନାରତେକେ ବିନ୍ଗାଅ ନାଈଁଁ
ହିଜୁଆକାନାଈଁଁ । ୩୬ ଆତଃ ଅଡ଼ାଃରେନକଗି ଅଡ଼ାଃରେନକଆଃ
ବାଇରିକ ବାୟଆଃ ।

୩୭ “ଜେତାଏ ଆୟାଃ ଏଈଁ ଚାଏ ଆପୁତେକେ ଆଇଁଁଁଏତେ
ଆଦକା ଦୁଲ୍ଲାଡ଼ରେଦ, ଈନିଃ ଆଇଁଁଁଁଁଁଁ ଚେଲା ବାଈୟାଃ ଲେକାନିଃ
ନାହିଁଲିଃ, ଆତଃ ଜେତାଏ ଲେକା ଆୟାଃ ହନ୍ତେକଡ଼ା ଚାଏ
ହନ୍ତେକୁଡ଼ିକେ ଆଇଁଁଁଏତେ ଆଦକା ଦୁଲ୍ଲାଡ଼ରେଦ, ଈନିଃ ଆଇଁଁଁଁଁଁ
ଚେଲା ବାଈୟାଃ ଲେକାନିଃ ନାହିଁଲିଃ । ୩୮ ✨ଜେତାଏ ଆୟାଃ
କୁଶ୍ ଗଅଃକେଦତେ ଆଇଁଁଁକେ କାଏ ଅତଈଁଁଁରେଦ, ଈନିଃ
ଆଇଁଁଁଁଁଁ ଚେଲା ବାଈୟାଃ ଲେକାନିଃ ନାହିଁଲିଃ । ୩୯ ✨ଜେତାଏ
ଆୟାଃ ଜୀଉ ନାମେନିଃ, ଏନାଏ ଆଦେୟା ଆତଃ ଜେତାଏ ଆଇଁଁଁଁଁଁ
ନାଗେନ୍ତେ ଆୟାଃ ଜୀଉ ଆଦେନିଃ, ଏନାଏ ନାମେୟା ।

ନାଲା ନାମେନିଃ
(ମାର୍କ ୯:୪୧)

୪୦ ✨ “ଜେତାଏ ଆପେକେ ସୁକୁଆପେନିଃ, ଆଇଁଁଁକେ ସୁକୁଆୟାଏ,
ଆତଃ ଆଇଁଁଁକେ ସୁକୁଆଇଁଁନିଃ, ଆଇଁଁକେ କୁଲ୍ଲିନିଃକେ
ସୁକୁଆଇୟାଏ । ୪୧ ଜେତାଏ, ନାବୀ ତାନିଃ ମେନ୍ତେ ପାର୍ମେଶ୍ୱାର୍ଆଃ

* ୧୦:୩୩ ୧୦:୩୪ ଖାଣ୍ଡା ✨ ୧୦:୩୮ ୧୦:୩୮ ମାଥୁର ୧୨:୨୪; ମାର୍କ ୮:୩୪; ଲୁକ ୯:୨୩.
✨ ୧୦:୩୯ ୧୦:୩୯ ମାଥୁର ୧୨:୨୫; ମାର୍କ ୮:୩୫; ଲୁକ ୯:୨୪; ୧୨:୩୩; ଯୋହାନ୍ ୧୨:୨୫.
✨ ୧୦:୪୦ ୧୦:୪୦ ଲୁକ ୧୦:୧୭; ଯୋହାନ୍ ୧୩:୨୦ମାର୍କ ୯:୩୭; ଲୁକ ୯:୪୮.

କୁନ୍ତଳିନୀ ଲେକା ଦାରମିନୀ ନାବାଆ ନାଲାଏ ନାମେୟା ଆତଃ
 ଜେତାଏ, ଇନିଃ ଧାରମାନ୍ ହଡ଼ ତାନିଃ ମେନ୍ତେ ଧାରମାନ୍ ହଡ଼
 ଲେକାଏ ସୁକୁଆଇନିଃ ଧାରମାନ୍ ହଡ଼ଆଃ ନାଲାଏ ନାମେୟା ।
 ୪୨ ଆତଃ ଜେତାଏ, ନେ ହୁପ୍ତିକ୍‌କଏତେ ମିହୁଡ଼କେ ଇନିଃ ଆଇଁୟାଃ
 ଚେଲା ତାନିଃ ମେନ୍ତେ ମିଦ୍ ଗିଲାସ୍ ରେହାଡ଼୍ ଦାଆଃ ନୁଁଏ ନାଗେନ୍ତେ
 ଏମାଇରେଦ୍, ଆଇଙ୍ଗ୍ ଆପେକେ ସାର୍ତିଗି କାଜିପେତାନାଇଙ୍ଗ୍,
 ଇନିଃ ଆଇଁୟାଃ ଚେଲାତାନିଃ ମେନ୍ତେ ଆୟାଃ ନାଲା ନାମେଗିୟାଏ
 ।”

୧୧

ୟୀଶୁ ଆତଃ ବାପ୍ତିସ୍ମା ଏମଃନିଃ ଯୋହାନ୍ (ଲୁକ ୭:୧୮-୩୫)

୧ ଯୀଶୁ ଆୟାଃ ଗେଲ୍‌ବାର୍ ଚେଲାକକେ ଆରୁ ଚାବାକେଦକ୍ତି,
 ଇନିଃ ଏନ୍ତାଃ ବାଗିକେଦ୍‌ତେ ହେପାଦ୍‌ରାଃ ସାହାରତେ ହଡ଼କକେ
 ଇଡ଼ୁକ ନାଙ୍ଗ୍ ଆତଃ ପ୍ରାଚାର୍ ନାଗେନ୍ତେ ସେନଃୟାନାଏ ।

୨ ଏନ୍ତେ ବାପ୍ତିସ୍ମା ଏମଃନିଃ ଯୋହାନ୍ ଜେହେଲ୍‌ରେ ତାଇକେନ୍
 ଇମତା ଶ୍ରୀଷ୍ଟିଆଃ କାମିକ ଆୟୁମ୍‌କେଦ୍‌ତେ, ଆୟାଃ ବାର୍‌ହଡ଼୍
 ଚେଲାକିନ୍‌କେ ଇନିଃତାଃ କୁଲି ନାଗେନ୍ତେ କୁଲ୍‌କେଦକିନାଏ ।

୩ ଇନ୍‌କିନ୍ ଯୀଶୁକେ କୁଲିକିୟାକିନ୍, “ଅକନ୍ ହଡ଼ ହିଜୁଃଆଏ ମେନ୍ତେ
 ଯୋହାନ୍ କାଜିକାଦ୍ ତାଇକେନାଏ, ଇନିଃ ଆମ୍‌ଗି ତାନ୍‌ମେ ତି
 ଏଟାଃନିଃଲେ ନେଲ୍‌ହରାଇୟା ?”

୪ ଯୀଶୁ ଇନ୍‌କିନ୍‌କେ ମେତାଦକିନା, “ଆବେନ୍ ରୁହାଡ଼କେଦ୍‌ତେ
 ଅକ୍‌ନାଃବେନ୍ ନେଲାକାଦା ଆତଃ ଆୟୁମାକାଦା ଏନାକ ଯୋହାନ୍‌କେ
 ଉଦୁବାଇବେନ୍ । ୫ କା ନେଲ୍‌ଦାଡ଼ିତାନ୍‌କ ନେଲେତାନା,
 କାଟା ଲେଙ୍ଗ୍‌ଡ଼ାକାନ୍‌କ ସେସେନ୍‌ତାନା, ନାଗେଘାଅକାନ୍‌କ ବୁଗି
 ନିଆଁରଃତାନା, ଭାଏଁରାକାନ୍‌କ ଆୟୁମେତାନା, ଗଜାକାନ୍‌କ
 ଜୀଉବିରିଦ୍ ରୁହାଡ଼ଃତାନା, ଆତଃ ରେଙ୍ଗେଃ ହଡ଼କତାଃରେ ସୁକୁକାଜି
 ଉଦୁବଃତାନା । ୬ ଆତଃ ଆଇଁୟାଃ ବିଷାଏରେ ଅକନ୍‌କଆଃ ଜେତାନ୍
 ଆଡ଼ାଃଉଡ଼ୁ ବାନଃଆ, ଇନ୍‌କୁ ସୁକୁତାନ୍‌ଗିୟା ।”

୭ ଯୋହାନ୍‌ଆଃ ଚେଲାକ ସେନଃ ତାଇକେନ୍ ଇମତା ଯୀଶୁ
 ଯୋହାନ୍‌ଆଃ ବିଷାଏରେ ପୁରାଃ ହଡ଼କକେ କାଜି ଏଟେଦ୍‌କେଦ୍‌ଆଏ,

“ଆପେ ଯୋହାନ୍‌କେ ନେଲ୍ ନାଗେନ୍ତେ ସେନ୍‌କେନାପେ ଇମ୍ତା, ଚିକ୍‌ନାଃ ନେଲ୍ ନାଗେନ୍ତେ ସେନ୍‌କେନାପେ ? ଚିନାଃ ହୟ୍‌ତେ ଏକ୍‌ଲାଅଃତାନ୍ ବିରନ୍ତି ତାସାଦ୍‌କେ ? ୮ ଏନା କାହାରେଦ୍ ଚିକ୍‌ନାଃ ନେନେଲ୍‌ତେପେ ଅତ୍‌ଝକାନ୍ ତାଇକେନା । ଚିନାଃ ଗନଙ୍‌ଆନ୍ ଲିଜାଃ ତୁସିଙ୍‌ଆକାନ୍ ହଡ୍‌କେ ? ଗନଙ୍‌ଆନ୍ ଲିଜାଃ ତୁସିଙ୍‌ଆକାନ୍ ହଡ୍‌କ ରାଜାକଆଃ ଅଡ଼ାଃକରେକ ତାଇନାଃ । ୯ କାଜିଙ୍‌ପେ, ଏନା କାହାରେଦ୍, ଚିକ୍‌ନାଃ ନେନେଲ୍‌ତେପେ ଅତ୍‌ଝଲେନା ? ଚିନାଃ ମିଆଁଦ୍ ନାବାକେ ? ଆଇଙ୍‌ ଆପେକେ ସାର୍‌ତିଗି ମେତାପେ ତାନାଇଙ୍‌, ନାବାଏତେ ମାରାଙ୍‌ନିଃକେପେ ନେଲିୟା । ୧୦ ଚିୟାଃତି ଯୋହାନ୍‌ଆଃ ନାଗେନ୍ତେ ଧାରାମ୍‌ପୁଅରେ ନେଆଁ ଅଲ୍‌କାନା, ‘ପାର୍‌ମେଶ୍‌ବାର୍ କାଜିକେଦାଏ, ଆଲେ ଆମାଃଏତେ ସିଦାରେ ଆଲେୟାଃ ଦୁଡ୍‌କେଲେ କୁଲିତାନା ଇନିଃ ଆମାଃ ନାଗେନ୍ତେ ପାହିଲାରେ ହରା ବାଇୟାଏ ।’ ୧୧ ଆଇଙ୍‌ ଆପେକେ ସାର୍‌ତିଗିଙ୍‌ କାଜିୟାପେତାନା, କୁଡ୍‌କଏତେ ଜାନାମାକାନ୍ ସବେନ୍‌କଆଃ ଭିତାରରେ ବାପ୍‌ସ୍ତା ଏମାଃନିଃ ଯୋହାନ୍‌ଏତେ ମାରାଙ୍‌ ଜେତାଏ ବାଙ୍‌ଲୟା, ହଲେହିଁ ସିର୍‌ମା ରାଇଜ୍‌ରେନ୍ ହୁଡ୍‌କିନିଃ ଯୋହାନ୍‌ଏତେ ମାରାଙ୍‌ଆଏ । ୧୨ *ଆତଃ ବାପ୍‌ସ୍ତା ଏମାଃନିଃ ଯୋହାନ୍ ଆୟାଃ କାଜି ପ୍ରାଚାରକେଦ୍ ଦିପିଲିଏତେ ତିସିଙ୍‌ ଜାକେଦ୍ ସିର୍‌ମା ରାଇଜ୍‌ରେ ପୁରାଃଗି ପେଡ୍‌ୟାନ୍‌ତେ ଏଡ୍‌କାନ୍ ହଡ୍‌କ ଏନାକେ ଆକ୍‌ତେୟାରରେ ନାଗେନ୍ତେ ସାନାଇଙ୍‌ ତାନାକ । ୧୩ ଯୋହାନ୍‌ଆଃ ଦିପିଲି ଜାକେଦ୍ ସବେନ୍ ନାବାକ ଆତଃ ମୁଗାରାଃ ଆନ୍‌ରୁ ସିର୍‌ମା ରାଇଜ୍ ବିଷାଏରେ ଆୟାରକାଜିକ କାଜିକାଦା । ୧୪ *ଆତଃ ଆପେ ଆପେୟାଃ ମନେଲେକା ଇନ୍‌କୁଆଃ କାଜିପେ ବିଶ୍‌ବାସେରେଦ୍, ଏନ୍ ହିଜୁଃତାଇକେନ୍ ଏଲିୟ ନିଃଗି ତାନିଃ । ୧୫ ଆୟୁମ୍ ନାଗେନ୍ତେ କୁଡ୍‌ର୍ ମେନାଃନିଃ ଆୟୁମେକାଏ ।

୧୬ “ଆଇଙ୍‌ ନେ ଦିପିଲିରେନ୍ ହଡ୍‌କକେ ଅକଏଲଃ ଜକାକଆଇଙ୍‌ ? ଇନ୍‌କୁଦ୍ ପିଟ୍‌ରେ ଦୁବାକାନ୍ ଆତଃ ଆକ ଆକରେ କେଡ଼ାଅଃତାନ୍ ହନ୍‌କ ଲେକାଃକ, ୧୭ ‘ଆଲେ ଆପେ ନାଗେନ୍ତେ ମୁରଲିଲେ ସାଡ୍‌କେଦା, ମେନ୍‌ଦ୍ ଆପେ କାପେ ସୁସୁନ୍‌କେଦାଃ,

☆ ୧୧:୧୭ ୧୧:୧୭ ଲୁକ ୧୭:୧୭.

☆ ୧୧:୧୪ ୧୧:୧୪ ମାଧୁର ୧୭:୧୦-୧୩; ମାର୍କ ୯:୧୧-୧୩.

ଆଲେ ଦୁକୁତାନ୍ ଦୁରାଙ୍ଗଲେ ଦୁରାଙ୍ଗକେଦାଃ ମେନ୍ଦ ଆପେ କାପେ ରାଆଃ କେଦାଃ ।^{୧୮} ନେ ଦିପିଲିରେନ୍ ହଡକ ଏନ୍ ଲେକାନ୍କ ତାନ୍କ ।^{୧୮} ବାପ୍ତିସ୍ତା ଏମଃନିଃ ଯୋହାନ୍ କାଟାବକେଦାଏ ଆଡଃ ଦାଖରାସି କାଏ ନୁଁ କେଦାଃ, ଆଡଃ ହଡକ ‘ଇନିଃକେ ବଙ୍ଗା ଏସେରକିୟାଏ’ ମେନ୍ତେକ କାଜିକେଦା ।^{୧୯} ଚିମ୍ତା ମାନଝାହନ୍ ହିନ୍ତୁଃକେଦ୍ତେ ଜମ୍ ନୁଁ କେଦାଏ, ଇମ୍ତା ହଡକ ଇନିଃକେ ‘ପେଟୁ ଆଡଃ ଦାଖରାସି ନୁଁ ହଡ, ମାଲ୍‌ହାରମ୍‌କଆଃ ଆଡଃ ପାପିକଆଃ ଗାତି ତାନିଃ’ କାଜିକିୟାକ । ମେନ୍ଦ ପାର୍‌ମେଶ୍ୱାରଆଃ ସେଣ୍ଟା ଆୟାଃ କାମିତେ ଏନା ସାର୍‌ତି ମେନ୍ତେ ଉଦୁବାକାନା ।”

କା ବିଶ୍ୱାସତାନ୍ ସାହାରକ (ଲୁକ ୧୦:୧୩-୧୫)

^{୨୦} ଯୀଶୁ ଅକନ୍ ସାହାରରେନ୍ ହଡକତାଃରେ ଆୟାଃ ପୁରାଃ ଆକ୍‌ଦାଦାଅ କାମିକ ରିକାକାଦ୍ ତାଇକେନାଏ, ଏନ୍ ସାହାରରେନ୍ ହଡକକେ ଇନିଃ ହିଲାଇକେଦ୍‌କଆଏ, ଚିୟାଃତି ଇନ୍‌କୁ କାକ ହେୟାତିଙ୍ଗକେଦା ।^{୨୧} “ଏ କରାଜିନ୍, ଆମାଃ ଚିମିନ୍ ପୁରାଃ ବରଝାନ୍‌ଗି ହବାଅଆ, ଏ ବେଅସାଇଦା, ଚିମିନ୍ ପୁରାଃ ବରଝାନ୍‌ଗି ହବାଅଆ, ଆବେନ୍‌ରେ ହବାୟାନ୍ ଆକ୍‌ଦାଦାଅ କାମିକ ସୋର୍ ଆଡଃ ସିଦୋନ୍‌ରେ ହବାକାନ୍‌ରେଦ, ଇଦୁ ଇନ୍‌କୁ ଚିଉଲ୍‌ରେ ବସ୍ତା ତୁସିଙ୍ଗକେଦ୍‌ତେ ଆଡଃ ତରେକ୍ ଚେତାନ୍‌ରେ ଦୁବ୍‌କେଦ୍‌ତେ ମନ୍‌ରୁହାଡ୍, କେଦ୍‌ତେୟାଃକ ।^{୨୨} ଆଇଙ୍ଗ୍ ସାର୍‌ତିଗିଙ୍ଗ୍ କାଜିୟାପେତାନା, ବିଚାର୍ ହୁଲାଇରେ ପାର୍‌ମେଶ୍ୱାର୍ ଆପେତାଃଏତେ ସୋର୍ ଆଡଃ ସିଦୋନ୍‌ରେନ୍ ହଡକକେ ପୁରାଃ ଲିରୁଇୟାକଆଏ ।^{୨୩} ଆଡଃ ଏ କପର୍‌ନାହୁମ୍, ଚିୟାଃ ଆମ୍ ସିର୍ମା ଜାକେଦେମ୍ ରାକାବଆଃ ? ବାନଃଗି ଆମ୍ ପାତାଲ୍ ଜାକେଦେମ୍ ଏଣ୍ଟାଗଆଃ । ଚିୟାଃତି ଆମ୍‌ରେ ଅକନ୍ ଆକ୍‌ଦାଦାଅ କାମିକ ରିକାୟାନା, ଏନା ସଦୋମ୍‌ରେ କାମିୟାକାନ୍‌ତେୟାଃ ହଲେ ସୋଦମ୍ ତିସିଙ୍ଗ୍ ଜାକେଦ୍ ତାଇକାନ୍‌ତେୟାଃ ।^{୨୪} ☆ମେନ୍ଦ ଆଇଙ୍ଗ୍ ଆପେକେ ସାର୍‌ତିଗିଙ୍ଗ୍ କାଜିପେତାନା, ବିଚାର୍ ହୁଲାଇରେ

☆ ୧୧:୨୪ ୧୧:୨୪ ମାଥିଉ ୧୦:୧୫; ଲୁକ ୧୦:୧୨.

ପାରମେଶ୍ୱର ଆପେତାଃଏତେ ସୋଦମ୍ ଦିଶୁମ୍ରେନ୍ ହଡକକେ ପୁରାଃ ଲିବୁଇୟାକଆଏ ।”

ଲାଗାକାନକ ଯୀଶୁତାଃ ହିଜୁଃପେ ରୁଡନୁପେ ନାମେୟା
(ଲୁକ ୧୦:୨୧-୨୨)

^{୨୫} ଏନ୍ ଦିପିଲିରେ ଯୀଶୁ ବିକ୍ରିକେଦ୍ତେ କାଜିକେଦାଏ, “ହେ ଆବା, ସିର୍ମା ଆଡ଼ଃ ଅତେରେନ୍ ପ୍ରାଭୁ, ଆମ୍ ନେ କାଜିକ ସେଣ୍ଟାନ୍କ ଆଡ଼ଃ ଇଡୁଆନକତାଃଏତେମ୍ ଦାନାଙ୍ଗାଆଁ କାଦାଃ, ଆଡ଼ଃ କା ଇଡୁଆକାନକତାଃରେମ୍ ଉଦୁବାକାଦାଃ ମେନ୍ତେଇଙ୍ଗ୍ ଧାନ୍ୟାବାଦ୍ ଏମାମ୍ତାନାଇଙ୍ଗ୍ । ^{୨୬} ହେଗି, ହେ ଆବା, ନେୟାଗିଦ୍ ଆମାଃ ବୁଗିନ୍ ସାନାଙ୍ଗ୍ ।

^{୨୭} ☆“ଆପୁଇଙ୍ଗ୍ ସବେନାଃ ଏମାକାଦିୟାଏ, ଆପୁକେ ବାଗିକେଦ୍ତେ ହନ୍ ଅକଏ ତାନିଃ ନେୟା ଜେତାଏ କାକ ସାରିୟାଃ, ଆଡ଼ଃ ହନ୍କେ ବାଗିକେଦ୍ତେ ଆପୁ ଅକଏ ତାନିଃ ନେୟା ଜେତାଏ କାକ ସାରିୟାଃ । ମେନ୍ଦ୍ ଅକନକକେ ଏନା ସାରି ନାଗେନ୍ତେ ହନ୍ ଆଇଃକ୍ରି ସାଲାକୁଆଏ, ଇନ୍କୁ ଏସ୍କାର୍ ପାରମେଶ୍ୱରଆଃ ବିଷାଏରେ ସାରିୟାଃକ ।

^{୨୮} “ଏ ଲାଗାକାନ ଆଡ଼ଃ ବାହାରମ୍ତେ ତେନାକାନ ହଡକ ଆଇଙ୍ଗ୍ତାଃତେ ହିଜୁଃପେ, ଆଇଙ୍ଗ୍ ଆପେକେ ରୁଡନୁଇଙ୍ଗ୍ ଏମାପେୟା । ^{୨୯} ଆଇୟାଃ ଆଡ଼ନା ଗଅଃଏପେ ଆଡ଼ଃ ଆଇଙ୍ଗ୍ଏତେ ଇଡୁନ୍ପେ, ଚିୟାଃଚି ଆଇଙ୍ଗ୍ଦ୍ ମନ୍ରେ ଲେବେଃ ଆଡ଼ଃ ନାରାମ୍ଗିୟାଇଙ୍ଗ୍, ଆଡ଼ଃ ଆପେ ରୁଡନୁପେ ନାମେୟା । ^{୩୦} ଆଇୟାଃ ଆଡ଼ନାଦ୍ କେଟେଦ୍ ବାନଆଃ ଆଡ଼ଃ ବାହାରମ୍ ତାଇୟାଃ କା ହାମ୍ପାଲାଃ ।”

୧୨

ରୁଡନୁ ହୁଲାଙ୍ଗ୍ ବିଷାଏରେ କୁନୁଲି
(ମାର୍କ ୨:୨୩-୨୮; ଲୁକ ୬:୧-୫)

^୧ ଏନ୍ ଦିପିଲିରେ ଯୀଶୁ ରୁଡନୁ ହୁଲାଙ୍ଗ୍ରେ ହେରାକାନ ପିଡ଼ି ଆଲାଆଲାତେ ସେନଃତାନ୍ ତାଇକେନାଏ, ଆଡ଼ଃ ଆୟାଃ ତେଲାକ

☆ **୧୧:୨୭** ୧୧:୨୭ ଯୋହାନ୍ ୩:୩୫; ଯୋହାନ୍ ୧:୧୮; ୧୦:୧୫.

ରେଙ୍ଗେଃତେ ଗେଲେ ଜ'କେ ହୃଦକେଦ୍‌ତେ ଜମ୍‌କେଦାକ ।
 ୨ ମେନ୍‌ଦ ଫାରୁଶୀକ ଏନା ନେଲ୍‌କେଦ୍‌ତେ, ଯୀଶୁକେ କାଜିକିୟାକ,
 “ନେଲେମେ, ରୁଡ୍‌ନୁ ହୁଲାଙ୍‌ରେ କା ଲାଗାତିଙ୍‌ କାମି ଆମାଃ
 ତେଲାଇ କାମିତାନା ।”

୩ ଯୀଶୁ ଇନ୍‌କୁକେ କାଜିରୁହାଡାଦକଆଏ, “ଦାଉଦ୍ ଆଡ଼ଃ
 ଆୟାଃ ଗାତିକ ରେଙ୍ଗେଃୟାନ୍ ଇମ୍‌ତା ଚିନାଃଏ କାମିକେଦାଃ
 ଏନା କାପେଟି ପାଢାଞ୍ଜା କାଦାଃ ? ୪ ଇନିଃ ପାର୍‌ମେଶ୍‌ବାର୍‌ଆଃ
 ଅଡ଼ଃତେ ବଲୟାନା, ଆଡ଼ଃ ପାର୍‌ମେଶ୍‌ବାର୍‌ଆଃ ନୁଡୁମ୍‌ରେ ଏମାକାନ୍
 ହଲଙ୍‌, ଅକ୍‌ନାଃକେଟି ଆଇନ୍ ଲେକାତେ ଯାଜାକ୍ ଏସ୍‌କାର୍ ଜମ୍
 ଦାଡ଼ିୟାଏ ମେନଃତାନା, ଏନାକେ ଆଉକେଦ୍‌ତେ ଜମ୍‌କେଦାଏ
 ଆଡ଼ଃ ଆୟାଃଲଃ ତାଇକାନ୍‌କକେୟ୍ ଜମ୍‌ନାଙ୍‌ ଏମାଦକଆଏ ।
 ୫ ଚାଏ ରୁଡ୍‌ନୁ ହୁଲାଙ୍‌ରେ ଯାଜାକ୍‌କ ମାନ୍‌ଦିର୍ ଅଡ଼ଃରେ ରୁଡ୍‌ନୁ
 ହୁଲାଙ୍‌କେ ସଡ଼ରାଏ ରେୟ୍ କାକ ଚିଟାଅଃଆ, ନେଆଁ ଚିନାଃ
 ମୁଶାରାଃ ଆନ୍‌ରୁରେ ଆପେ କାପେ ପାଢାଅକାଦା ? ୬ ଆଇଙ୍‌
 ଆପେକେ ମେତାପେ ତାନାଇଙ୍‌, ମାନ୍‌ଦିର୍ ଅଡ଼ଃଏତେ ମାରାଙ୍‌
 ନେତାଃରେ ମେନାଇୟା । ୭ ✧ଧାରାମ୍‌ପୁଅରେ ଅଲାଇନା, ‘ଆଇଙ୍‌
 ଦାଣ୍ଡୋରାକାବ୍ କାହାଗି ମେନ୍‌ଦ ଲିବୁଇଙ୍‌ ସୁକୁତାନା,’ ନେଆଁରାଃ
 ମୁଣ୍ଡିପେ ଆବ୍‌କାର୍‌ଉରୁମ୍‌କାରେଦ, ନେ ବେଗାର୍‌ ଗୁହ୍‌ନାନ୍‌କକେ କାପେ
 ଚିଟାକାକତେୟାଃ । ୮ ଚିୟାଃଟି ମାନଞ୍ଜାହନ୍ ରୁଡ୍‌ନୁ ହୁଲାଙ୍‌ରେନ୍
 ଗମ୍‌କେ ତାନିଃ ।”

ଯୀଶୁ ରହଡ୍‌ଡ଼ିଃଇ ହଡ୍‌କେ ବୁଗି ତାନାଏ

(ମାର୍କ ୩:୧-୬; ଲୁକ ୬:୬-୧୧)

୯ ଯୀଶୁ ଏନ୍ ଠାୟାଦ୍ ବାଗିକେଦ୍‌ତେ ସାମାଜ୍ ଅଡ଼ଃତେ
 ବଲୟାନା । ୧୦ ଆଡ଼ଃ ଏନ୍‌ଡ଼ଃରେ ଡିଃଇ ରହଡ଼ାକାନ୍ ମିଆଁଦ୍ ହଡ୍
 ତାଇକେନାଏ । ଏନ୍ତେ ଚିମିନ୍ ହଡ୍‌କ ଯୀଶୁକେ ଚିଟାଇ ନାଗେନ୍ତେ
 କୁଲିକିୟାକ, “ରୁଡ୍‌ନୁ ହୁଲାଙ୍‌ରେ ବୁଗିତେୟାଃ ଆଇନ୍ ଲେକାତେ
 ଠାଉକାନ୍‌ଗିୟାଟି ?”

୧୧ ✧ଯୀଶୁ ଇନ୍‌କୁକେ କାଜିରୁହାଡାଦକଆ, “ଆପେକଏତେ
 ଜେତାଏୟାଃ ମିଣ୍ଡି, ରୁଡ୍‌ନୁ ହୁଲାଙ୍‌ ଗାଡ଼ାରେ ଉୟାଃକେନଃରେ,

ଚିୟାଃ ଆପେ ଇନିଃକେ ସାବକିତେ କାପେ ଅତଙ୍ଗୁୟା ? ୧୨ ଆତଃ ମିଶ୍ରିଏତେ ହଡ଼ ପୁରାଃଗି ଗନଙ୍ଗୁଆଁଏ । ଏନା ନାଗେନ୍ତେ ରୁଡ଼ୁ ହୁଲଙ୍ଗୁରେ ବୁଗିନାଃ କାମିତେୟାଃ ଆଇନ୍‌ଲେକାତେ ଏଟାଃନିଃକେ ଦେଙ୍ଗାତେୟାଃ ଠାଉକାନ୍‌ଗିୟା ।”

୧୩ ଏନ୍ତେ ଇନିଃ ଏନ୍ ହଡ଼କେ କାଜିକିୟାଏ, “ତିଃଇତାମାଃ ଜିଲିଙ୍ଗୁୟେମେ ।” ଏନ୍ତେ ଇନିଃ ତିଃଇତାୟାଃ ଜିଲିଙ୍ଗୁକେଦାଏ, ଆତଃ ଏଟାଃ ତିଃଇ ଲେକା ବୁଗିରୁହାଡ଼ୟାନା । ୧୪ ମେନ୍‌ଦ ଫାରୁଣୀକ ଅତଙ୍ଗୁକେଦତେ ଯାଶୁକେ ଚିଲ୍‌କାତେବୁ ଗଜିୟା ମେନ୍ତେକ ରଜୋଟକେଦା ।

ପ୍ରାଭୁଆଃ ସାଲାକାନ୍ ଦାସି

୧୫ ଚିମତା ଯାଶୁ ଆୟାଃ ବିରୁଧରେ ରଜୋଟାନାକ ମେନ୍ତେ ଆୟୁମ୍‌କେଦା ଇମ୍‌ତା ଇନିଃ ଏନ୍ତାଃଏତେ ଅତଙ୍ଗୁୟାନା ଆତଃ ଗାଦେଲ୍ ହଡ଼କ ଇନିଃକେ ଅତଙ୍ଗୁକିୟାକ ଏନ୍ତେ ସବେନ୍ ଦୁକୁତାନ୍‌କକେ ବୁଗିକେଦକଥାଏ । ୧୬ ଆତଃ ଆଇଁୟାଃ ବିଷାଏରେ ଏଟାଃକକେ ଆଲ୍‌ପେ କାଜିକିଆ ମେନ୍ତେ ଇନିଃ ଇନ୍‌କୁକେ ମାରାଙ୍ଗମତା କେଦକଥାଏ । ୧୭ ପାରମେଶ୍ୱାର୍ ଯିଶାୟ ନାବୀଆଃ ହରାତେ କାଜିକାଦ୍‌ତେୟାଃ ପୁରାଅଃ, ନାଗେନ୍ତେ ଇନିଃ ନେଆଁ କାମିକେଦାଏ,

୧୮ “ଆଇଁୟାଃ ଦାସି ନେତାଃରିୟା, ଅକଏକେଚି ଆଇଙ୍ଗୁ ସାଲାକାଜାଇଙ୍ଗୁ,

ଇନିଃକେ ଆଇଙ୍ଗୁ ପୁରାଃଗିଇଙ୍ଗୁ ଦୁଲାଡ଼୍‌ତାନା, ଇନିଃତାଃରେ ଆଇଁୟାଃ ପୁରାଃଗି ସୁକୁ,

ଆଇଙ୍ଗୁ ଇନିଃରେ ଆଇଁୟାଃ ଆମ୍‌କେ କୁଲିୟାଇଙ୍ଗୁ,

ଆତଃ ଇନିଃ ସବେନ୍ ସାଆଁସାର୍ ହଡ଼କତାଃରେ ଆଇଁୟାଃ ବିଚାର୍ ଉଦୁବେୟାଏ ।

୧୯ ଇନିଃ କାଏ ଏପେରାଙ୍ଗୁଆଃ ଚାଏ କାଏ କିର୍‌ଲାଅୟା,

ଚାଏ ଆଲା ହରାରେ କାଏ ତିଙ୍ଗୁନା ଆତଃ ପୁରାଃତେ କାଏ କିର୍‌ଲାଅୟା ।

୨୦ ଇନିଃ କା ପେଡ଼େୟାନ୍‌କକେ ଲେବେଃ ମନ୍‌ତେ ନେଲ୍‌କଆ,

ଆତଃ ନାରାଦୁରାକକେ ଲିବୁଇୟାକଆ ।

ଇନକୁ ବିଚାର ଆଉରି ନାମେ ଜାକେଦ୍ ଏନ୍ କାମି ନାଗେନ୍ତେ କାଏ
ଅହରାଅଆଃ,

୨୧ ଆତଃ ଇନିୟାଃ ନୁତୁମ୍ରେ ଦିଶୁମ୍ରେନ୍ ସବେନ୍ ହଡକ
ଆସ୍ରାଏୟା ।”

ୟୀଶୁ ଆତଃ ବାଲ୍ଲଜେବୁଲ୍

(ମାର୍କ ୩:୨୦-୩୦; ଲୁକ ୧୧:୧୪-୨୩)

୨୨ ଏନ୍ତେ ଚିମିନ୍ ହଡକ ବଙ୍ଗା ଏସେରକାନ୍ ମିଆଁଦ୍ କା ନେଲ୍
ଦାଡିତାନ୍ ଆତଃ କା ବାଗାଁଣ୍ ଦାଡିତାନ୍ ହଡକେ ଯୀଶୁତାଃତେକ
ଆଉକିୟା, ଆତଃ ଇନିଃ ଏନ୍ ହଡକେ ବୁଗିକିୟାଏ, ଏନ୍ତେ ଇନିଃ
ବାଗାଁଣ୍ ଆତଃ ନେଲ୍ ଦାଡିକେଦାଏ । ୨୩ ନେଆଁ ନେଲ୍କେଦ୍ତେ
ଗାଦେଲ୍ ହଡକ ଆକଦାୟାୟାନାକ ଆତଃ ମେନ୍କେଦା, “ଚିୟାଃ
ନିଃ ଦାଉଦ୍ଆଃ ହନ୍ କା’ଚି ତାନିଃ ?”

୨୪ ☆ମେନ୍ଦ୍ ଫାରୁଶୀକ ନେଆଁ ଆୟୁମ୍କେଦ୍ତେ କାଜିକେଦାକ,
“ବଙ୍ଗାକଆଃ ଗମ୍କେ ବାଲ୍ଲଜେବୁଲ୍ଗି ନିଃକେ ବଙ୍ଗାକକେ
ହାର୍ଅତଙ୍ଗ୍ ନାଙ୍ଗ୍ ପେଡେଃ ଏମାଉତାନାଏ ।”

୨୫ ଯୀଶୁ ଇନକୁଆଃ ମନ୍ରେୟାଃ ଉଡ଼ୁ ଆର୍କାରକେଦ୍ତେ
ଇନକୁକେ ମେତାଦ୍କଆ, “ଜେତା ରାଇଜ୍ ଆଇଃକ୍ତେଗି
ବିନ୍‌ଗାଅକେଦ୍ତେ ଆକ ଆକଆଲାରେ ଲାପ୍ଡାଇରେଦ୍ ଏନ୍
ରାଇଜ୍ କା ଡିଙ୍ଗୁନାଃ । ଜେତା ସାହାର ଚାଏ ଅଡ଼ାଃରେ ବିନ୍‌ଗାଅ
ହବାକେଦ୍ତେ ଆକ ଆକରେ ଲାପ୍ଡାଇରେଦ୍, ଇନକୁ କାକ ତାଇନ୍
ଦାଡିୟା । ୨୬ ଏନ୍ଲେକାଗି ସାଏତାନ୍, ସାଏତାନ୍ଆଃ ରାଇଜ୍
ହିଗାଡ଼କେଦ୍ତେ ବିନ୍‌ଗାଅରେଦ୍ ଏନା କା ଡିଙ୍ଗୁନାଃ, ମେନ୍ଦ୍
ଛିଡିବିଡିକେଦ୍ତେ ବୁଣ୍ଡୁତାରଃଆ । ଏନ୍ରେଦ୍ ଚିଲ୍‌କାତେ ଆୟାଃ
ରାଇଜ୍ ତାଇନ୍ ଦାଡିୟାଆ ? ୨୭ ଆତଃ ଆଇଙ୍ଗ୍ ବାଲ୍ଲଜେବୁଲ୍ଆଃ
ପେଡେଃତେ ବଙ୍ଗାକକଙ୍ଗ୍ ହାର୍ଅତଙ୍ଗ୍ ତାନ୍ରେଦ୍, ଆପେୟାଃ
ହଡକ ଅକଏୟାଃ ହରାତେକ ହାର୍ ଅତଙ୍ଗ୍‌କତାନା ? ଏନା ନାଗେନ୍ତେ
ଇନକୁଗି ଆପେୟାଃ ବିଚାର୍‌ନିଃକ ହବାଅଆଃ । ୨୮ ମେନ୍ଦ୍ ଆଇଙ୍ଗ୍
ପାର୍‌ମେଶ୍ୱାର୍‌ଆଃ ଆମ୍ବାତେ ବଙ୍ଗାକକଙ୍ଗ୍ ହାର୍ଅତଙ୍ଗ୍‌କ ତାନ୍ରେଦ୍
ଏନାତେ ଆର୍‌କାରଃତାନା ପାର୍‌ମେଶ୍ୱାର୍‌ଆଃ ରାଇଜ୍ ଆପେତାଃତେ
ତେବାଃକାନା ।

☆ ୧୨:୨୪ ୧୨:୨୪ ମାଥୁରା ୯:୩୪; ୧୦:୨୫.

୨୯ “ପେଡ଼େୟାନ୍‌ନିଃକେ ଆଉରି ତଲ୍ ଜାକେଦ୍ ଜେତାଏ ଇନିୟାଃ ଅଡ଼ାଃରେ ବଲକେଦ୍‌ତେ ଆୟାଃ ମେନାଃତେୟାଃ କାଏ ରେଃକ୍‌ଦାଡ଼ିୟା, ମେନ୍‌ଦ୍ ସିଦାତେ ଇନିଃକେ ତଲ୍‌କେଦ୍‌ତେ ଆୟାଃ ମେନାଃତେୟାଃ ରେଃକ୍‌ଦାଡ଼ିୟାଏ ।

୩୦ ☆ “ଜେତାଏ ଆଇଁୟାଃଲଃ ବାଙ୍ଗାଇନିଃ, ଆଇଁୟାଃ ବିରୁଧ୍‌ରେ ମେନାଇୟା ଆତଃ ଜେତାଏ ଆଇଁୟାଃଲଃ କାଏ ହୁଣ୍ଡିନିଃ ଛିତିବିତିୟଃଆଏ । ୩୧ ଏନା ନାଗେନ୍ତେ, ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ହଡ଼କଆଃ ସବେନ୍ ପାପ୍ ଆତଃ ଏଡ଼କାନ୍ କାଜିକ ଛାମାଝାଃ, ମେନ୍‌ଦ୍ ପାବିତାର୍ ଆମ୍‌ରାଃ ବିରୁଧ୍‌ରେ ନିନ୍ଦା କାଜିକ କା ଛାମାଝାଃ । ୩୨ ☆ଜେତାଏ ମାନଝାହନ୍‌ଆଃ ବିରୁଧ୍‌ରେ କାଜିନିଃ ଛାମାଝାଃ, ମେନ୍‌ଦ୍ ଜେତାଏ ପାବିତାର୍ ଆମ୍‌ରାଃ ବିରୁଧ୍‌ରେ କାଜିନିଃକେ ନେ ପାରିୟା* ଚାଏ ହିଜୁଃତାନ୍ ପାରିୟାରେୟ କା ଛାମାଝାଃ ।

ଦାରୁ ଆତଃ ଏନାରେୟାଃ ଜ (ଲୁକ ୬:୪୩-୪୫)

୩୩ ☆ “ଆପେ ଦାରୁ ବୁଗିନାଃପେ ମେନେରେଦ୍ ଜ ବୁଗିନାଃପେ ମେନେୟା ଚାଏ ଦାରୁ ଏଡ଼କାନାଃପେ ମେନେରେଦ୍ ଜ ଏଡ଼କାନାଃପେ ମେନେୟା, ଚିୟାଃତି ଦାରୁଦ୍ ଆୟାଃ ଜ'ତେ ଆର୍‌କାର୍‌ଉରୁମଃଆ । ୩୪ ☆ବିଙ୍ଗ୍‌କ ଲେକା ଏଡ଼କାନ୍ ହଡ଼କ ତାନ୍‌ପେରେଦ୍ ଚିଲ୍‌କାତେ ବୁଗିନ୍‌ତେୟାଃପେ କାଜିଦାଡ଼ିୟାଃ ? ଚିୟାଃତି ମନ୍‌ରେ ଅକ୍‌ନାଃ ପେରେଜାକାନ୍‌ତେୟାଃ ମଚାଏ କାଜିୟା । ୩୫ ବୁଗିନ୍ ହଡ଼ ଆୟାଃ ବୁଗିନ୍ ଭାଣ୍ଡାର୍‌ଅଡ଼ାଃଏତେ ବୁଗିନ୍‌ତେୟାଃ ଅଡ଼ଙ୍ଗ୍‌ୟେଆଏ, ଏଡ଼କାନ୍ ହଡ଼ ଆୟାଃ ଏଡ଼କାନ୍ ଭାଣ୍ଡାର୍‌ଅଡ଼ାଃଏତେ ଏଡ଼କାନ୍‌ତେୟାଃ ଅଡ଼ଙ୍ଗ୍‌ୟେଆଏ ।

୩୬ “ମେନ୍‌ଦ୍ ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ହଡ଼କ ଆକଆଃ ମିମିଆଦ୍ ସାମାକାଜିରେୟାଃ ହିସାବ୍ ବିଚାର୍ ହୁଲାଇଙ୍ଗ୍‌ରେକ

☆ ୧୨:୩୦ ୧୨:୩୦ ମାର୍କ ୯:୪୦. ☆ ୧୨:୩୨ ୧୨:୩୨ ଲୁକ ୧୨:୧୦. * ୧୨:୩୨ ୧୨:୩୨ ଯୁଗ୍ ☆ ୧୨:୩୩ ୧୨:୩୩ ମାଥୁର ୬:୨୦; ଲୁକ ୬:୪୪. ☆ ୧୨:୩୪ ୧୨:୩୪ ମାଥୁର ୩:୭; ୨୩:୩୩; ଲୁକ ୩:୨ମାଥୁର ୧୫:୧୮; ଲୁକ ୬:୪୫.

ଏମେୟା । ^{୩୭} ଆପେ ଆପେୟାଃ ଜାଗାର୍ତେଗି ବିଚାର୍ଯ୍ୟାନଲଃ
ଗୁହ୍ନୀକାଦାପେ ଚି କାପେ ଗୁହ୍ନୀକାଦା, ଏନା ଉଦୁବଃଆପେ ।”

ଆଇନ୍ ଇତୁକ ଆତଃ ଫାରୁଶୀକ ଯୀଶୁକେ ଚିହ୍ନୀକ ଆସିତାନା
(ମାର୍କ ୮:୧୧-୧୨; ଲୁକ ୧୧:୨୯-୩୨)

^{୩୮} ☆ଏନ୍ତେ ଆଇନ୍ ଇତୁକ ଆତଃ ଫାରୁଶୀକଏତେ ଚିମିନ୍ ହଡକ
କାଜିକିୟାକ, “ହେ ଗୁରୁ, ଆଲେ ଆମାଃତାଃଏତେ ମିଆଁଦ୍ ଚିହ୍ନୀ
ନେନେଲ୍ ସାନାଙ୍ଗତାନାଲେ ।”

^{୩୯} ☆ମେନ୍ଦ ଯୀଶୁ ଇନ୍କୁକେ କାଜିରୁହାଡକେଦକଆଏ, “ଆପେ
ନେ ପାରିୟାରେନ୍ ହଡକ, ଚିମିନ୍ ଏଡକାନ୍ ଆତଃ ପାର୍ମେଶ୍ଵାରକେ
କା ବିଶ୍ଵାସତାନ୍ତକ ତାନ୍ଦେ । ଆପେ ଆଇଙ୍ଗକେ ମିଆଁଦ୍ ଚିହ୍ନୀପେ
ଆସିତାନା, ମେନ୍ଦ ଯୁନ୍ସ୍ ନାବୀଆଃ ଚିହ୍ନୀ ବାଗିକେଦତେ ଆତଃ
ଏଟାଃ ଚିହ୍ନୀ ଆପେକେ କା ଉଦୁବଃଆ । ^{୪୦} ଯୁନ୍ସ୍ ନାବୀ ଆପି ମାହାଁ
ନିଦାସିଙ୍ଗି ମାରାଙ୍ଗ ହାକୁଆଃ ଲାହିଦ୍ରେ ତାଇକେନାଏ, ଏନ୍ଲେକାଗି
ମାନଝାହନ୍ ଆପି ମାହାଁ ନିଦାସିଙ୍ଗି ଅତେ ଭିତାରରେ ତାଇନାଏ ।
^{୪୧} ନିନିବିରେ ଯୁନ୍ସ୍ ନାବୀ ପ୍ରାଚାରକେଦ୍ ଇମ୍ତା ପାତିୟାରକେଦ୍
ହଡକ ତିଙ୍ଗକେଦତେ ନେ ଦିପିଲରେନ୍ ହଡକଲଃ ପାର୍ମେଶ୍ଵାର
ବିଚାର୍ ହୁଲାଙ୍ଗରେ ଇନ୍କୁକେକ ଚିଟାକଆ, ଚିୟାଃଚି ଇନ୍କୁ
ୟୁନ୍ସ୍ ପାର୍ଚାରକେଦ୍ ଇମ୍ତା ମନ୍ରୁହାଡକେଦାକ, ଆତଃ ନାହାଁଃ
ଆଇଙ୍ଗ କାଜିପେତାନାଇଙ୍ଗ, ଯୁନ୍ସ୍ଏତେ ମାରାଙ୍ଗନିଃ ନେତାଃରେ
ମେନାଇୟା । ^{୪୨} ବିଚାର୍ ହୁଲାଙ୍ଗରେ ଦାୟିଣ୍ ଦିଶୁମ୍ରେନ୍ ରାନୀ
ନେ ଦିପିଲରେନ୍ ହଡକଲଃ ତିଙ୍ଗନାଃ ଆତଃ ଇନ୍କୁକେ ଚିଟାକଆ,
ଚିୟାଃଚି ଇନିଃ ସୁଲିମାନ୍ଆଃ ସେଣାନ୍ କାଜି ଆୟୁମ୍ ନାଗେନ୍ତେ
ଆୟାଃ ଅତେଦିଶୁମ୍ରେୟାଃ ଚୁଣ୍ଟୁଏତେ ହିଜୁଃକାନ୍ ତାଇକେନା,
ଆତଃ ନେଲେପେ, ସୁଲିମାନ୍ଏତେ ମାରାଙ୍ଗନିଃ ନେତାଃରେ
ମେନାଇୟା ।

ଏଡକାନ୍ ଆମ୍ବାରାଃ ହିଜୁଃରୁହାଡ୍
(ଲୁକ ୧୧:୨୪-୨୬)

☆ ୧୨:୩୮ ୧୨:୩୮ ମାଥୁର ୧୭:୧; ମାର୍କ ୮:୧୧; ଲୁକ ୧୧:୧୭.
ମାଥୁର ୧୨:୪; ମାର୍କ ୮:୧୨.

☆ ୧୨:୩୯ ୧୨:୩୯

୪୩ “ସତରା ଆମ୍ବା ମିହୁଡ଼ତାଃଏତେ ଅତଙ୍ଗୟାନରେ, ରହଡ଼, ଠାୟାଦକରେ ହନରବାଡ଼ାକେଦ୍‌ତେ ରୁଡ଼ନ୍ନୁ ନାଗେନ୍ତେ ଦାଣ୍ଠାୟାଏ ଆତଃ କାଏ ନାମତାରେ, ୪୪ ଇନିଃ କାଜିୟାଏ, ‘ଆଇଙ୍ଗ୍ ଅକନ୍ ଅଡ଼ାଃଏତେ ଅତଙ୍ଗକାନ୍ ତାଇକେନାଇଙ୍ଗ୍, ଏନ୍ ଅଡ଼ାଃତେଗି ସେନ୍‌ରୁହାଡ଼ାଇଙ୍ଗ୍,’ ଆତଃ ଇନିଃ ଏନ୍ ଅଡ଼ାଃକେ ସାମାଅଡ଼ାଃ, ସାଫାକାନ୍ ଆତଃ ସୁଗାଡ଼ାନ୍‌ଗି ନେଲେୟା । ୪୫ ଏନ୍ତେ ଇନିଃ ସେନ୍‌କେଦ୍‌ତେ ଆୟାଃତାଃଏତେ ଆଦକା ଏଡ଼କାନ୍ ସାଡ଼ୁ ଆମ୍ବାକକେ ମିଦ୍‌ତେ ଆଉକଆ, ଆତଃ ଇନ୍‌କୁ ଏନାରେକ ବଲଆ ଆତଃକ ତାଇନଃଆ । ଆତଃ ଏନ୍ ହଡ଼ରାଃ ଦାସା ପାହିଲାଏତେ ଚୁଣ୍ଟୁ ଦାସା ପୁରାଃଗି ଏଡ଼କାନ୍ ହବାଅଆଃ । ନେ ଦିପିଲିରେନ୍ ଏଡ଼କାନ୍ ହଡ଼କଆଃଲଃ ନେ ଲେକା ହବାଅଆଃ ।”

ୟୀଶୁଆଃ ଏଙ୍ଗା ଆତଃ ହାଗାକ

(ମାର୍କ ୩:୩୧-୩୫; ଲୁକ ୮:୧୯-୨୧)

୪୬ ଯୀଶୁ ଗାଦେଲ୍ ହଡ଼କକେ କାଜିକତାନ୍ ତାଇକେନ୍‌ରେ, ଇନିୟାଃ ଏଙ୍ଗା ଆତଃ ହାଗାକ ଏନ୍ତାଃ ସେଟେରକେଦ୍‌ତେ ବାହାରିରେ ତିଙ୍ଗୁୟାନାକ ଆତଃ ଆୟାଃଲଃ ଜାଗାର୍ ନାଗେନ୍ତେ ମିହୁଡ଼ତାଃରେ କାଜିକୁଲକେଦାକ । ୪୭ ଏନ୍ତେ ମିହୁଡ଼ ଇନିଃକେ କାଜିକିୟାଏ, “ଆମାଃ ଏଙ୍ଗାମ୍, ଆତଃ ହାଗାମ୍‌ତେକ ବାହାରିରେ ତିଙ୍ଗୁକେଦ୍‌ତେ ଆମାଃଲଃ ଜାଗାର୍ ନାଗେନ୍ତେକ ସାନାଙ୍ଗତାନା ।”†

୪୮ ମେନ୍‌ଦ ଯୀଶୁ ଇନ୍‌କୁ କାଜିରୁହାଡ଼କେଦ୍‌କଆଏ, “ଅକଏ ଆଇଁୟାଃ ଏଙ୍ଗାଇଙ୍ଗ୍ ? ଆତଃ ଅକନ୍‌କ ଆଇଁୟାଃ ହାଗାଇଙ୍ଗ୍‌କ ତାନ୍‌କ ?” ୪୯ ଏନ୍ତେ ଇନିଃ ଆୟାଃ ତେଲାକକେ ଚୁଣ୍ଟୁଲୁକେଦ୍‌ତେ ମେତାଦକଆ, “ନେଲ୍‌କପେ, ନିକୁଦ, ଆଇଁୟାଃ ଏଙ୍ଗା ଆତଃ ହାଗାକତାନ୍‌କ । ୫୦ ଆଇଁୟାଃ ସିମାରେନ୍ ଆପୁଆଃ ମନେଲେକା କାମିନିଃଗି ଆଇଁୟାଃ ହାଗା, ମିଗି ଆତଃ ଏଙ୍ଗା ତାନ୍‌କ ।”

୧୩

ହିତାହେରନିଆଃ ଜନ୍‌କା କାଜି

(ମାର୍କ ୪:୧-୯; ଲୁକ ୮:୪-୮)

† ୧୨:୪୭ 12:47 ନେ ବାତାନ୍ ଚିମିନ୍ ମାରି ଅନଲରେ ବାନଆଃ

୧ ଏନ୍ ହୁଲାଙ୍ଗି ଯୀଶୁ ଅଡ଼ାଃଏତେ ଅଡ଼ଙ୍ଗକେଦ୍‌ତେ ଦରେୟା
ଗେନାରେ ଦୁବ୍‌ୟାନାଏ, ଆଡ଼ଃ ଇତୁ ଏଟେଦ୍‌କେଦାଏ । ୨ *ଆଡ଼ଃ
ଗାଦେଲ୍ ହଡ଼କ ଇନିୟାଃ ହେପାଦ୍‌ରେକ ଜୁରୁହୁଣ୍ଡିୟାନ୍ତେ ଇନିଃ
ମିଆଁଦ୍ ଲାଉକାରେ ଦୁବ୍‌ୟାନାଏ ଆଡ଼ଃ ଗାଦେଲ୍ ହଡ଼କ ଦରେୟା
ଗେନାରେ ତିଙ୍ଗୁୟାନା । ୩ ଇନିଃ ଇନ୍‌କୁକେ ଜନ୍‌କା କାଜିତେ ପୁରାଃ
କାଜି ଉଦୁବ୍‌କେଦ୍‌କଆ ।

“ମୁସିଙ୍ଗହୁଲାଙ୍ଗ୍ ମିଆଁଦ୍ ହିତାହେରନିଃ ହିତା ହେର୍ ନାଗେନ୍ତେ
ଅଡ଼ଙ୍ଗୟାନା । ୪ ଇନିଃ ହିତା ହେର୍ତାନୁ ଇମତା, ଚିମିନ୍ ହିତା ହରା
ଗେନାରେ ଉୟୁଃୟାନା ଆଡ଼ଃ ଚେଣ୍‌କ ଆଡ଼ଗୁକେଦ୍‌ତେ ଏନାକ
ହାଲାଙ୍ଗ୍ ଜମକେଦା । ୫ ଚିମିନ୍ ହିତାଦ୍ ହାସା ପୁରାଃ ବାନଃ ଦିରି
ଅତେରେ ଉୟୁଃୟାନା, ହାସା ଏଡ଼ାଙ୍ଗି ତାଇକାନୁ ହରାତେ ଅମନ୍
ଧାବ୍‌ୟାନା । ୬ ମେନ୍‌ଦ୍ ସିଙ୍ଗିରାଃ ରାଁପ୍‌ତେ ଏନ୍ ଅମନ୍‌ତେୟାଃକ
ସବେନ୍ ରହଡ଼ଗସୟାନା, ଚିୟାଃଚି ଏନାଏତେ ଭିତାର୍‌ତେ ପୁରାଃ
କା ରେହେଦାକାନୁ ତାଇକେନା । ୭ ଚିମିନ୍ ହିତା ଜାନୁମ୍ ତୁପାଦ୍‌କ
ଆଲାରେ ଉୟୁଃୟାନା, ଏନାକକେ ଜାନୁମ୍ ହାରାତପାକେଦାଏ, ଆଡ଼ଃ
ଏନାକ କା ଜ ଯାନା । ୮ ମେନ୍‌ଦ୍ ଚିମିନ୍ ହିତା ବୁଗିନ୍ ଅତେରେ
ଉୟୁଃୟାନା, ଆଡ଼ଃ ଏନା ଅମନ୍ ହାରାୟାନ୍ତେ ଆଦ୍‌କା ଜ'ୟାନା,
ଚିମିନ୍ ମିଦ୍‌ଶାଅଗୁନା, ଚିମିନ୍ ଷାଠେ, ଆଡ଼ଃ ଚିମିନ୍ ଭିରିଗ୍‌ଗୁନା,
ଜ'ୟାନା ।”

୯ ଆଡ଼ଃ ଯୀଶୁ ମେନ୍‌କେଦାଏ, “ଆୟୁମ୍ ନାଗେନ୍ତେ ଲୁତୁର୍
ମେନାଃନିଃ ଆୟୁମେକାଏ ।”

ୟୀଶୁ ଚିକାନାଙ୍ଗ୍ ଜନ୍‌କା କାଜି କାଜିକେଦାଏ

(ମାର୍କ ୪:୧୦-୧୨; ଲୁକ ୮:୯-୧୦)

୧୦ ଏନ୍ତେ ଚେଲାକ ଯୀଶୁତାଃ ହିଜୁଃକେଦ୍‌ତେ କୁଲିକିୟାକ,
“ଚିକାନାଙ୍ଗ୍ ହଡ଼କକେ ଜନ୍‌କା କାଜିତେମ୍ ଇତୁକତାନା ?”

୧୧ ଯୀଶୁ ଇନ୍‌କୁକେ କାଜିରୁହାଡ଼ାଦ୍‌କଆ, “ଆପେଦ୍ ସିମ୍‌ା
ରାଇଜ୍‌ରେୟାଃ ଉକୁଆକାନୁ କାଜିରାଃ ମୁଣ୍ଡି ସାରି ନାଗେନ୍ତେ ସେଣ୍‌ା
ଏମାକାନା, ମେନ୍‌ଦ୍ ବାହାରିରେନ୍ ଏଟାଃକକେ କାଜିରାଃ ମୁଣ୍ଡି

ସାରି ନାଗେନ୍ତେ ସେଣାଁ କା ଏମାକାନା । ୧୨ ☆ଜେତାଏତାଃରେ
 ମେନାଃନିଃକେ ଏମାଆ, ଆତଃ ଇନିୟାଃ ପୁରାଃଗି ହବାଆଆଃ,
 ମେନ୍ଦ ଦେତାଏତାଃରେ ବାନଃଆ, ଇନିଃତାଃଏତେ ଅକ୍ନାଃ
 ମେନାଃ ଏନାହଗି ଇଦିୟାଆ । ୧୩ ଇନ୍କୁକେ ଆଇଙ୍ଗ୍ ଜନ୍କା
 କାଜିତେ ଇତୁକ ତାନାଇଙ୍ଗ୍, ଚିୟାଃଚି ଇନ୍କୁ ନେଲ୍ଦକ ନେଲେୟା
 ମେନ୍ଦ କାକ ନେଲେୟା, ଆୟୁମ୍ଦକ ଆୟୁମେୟା ମେନ୍ଦ କାକ
 ଆଟ୍ଟକାରୁରୁମେୟା । ୧୪ ଇନ୍କୁରେ ଯିଶାୟ ନାବାଆଆୟାଃରକାଜି
 ପୁରାଆଃତାନା,

“ନେ ହଡକ ଆୟୁମ୍ଦକ ଆୟୁମେୟା ମେନ୍ଦ କାକ
 ଆଟ୍ଟକାରୁରୁମେୟା;

ଆତଃ ନେଲ୍ଦକ ନେଲେୟା ମେନ୍ଦ କାକ ନେଲ୍ଦରୁମେୟା,

୧୫ ଚିୟାଃଚି ନେ ହଡକଆଆ ମନ୍ କେଟେଦତରୟାନା,
 ଇନ୍କୁଆଆ ଲୁତୁର୍ ମେନାଃରେୟ କାକ ଆୟୁମେୟା
 ଆତଃ ଇନ୍କୁଆଆ ମେଦ୍ ମେନାଃରେୟ କାକ ନେଲେୟା ।

କା'ରେଦ, ଇନ୍କୁ ଆକଆଆ ମେଦ୍ତେକ ନେଲେତେୟାଃ,
 ଆତଃ ଆକଆଆ ଲୁତୁର୍ତେକ ଆୟୁମେତେୟାଃ,
 ଆତଃ ଆକଆଆ ମିନ୍ତେକ ଆଟ୍ଟକାରୁରୁମେତେୟାଃ,

ଆତଃ ଇନ୍କୁ ଆଇୟାଃତାଃତେ ରୁହାଡ୍ତେୟାଃକ,
 ଏନ୍ତେ ଆଇଙ୍ଗ୍ ଇନ୍କୁକେଇଙ୍ଗ୍ ବୁଚିକତେୟାଃ । ”

୧୬ ☆“ମେନ୍ଦ ଆପେ ଚିମିନ୍ ସୁକୁତାନିୟାଃପେ, ଚିୟାଃଚି ଆପେ
 ନେଲ୍ ଦାଡ୍ଡିତାନାପେ, ଆତଃ ଆୟୁମ୍ ଦାଡ୍ଡିତାନାପେ । ୧୭ ଆଇଙ୍ଗ୍ଦ
 ସାର୍ଡିଗିଙ୍ଗ୍ କାଜିୟାପେତାନା, ଆପେ ନେଲ୍ତାନତେୟାଃ ପୁରାଃ
 ନାବାକ ଆତଃ ଧାର୍ମାନ୍ ହଡକ ନେନେଲ୍ ସାନାଙ୍ଗ୍କେଦକଆ
 ମେନ୍ଦ କାକ ନେଲ୍କେଦା ଆତଃ ଆପେ ଆୟୁମ୍କେଦ୍ତେୟାଃ
 ଇନ୍କୁକେ ଆୟୁମ୍ ସାନାଙ୍ଗ୍କେଦକଆ ମେନ୍ଦ କାକ ଆୟୁମ୍କେଦା
 ।

ୟାଶୁ ହିତାହେର୍ନିଆଃ ଜନ୍କାରାଃ ମୁଣ୍ଡି ଉଦୁବ୍କେଦା
 (ମାର୍କ ୪:୧୩-୨୦; ଲୁକ ୮:୧୧-୧୫)

୧୮ “ଆପେ ନାହାଃ ହିତାହେର୍ନିଆଃ ଜନ୍କା କାଜିରେୟାଃ ମୁଣ୍ଡି
 ଆୟୁମେପେ । ୧୯ ଜେତାଏ ହଡ ସିମା ରାଇଜ୍ରେୟାଃ କାଜି

☆ ୧୩:୧୨ ୧୩:୧୨ ମାଥୁର ୨୫:୨୯; ମାର୍କ ୪:୨୫; ଲୁକ ୮:୧୮; ୧୯:୨୭. ☆ ୧୩:୧୭
 ୧୩:୧୭ ଲୁକ ୧୦:୨୩,୨୪.

ଆୟୁମକେଦତେ ଏନା କାଏ ଆବ୍‌କାରଉରୁମେରେ, ଏନ୍ ଏଡକାନନିଃ ହିଜୁଃଆଏ ଆଡଃ ଇନିୟାଃ ମନ୍‌ସୁରୁଦରେ ହେରାକାନତେୟାଃ ରେଃକ୍ ଇଦିୟାଏ, ଇନିଃ ହରା ଗେନାରେ ହେରାକାନ ହିତା ଲେକାନନିଃ ତାନିଃ । ହରା ଗେନାରେ ଉୟୁଗାକାନ ହିତାରାଃ ମୁଣ୍ଡି ନେଆଁ ତାନାଃ । ୨୦ ଜେତାଏ କାଜି ଆୟୁମାଃଏ ଆଡଃ ରାସକାତେ ତେଲ୍‌ଦାବେଆ, ଇନିଃ ଦିରି ଅତେରେ ଉୟୁଗାକାନ ହିତା ଲେକାନନିଃ ତାନିଃ । ୨୧ ମେନ୍‌ଦ ଇନିୟାଃ ମନ୍‌ରେ କାଏ ରେହେଦୟାନ୍‌ତେ ହୁଡିଙ୍ଗ୍ ଦିପିଲିଗି ତାଲନାଏ ଆଡଃ କାଜି ନାଗେନ୍ତେ ସାସାତି ଚାଏ ସିଗିଦ୍ ହିଜୁଃୟାନ୍‌ରେ ଇନିଃ ତହଦଦାବଃଆଏ । ୨୨ ଜେତାଏ କାଜି ଆୟୁମାଃଏ ମେନ୍‌ଦ ସାଂସାରରେୟାଃ ଉଡ଼ୁ ଆଡଃ ପୁରାଃ ମେନାଃତେୟାଃରାଃ ହାୟା, କାନାଜିକେ ହାରାତପାଏୟା ଆଡଃ ଇନିଃ କାଏ ଜଅଃଆ, ଇନିଃ ଜାନୁମ୍ ଆଲାରେ ଉୟୁଗାକାନ ହିତା ଲେକାନନିଃ ତାନିଃ, ଇନିଃ ଜେତାନ୍ ଜ କାଏ ଜଅଃଆ । ୨୩ ଆଡଃ ଜେତାଏ କାଜି ଆୟୁମକେଦତେ ଆବ୍‌କାରଉରୁମ୍‌ନିଃ ବୁଗିନ୍ ଅତେରେ ଉୟୁଗାକାନ ହିତା ଲେକାନନିଃ ତାନିଃ, ଇନିଃ ବୁଗିନ୍ ସାରତିଗି ଜଅଃଆ ଆଡଃ ମିଦ୍‌ଗାଅ ଗୁଣ୍ ଆଦକା, ଷାଠେ ଗୁଣ୍ ଆଡଃ ତିରିଣ୍ ଗୁଣ୍ ଜଅଃଆ ।”

ଚୁଲିତାସାଦ୍ ରେୟାଃ ଜନ୍‌କା କାଜି

୨୪ ଆଡଃ ଇନିଃ ଏଟାଃ ଜନ୍‌କା କାଜି କାଜିୟାଦକଆଏ, “ସିର୍ମା ରାଇଜ୍ ମିଆଁଦ୍ ହଡ଼ ଲେକା ତାନାଃ, ଇନିଃ ଆୟାଃ ଅତେରେ ବୁଗିନ୍ ହିତାଏ ହେରକେଦା । ୨୫ ମେନ୍‌ଦ ହଡ଼କ ଦୁଡ଼ମ୍‌କାନ ତାଇକେନ୍ ଇମ୍‌ତା ଇନିୟାଃ ବାଇରି ହିଜୁଃକେଦତେ ଗହମ୍ ହେରାକାନ ଅତେରେ ଚୁଲିତାସାଦ୍ ଜାଇ ହେରକେଦତେ ସେନଃୟାନା । ୨୬ ଗହମ୍ ଅମନ୍‌ୟାନା ଆଡଃ ଗେଲେୟାନ୍‌ରେ ଚୁଲିତାସାଦ୍ ନେଲ୍‌ୟାନା । ୨୭ ଅଡ଼ାଃରେନ୍ ଗୁସିୟା ଦାସିକ ହିଜୁଃଲେନ୍ତେ କାଜିକିୟାକ, ‘ହେ ଗମ୍‌କେ, ତିୟାଃ ଆମ୍ ଆମାଃ ଅତେରେ ବୁଗିନ୍ ହିତା କାମ୍ ହେରଲେଦା, ଏନ୍ ଚୁଲିତାସାଦ୍ ଅକ୍‌ତାଃଏତେ ହିଜୁଆକାନା ?’ ୨୮ ଇନିଃ ଇନ୍‌କୁକେ ମେତାଦକଆ, ‘ମିଆଁଦ୍ ବାଇରି ନେଆଁ ରିକାକାଦାଏ ।’ ଏନ୍ତେ ଦାସିକ କୁଲିକିୟାକ, ‘ଆଲେ ସେନ୍‌କେଦତେ ଏନାକେଲେ ହେଡ଼େଦ୍ ହୁରାଙ୍‌ୟେଆ

ମେନ୍ତେମ୍ ସାନାଙ୍ଗତାନାତି ?’ ୨୯ ଇନିଃ ‘ବାନଃଗି’ ମେତାଦକଆଏ,
 ‘ଚିୟାଠି ଚୁଲିତାସାଦ୍ ହେଡେଦତାନ୍ ଇମ୍ତା ଗହମ୍ ହୁଁ ଏନାଲଃ
 ହେଡେଦମେସାଅଃଆ । ୩୦ ଇରୋଃ ଦିପିଲି ଜାକେଦ୍ ଗହମ୍
 ଆଡଃ ଚୁଲିତାସାଦ୍ ବାର୍ନାଃକେ ମିଦ୍ତେ ହାରାଇଚିପେ ଏନ୍ତେ
 ଆଇଙ୍ଗ୍ ଇରୋଃ ଦିପିଲିରେ ଇରୋଃକକେ କାଜିକଆଇଙ୍ଗ୍, ସିଦାତେ
 ଚୁଲିତାସାଦ୍ ହୁଣ୍ଡିପେ ଆଡଃ ଉରୁବେ ନାଗେନ୍ତେ ବିଡ଼ା ତଲେପେ
 ଏନ୍ତେ ଗହମ୍ କେ ଆଇଁୟାଃ ଭାଣ୍ଡାର୍ ଅଡ଼ାଃରେ ଦହଏପେ ।”

ମାନିଜାଙ୍ଗ୍ରେଆଃ ଜନ୍କା କାଜି

(ମାର୍କ ୪:୩୦-୩୫; ଲୁକ ୧୩:୧୮-୨୧)

୩୧ ଯୀଶୁ ଆଡଃମିଆଁଦ୍ ଜନ୍କା କାଜି ଇନ୍କୁକେ କାଜିୟାଦକଆ,
 “ସିର୍ମା ରାଇଜ୍ ମିଆଁଦ୍ ମାନିଜାଙ୍ଗ୍ ଲେକା ଏନା ଜେତା ହଡ଼
 ଇଦିକେଦ୍ତେ ଆୟାଃ ଅତେରେ ହେରକେଦା । ୩୨ ଏନାଦ
 ସବେନ୍ ହିତାଏତେ ହୁଡ଼ିଙ୍ଗ୍ ଆଁ ମେନ୍ଦ୍ ଏନା ହାରାୟାନ୍ତି ସବେନ୍
 ଆଡ଼ାଃଏତେ ମାରାଙ୍ଗ୍ ଅଃଆ ଏନ୍ତେ ଦାରୁ ହବାଅଆଃ, ଆଡ଼ଃ
 ଏନାରେୟାଃ କତରେ ସିର୍ମାରେନ୍ ଚେଣ୍ଟେକ ଅକାୟା ।”

୩୩ ଯୀଶୁ ଆଡଃମିଆଁଦ୍ ଜନ୍କା କାଜି ଇନ୍କୁକେ କାଜିୟାଦକଆ,
 “ସିର୍ମା ରାଇଜ୍ ମିଆଁଦ୍ ରାନୁ ଲେକାଃ, ଏନାକେ ଜେତାଏ କୁଡ଼ି
 ଆଉକେଦ୍ତେ ଆପି କେଜି ମାଇଦାରେ ଏନା ଆଉରି ରାନୁଚାବାଅଃ
 ଜାକେଦ୍ ସିପୁଦକେଦାଏ ।”

୩୪ ନେ ସବେନାଃ, ଯୀଶୁ ଜନ୍କା କାଜିତେ ଗାଦେଲ୍ ହଡ଼କକେ
 କାଜିୟାଦକଆ ଆଡ଼ଃ ବେଗାର୍ ଜନ୍କା କାଜିତେ ଇନିଃ ଇନ୍କୁକେ
 ଜେଡ଼ନାଃ କାଏ କାଜିୟାଦକଆ । ୩୫ ନାବୀଆଃ ନେ କାଜି ନେ
 ଲେକାତେ ପୁରାୟାନା,

“ଇନ୍କୁଲଃ ଜାଗାର୍ ଇମ୍ତା ଆଇଙ୍ଗ୍ ଇନ୍କୁକେ ଜନ୍କା କାଜିତେ
 କାଜିକଆଇଙ୍ଗ୍;

ଅତେଦିଶୁମ୍ରେୟାଃ ମୁନ୍ନୁରାଃ ସିଦାଏତେ ଉକୁଆକାନ୍
 କାଜିକଇଙ୍ଗ୍ ଉଦୁବେୟା ।”

ଯୀଶୁ ଚୁଲିତାସାଦ୍ରେୟାଃ ଜନ୍କା କାଜିରେୟାଃ ମୁଣ୍ଡି

୩୭ ଏନ୍ତେ ଯୀଶୁ ଗାଦେଲ୍ ହତକକେ ବାଗିକେଦ୍‌ତେ ଅଡ଼ାଃତେ ସେନଃୟାନା ଆତଃ ଜନିୟାଃ ତେଲକ ଜନିଃତାଃତେ ହିଜୁଃକେଦ୍‌ତେ କାଜିକିୟାକ, “ଆମ୍ ଅତେରେୟାଃ ତୁଲିତାସାଦ୍‌ରେୟାଃ ଜନକା କାଜିରେୟାଃ ମୁଣ୍ଡି ଉଦୁବାଲେମେ ।”

୩୭ ଯୀଶୁ କାଜିରୁହାଡ଼ାଦକଆଏ, “ବୁଗିନ୍ ହିତା ହେରନିଃ ମାନଝାହନ୍ ତାନିଃ । ୩୮ ନେ ପିଡ଼ି, ଅତେଦିଶୁମ୍ ତାନାଃ ଆତଃ ବୁଗିନ୍ ହିତା, ସିର୍ମା ରାଇଜ୍‌ରେନ୍ ହତକ ତାନକ ଆତଃ ତୁଲିତାସାଦ୍ ଜାଙ୍ଗ୍, ଏଡ଼କାନ୍ ଆମ୍‌ରାଃ ହତକ ତାନକ । ୩୯ ଆତଃ ଏନା ହେରକେଦ୍ ବାଇରି, ସାଏତାନ୍ ତାନିଃ, ଆତଃ ଇରୋଃ ଦିପିଲି ଅତେଦିଶୁମ୍‌ରେୟାଃ ତୁଣ୍ଡୁତାନାଃ ଆତଃ ଇରୋଃକ ସିର୍ମାରେନ୍ ଦୁଡ଼କ ତାନକ । ୪୦ ଅତେଦିଶୁମ୍‌ରେୟାଃ ତୁଣ୍ଡୁର ଏନ୍ ତୁଲିତାସାଦକ ହୁଣ୍ଡିକେଦ୍‌ତେ ସେଙ୍ଗେଲ୍‌ରେ ଉରୁବଃ ଲେକାଅଃଆ । ୪୧ ମାନଝାହନ୍ ଆୟାଃ ସିର୍ମାରେନ୍ ଦୁଡ଼କକେ କୁଲକଆଏ ଆତଃ ଇନ୍‌କୁ ଜନିୟାଃ ରାଇଜ୍‌ରେ ସବେନ୍ ତହଦଃ ଲେକାନାଃ ତାଇନ୍‌ତେୟାଃ ଆତଃ ଏଡ଼କାନାଃ କାମିତାନ୍‌କକେ ହୁଣ୍ଡିକଆ । ୪୨ ଇନ୍‌କୁ ସେଙ୍ଗେଲ୍ ହୁଝାଙ୍ଗ୍‌ରେକ ହାଁଶବଆଃ, ଏନ୍ତାଃରେ ରାନାଆଃ ଆତଃ ଡାଟା ହାଦ୍ ରିଡିଦଃଆ । ୪୩ ଏନ୍ତେ ଧାର୍‌ମାନ୍ ହତକ ଆକଆଃ ସିର୍ମାରେନ୍ ଆପୁଆଃ ରାଇଜ୍‌ରେ ସିଙ୍ଗିଲେକାକ ନେଲଆଃ । ଲୁତୁର୍ ମେନାଃନିଃ ବୁଗିଲେକା ଆୟୁମେକାଏ ।

ଉକୁଆକାନ୍ ଖୁଜ୍ ରାଃ ଜନକା କାଜି

୪୪ “ସିର୍ମା ରାଇଜ୍ ଅତେରେ ତପାକାନ୍ ଖୁଜ୍ ଲେକାନାଃ ତାନାଃ, ମିଆଁଦ୍ ହତ ନାମ୍‌କେଦ୍‌ତେ ଆତଃମିସା ଅତେରେ ଉକୁକେଦାଏ ଏନ୍ତେ ସୁକୁଜାଉତେ ସେନଃୟାନା ଆତଃ ଆୟାଃ ସବେନାଃ ଆଖିରିଙ୍ଗ୍‌କେଦ୍‌ତେ ଏନ୍ ଅତେକେ କିରିଙ୍ଗ୍‌କେଦା ।

୪୫ “ଆତଃଗି ସିର୍ମା ରାଇଜ୍ ବୁଗିନ୍ ବୁଗିନ୍ ମୋତି ଦାଣ୍ଟାତାନ୍ ମିଆଁଦ୍ କିରିଙ୍ଗ୍ ଆଖିରିଙ୍ଗ୍‌ତାନ୍ ହତଲେକାଃ । ୪୬ ଆତଃ ଜନିଃ ମିଆଁଦ୍ ପୁରାଃ ଗନଙ୍ଗ୍‌ଆଁନ୍ ମୋତି ନାମ୍‌କେଦ୍‌ତେ ସେନଃୟାନାଏ ଆତଃ ଆୟାଃ ସବେନାଃ ଆଖିରିଙ୍ଗ୍‌କେଦ୍‌ତେ ଏନାକେ କିରିଙ୍ଗ୍‌କେଦା ।

ଜାଲୋମ୍‌ରାଃ ଜନକା କାଜି

୪୭ “ଆତ୍ମା ଯିର୍ମୀ ରାଜ୍ଜ ମିଆଁଦ୍ ଜାଲୋମ୍ ଲେକାଃ, ଚିମିନ୍ ହାକୁସାବକ୍ ଆକଆଃ ଜାଲୋମ୍ କେ ଦରେୟାରେ ହୁରାଙ୍ଗ୍ କେଦାକ୍ ଆତ୍ମା ଏନାରେ ସବେନ୍ ଲେକାନ୍ ହାକୁକ୍ ଜାଲୋମ୍ ଯାନା । ୪୮ ଏନା ପେରେୟାନ୍ ଚି ହତ୍ତକ୍ ଗେନାତେକ୍ ଆଇଜ୍ ଅତ୍ତକ୍ କେଦା ଆତ୍ମା ଦୁବ୍ ଯାନ୍ତେ ବୁଗିନ୍ ହାକୁକ୍ କେ ବୁଜ୍ କିରେକ୍ ସାଲାକେଦ୍ କଥା ମେନ୍ଦ୍ ଏଡ୍ କାନ୍ କେ ଏଣ୍ଟାଃ କେଦ୍ କଥା । ୪୯ ଅତେଦିଶୁମ୍ରେୟାଃ ବୁଣ୍ଟୁରେୟା ଚି ନେକାଅଥା । ସିର୍ମୀରେନ୍ ଦୁଡ୍ କ୍ ଅତ୍ତକ୍ ଅଥା ଆତ୍ମା ଧାର୍ମାନ୍ କଥା ଆଲ୍ୟାଏତେ ଏଡ୍ କାନ୍ କେ ଆତ୍ମା । ୫୦ ଆତ୍ମା ଇନ୍ କୁକେ ସେଙ୍ଗେଲ୍ ହୁଞ୍ଜାଙ୍ଗ୍ରେକ୍ ହାଁଟାବ୍ କଥା, ଏନ୍ତାଃରେ ରାନାଆଃ ଆତ୍ମା ତାଟା ରିଡିଦ୍ ଅଥା ।

ନାଞ୍ଜା ଆତ୍ମା ମାରି ସାନାଚ୍ ଚି

୫୧ “ୟାଶୁ ଇନ୍ କୁକେ କୁଲିକେଦ୍ କଥା, ଚିୟାଃ ଆପେ ନେ ସବେନାଃପେ ଆଟ୍ କାର୍ତ୍ତରୁମ୍ କେଦା ?” ଇନ୍ କୁ କାଜିରୁହାଡ୍ କିୟାକ୍, “ହେଗି, ଆଟ୍ କାର୍ତ୍ତରୁମ୍ କେଦାଲେ ।”

୫୨ ଯାଶୁ କାଜିରୁହାଡ୍ କଥାଏ, “ଏନା ନାଗେନ୍ତେ ସିର୍ମୀ ରାଜ୍ଜରେୟାଃ ଚେଲକାନ୍ ମିଆଁଦ୍ ଆଇନ୍ ଇତୁନିଃ, ମିଆଁଦ୍ ଅତ୍ତାଃ ଗମ୍ କେ ଲେକାନ୍ ନିଃ ତାନିଃ । ଇନିଃ ଆୟାଃ ଭାଣ୍ଡାଅତ୍ତାଃଏତେ ନାଞ୍ଜା ଆତ୍ମା ମାରିତେୟାଃ ଅତ୍ତକ୍ ଯେଁଆଏ ।”

ୟାଶୁକେ ନାଜ୍ରେଡ୍ରେନ୍ କ୍ ହିଲାଙ୍ଗ୍ କିୟା

(ମାର୍କ ୭:୧-୬; ଲୁକ ୪:୧୭-୩୦)

୫୩ ଯାଶୁ ନେ ଜନ୍ କା କାଜି ଚାବାକେଦ୍ ଚି ଏନ୍ତାଃଏତେ ସେନୟାନା । ୫୪ ଆତ୍ମା ଆୟାଃ ଆପୁତେୟାଃ ସାହାର୍ତେ ତେବାୟାନ୍ ଚି ଇନ୍ କୁଆଃ ସାମାଜ୍ ଅତ୍ତାଃରେ ଇନ୍ କୁକେ ଇତ୍ତକେଦ୍ କଥା ଆତ୍ମା ଇନ୍ କୁ ଆକ୍ ଦାନ୍ ଅୟାନ୍ତେ, “ଇନିଃ ଅକ୍ତାଃଏତେ ନେ ସେଣାଁ ଆତ୍ମା ପେଡ୍ରେୟାନ୍ କାମିକରେୟାଃ ପେଡ୍ରେ ନାମାକାଦାଏ ?” ମେନ୍ତେକ୍ କାଜିକେଦା । ୫୫ “ଚିୟାଃ ନିଃ ଏନ୍ ବାଡ୍ ଇଆଃ ହନ୍ କା'ଚି ତାନିଃ ? ଚିୟାଃ ଇନିୟାଃ ଏଙ୍ଗାରାଃ ନୁଡୁମ୍ ମାରିୟାମ୍ କା'ଚି ତାନା ? ଯାକୁବ୍, ଯୋଷେଫ୍, ଶିମୋନ୍ ଆତ୍ମା ଯିହୁଦା ନେ ସବେନ୍ କ୍ ଆୟାଃ ହାଗାକ୍ କା'ଚି ତାନ୍ କ ? ୫୬ ଆତ୍ମା ଇନିୟାଃ ମିଶିକ୍ ଆବୁଲ୍ ଚି ବାଙ୍ଗ୍ କଥା ? ନିଃ ଏନ୍ ସେଣାଁ ଆତ୍ମା ପେଡ୍ରେ ଅକ୍ତାଃଏତେ

ନାମାକାଦା ?” ମେନ୍ତେକ କାଜିକେଦା । ^{୫୭} ଏନାତେ ଇନ୍‌କୁ ଇନିଃକେ ହିଲାଙ୍ଗିକିୟାକ ।

ୟୀଶୁ ଇନ୍‌କୁକେ ମେତାଦକଆ, “ନାବୀ ଆୟାଃ ଦିଶୁମ୍ ଆଡ଼ଃ ଆୟାଃ ଅଡ଼ଃ ବାଗିକେଦ୍‌ତେ ଏଟାଃ ସବେନ୍‌ତାଃରେ ମାଇନାଏ ନାମେୟା ।” ^{୫୮} ତିୟାଃତି ଇନ୍‌କୁ ଇନିଃକେ କାକ ବିଶ୍ୱାସକିଃ ନାଗେନ୍ତେ ଇନିଃ ଏନ୍ତାଃରେ ପୁରାଃ ଆକ୍‌ଦାନ୍‌ଅ କାମିକ କାଏ କାମିକେଦା ।

୧୪

ବାପ୍ତିସ୍ମା ଏମଃନିଃ ଯୋହାନ୍‌ଆଃ ଗନଏଃ

(ମାର୍କ ୬:୧୪-୨୯; ଲୁକ ୬:୭-୯)

^୧ ଏନ୍ ଦିପିଲିରେ ହେରୋଦ୍ ଗାଲିଲ୍‌ରେନ୍ ଲାଟ୍‌ସାହେଦ୍ ତାଇକେନାଏ ଆଡ଼ଃ ଯୀଶୁଆଃ ବିଷାଏରେ ଆୟୁମ୍‌କେଦା । ^୨ ଆଡ଼ଃ ଇନିଃ ଆୟାଃ କାମିତାନ୍‌କକେ ମେତାଦକଆ, “ବାପ୍ତିସ୍ମା ଏମଃନିଃ ଯୋହାନ୍ ଗଜାକାନ୍‌ଏତେ ଜୀଉବିରିଦାକାନାଏ, ଏନା ମେନ୍ତେଗି ଆକ୍‌ଦାନ୍‌ଅ କାମିକ ଇନିୟାଃ ହରାତେ ହବାଅଃତାନା ।”

^୩ ଏହେରୋଦ୍ ଆୟାଃ ହାଗାତେ ଫିଲିପ୍‌ଆଃ କୁଡ଼ି ହେରୋଦିୟା ନାଗେନ୍ତେ ଯୋହାନ୍‌କେ ସାବ୍‌କିତେ ତଲ୍‌କିୟାଏ ଆଡ଼ଃ ଜେହେଲ୍‌କାଇ ତାଇକେନାଏ । ^୪ ତିୟାଃତି ଯୋହାନ୍ ହେରୋଦ୍‌କେ କାଜିକାଇ ତାଇକେନା, “ଆମ୍ ହେରୋଦିୟାକେ କୁଡ଼ି ଲେକା ଦହକାଇ ତାଇକେନାମ୍ ଏନା ଆଇନ୍ ଲେକାତେ କା ଠାଉକାନ୍‌ତେୟାଃ ତାନାଃ ।” ^୫ ଏନାତେ ଇନିଃ ଯୋହାନ୍‌କେ ଗଗଏଃ ସାନାଙ୍ଗ୍ ତାଇକେନାଏ, ମେନ୍‌ଦ ଇନିଃ ଯିହୁଦୀ ହଡକକେ ବରକେଦକଆ, ତିୟାଃତି ଇନ୍‌କୁଦ ଯୋହାନ୍‌କେ ମିଆଁଦ୍ ନାବୀ ତାନିଃ ମେନ୍ତେକ ଆଟ୍‌କାରି ତାଇକେନା ।

^୬ ହେରୋଦ୍‌ଆଃ ଜାନାମ୍ ହୁଲାଙ୍ଗ୍ ସେଟେର୍‌ୟାନ୍‌ରେ, ହେରୋଦିୟାଃ ହନ୍ତେକୁଡ଼ି କେଡ଼ାକାନ୍ ହଡକଆଃ ଆଲାରେ ସୁସୁନ୍‌କେଦାଏ ଆଡ଼ଃ ହେରୋଦ୍ ପୁରାଃଗି ସୁକୁୟାନାଏ । ^୭ ଆଡ଼ଃ ହେରୋଦ୍ ଇନିଃକେ କିରିୟାତାନ୍‌ଲଃ କାଜିକିୟାଏ, “ଆମ୍ ଆସିଙ୍ଗ୍‌ତେୟାଃ ସବେନାଃଇଙ୍ଗ୍ ଏମାମେୟା ।”

☆ ୧୩:୫୭ ୧୩:୫୭ ଯୋହାନ୍ ୪:୪୪.

☆ ୧୪:୩ ୧୪:୩ ଲୁକ ୩:୧୯,୨୦.

୮ ଆଡ଼଼ ଇନିଃ, ଆୟାଃ ଏଙ୍ଗାତେ ଆରୁକାଇ ଲେକା ଆସିକିୟା, “ବାପ୍ତିସ୍ମା ଏମାଃନିଃ ଯୋହାନ୍‌ଆଃ ବହଃ ନେ ଆଡ଼ିରେ ଏମାଇଙ୍ଗ୍‌ମେ ।”

୯ ଏନ୍ତେ ରାଜା ହୁଡ଼ିଙ୍ଗ୍‌ଜୀଉୟାନାଏ ମେନ୍‌ଦ ଇନିଃ ନେଅଁତାକାନ୍‌କଆଃ ସାମ୍‌ନାଙ୍ଗ୍‌ରେ କିରିୟାକାଦ୍ ହରାତେ ଏମାଇପେ ମେନ୍ତେ ଆରୁକେଦ୍‌କଆ । ୧୦ ଆଡ଼଼ ଇନିଃ ଜେହେଲ୍‌କାନ୍ ଯୋହାନ୍‌ଆଃ ବହଃ ମାଆଃ ଆଉ ନାଙ୍ଗ୍ ହଡ଼କକେ କୁଲ୍‌କେଦ୍‌କଆ । ୧୧ ଆଡ଼଼ ଇନିୟାଃ ବହଃ ମିଆଁଦ୍ ଆଡ଼ିରେକ ଆଡ଼କେଦା ଆଡ଼଼ ହନ୍ତେକୁଡ଼ିକେକ ଏମକିୟା ଏନ୍ତେ ଇନିଃ ଆୟାଃ ଏଙ୍ଗାତେତାଃତେ ଇଦିକେଦା । ୧୨ ଯୋହାନ୍‌ଆଃ ତେଲ୍‌କ ହିଜୁଃକେଦ୍‌ତେ ଆୟାଃ ହଡ଼ମକେ ଇଦିକେଦ୍‌ତେ ତପାକେଦାକ ଆଡ଼଼ ସେନଃୟାନ୍ତେ ଯୀଶୁକେକ ଉଦୁବ୍‌କିୟା ।

ୟୀଶୁ ଗାଦେଲ୍ ହଡ଼କକେ ଜମେୟାଃ ଏମାଦ୍‌କଆଏ

(ମାର୍କ ୬:୩୦-୪୪; ଲୁକ ୯:୧୦-୧୭; ଯୋହାନ୍ ୬:୧-୧୪)

୧୩ ଯୀଶୁ ଯୋହାନ୍‌ଆଃ ବିଷାଏ ଆୟୁମ୍‌କେଦ୍‌ତେ ଏନ୍ତାଃ ବାଗିକେଦ୍‌ତେ ଲାଉକାରେ ସିଃସଏଃ ଠାୟାଦ୍‌ତେ ଏସକାର୍‌ଗି ସେନଃୟାନା । ଗାଦେଲ୍ ହଡ଼କ ନେଆଁ ଆୟୁମ୍‌କେଦ୍‌ତେ ଆକଆଃ ସାହାର୍‌କଏତେ ସେସେନ୍‌ତେଗି ଇନିଃକେ ଅତଙ୍ଗ୍‌କିୟାକ । ୧୪ ଇନିଃ ଲାଉକାଏତେ ଅତଙ୍ଗ୍‌ୟାନ୍‌ଲଃ ପୁରାଃ ଗାଦେଲ୍ ହଡ଼କକେ ନେଲ୍‌କେଦ୍‌କଆ ଆଡ଼଼ ଆୟାଃ ମନ୍‌ସୁରୁଦ୍ ଲିବୁଇତେ ବିଲ୍‌କାୟାନା । ଇନିଃ ପୁରାଃ ହାସୁତାନ୍‌କକେ ରୁଗିକେଦ୍‌କଆଏ ।

୧୫ ଆଡ଼଼ ସିଙ୍ଗି ହାସୁରଃତାନ୍‌ରେ, ଯୀଶୁଆଃ ତେଲ୍‌କ ଆୟାଃତାଃ ହିଜୁଃକେଦ୍‌ତେ କାଜିକିୟାକ, “ନେ ଠାୟାଦ୍‌ଦ ସିଃସଏଃଗିୟା ଆଡ଼଼ ସିଙ୍ଗି ହାସୁରଃତାନା, ଏନାତେ ମାର୍ ଗାଦେଲ୍ ହଡ଼କକେ କୁଲ୍‌ତାକମେ, ଆଡ଼଼ ଇନ୍‌କୁ ହାତୁ ସେନ୍‌କେଦ୍‌ତେ ଆକଆଃ ନାଙ୍ଗ୍ ଜମେୟାଃକ କିରିଙ୍ଗ୍‌ୟେକା ।”

୧୬ ଯୀଶୁ ମେତାଦ୍‌କଆଏ, “ଇନ୍‌କୁ ଚିନାଃମେନ୍ତେକ ସେନଆଃ ? ଆପେଗି ଇନ୍‌କୁକେ ଜମେୟାଃ ଏମାକପେ ।”

୧୭ ଇନ୍‌କୁ ଇନିଃକେ କାଜିରୁହାଡ଼କିୟାକ, “ମଣେୟାଁ ହଲ୍‌ଙ୍ଗ୍ ଆଡ଼଼ ବାରିଆ ହାକୁ ଏସକାର୍ ଆଲେତାଃରେ ମେନାକଆ ।”

୧୮ ଯୀଶୁ ମୋତାଦକଥାଏ, “ଏନ୍ ସବେନାଃକେ ଆଇଙ୍ଗ୍‌ତାଃତେ ଆଉଝେପେ ।” ୧୯ ଇନିଃ ଗାଦେଲ୍ ହଡ଼କକେ ତାସାଦ୍ ଚେତାନରେ ଦୁବକପେ ମେନ୍ତେ ଆତୁକେଦକଥା, ଆଡ଼ଃ ଏନ୍ ମଣେୟାଁ ହଲଙ୍ଗ୍ ଆଡ଼ଃ ବାରିଆ ହାକୁ ସାବକେଦତେ ସିର୍ମାସାଃ ସାଙ୍ଗିଲ୍‌ରାକାବ୍‌ତାନଲଃ ଆଶିଷକେଦାଏ ଆଡ଼ଃ ହଲଙ୍ଗ୍ କେଚାଃକେଦତେ ଚେଲାକକେ ଏମାଦକଥାଏ, ଆଡ଼ଃ ଚେଲାକ ଗାଦେଲ୍ ହଡ଼କକେ ହାଟିଙ୍ଗ୍‌ଆଁଦକଥାକ । ୨୦ ସବେନକ ଜମ୍‌କେଦତେ ବି'ୟାନାକ ଆଡ଼ଃ ଚେଲାକ ସାରେୟାକାନ୍‌ତେୟାଃ ବାରା ଟୁଙ୍ଗିକ ହୁଣ୍ଡିକେଦା । ୨୧ ଜମ୍‌କେଦ୍ ହଡ଼କ, କୁଡ଼ିକ ଆଡ଼ଃ ହନକକେ ବାରିକେଦତେ ପାଞ୍ଚ ହାଜାର କଡ଼ାକ ଏସକାର୍ ତାଇକେନାକ ।

ୟୀଶୁ ଦାଆଃ ଚେତାନରେ ସେସେନ୍‌କେନାଏ

(ମାର୍କ ୭:୪୫-୫୨; ଯୋହାନ୍ ୭:୧୫-୨୧)

୨୨ ଇମ୍‌ତାଗି ଯୀଶୁ ଚେଲାକକେ ଆତୁକେଦକଥା, ଲାଉକାରେ ଦେଏଃପେ ଆଡ଼ଃ ହାନ୍ ପାରମତେ ସେନ୍ ଆୟାରଃପେ, ଇମ୍‌ତାଲଃ ଇନିଃ ଗାଦେଲ୍ ହଡ଼କକେ ବିଦାକେଦକଥା । ୨୩ ଏନ୍ତେ ଇନିଃ ଗାଦେଲ୍ ହଡ଼କକେ ବିଦାକେଦତେ, ଆଇଃକ୍‌ଗି ବିନ୍ତି ନାଗେନ୍ତେ ବୁରୁତେ ରାକାବ୍‌ୟାନା ଆଡ଼ଃ ସିଙ୍ଗିହାସୁର୍‌ତାନରେ ଇନିଃ ଏସକାର୍‌ଗି ଏନ୍ତାଃରେ ତାଇନ୍‌ୟାନାଏ । ୨୪ ଆଡ଼ଃ ଏନ୍ ଦିପିଲିରେ ଲାଉକା ଦରେୟା ଖାଇଁଏତେ ପୁରାଃ ସାଙ୍ଗିନ୍‌ରେ ଆଲ୍‌ପୁଙ୍ଗ୍‌ତେ ଏକ୍‌ଲାଅଃତାନ୍ ତାଇକେନା, ଚିୟାଃତି ଲାଉକା ସେନଃତାନ୍‌ସାଃଏତେ ହୟ ହିନ୍ତୁଃତାନ୍ ତାଇକେନା ।

୨୫ ସେତାଃ ନିଦାରେୟାଃ ଉପୁନ୍ ଘାଡ଼ି ଇମ୍‌ତାକରେ ଯୀଶୁ ଦରେୟାରେ ସେସେନ୍‌କେଦତେ ଇନ୍‌କୁତାଃତେ ହିନ୍ତୁଃତାଇକେନା । ୨୬ ଚେଲାକ ଇନିଃକେ ଦରେୟାରେ ସେସେନ୍‌ତାନ୍ ନେଲ୍‌କିଃତେକ ବରକେଦା ଆଡ଼ଃ “ବଙ୍ଗା ତାନିଃ” ମେନ୍ତେ ବରତେକ କାଉରିକେଦାଃ ।

୨୭ ମେନ୍‌ଦ ଯୀଶୁ ଇମ୍‌ତାଗି ଇନ୍‌କୁକେ ଜାଗାର୍‌ତାନଲଃ ମୋତାଦକଥା, “ଜାଉରେ କେଟେଜେପେ, ଆଇଙ୍ଗ୍ ତାନିଙ୍ଗ୍ ଆଲ୍‌ପେ ବରଏୟା ।”

୨୮ ଏନ୍ତେ ପାଦରାସ୍ କାଜିକିୟାଏ, “ହେ ପ୍ରାଭୁ, ଆମ୍ଭି ତାନ୍‌ମେରେଦ ଦାଆଃରେ ଆଇଁୟାଃତାଃତେ ହିଜୁଃମେ ମେନ୍ତେ ଆରୁଇଙ୍ଗମେ ।”

୨୯ ଯୀଶୁ କାଜିରୁହାଡ଼କିୟାଏ, “ହିଜୁଃମେ ।” ଏନ୍ତେ ପାଦରାସ୍ ଲାଉକାଏତେ ଆଡ଼ଗୁୟାନ୍ତି ଦାଆଃରେ ସେସେନ୍‌କେଦ୍‌ତେ ଯୀଶୁତାଃତେ ସେନଃ ତାଇକେନା । ୩୦ ମେନ୍‌ଦ ଇନିଃ ହୟ ନେଲ୍‌କେଦ୍‌ତେ ବରକେଦାଏ ଆତଃ ଇନିଃ ଦାଆଃରେ ତୁବିଃଗ୍ ଏଟେଦଃତାନ୍ ନେଲ୍‌କେଦ୍‌ତେ କାଉରିକେଦାଏ, “ହେ ପ୍ରାଭୁ, ବାଞ୍ଛାଅଇଙ୍ଗମେ ।”

୩୧ ଯୀଶୁ ଇମ୍‌ତାଗି ତିଃଇତାୟାଃ ଜିଲିଙ୍ଗ୍‌କେଦ୍‌ତେ ଇନିଃକେ ସାବ୍‌କିୟାଏ ଆତଃ କାଜିକିୟାଏ, “ଏ ହୁଡ଼ିଙ୍ଗ୍ ବିଶ୍ୱାସ୍‌ତାନ୍‌ନିଃ ତିନାଃମେନ୍ତେମ୍ ଆଡ଼ାଃଉଡ଼ୁକେଦା ?”

୩୨ ଆତଃ ଇନିକିନ୍ ଲାଉକାରେ ଦେଏଃୟାନ୍ତି ହୟ ସାଲ୍‌ସାନ୍ତୁୟାନା । ୩୩ ଏନ୍ତେ ଲାଉକାରେ ତାଇକେନ୍ ଚେଲାକ ଯୀଶୁକେ ଜହାରକିଃତେ କାଜିକିୟାକ, “ଆମ୍ ସାର୍‌ତିଗି ପାର୍‌ମେଶ୍ୱାର୍‌ଆଃ ହନ୍ ତାନ୍‌ମେ ।”

ଯୀଶୁ ଗିନେସରେଡ଼ରେ ଦୁକୁହାସୁତାନ୍‌କକେ ବୁଗିକେଦ୍‌କଆ

(ମାର୍କ ୬:୫୩-୫୬)

୩୪ ଯୀଶୁ ଆତଃ ଆୟାଃ ଚେଲାକ ଦରେୟା ପାରମ୍‌କେଦ୍‌ତି ଗିନେସରେଡ଼ ନୁଡୁମ୍ ପାର୍‌ଗାନ୍‌ତେକ ସେଟେରୁୟାନା । ୩୫ ଏନ୍ତାଃରେନ୍ ହଡ଼କ ଯୀଶୁକେ ନେଲ୍‌ଉରୁମ୍‌କିୟାକ । ଆତଃ ଇନିଃ ନେତାଃରିୟା ମେନ୍ତେ ସବେନ୍‌ସାଃତେ କାଜିକୁଲ୍‌କେଦାକ ଆତଃ ହଡ଼କ ସବେନ୍ ଦୁକୁହାସୁତାନ୍‌କକେ ଇନିଃତାଃତେ ଆଉକେଦ୍‌କଆକ । ୩୬ ଆତଃ ଇନକୁ ବିକ୍ରିକିୟାକ, ଦୁକୁହାସୁତାନ୍‌କ ଆମାଃ ଲିକାଃରେୟାଃ ଆବ୍‌ରାକେ ଏସ୍‌କାର୍ ଜୁଟିଦ୍ ଇତି ନାଗେନ୍ତେ ଆରୁକମ୍ ଆତଃ ଜୁଟିଦ୍‌କେଦ୍ ସବେନ୍‌କ ବୁଗିୟାନା ।

୧୫

ହାଡ଼ାମ୍‌ହଡ଼କଆଃ ଇନିତୁ

(ମାର୍କ ୬:୧-୧୩)

^୧ ଏନ୍ତେ ଚିମିନ୍ ଫାରୁଣୀକ ଆତଃ ଯୀରୁଣାଲେମ୍‌ହେତେ ସେଟେରାକାନ୍ ଚିମିନ୍ ଆଇନ୍ ଇତୁକ ଯୀଶୁତାଃତେକ ହିନ୍ଦୁଃୟାନା ଆତଃ କୁଲିକିୟାକ, ^୨ “ଚିନାଃମେନ୍ତେ ଆମାଃ ଚେଲାକ ଆବୁଆଃ ପ୍ରାଚିନ୍‌କଆଃ ରିତିରିଖାଜ୍‌କ କାକ ମାନାତିଙ୍ଗତାନା ? ଇନ୍‌କୁ ଆବୁଆଃ ରିତିରିଖାଜ୍ ଲେକାତେ ବୁଗିଲେକା ତିଃଇ କା ଆବୁଙ୍ଗ୍ ସିଦାରେକ ଜଜମାଃ !”

^୩ ଯୀଶୁ କାଜିରୁହାଡ଼ାଦକଆଏ, “ଆପେ ପାର୍‌ମେଶ୍‌ବର ଏମାକାଦ୍ ଆନ୍‌ତୁକେ କା ମାନାତିଙ୍ଗକେଦତେ ଚିକାନାଙ୍ଗ୍ ଆପେୟାଃ ରିତିରିଖାଜ୍‌କେ ମାନାତିଙ୍ଗ୍ ତାନାପେ ? ^୪ ପାର୍‌ମେଶ୍‌ବର କାଜିୟାକାଦାଏ, ‘ଏଙ୍ଗାମ୍ ଆପୁକିନ୍‌କେ ମାନାତିଙ୍ଗକିନ୍‌ମେ,’ ଆତଃ ‘ଜେତାଏ ଏଙ୍ଗାତେକେ ତାଏ ଆପୁତେକେ ସାର୍‌ପାଅକିନ୍‌ରେଦ ଇନିଃ ଗଜଃକାଏ ।’ ^୫ ମେନ୍‌ଦ ଆପେ ସବେନ୍‌କ କାଜିତାନାପେ, ଜେତା ହଡ଼ ଆୟାଃ ଏଙ୍ଗା ଆପୁକିନ୍‌କେ, ଆଇଙ୍ଗ୍‌ତାଃଏତେ ଅକ୍‌ନାଃ ଦେଙ୍ଗାବେନ୍‌ ନାମାକାତେତେୟାଃ, ଏନା ‘ପାର୍‌ମେଶ୍‌ବରକେ ଦାନ୍ ଏମାକାନା’ ମେନ୍ତେ କାଜିତାନ୍‌ଲଃ, ^୬ ଇନିଃ ଆୟାଃ ଏଙ୍ଗା ଆପୁକିନ୍‌କେ କାଏ ମାନାତିଙ୍ଗ୍‌ରେୟ ହବାଅଃଆ, ମେନ୍ତେପେ କାଜିତାନା । ଆତଃ ପାର୍‌ମେଶ୍‌ବରଆଃ ଆନ୍‌ତୁକେ କା ମାନାତିଙ୍ଗକେଦତେ ଆପେ ଆପ୍‌ନାଃ ରିତିରିଖାଜ୍‌ରାଃ ଇନିତୁ ଲେକାପେ ସେସେନ୍‌ତାନା । ^୭ ଆପେ ବେଦାହଡ଼କ ତାନ୍‌ପେ, ଯିଶାୟ ଆପେୟାଃ ବିଷାଏରେ ସାର୍‌ତିଗି ଆୟାରକାଜି କାଜିକାଦା,

୮ “ ‘ନେ ହଡ଼କ ମଚାତେକ ମାଇନିଙ୍ଗ୍‌ତାନା,

ମେନ୍‌ଦ ଆକଆଃ ମନ୍ ଆଇଙ୍ଗ୍‌ତାଃଏତେ ସାଙ୍ଗିନ୍‌ରେଆ ।

^୯ ଇନ୍‌କୁ ସାମାଗିକ ସେଞ୍ଜାଇଙ୍ଗ୍‌ତାନା,

ଚିୟାଟି ହଡ଼କଆଃ ରିତିରିଖାଜ୍‌ରାଃ ଇନିତୁକେ
ପାର୍‌ମେଶ୍‌ବରଆଃ ଇନିତୁ ତାନାଃ ମେନ୍ତେକ ଇତୁକତାନା
!”

ହଡ଼କେ ସଡ଼ରାଇରାଃ ବିଷାଏ

(ମାର୍କ ୭:୧୪-୨୩)

^{୧୦} ଯୀଶୁ ଗାଦେଲ୍ ହଡ଼କକେ କେଡାକେଦକଆଏ ଆତଃ ମେତାଦକଆଏ, “ଆୟୁମେପେ ଆତଃ ଆବ୍‌କାର୍ ଉରୁମେପେ ।

^{୧୧} ଅକ୍‌ନାଃ ହଡ଼ ହନ୍‌ରାଃ ମଚା ଭିତାର୍‌ତେ ବଲଃଆ ଏନା ଇନିଃକେ

କାଏ ସତରା ଦାଡ଼ିଯାଇଥା, ମେନଦ ଆୟାଃ ମଚାଏତେ ଅକ୍ନାଃ ଅତଙ୍ଗଅଃଆ ଏନା ଆଇଃକକେ ସଡ଼ରାଇଥାଏ ।”

୧୨ ଏନ୍ତେ ଯାଶୁଆଃ ତେଲକ ଇନିଃତାଃ ହିଜୁଃକେଦତେ କାଜିକିୟାକ, “ନେ କାଜି ଆୟୁମ୍‌କେଦତେ ଫାରୁଣୀକ ଖୁସ୍‌ୟାନାକ, ଚିୟାଃ ନେଆଁମ୍ ସାରିତାନା ?”

୧୩ ମେନଦ ଯାଶୁ କାଜିରୁହାଡ଼ାଦକଥାଏ, “ଆଇଁୟାଃ ସିମ୍‌ାରେନ୍ ଆପୁ କାଏ ରୟାକାଦ ଦାରୁ ତୁଦ୍ ଏଣ୍ଡାଗଆଃ । ୧୪ ✽ଇନ୍‌କୁକେ ବାଗିତାକୁପେ, ଇନ୍‌କୁଦ ମେଦ୍ କା ନେଲ୍ ଦାଡ଼ିତାନିୟାଃ ମେଦ୍ କା ନେଲ୍ ଦାଡ଼ିତାନ ଆଗୁଆଇକ ତାନ୍‌କ, ମେଦ୍ କା ନେଲ୍ ଦାଡ଼ିନିଃ, ମେଦ୍ କା ନେଲ୍‌ଦାଡ଼ିନିଃକେ ଆୟାରଇଦିରେଦ ବାରାନ୍‌କିନ୍ ଗାଡାରେକିନ୍ ଉୟୁଗଃଆ ।”

୧୫ ପାଡ଼ରାସ୍ କାଜିକିୟାଏ, “ନେ ଜନ୍‌କା କାଜିରାଃ ମୁଣ୍ଡି ଚିନାଃ ତାନାଃ ଉଦୁବାଲେମ୍ ?”

୧୬ ଯାଶୁ କାଜିରୁହାଡ଼ାଦକଥାଏ, “ଆପେୟଚି ନାହାଁଃ ଜାକେଦ୍ ତଣ୍ଡାଗିୟାପେ । ୧୭ ଅକ୍ନାଃ ମଚା ହରାତେ ଲାହିଦତେ ବଲଃଆ ଆତଃ ହଡ଼ମ୍‌ଏତେ ଅତଙ୍ଗଅଃଆ ନେୟାଁ ଚିୟାଃ କାପେ ଆଡ଼କାରେତାନା ? ୧୮ ✽ଜେତାଏ ହଡ଼ଆଃ ମଚାହରା ଅକ୍ନାଃ ଅତଙ୍ଗଅଃଆ ଏନା ଆୟାଃ ମନ୍‌ରାଃ ବିଚାର୍‌ଏତେ ଅତଙ୍ଗଅଃଆ, ଏନା ଇନିଃକେ ସଡ଼ରାଇଥା । ୧୯ ମନ୍‌ ଭିତାର୍‌ଏତେଗି ଏଡ଼କାନ୍ ଉଡ଼ୁ, ହଡ଼ଗଏଃ, ଆପାଙ୍ଗିର୍ କାମି, ଆଶ୍‌ଦି ଆପାଙ୍ଗିର୍, କୁମ୍‌ଡୁ ହସଡ଼ ଗାଝା, ପାର୍‌ମେଶ୍‌ବାର୍‌କେ ନିନ୍‌ଇଆକ । ୨୦ ନେ ସବେନାଃତେଗି ହଡ଼କେ ସଡ଼ରାଇଥାଏ, ମେନଦ ରିଡ଼ିରିଝାଜ୍ ଲେକାତେ ତିଃଇ ବେଗାର୍ ଆବୁଙ୍ଗକେଦତେ ଜମେତେୟାଃତେ ହଡ଼କେ କାଏ ସଡ଼ରାଇଥା ।”

ମିଆଁଦ୍ ସାଅଁସାର୍ କୁଡ଼ିଆଃ ବିଶ୍‌ସ୍

(ମାର୍କ ୭:୨୪-୩୦)

୨୧ ଯାଶୁ ଏନ୍ ଠାୟାଦ୍ ବାଗିକେଦତେ ସୋର୍ ଆତଃ ସିଦୋନ୍ ପାର୍‌ଗାନ୍‌ରେୟାଃ ସାହାର୍‌ତେ ସେନଃୟାନା । ୨୨ ଆତଃ ନେଲେପେ କିନାନ୍‌ରେନ୍ ମିଆଁଦ୍ ସାଅଁସାର୍ କୁଡ଼ି ଏନ୍ ଦିଶ୍‌ମ୍‌ଏତେ ଅତଙ୍ଗୟାନ୍‌ତେ ହାକାଅକିୟାଏ, “ହେ ଗମ୍‌କେ, ଦାଉଦ୍‌ଆଃ ହନ୍

ଲିବୁଆଇଙ୍ଗ୍‌ମେ, ହନିଙ୍ଗ୍‌କୁଡ଼ି, ବଙ୍ଗା ଏସେରକାନ୍ ହରାତେ ପୁରାଠଗି ହାସୁତାନା ।”

୨୩ ମେନ୍‌ଦ ଇନିଃ ଜେଡ଼ନାଃ କାଏ କାଜିରୁହାଡ଼କିୟା ଆଡ଼ଃ ଇନିୟାଃ ଚେଲକ ବିନ୍ତିକିଃତେ କାଜିକିୟାକ, “ଇନିଃକେ କୁଲ୍‌ତାଇମେ, ଚିୟାଠି ଇନିଃଦ ପୁରାଃ ରାଆଃତାନଲ୍‌ଃ ଆରୁକେ ଅତଙ୍ଗ୍‌ବୁତାନା ।”

୨୪ ମେନ୍‌ଦ ଇନିଃ କାଜିରୁହାଡ଼ାଦକଆଏ, “ଆଇଙ୍ଗ୍ ଇସ୍ରାଏଲ୍‌ରେନ୍ ଆଦାକାନ୍ ମିଣ୍ଡିକତାଃତେ ଏସ୍‌କାର୍ କୁଲ୍‌କାନାଇଙ୍ଗ୍, ଏଟାଃକତାଃତେଦ କାହାଗି ।”

୨୫ ମେନ୍‌ଦ ଏନ୍‌କୁଡ଼ି ନାଡ଼େଃୟାନ୍‌ଚି ଇନିୟାଃ ଆୟାର୍‌ରେ ଇକ୍‌ଡ଼ୁକେଦ୍‌ତେ କାଜିକିୟାଏ, “ହେ ଗମ୍‌କେ, ଦେଙ୍ଗାଈଙ୍ଗ୍‌ମେ ।”

୨୬ ଏନ୍ତେ ଯୀଶୁ କାଜିରୁହାଡ଼କିୟାଏ, “ହନ୍‌କଆଃ ଜମେୟାଃ ରେଃକକେଦ୍‌ତେ ସେତାକଆଃ ଆୟାର୍‌ରେ ହୁଦ୍‌ମାତେୟାଃ କା ବୁଗିନାଃ ।”

୨୭ ସାଅଁସାର୍ କୁଡ଼ି କାଜିରୁହାଡ଼କିୟାଏ, “ହେଗି ପ୍ରାଭୁ, ନେଆଁ ସାର୍‌ତି କାଜିତାନାଃ, ମେନ୍‌ଦ ସେତାକହଗି ଆକଆଃ ଗମ୍‌କେଆଃ ମେଜ୍‌ଏତେ ଉୟୁଗାକାନ୍ ହଲ୍‌ଙ୍ଗ୍‌କେଟାଃକ ଜଜମାଃ ।”

୨୮ ଏନ୍ତେ ଯୀଶୁ କାଜିକିୟାଏ, “ଏ କୁଡ଼ି, ଆମାଃ ବିଶ୍ୱାସ୍ ପୁରାଃ ମାରାଙ୍ଗିଆଃ ! ଆମାଃ ମନେଲେକା ହବାଅଃକା ।” ଆଡ଼ଃ ଇନିୟାଃ ହନ୍ତେକୁଡ଼ି ଏନ୍ ଦିପିଲିରେଗି ବୁଗିୟାନା ।

ୟୀଶୁ ପୁରାଃ ହଡ଼କକେ ବୁଗିକେଦକଆଏ

୨୯ ଯୀଶୁ ଏନ୍ତାଃଏତେ ଅତଙ୍ଗ୍‌ୟାନ୍‌ତେ ଗାଲିଲ୍ ଦରେୟାସାଃତେ ସେଟେରୟାନା, ଆଡ଼ଃ ବୁରୁତେ ରାକାବ୍‌କେଦ୍‌ତେ ଏନ୍ତାଃରେ ଦୁବ୍‌ୟାନାଏ । ୩୦ ପୁରାଃ ଗାଦେଲ୍ ହଡ଼କ ଛୁଟା, କାଣାଁ, କେପା, କା ବାଖାଁଣ୍ ଦାଡ଼ିତାନ୍, ଆଡ଼ଃ ଏଟାଃ ହଡ଼କକେ ଆକଆଃଲ୍‌ଃ ଆଉକେଦ୍‌ତେ ଇନିଃତାଃତେକ ହିଜୁଃୟାନା ଆଡ଼ଃ ଇନ୍‌କୁକେ ଆୟାଃ କାଟା ସୁବାରେ ଦହକେଦକଆକ ଆଡ଼ଃ ଇନିଃ ଇନ୍‌କୁକେ ବୁଗିକେଦକଆଏ । ୩୧ ଏନ୍‌ଲେକାଗି କା ବାଖାଁଣ୍ ଦାଡ଼ିତାନ୍‌କ ବାଖାଁଣ୍ ଦାଡ଼ିୟାନା, କାଣାଁକାନ୍‌କ ନେଲ୍ ଦାଡ଼ିୟାନା, କେପାକାନ୍‌କ ବୁଗିୟାନା, ଛୁଟାକାନ୍‌କ ସେସେନ୍‌କେଦା, ନେଆଁ ନେଲ୍‌କେଦ୍‌ତେ

ଗାଦେଲ୍ ହତକ ଆକଦାନ୍ଦାୟୟାନା ଆତଃ ଇନ୍କୁ ଇସ୍ରାଏଲ୍ରେନ୍ ପାରମେଶ୍ୱାରକେକ ମାରାଙ୍ଗକିୟା ।

ୟୀଶୁ ଏଟାଃ ଗାଦେଲ୍ ହତକକେ ଜମେୟାଃତେ ବି'କେଦକଆ
(ମାର୍କ ୮:୧-୧୦)

୩୨ ଏନ୍ତେ ୟୀଶୁ ଚେଲ୍ଲାଇକକେ ଆୟାଃତାଃତେ ହାକାଅକେଦ୍ତେ କାଜିୟାଦକଆଏ, “ନେ ଗାଦେଲ୍ ହତକ ନାଗେନ୍ତେ ଆଇୟାଃ ଜୀଉ ବିଲ୍ଲକାଅଃତାନା, ଚିୟାଃତି ଆପି ମାହାଏତେ ଆଇୟାଃଲଃ ମେନାକଆ, ଆତଃ ନାହାଃ ଇନ୍କୁତାଃରେ ଜମେୟାଃ ଜେଡ୍ନାଃ ବାନଃଆ, ଇନ୍କୁ ହରାକରେ ଭୁକ୍ସୁଲ୍ଲକଆଃକ, ଏନାତେ ଆଇଙ୍ଗ୍ ଇନ୍କୁକେ ବେଗାର୍ ଜମ୍ବକେଦ୍ତେ କୁଲ୍ କାଇଙ୍ଗ୍ ସାନାଙ୍ଗ୍ତାନା ।”

୩୩ ଇନିୟାଃ ଚେଲ୍ଲାଇ କାଜିରୁହାଡ୍କିୟା, “କତାଃଏତେ ନେ ସିଃସଏଃ ଠାୟାଦରେ ନିମିନାଙ୍ଗ୍ ଗାଦେଲ୍ ହତକ ନାଗେନ୍ତେ ବିୟାଃତି ଜମେୟାଃଲେ ନାମେୟା ?”

୩୪ ୟୀଶୁ କୁଲିକେଦକଆଏ, “ଆପେତାଃରେ ଚିମିନାଙ୍ଗ୍ ହଲଙ୍ଗ୍ ମେନା ?” ଇନ୍କୁ କାଜିରୁହାଡ୍କିୟା, “ସାଡ୍ଠୁ ହଲଙ୍ଗ୍ ଆତଃ ଚିମିନ୍ ହୁପ୍ଡିଙ୍ଗ୍ ହାକୁ ।”

୩୫ ୟୀଶୁ, ଗାଦେଲ୍ ହତକକେ ଅତେରେ ଦୁବ୍ପେ ମେନ୍ତେ ଆରୁକେଦକଆ । ୩୬ ଏନ୍ତେ ଇନିଃ ଏନ୍ ସାଡ୍ଠୁ ହଲଙ୍ଗ୍ ଆତଃ ହାକୁ ଇଦିକେଦ୍ତେ ପାରମେଶ୍ୱାରକେ ଧାନ୍ୟାବାଦ୍ ଏମ୍ବକିୟାଏ ଆତଃ ଏନା କେଟାଃକେଦ୍ତେ ଆୟାଃ ଚେଲ୍ଲାଇକକେ ଏମାଦକଆଏ ଆତଃ ଚେଲ୍ଲାଇ ହତକକେ ହାଟିଙ୍ଗ୍ଆଦକଆକ । ୩୭ ଏନା ଜମ୍ବକେଦ୍ତେ ସବେନ୍କ ବି'ୟାନାକ ଆତଃ ହଲଙ୍ଗ୍ କେଟାଃ ସାଡ୍ଠୁ ଟୁଙ୍ଗି ସାରେୟାନା । ୩୮ କୁଡିକ ଆତଃ ହନ୍କ ବାଗିକେଦ୍ତେ ଉପୁନ୍ ହାଜାର୍ କଡାକ ଜମ୍ବକେଦା ।

୩୯ ଏନ୍ତେ ୟୀଶୁ ଗାଦେଲ୍ ହତକକେ କୁଲିକେଦକଚି ଲାଉକାରେ ଦେଏୟାନାଏ ଆତଃ ମାଗ୍ଦଲା ପାରଗାନ୍ତେ ସେନୟାନାଏ ।



ପେଡ୍ଡେୟାନ୍ କାମିରେୟାଃ ହାଟି
(ମାର୍କ ୮:୧୧-୧୩; ଲୁକ ୧୨:୫୪-୫୬)

୧ ☆ଫାରୁଶୀକ ଆଡ଼ଃ ସାଦୁକିକ ଯୀଶୁତାଃ ହିଜୁଃକେଦ୍‌ତେ, ଇନିଃକେ ଚିଟାଈ ନାଗେନ୍ତେ ବିଡ଼ାଅତାନଲଃ ସିର୍ନାଏତେ ମିଆଁଦ୍ ଚିହ୍ନାଁ ଉଦୁବାଲେମେ ମେନ୍ତେକ କାଜିକିୟା ।

୨ ଯୀଶୁ କାଜିରୁହାଡ଼ାଦକଆଏ, “ଆପେ ଆୟୁବ୍‌ତାନରେ ସିର୍ନା ଆରାଃଗିପେ ନେଲେରେଦ, କାଜିୟାଃପେ ତିସିଙ୍ଗ୍ ଫାବ୍‌ଚିଗିୟା । ୩ ଆଡ଼ଃ ସେତାଃ ଇଦାନରେ ସିର୍ନା ଆରାଃଗି ଆଡ଼ଃ ରିମିଲାକାଦ୍‌ଗିପେ ନେଲେରେଦ, କାଜିୟାଃପେ, ତିସିଙ୍ଗ୍ ଦୁଦୁଗାର୍ ହୟ ହିଜୁଃଆ । ଆପେଦ ସିର୍ନାରେୟାଃ ଚିହ୍ନାଁପେ ନେଲ୍‌ଉରୁମେତାନା ମେନ୍‌ଦ ଦିପିଲିରାଃ ଚିହ୍ନାଁକ କାପେ ନେଲ୍‌ଉରୁମ୍ ଦାଡ଼ିତାନ । ୪ ☆ଏଡ଼କାନ୍ ଆଡ଼ଃ ପାରମେଶ୍ୱାର୍‌କେ କା ବିଶ୍ୱାସ୍‌ତାନ୍ ହଡ଼କ ଚିହ୍ନାଁକ ଦାଣାଁ, ମେନ୍‌ଦ ଯୁନ୍‌ସ୍ ନାବାଆଃ ଚିହ୍ନାଁ ବାଗିକେଦ୍‌ତେ ଇନ୍‌କୁନାଙ୍ ଏଟାଃ ଚିହ୍ନାଁ କା ଏମଃଆ ।”

ଆଡ଼ଃ ଇନ୍‌କୁକେ ବାଗିକେଦ୍‌ତେ ଇନିଃ ସେନଃୟାନାଏ ।

ଫାରୁଶୀ ଆଡ଼ଃ ସାଦୁକିକଆଃ ଇନିତୁ

(ମାର୍କ ୮:୧୪-୨୧)

୫ ଚେଲାକ ଦରେୟା ହାନ୍ ପାରମ୍‌ତେ ସେଟେର୍‌ୟାନ୍‌ଚି ହଲଙ୍ଗ୍ ଇଦି ନାଙ୍ଗ୍‌କ ରିଡ଼ିଙ୍ଗ୍‌କେଦା । ୬ ☆ୟୀଶୁ ଇନ୍‌କୁକେ କାଜିୟାଦକଆଏ, “ଫାରୁଶୀକଆଃ ଆଡ଼ଃ ସାଦୁକିକଆଃ ରାନୁଏତେ ଚିର୍ଗାଲାକାନ୍ ତାଇନ୍‌ପେ ।”

୭ ଇନ୍‌କୁ ଆକ ଆକରେକ ମେନ୍‌କେଦା, “ଆରୁ ହଲଙ୍ଗ୍ କାରୁ ଆଉକାଦା ଏନାମେନ୍ତେ ଇନିଃ ଆରୁକେ କାଜିୟାରୁତାନାଏ ।”

୮ ଯୀଶୁ, ଇନ୍‌କୁ କାଜିତାନ୍‌ତେୟାଃ ଆଟ୍‌କାର୍‌କେଦ୍‌ତେ କାଜିକେଦ୍‌କଆଏ, “ଏ ହୁଡ଼ିଙ୍ଗ୍ ବିଶ୍ୱାସ୍‌ତାନ୍‌କ, ଆପେତାଃରେ ହଲଙ୍ଗ୍ ବାନଃ ମେନ୍ତେ ଚିକାନାଙ୍ ଆପେଚି ଉଡ଼୍‌ଷୁତାନା ? ନାହାଁଃ ଜାକେଦ୍ କାପେଚି ସାରିକାଦା ଆଡ଼ଃ ଆଟ୍‌କାର୍‌ଉରୁମାକାଦା ? ୯ ☆ ଏନ୍ ପାଞ୍ଚ ହାଜାର୍ ହଡ଼କ, ମଣେୟାଁ ହଲଙ୍ଗ୍ ଜମ୍‌କେଦ୍‌ତେ, ଚିମିନ୍ ଚୁଙ୍ଗି ସାରେଃୟାନା ଏନା କାପେଚି ପାହାମେତାନା ? ୧୦ ☆ଆଡ଼ଃ

☆ ୧୭:୧ ୧୭:୧ ମାଥୁର ୧୭:୩୮; ଲୁକ ୧୧:୧୭.

☆ ୧୭:୪ ୧୭:୪ ମାଥୁର ୧୭:୩୯;

ଲୁକ ୧୧:୨୯.

☆ ୧୭:୬ ୧୭:୬ ଲୁକ ୧୨:୧.

☆ ୧୭:୯ ୧୭:୯ ମାଥୁର ୧୪:୧୭-୨୧.

☆ ୧୭:୧୦ ୧୭:୧୦ ମାଥୁର ୧୫:୩୪-୩୮.

ଏନ୍ ଉପୁନ୍ ହାଜାର ହଡକ, ସାଡ଼ୁ ହଲଙ୍ଗ ଜମ୍ବକେଦ୍‌ତେୟାଃ କାପେଟି ପାହାମେତାନା ? ଚିମିନ୍ ଟୁଙ୍ଗି ସାରେଃୟାନା ? ୧୧ ହଲଙ୍ଗ ନାଗେନ୍ତେ କାଙ୍ଗ କାଜିୟାପେତାନା, ଚିଲକାତେ ନେଆଁ କାପେ ଆବ୍‌କାର୍‌ଉରୁମେତାନା ? ମେନ୍‌ଦ ଫାରୁଶୀକଆଃ ଆଡଃ ସାଦୁକିକଆଃ ରାନ୍‌ଏତେ ଚିର୍ଗାଲ୍ୟାକାନ୍ ତାଇନ୍‌ପେ ।”

୧୨ ଏନ୍ତେ ଇନ୍‌କୁ ହଲଙ୍ଗରାଃ ରାନ୍‌ଏତେଦ କା ମେନ୍‌ଦ ଫାରୁଶୀକଆଃ ଆଡଃ ସାଦୁକିକଆଃ ଇନିତୁଏତେ ଚିର୍ଗାଲ୍ୟାକାନ୍‌ପେ ମେନ୍ତେ ଇନିଃ କାଜିୟାଦ୍‌ବୁଆଏ ମେନ୍ତେକ ଆବ୍‌କାର୍‌ଉରୁମ୍‌କେଦା ।

ୟୀଶୁ ଖ୍ରୀଷ୍ଟ ମାସି ତାନିଃ

(ମାର୍କ ୮:୨୭-୩୦; ଲୁକ ୯:୧୮-୨୧)

୧୩ କାଇସରିୟା ଫିଲିପି ପାର୍‌ଗାନ୍*ରାଃ ସାହାରତେ ସେଟେରୟାନ୍‌ତି ଯୀଶୁ ଆୟାଃ ତେଲ୍ୟାକକେ କୁଲିକେଦ୍‌କଆ, “ମାନଝାହନ୍ ଅକଏ ତାନିଃ ମେନ୍ତେ ହଡକ କାଜିତାନା ?”

୧୪ ☆ଇନ୍‌କୁ କାଜିରୁହାଡ଼କିୟାକ, “ଚିମିନ୍‌କ ବାପ୍ତିସ୍ମା ଏମଃନିଃ ଯୋହାନ୍, ଚିମିନ୍‌କ ଏଲିୟ, ଚିମିନ୍‌କ ଯିରିମିୟ ଚାଏ ନାବୀକଏତେ ମିଆଁଦ୍‌ନିଃ ତାନିଃ ମେନ୍ତେକ କାଜିତାନା ।”

୧୫ ଯୀଶୁ ଇନ୍‌କୁକେ କୁଲିକେଦ୍‌କଆ, “ମେନ୍‌ଦ ଆପେ ତିନାଃ ମେନେତାନାପେ ? ଆଇଙ୍ଗ ଅକଏ ତାନିଙ୍ଗ୍ ମେନ୍ତେପେ କାଜିତାନା ?”

୧୬ ☆ଶିମୋନ୍ ପାଡ଼ରାସ୍ କାଜିରୁହାଡ଼କିୟାଏ, “ଆମ୍‌ଗି ଖ୍ରୀଷ୍ଟ, ଜାନିଦ୍ ପାର୍‌ମେଶ୍ଵାରଆଃ ହନ୍ ତାନ୍‌ମେ ।”

୧୭ ଯୀଶୁ କାଜିରୁହାଡ଼କିୟାଏ, “ହେ ଯୁନ୍‌ସରାଃ ହନ୍ ଶିମୋନ୍, ଆମ୍ ସୁକୁତାନ୍‌ଗିୟାମ, ନେଆଁଦ ହଡ଼ହନ୍ ଆମାଃତାଃ କାଏ ଉଦୁବ୍, ମେନ୍‌ଦ ସିର୍ମାରେନ୍ ଆପୁ ଉଦୁବାଦ୍‌ମେୟାଏ । ୧୮ ଆଡଃ ଆଇଙ୍ଗ୍‌ହିଁ ଆମ୍‌କେ କାଜିୟାମେ ତାନାଇଙ୍ଗ୍, ଆମ୍ ପାଡ଼ରାସ୍ ତାନ୍‌ମେ ଏନାରାଃ ମୁଣ୍ଡି ଚାଟେନ୍ ତାନାଃ ମେନ୍‌ଦ ଆଇଙ୍ଗ୍ ନେ ଚାଟେନ୍‌ରେ ଆଇଁୟାଃ କାଲିସିୟା ବାଇୟାଇଙ୍ଗ୍ ଆଡଃ ନାରାକ୍‌ରାଃ ପେଡ଼େଃ ଏନାକେ

* ୧୭:୧୩ ୧୭:୧୩ ଅଞ୍ଜଳ ☆ ୧୭:୧୪ ୧୭:୧୪ ମାଥୁର ୧୪:୧,୨; ମାର୍କ ୬:୧୪,୧୫; ଲୁକ ୯:୭,୮. ☆ ୧୭:୧୭ ୧୭:୧୭ ଯୋହାନ୍ ୬:୬୮,୬୯.

କାଏ ହାଦୁଡ଼ ଦାଡ଼ିୟା । ^{୧୯} ✠ଆଇଙ୍ଗ୍ ସିର୍ମା ରାଇଜ୍‌ରେୟାଃ ଚାଡ଼ି ଏମାମେୟା, ଆମ୍ ଅତେରେ ଅକ୍ନାଃମ୍ ତଲେତେୟାଃ, ସିର୍ମାରେ ଏନା ତଲଃଆ, ଆତଃ ଆମ୍ ଅତେରେ ଅକ୍ନାଃମ୍ ରାଡ଼ାଏତେୟାଃ, ସିର୍ମାରେ ଏନା ରାଡ଼ାଅଃଆ ।”

^{୨୦} ଏନ୍ତେ ଆଇଙ୍ଗ୍ ମାସି ତାନିଙ୍ଗ୍, ନେଆଁ ଜେତାଏତାଃ ଆଲ୍‌ପେ ଉଦୁବିୟା ମେନ୍ତେ ଯୀଶୁ ଆୟାଃ ଚେଲାଇକେ ଆତୁକେଦକଆ ।

ଯୀଶୁ ଆୟାଃ ଗନଏଃ ଆତଃ ଜୀଉବିନିରିଦ୍‌ରେୟାଃ ଆୟାରକାଜି କାଜିୟାଦକଆ

(ମାର୍କ ୮:୩୧-୯:୧; ଲୁକ ୯:୨୨-୨୭)

^{୨୧} ଏନ୍ ଦିପିଲିଏତେ ଯୀଶୁ ଆୟାଃ ଚେଲାଇକେ ଫାର୍‌ଚିତେ କାଜିକେଦକଆଏ, “ଆଇଙ୍ଗ୍‌କେ ଯୀରୁଶାଲେମ୍‌ତେ ସେନ୍ ଲାଗାଡ଼ିଙ୍ଗ୍‌ୟାଃ, ଏନ୍ତାଃରେ ପ୍ରାତିନ୍‌କ, ମୁଲ୍ ଯାଜାକ୍‌କ ଆତଃ ଆଇନ୍ ଇଡୁକଆଃ ତିଃଇରେ ସାବ୍‌ଇଚିକେଦ୍‌ତେ ପୁରାଃ ଦୁକୁ ସାହାଡ଼ିଙ୍ଗ୍ ଆତଃ ଗଜଃ ଲାଗାଡ଼ିଙ୍ଗ୍‌ୟାଃ ଏନ୍ତେ ଆପି ମାହାଁ ତାୟମ୍‌ତେ ଜୀଉବିନିରିଦ୍ ହବାଅଆଃ ।”

^{୨୨} ପାଡ଼ରାସ୍ ଯୀଶୁକେ ଗେନାତେ ଇଦିକିଃତେ ଏଗେର୍‌ଏଗେଦକିୟାଏ । “ହେ ପ୍ରାଭୁ, ପାର୍‌ମେଶ୍‌ବାର୍ ଆମ୍‌କେ ଲିବୁଇମେକାଏ, ନେଆଁ ଆମାଃରେ ଚିଉଲାଇ ଆଲକା ହବାଅଃକା ।”

^{୨୩} ଯୀଶୁ ହେତାରୁହାଡ଼କେଦ୍‌ତେ ପାଡ଼ରାସ୍‌କେ କାଜିରୁହାଡ଼କିୟାଏ, “ଏ ସାଏତାନ୍ ଆଇଁୟାଃତାଃଏତେ ଆତମେନ୍‌ମେ, ଆମ୍ ଆଇଙ୍ଗ୍‌କେ ତହ୍‌ଦ୍‌ଇଚିଙ୍ଗ୍‌ତାନାମ୍, ଚିୟାଃଚି ଆମ୍‌ଦ୍ ପାର୍‌ମେଶ୍‌ବାର୍‌ଆଃ କା ମେନ୍‌ଦ୍ ହଡ଼କଆଃ ଲେକାମ୍ ଉଡ଼ଃତାନା ।”

^{୨୪} ✠ଏନ୍ତେ ଯୀଶୁ ଆୟାଃ ଚେଲାଇକେ କାଜିୟାଦକଆଏ, “ଜେତାଏ ହଡ଼ ଆଇଙ୍ଗ୍‌କେ ଅତଙ୍ଗ୍ ସାନାଙ୍ଗ୍‌ରେଦ୍ ଇନିଃ ଆୟାଃ ମନେ ବାଗିତାକାଏ ଆତଃ ଆୟାଃ କୁଶ୍ ଗଅଃକେଦ୍‌ତେ ଅତଙ୍ଗ୍‌ଇଙ୍ଗ୍‌କାଏ । ^{୨୫} ✠ଚିୟାଃଚି ଜେତାଏ ଆୟାଃ ଜୀଉକେ ବାସ୍ତାଏ ସାନାଙ୍ଗ୍‌ନିଃଦ୍ ଏନାଏ ଆଦେୟା ମେନ୍‌ଦ୍ ଜେତାଏ ଆୟାଃ ଜୀଉକେ ଆଇଙ୍ଗ୍ ନାଙ୍ଗ୍

✠ ୧୭:୧୯ ୧୭:୧୯ ମାଥୁର ୧୮:୧୮; ଯୋହାନ୍ ୨୦:୨୩. ✠ ୧୭:୨୫ ୧୭:୨୫ ମାଥୁର ୧୦:୩୮; ଲୁକ ୧୪:୨୭. ✠ ୧୭:୨୫ ୧୭:୨୫ ମାଥୁର ୧୦:୩୯; ଲୁକ ୧୭:୩୩; ଯୋହାନ୍ ୧୨:୨୫.

ଆଦେନିଃ ଏନାଏ ବାସ୍ତାଅୟା । ୨୬ ଜେତାଏ ହଡ଼ ଗଟା ଅତେଦିଶୁମ୍ ନାମକେଦରେୟ ଆୟାଃ ଜୀଉକେ ଆଦେରେଦ ଇନିୟାଃ ଚିକାନ୍ ଫାଏଦା ହବାଅଆଃ ? ତାଏ ଜେତାଏ ହଡ଼ ଆୟାଃ ଜୀଉ ନାମରୁହାଡ଼େ ନାଗେନ୍ତେ ଚିନାଃଏ ଏମ୍ ଦାଡ଼ିୟା ? ୨୭ ☆ମାନଝାହନ୍ଦ ଆୟାଃ ସିମାରେନ୍ ଦୁଁଡ଼କଲଃ ଆୟାଃ ଆପୁଆଃ ମାନାରାଙ୍ଗରେ ହିନ୍ଦୁଃ ଇମ୍ତା ଇନିଃ ମିଆଁଦ୍ ହଡ଼କେ ଆୟାଃ କାମିଲେକାଏ ଏମାଇୟା । ୨୮ ଆଇଙ୍ଗ୍ ସାଡ଼ଚିଗିଙ୍ଗ୍ କାଜିୟାପେତାନା, ନେତାଃରେ ମେନାକଏତେ ଚିମିନ୍ ହଡ଼କ ମାନଝାହନ୍ଦ ଆୟାଃ ରାଇଙ୍ଗରେ ହିନ୍ଦୁଃତାନ୍ ଆଉରିକ ନେଲେ ଜାକେଦ୍ କାକ ଗଜଃଆ ।”

୧୭

ୟାଶୁଆଃ ରୁପ୍ ବାଦଲିଅଃ

(ମାର୍କ ୯:୨-୧୩; ଲୁକ ୯:୨୮-୩୭)

୧ ତୁରିୟା ମାହାଁ ତାୟମ୍ତେ ଯାଶୁ, ପାଡ଼ରାସ୍, ଯାକୁବ୍ ଆତଃ ହାଗାତେ ଯୋହାନ୍ତେକୁକେ ଆୟାଃଲଃ ମିଆଁଦ୍ ସାଲାଙ୍ଗି ବୁରୁତେ ଇଦିକେଦକଆଏ । ଏନ୍ତାଃରେ ଇନ୍କୁ ଏସକାର୍ଗିକ ତାଇକେନା । ୨ ଇନିୟାଃ ମେଦମୁହାଁଡ଼ ଇନ୍କୁଆଃ ସାମ୍ନାଙ୍ଗରେ ବାଦଲ୍ୟାନା ଆତଃ ଇନିୟାଃ ମେଦମୁହାଁଡ଼ ସିଙ୍ଗିଲେକା ଜୁଲ୍ୟାନା ଆତଃ ଇନିୟାଃ ଲିଜାଃ ଝାକ୍ ମାକ୍ ପୁଶ୍ଟିୟାନା । ୩ ଏନ୍ତେ ମୁଶା ଆତଃ ଏଲିୟ ଯାଶୁଲଃ ଜାଗାର୍ତାନକ ନେଲକେଦକଆ । ୪ ପାଡ଼ରାସ୍ ଯାଶୁକେ କାଜିକିୟାଏ, “ହେ ପ୍ରାଭୁ, ଆରୁଆଃ ନେତାଃରେ ତାଇନଃ ପୁରାଃ ବୁଗିନାଃ, ଆତଃ ଆମ୍ ସୁକୁରେଦ, ଆଇଙ୍ଗ୍ ନେତାଃରେ ଆପିୟା କୁମ୍ବାଇଙ୍ଗ୍ ବାଇୟା, ଆମାଃ ନାଗେନ୍ତେ ମିଆଁଦ୍, ମୁଶା ନାଗେନ୍ତେ ମିଆଁଦ୍ ଆତଃ ଏଲିୟ ନାଗେନ୍ତେ ମିଆଁଦ୍ ।”

୫ ☆ୟାଶୁ ଜାଗାର୍ତାନ ଇମ୍ତାଗି ମିଆଁଦ୍ ମାର୍ସାଲ୍ ରିମିଲ୍ ଇନ୍କୁକେ ଉମ୍ଲୁକେଦକଆ ଆତଃ ନେଲେପେ, ଏନ୍ ରିମିଲ୍ଏତେ ଲାବ୍ଜା ଆୟୁମ୍ୟାନା, “ନିଃଗି ଆଇୟାଃ ଦୁଲାଡ଼୍ ହନ୍ ତାନିଃ, ନିଃତାଃରେ ଆଇୟାଃ ପୁରାଃଗି ସୁକୁ, ନିୟାଃ କାଜି ଆୟୁମେପେ ।”

☆ ୧୭:୨୭ ୧୭:୨୭ ମାଧୁର ୨୫:୩୧ରୋମି ୨:୬. ☆ ୧୭:୫ ୧୭:୫ ମାଧୁର ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨. ☆ ୧୭:୫ ୧୭:୫ ୨ ପାଡ଼ରାସ୍ ୧:୧୭,୧୮.

୬ ଚେଲାକ ନେଆଁ ଆୟୁମ୍ବକେଦ୍‌ତି, ବରତେ ତାବେରକେଦ୍‌ତେ ଅତେରେକ ଉୟୁଃୟାନା । ୭ ଯୀଶୁ ଇନ୍‌କୁତାଃ ନାଡ଼େଃୟାନତି କୁଟିଦ୍‌କେଦ୍‌ତେ କାଜିକେଦ୍‌କଆଏ, “ବିରିଦ୍‌ପେ, ଆଲ୍‌ପେ ବରଏୟା ।” ୮ ଇନ୍‌କୁ ଆରିଦ୍‌ରାକାବକେଦ୍‌ତେ ଯୀଶୁକେ ବାଗିକେଦ୍‌ତେ ଏନ୍ତାଃରେ ଜେତାଏକେ କାକ ନେଲ୍‌କେଦ୍‌କଆ ।

୯ ଇନ୍‌କୁ ବୁରୁଏତେ ଆଡ଼ଗୁତାନ୍ ଇମ୍‌ତା ଯୀଶୁ ଇନ୍‌କୁକେ ଆରୁକେଦ୍‌କଆ, “ମାନଝାହନ୍ ଗଜାକାନକଏତେ ଆଉରି ଜୀଉବିରିଦ୍‌ଜାକେଦ୍‌ ଆପେ ନେଲାକାଦ୍‌ତେୟାଃ ଜେତାଏକକେ ଆଲ୍‌ପେ ଉଦ୍‌ବାକଆ ।”

୧୦ ଚେଲାତାୟାଃକ ଇନିଃକେ କୁଲିକିୟାକ, “ଆଇନ୍ ଇତୁକଆଃ ଆଇନ୍ ଚିନାଃ ମେନ୍ତେ ଏଲିୟକେ ପାହିଲା ହିଜୁଃ ଲାଗାତଝାୟାଃ ମେନେତାନାଏ ?”

୧୧ ଯୀଶୁ କାଜିରୁହାଡ଼ାଦ୍‌କଆଏ, “ଏଲିୟ ହିଜୁଃକେଦ୍‌ତେ ସବେନାଃ ଆଡ଼ଃମିସା ବାଇରୁହାଡ଼େୟାଏ, ଏନା ସାର୍‌ତିଗି ତାନାଃ । ୧୨ *ମେନ୍‌ଦ୍‌ ଆଇଙ୍ଗ୍ କାଜିୟାପେ ତାନାଇଙ୍ଗ୍, ଏଲିୟ ହିଜୁଃୟାନାଏ ଆଡ଼ଃ ଇନ୍‌କୁ ଇନିଃକେ କାକ ନେଲ୍‌ଉରୁମ୍‌କିୟା ଆଡ଼ଃ ଆକଆଃ ମନେଲେକା ଇନିଃକେ ସିଗିଦ୍‌କିୟାକ । ଏନ୍ ଲେକାଗି ମାନଝାହନ୍‌କେକ ସିଗିଦିଆ ।”

୧୩ ଏନ୍ତେ ଚେଲାକ, ଇନିଃ ବାପ୍ତିସ୍ମା ଏମଃନିଃ ଯୋହାନ୍‌ଆଃ ବିଷାଏ କାଜିକତାନାଏ ମେନ୍ତେ ଆଟ୍‌କାବକେଦାକ ।

ଯୀଶୁ ମିଆଁଦ୍‌ ବଜା ଏସେରାକାନ୍ ହନ୍‌କେ ବୁଗିକିୟାଏ

(ମାର୍କ ୯:୧୪-୨୯; ଲୁକ ୯:୩୭-୪୩)

୧୪ ଯୀଶୁ ଆଡ଼ଃ ଆୟାଃ ଚେଲାକ ଗାଦେଲ୍ ହଡ଼କତାଃତେ ରୁହାଡ଼ୟାନତି ମିଆଁଦ୍‌ ହଡ଼ ଯୀଶୁତାଃତେ ହିଜୁଃୟାନା ଆଡ଼ଃ ଇକ୍‌ଡ଼ମ୍‌କେଦ୍‌ତେ, ୧୫ କାଜିକିୟାଏ, “ହେ ପ୍ରାଭୁ, ହନିଙ୍ଗ୍‌କଡ଼ାକେ ଲିବୁଆଇମେ, ଇନିଃଦ୍‌ ମିକ୍‌ ବେମାର୍‌ତେ ପୁରାଃଗି ଦୁକୁତାନାଏ ଆଡ଼ଃ ଇନିଃ ମଣ୍ଡେୟା ସେଙ୍ଗେଲ୍‌ରେ ଆଡ଼ଃ ଦାଆଃରେ ଉୟୁଗଃତାନାଏ । ୧୬ ଆଇଙ୍ଗ୍ ଆମାଃ ଚେଲାକତାଃ ଇଦିକିୟାଇଙ୍ଗ୍ ମେନ୍‌ଦ୍‌ ଇନ୍‌କୁ କାକ ବୁଗିଦାଡ଼ିକିୟା ।”

☆ ୧୭:୧୭ ୧୭:୧୭ ମାଥୂର ୧୧:୧୪.

୧୭ ଯୁଦ୍ଧ କାଳିରୁହାଡ଼ାଦକଥାଏ, “ଏ କା ବିଶ୍ୱାସ୍ତାନ ଆଡ଼ କେଟେଦ୍ ମନ୍ ହଡ଼କ, ଚିମିନ୍ ମାହାଁ ଜାକେଦ୍ ଆପେଲଃ ତାଇନାଇଙ୍ଗ୍ ? ଚିମିନ୍ ଜାକେଦ୍ ଆପେକେ ସାହାଡ଼ିଙ୍ଗ୍‌ପେଆଇଙ୍ଗ୍, ଇନିଃକେ ଆଇଙ୍ଗ୍‌ତାଃତେ ଆଉଞ୍ଜିପେ ।” ୧୮ ଯୁଦ୍ଧ କଡ଼ାହନ୍‌ରେ ତାଇକାନ୍ ବଙ୍ଗାକେ ମାରାଙ୍ଗ୍‌ମଚାକିୟା ଆଡ଼ଃ ଇନିଃତାଃଏତେ ବଙ୍ଗା ଅଡ଼ଙ୍ଗ୍‌ୟାନା ଆଡ଼ଃ ଏନ୍ କଡ଼ାହନ୍ ଏନ୍ ଦିପିଲିଏତେ ବୁଗିୟାନାଏ ।

୧୯ ଏଡ଼େ ଚେଲାକ ଯୁଦ୍ଧତାଃତେ ଏସ୍‌କାର୍‌ରେ ହିନ୍ଦୁଃକେଦ୍‌ତେ କୁଲିକିୟାକ, “ଆଲେଦ୍ ଚିନାଃମେଡ଼େ ଏନ୍ ବଙ୍ଗାକେ କାଲେ ଅଡ଼ଙ୍ଗ୍ ଦାଡ଼ିକେନା ?”

୨୦ ଯୁଦ୍ଧ ମେତାଦକଥାଏ, “ଆପେୟାଃ ହୁଡ଼ିଙ୍ଗ୍ ବିଶ୍ୱାସ୍ ମେଡ଼େ କାପେ ଦାଡ଼ିକେନା । ଆଇଙ୍ଗ୍ ସାର୍‌ଡ଼ିଗିଙ୍ଗ୍ କାଜିୟାପେତାନା, ଆପେୟାଃ ବିଶ୍ୱାସ୍ ମିଆଁଦ୍ ମାନିଜାଙ୍ଗ୍‌ଲେକା ମେନାଃରେଦ୍, ମିଆଁଦ୍ ବୁରୁକେ ନେତାଃଏତେ ହାନ୍ତାଃତେ ସେନଃମେ ମେଡ଼େ କାଜିରେଦ୍ ଏନା ସେନଃଆ ଆଡ଼ଃ ବିଶ୍ୱାସ୍‌ରାଃ ପେଡ଼େତେ କା ଦାଡ଼ିୟାଃଲେକା ଜେଡ଼ନାଃ ବାନଆଃ । ୨୧ ନେ ଲେକାନ୍ ବଙ୍ଗାକ ବିନ୍ତି ଆଡ଼ଃ କାଟାବ୍‌କେଦ୍‌ତେ ଏସ୍‌କାର୍‌କ ଅଡ଼ଙ୍ଗ୍‌ଅଃଆ ଆଡ଼ଃ ଏଟାଃ ଲେକାତେଦ୍ କାହାଗି ।”*

ୟୁଦ୍ଧ ଆୟାଃ ଗନଏଃ ବିଷାଏରେ ଆଡ଼ଃମିସା କାଜିକେଦାଏ

(ମାର୍କ ୯:୩୦-୩୨; ଲୁକ ୯:୪୩-୪୫)

୨୨ ସବେନ୍ ଚେଲାକ ଗାଲିଲ୍‌ରେ ହୁଣ୍ଡିୟାନ୍‌ଚି ଯୁଦ୍ଧ ଇନ୍‌କୁକେ କାଜିୟାଦକଥାଏ, “ଆଇଙ୍ଗ୍ ମାନଞ୍ଜାହନ୍ ତାନିଙ୍ଗ୍, ଆଡ଼ଃ ହଡ଼କଆଃ ଡ଼ିଃଇରେ ଏମ୍‌ଏଣ୍ଡାଗଃଆଇଙ୍ଗ୍ । ୨୩ ଇନ୍‌କୁ ଇନିଃକେକ ଗଜିୟା ଆଡ଼ଃ ଆପି ମାହାଁରେ ଜୀଉବିରିଦ୍ ରୁହାଡ଼ାଏ ।”

ଆଡ଼ଃ ଚେଲାକ ପୁରାଃଗିକ ହୁଡ଼ିଙ୍ଗ୍‌ଜୀଉୟାନା ।

ୟୁଦ୍ଧ ମାହିର୍ ଅଡ଼ଃରାଃ କାର୍ ପାଏସା ଏମ୍‌ତାନାଏ

୨୪ ଯୁଦ୍ଧ ଆଡ଼ଃ ଆୟାଃ ଚେଲାକ କପର୍‌ନାହୁମ୍‌ତେକ ସେଟେର୍‌ୟାନ୍‌ଚି, ମାହିର୍ ଅଡ଼ଃରେନ୍ ମାଲ୍‌ହାରମ୍‌କ

☆ ୧୭:୨୦ ୧୭:୨୦ ମାଥୁର ୨୧:୨୧; ମାର୍କ ୧୧:୨୩; ୧ କରିନ୍ଥୁୟ ୧୩:୨
୧୭:୨୧ ନେ ବାଚାନ୍ ଚିମିନ୍ ମାରି ଅନଲ୍‌ରେ ବାନଆଃ

* ୧୭:୨୧

ପାତ୍ରରାସ୍ତାରେ ହିନ୍ଦୁଧର୍ମାନାକ ଆତ୍ମ କୁଲିକିୟାକ, “ଚିନ୍ତା
ଆପେକ୍ଷା ଗୁରୁ ମାନ୍ଦିର୍ ଅତୀତରା କାର୍ ପାସ୍ୟା କାଏ ଏମାଃ
?”

୨୫ ପାତ୍ରରାସ୍ତା କାଳିକେଦ୍‌କଥାଏ, “ହେଗି, ଏମାଃଏ ।”

ଏନ୍ତେ ପାତ୍ରରାସ୍ତା ଅତୀତରେ ବଲୟାନ୍ତ୍ରି, ଯାଶୁ ପାତ୍ରରାସ୍ତାକେ
ପାହିଲା କାଳିକିୟାଏ, “ଶିମୋନ୍ ଚିନାଃମ୍ ମେନେତାନା ? ନେ
ଅତେରେନ୍ ରାଜାକ ଅକ୍ଷତାଃଏତେ କାର୍ ହାରମାଃକ ? ଇନ୍‌କୁ
ଆକଥାଃ ପାରଜାକତାଃଏତେ ଚି ପାରଦେଶିକତାଃଏତେ ?”

୨୬ ପାତ୍ରରାସ୍ତା, “ପାରଦେଶିକତାଃଏତେ” ମେନ୍‌ରୁହାଡ୍‌କେଦ୍‌ଚି,

ଯାଶୁ କାଳିକିୟାଏ, “ଏନ୍‌ରେଦ ପାରଜାକ ପାସ୍ୟା କାକ
ଏମ୍‌ରାଃକାଳି । ୨୬ ମେନ୍‌ଦ ନାହାଃ ଆବୁ ଇନ୍‌କୁକେ ତହ୍‌ଦ୍‌ରିକା
ନାକ୍ କାବୁ ସାନାକ୍ ତାନା, ଏନା ମେନ୍ତେ ଆମ୍ ଦରେୟାତେ
ସେନ୍‌କେଦ୍‌ତେ ବାନ୍‌ଶି ହୁରାକ୍‌ୟେମେ ଆତ୍ମ ସିଦା ବାନ୍‌ଶିଅଃ
ହାକୁକେ ସାବିମେ ଏନ୍ତେ ଇନ୍‌ୟାଃ ମତାଏତେ ମିଆଁଦ୍ ରୁପାରାଃ
ସିକାମ୍ ନାମେୟା, ଏନାକେ ଇଦିକେଦ୍‌ତେ ଆଇୟାଃ ଆତ୍ମ ଆମାଃ
ନାଗେନ୍ତେ ଏମାକମେ ।”

୧୮

ସିମ୍‌ନା ରାଇଜ୍‌ରେ ଅକ୍ଷ ମାରାକ୍‌ଆଁଏ

(ମାର୍କ ୯:୩୩-୩୭; ଲୁକ ୯:୪୭-୪୮)

୧ ✨ଏନ୍ ଦିପିଲିରେ ତେଲାକ ଯାଶୁତାଃଏତେ ହିନ୍ଦୁଧର୍ମାନାକେଦ୍‌ତେ
କୁଲିକିୟାକ, “ସିମ୍‌ନା ରାଇଜ୍‌ରେ ଅକ୍ଷ ମାରାକ୍‌ଆଁଏ ?”

୨ ଯାଶୁ ମିଆଁଦ୍ ହୁଡିକ୍ ହନ୍‌କେ ଆୟାତାଃଏତେ
ଆତ୍ମକେଦ୍‌ତେ ଇନ୍‌କୁଆଃ ଆଲାରେ ତିକ୍‌କିୟାଏ, ୩ ✨ଆତ୍ମ
ମେତାଦ୍‌କଥାଏ, “ଆଇକ୍ ସାର୍‌ତିଗିକ୍ କାଳିୟାପେତାନା, ‘ଆପେ
ହେୟାତିକ୍‌କେଦ୍‌ତେ ହୁଡିକ୍‌ହନ୍ ଲେକା କାପେ ବାଇୟେନ୍‌ରେ,
ଜେତାଏ ସିମ୍‌ନା ରାଇଜ୍‌ରେ କାପେ ବଲୟା । ୪ ଏନାମେନ୍ତେ
ଜେତାଏ ଆପାନ୍‌କେ ଲେବେୟେନ୍‌ନିଃ ଆତ୍ମ ନେ ହନ୍ ଲେକା
ବାଇୟେନ୍‌ନିଃସି ସିମ୍‌ନା ରାଇଜ୍‌ରେ ମାରାକ୍‌ଆଁଏ । ୫ ଆତ୍ମ ଜେତାଏ

✨ ୧୮:୧ ୧୮:୧ ଲୁକ ୨୨:୨୪. ✨ ୧୮:୩ ୧୮:୩ ମାର୍କ ୧୦:୧୫; ଲୁକ ୧୮:୧୭.

ନେ ଲେକାନ୍ ହୁଡ଼ିଙ୍ଗ୍ ହନ୍‌କେ ଆଇଁୟାଃ ନୁଡୁମ୍‌ତେ ସୁକୁଆଇନିଃ ଆଇଙ୍ଗ୍‌କେ ସୁକୁଆଃଏ ।

ବିଶ୍ୱାସରେ ଆଲ୍‌ପେ ତହଦଃଆ ମେନ୍ତେ ଯାଶୁ ଇଡୁକତାନାଏ
(ମାର୍କ ୯:୪୨-୪୮; ଲୁକ ୧୭:୧-୨)

୨ “ଜେତାଏ ଆଇଁୟାଃରେ ବିଶ୍ୱାସତାନ୍ ନେ ହୁପ୍‌ଡ଼ିଙ୍ଗ୍‌କଏତେ ମିଆଁଦ୍‌ନିଃକେ ଆୟାଃ ବିଶ୍ୱାସରେ ତହଦ୍‌ରିକାଇରେଦ୍ ଇନିୟାଃ ହଟଃରେ ଜାନ୍ତାଦିରି ହାକାକେଦ୍‌ତେ ଇନିଃକେ ଇକିର୍ ଦରେୟାରେ ହୁଦ୍‌ମାତେୟାଃ ଇନିଃ ନାଗେନ୍ତେ ବୁଗିଆଃତେଆଃ । ୩ ହାୟ, ଚିମିନ୍ ବରଞ୍ଜାନ୍‌ଗି ନେ ଅତେଦିଶୁମ୍ ଚିୟାଃଚି ହଡକଆଃ ବିଶ୍ୱାସରେ ତହଦ୍‌ରିକା ନାଗେନ୍ତେ ପୁରାଃତେୟାଃ ମେନାଃ । ନେ ଲେକାନ୍ ତହଦଃତେୟାଃଦ୍ ହିଜୁଃଗି ଲାଗାଡ଼ିଙ୍ଗ୍‌ୟାଃ ମେନ୍‌ଦ୍ ଜେତାଏ ତହଦ୍‌ରିକାନିଆଃ ହାୟ, ଇନିୟାଃ ଦାସା ଚିମିନ୍ ବରଞ୍ଜାନ୍‌ଗି ହବିଆଆଃ ।

୮ ✨“ଆମାଃ ତିଃଇ ଚାଏ ଆମାଃ କାଟା ଆମାଃ ବିଶ୍ୱାସରେ ତହଦ୍‌ରିକାମ୍‌ତାନ୍‌ରେଦ୍ ଏନାକେ ଛପା ଏଣ୍ଡାଗେମେ । ବାରିଆ ତିଃଇ ଆଡଃ ବାରିଆ କାଟା ତାଇକେଦ୍‌ତେ ନାରାକ୍‌ରେ ଜାନାଅ କା ଇଣ୍‌ଜିଃ ସେଙ୍ଗେଲ୍‌ତେ ସେନଃଏତେଦ୍ ଚୁଣ୍ଡାୟାନ୍ତେ ଜୀଦାନ୍‌ରେ ବଲଃ ଆମାଃ ନାଗେନ୍ତେ ବୁଗିନାଃ । ୯ ✨ଆମାଃ ମିଆଁଦ୍ ମେଦ୍ ପାପ୍‌ଇଚିମେରେଦ୍, ଏନାକେ ଅତଙ୍ଗ୍‌କେଦ୍‌ତେ ହୁଦ୍‌ମାଏଣ୍ଡାଏମେ । ବାରିଆ ମେଦ୍ ତାଇନ୍‌କେଦ୍‌ତେ ନାରାକ୍ ସେଙ୍ଗେଲ୍‌ରେ ହୁଦ୍‌ମାଅଃହେତେ ମିଆଁଦ୍ ମେଦ୍‌ତେ ଜୀଦାନ୍‌ରେ ବଲତେୟାଃ ବୁଗିନାଃ ।

ମିଆଁଦ୍ ଆଦାକାନ୍ ମିଶ୍ଟିଆଃ ଜନ୍‌କା କାଜି
(ଲୁକ ୧୫:୩-୭)

୧୦ ✨“ନେ ହୁପ୍‌ଡ଼ିଙ୍ଗ୍ ହନ୍‌କଏତେ ମିଆଁଦ୍‌ନିଃକେହ୍ ଆଲ୍‌ପେ ହିଲ୍‌ଇଙ୍ଗ୍‌ଆ ଚିୟାଃଚି ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ଇନ୍‌କୁକେ ଜାଡ୍‌ନାଅକତାନ୍ ସିମାରେନ୍ ଦୁଡ୍‌କ ଜାନାଅଗି ଆଇଁୟାଃ

✨ ୧୮:୮ ୧୮:୮ ମାଧୁର୍ୟ୍ୟ ୫:୩୦. ✨ ୧୮:୯ ୧୮:୯ ମାଧୁର୍ୟ୍ୟ ୫:୨୯. ✨ ୧୮:୧୦ ୧୮:୧୦
ଲୁକ ୧୯:୧୦.

ଆପୁ ପାରମେଶ୍ଵାରତାଃରେ ମେନାକଆ । ୧୧ ଚିୟାଃଚି ମାନଞ୍ଜାହନ୍ଦ
ଆଦାକାନକକେ ବାଞ୍ଚାଅ ନାଗେନ୍ତେ ହିଜୁଆକାନା ।*

୧୨ “ଚିକ୍ନାଃପେ ଉଡ଼ୁ ତାନା ? ଜେତାଏ ହଡ଼ୁଆଃ ମଣେହିସି
ମିଣ୍ଡିକ ମେନାକଆ, ଆଡ଼ଃ ଇନ୍କୁଏତେ ମିଆଁଦ୍ନିଃ ଆଦକରେ
ଚିୟାଃ ଏନ୍ ଉପୁନ୍ହିସି† ଗେଲ୍‌ଅରେୟା‡ ମିଣ୍ଡିକକେ ବୁରୁରେ
ଗୋଟ୍‌କେଦ୍‌ତେ ବାଗିତାକଆଏ ଆଡ଼ଃ ଆଦାକାନ ମିଣ୍ଡିକେ କାଏ ଚି
ଦାଣ୍‌ଇୟା ? ୧୩ ଆଡ଼ଃ ଇନିଃକେ ନାମ୍‌ତାଇରେ, ସାର୍‌ଚିଗିଙ୍ଗ୍
କାଜିୟାପେତାନା, ଇନିଃ ଏନ୍ ଉପୁନ୍ହିସି ଗେଲ୍‌ଅରେୟା କା
ଆଦାକାନ ମିଣ୍ଡିକଏତେ ମିଆଁଦ୍ ନାମାକାଇ ମିଣ୍ଡି ନାଗେନ୍ତେ
ପୁରାଃଗି ରାସ୍‌କାଅଃଆ । ୧୪ ଏନ୍‌ଲେକାଗି ନେ ହୁପ୍‌ଡିଙ୍ଗ୍‌କଏତେ
ମିଆଁଦ୍‌ନିଃକେହିଁ ଜିୟନଃକାଏ ମେନ୍ତେ ଆପେୟାଃସି ସିମ୍‌ରେନ୍ ଆପୁ
କାଏ ସାନାଙ୍ଗ୍‌ତାନା ।

ପାପ୍‌ତାନ୍ ହାଗା ଚାଏ ମିଶିକ (ଲୁକ ୧୭:୩)

୧୫ ✧“ହାଗାମ୍‌ତାମାଃ ଆମାଃ ବିରୁଧ୍‌ରେ ପାପ୍ ରିକାଏରେଦ,
ଆୟାଃତାଃ ସେନ୍‌ମେ ଆଡ଼ଃ ଆବେନ୍ ବାରାନ୍‌କିନାଃ ଆଲାରେ ଆୟାଃ
ଚିଟାତେୟାଃ ଉଦୁବାଇମେ । ଇନିଃ ଆୟୁମ୍‌ରେଦ ହାଗାମ୍‌ତାମାଃକେ
ନାମ୍‌ରୁହାଡ଼କିୟାମ୍ । ୧୬ ମେନ୍‌ଦ ଇନିଃ କାଏ ଆୟୁମ୍‌ରେଦ
ମିହୁଡ୍, ଚାଏ ବାରହଡ୍, ଏଟାଃକକେ ଆମାଃଲଃ ଇଦିକୁମେ ।
ଧାରାମ୍‌ପୁଅ୍‌ରେୟାଃ କାଜିଲେକା, ‘ବାରହଡ୍, ଚାଏ ଆପିହଡ଼ୁଆଃ
ଗାଞ୍ଜାତେ ସବେନ୍ କାଜି ମାନାଡିଙ୍ଗ୍ ହବାଅଃଆ ।’ ୧୭ ଆଡ଼ଃ ଇନିଃ
ଇନ୍‌କୁଆଃ କାଜିକ କାଏ ଆୟୁମ୍‌ରେଦ କାଲିସିୟାକେ ଉଦ୍‌ବିମେ,
ଆଡ଼ଃ ଇନିଃ କାଲିସିୟାରାଃ କାଜିୟ କାଏ ଆୟୁମ୍‌ରେଦ, ଇନିଃକେ
ସାଅଁସାର୍ ହଡ଼ୁ ଆଡ଼ଃ ମାଲ୍‌ହାରମ୍‌ନିଃ ଲେକା ରିକାଇମେ, ଆଡ଼ଃ
ଇନିଃଲଃ ଆଲମ୍‌ ମେସାଅଃଆ ।

* ୧୮:୧୧ ୧୮:୧୧ ନେ ବାଚାନ୍ ଚିମିନ୍ ମାରି ଅନଲ୍‌ରେ ବାନଆଃ † ୧୮:୧୭ ୧୮:୧୭
ଅସି ‡ ୧୮:୧୭ ୧୮:୧୭ ଅଣେଇଙ୍ଗ୍ § ୧୮:୧୪ 18:14 ଚିମିନ୍ ମାରି ଅନଲ୍‌ରେ
ଆଇଁୟାଃ ଅଲାକାନା ✧ ୧୮:୧୫ ୧୮:୧୫ ଲୁକ ୧୭:୩।

୧୮ ✧ “ଆଇଙ୍ଗ୍ ସାର୍ତିଗିଙ୍ଗ୍ କାଜିୟାପେତାନା, ଆମ୍ ଅତେରେ ଅକ୍ନାଃମ୍ ତଲେତେୟାଃ, ସିର୍ମାରେ ଏନା ତଲଃଆ, ଆତଃ ଆମ୍ ଅତେରେ ଅକ୍ନାଃମ୍ ରାଡ଼ାଏତେୟାଃ, ସିର୍ମାରେ ଏନା ରାଡ଼ାଅଃଆ ।

୧୯ “ଆତଃ ସାର୍ତିଗିଙ୍ଗ୍ କାଜିପେତାନା, ଆପେକଏତେ ବାହୁଡ଼୍, ନେ ଅତେରେ ଜେଡ଼ନାଃ ମିଦ୍ ମନ୍ତେକିନ୍ ଆସିରେଦ୍, ଏନା ସିର୍ମାରେନ୍ ଆପୁଇଙ୍ଗ୍ ସାଃଏତେକିନ୍ ନାମେଗିୟା । ୨୦ ତିୟାଃତି ବାହୁଡ଼୍ ଚାଏ ଆପିହୁଡ଼୍ ଆଇଁୟାଃ ନୁଡୁମ୍ତେ ହୁଣ୍ଡିୟାଃତାଃରେ ଆଇଙ୍ଗ୍ ଇନ୍କୁଆଃ ଆଲାରିୟାଃ ।”

ଛାମା କା ଏମ୍ତାନ୍ ଦାସିଆଃ ଜନ୍କା କାଜି

୨୧ ✧ ଏନ୍ତେ ପାଡ଼ରାସ୍ ଯାଶୁତାଃତେ ହିଜୁଃଲେନ୍ତେ କୁଲିକିୟାଏ, “ହେ ପ୍ରାଭୁ, ହାଗାଇଙ୍ଗ୍ ତାଇୟାଃ ଆଇଁୟାଃ ବିରୁଧ୍ରେ ସବେନ୍ ଇମ୍ତା ପାପ୍ରେଦ୍ ତିମିନ୍ସା ଜାକେଦ୍ ଛାମାଇୟାଇଙ୍ଗ୍ ? ତିୟାଃ ସାଡ଼୍ ଧାଅଁ ଜାକେଦ୍ ?”

୨୨ ଯାଶୁ କାଜିରୁହାଡ଼କିୟାଏ, “ସାଡ଼୍ ଧାଅଁ ଜାକେଦ୍ ମେନ୍ତେ କାହାଗି, ମେନ୍ଦ୍ ସତସ୍ତୋର୍ ଧାଅଁ ଜାକେଦ୍ ? ୨୩ ତିୟାଃତି ସିର୍ମା ରାଇଜ୍ଦ୍ ମିଆଁଦ୍ ରାଜାଲେକା, ଇନିଃ ଆୟାଃ ଦାସିକଆଃ ହିସାବ୍ ଆସି ନାଙ୍ଗ୍ ଉହାଟ୍‌କେଦାଏ । ୨୪ ଆତଃ ରାଜା ହିସାବ୍ ଏଟେଡ଼ତାଇକେନ୍ ଇମ୍ତା ମିଆଁଦ୍ ଦାସିକେ ଇନିଃତାଃକ ଆଉକିୟା, ଇନିଃଦ୍ ଗେଲ୍ ହାଜାର୍ ଦିନାରି ରିଣୀ ଇଦିକାଦ୍ ତାଇକେନା । ୨୫ ଇନିଃତାଃରେ ହାଲ୍‌ରୁହାଡ଼୍ ନାଗେନ୍ତେ ଜେଡ଼ନାଃ କା ତାଇକେନା । ଏନାମେନ୍ତେ ରାଜା ଇନିଃକେ ଆତଃ ଆୟାଃ କୁଡ଼ି, ହନ୍‌ଗାଁଣା, ଆତଃ ଆୟାଃ ମେନାଃତେୟାଃ ସବେନାଃ ଆଖ୍‌ରିଙ୍ଗ୍‌କେଦ୍‌ତେ ରିଣୀ ପେରେଃ ନାଗେନ୍ତେ ଆରୁକେଦ୍‌କଆ । ୨୬ ଏନ୍ତେ ଏନ୍ ଦାସି ରାଜାରାଃ ଆୟାରରେ ଇକ୍‌ଡ଼୍‌କେଦ୍‌ତେ ଉୟୁଃୟାନାଏ, ଆତଃ କାଜିକିୟାଏ, ‘ହେ ଗମ୍‌କେ, ଆତଃ ତିମିନ୍ ମାହାଁଲେକା ତାଜିତାମେ, ଏନ୍ତେ ଆଇଙ୍ଗ୍ ସବେନାଃଇଙ୍ଗ୍ ହାଲ୍‌ରୁହାଡ଼ାମେଆ ।’ ୨୭ ଏନ୍ତେ ଏନ୍ ଦାସିରାଃ ରାଜା ଇନିଃରେ ବିଲ୍‌କାଅକେଦ୍‌ତେ, ଇନିଃକେ ଆଡ଼ାଃକିୟା, ଆତଃ ଆୟାଃ ରିଣୀକ ବାଗିକେଦାଏ ।

✧ ୧୮:୧୮ ୧୮:୧୮ ମାଥୁର ୧୭:୧୯; ଯୋହାନ୍ ୨୦:୨୩.

✧ ୧୮:୨୧ ୧୮:୨୧ ଲୁକ ୧୭:୩,୪.

୨୮ “ମେନ୍ଦ ଏନ୍ ଦାସି ଅତଙ୍ଗୟାନତେ, ଆୟାଃତାଃଏତେ ମିଦ୍ ସାଅ ମୁସିଙ୍ଗରାଃ ନାଲା ସିକା ରିଣୀ ଇଦିକାଦ୍ ମିଆଁଦ୍ ଗାତିଦାସିକେ ନାମକିୟାଏ, ଏନ୍ତେ ଇନିଃକେ ସାଦ୍‌କିତେ ହଟଃରେ ଲିମ୍ପୁଦ୍ ଏଟେଦ୍‌କିୟା ଆତଃ କାଜିକିୟାଏ, ‘ଆଇଁୟାଃତାଃଏତେ ରିଣୀକାଦ୍‌ତେୟାଃ ସବେନାଃ ପେରେଜାଈଙ୍ଗମେ ।’ ୨୯ ଏନ୍ ଗାତିଦାସି ଇକ୍‌ଡ୍‌ମୁକେଦ୍‌ତେ ବିକ୍ରିକିୟାଏ, ଆତଃ କାଜିକିୟାଏ, ‘ଆତଃ ଚିମିନ୍ ମାହାଁଲେକା ତାଙ୍ଗିତାମେ, ଏନ୍ତେ ଆଇଙ୍ଗ୍ ସବେନାଃଇଙ୍ଗ୍ ହାଲୁରୁହାଡ଼ାମେଆ ।’ ୩୦ ମେନ୍ଦ ଇନିୟାଃ ବିକ୍ରି କାଏ ଆୟୁମ୍‌କେଦା, ଆତଃ ଇନିଃ ରିଣୀ ଆଉରି ହାଲୁରୁହାଡ଼େ ଜାକେଦ୍ ଜେହେଲ୍‌କିୟାଏ । ୩୧ ଇନିୟାଃ ଗାତିଦାସିକ ନେଆଁ ନେଲ୍‌କେଦ୍‌ତେ ପୁରାଃଗିକ ହୁଡ଼ିଙ୍ଗ୍‌ଜୀଉୟାନା ଆତଃ ସେନଃୟାନ୍ତେ ସବେନାଃ ଆକଆଃ ରାଜାକେକ ଉଦୁଦ୍‌କିୟାକ । ୩୨ ଏନ୍ତେ ଇନିୟାଃ ରାଜା ଇନିଃକେ ହାକାଅକିୟାଏ, ଆତଃ କାଜିକିୟାଏ, ‘ଏ ଏଡ୍‌କାନ୍ ଦାସି, ଆମ୍ ଆଇଙ୍ଗ୍‌କେ ବିକ୍ରିକେଦିଈଙ୍ଗ୍‌ରେ ଆମାଃ ସବେନ୍ ରିଣୀ ବାଗିତାଦ୍‌ମେୟାଁଇଙ୍ଗ୍ । ୩୩ ଆଇଙ୍ଗ୍ ଆମ୍‌କେ ବିଲ୍‌କାଅକେଦ୍‌ମେଲେକା, ଆମ୍‌ହ ଆମାଃ ଗାତିଦାସିକେ ବିଲ୍‌କାଅ* ଲାଗାତିଙ୍ଗ୍ ତାଇକେନା ।’ ୩୪ ରାଜା ପୁରାଃଗି ଏସେଦ୍‌ୟାନାଏ ଆତଃ ଇନିଃ ଏନ୍ ଦାସିକେ ସବେନ୍ ରିଣୀ ଆଉରି ହାଲୁରୁହାଡ଼େ ଜାକେଦ୍ ସାଜାଇ ନାମେ ନାଗେନ୍ତେ ଜେହେଲ୍‌ତେ କୁଲ୍‌କିୟାଏ ।”

୩୫ ଯୀଶୁ ଜନ୍‌କା କାଜି କାଜିତାବାକେଦ୍‌ଚି କାଜିକେଦାଏ, “ଆପେକଏତେ ମିଆଁଦ୍ ହଡ୍‌ ଆପେୟାଃ ହାଗାକଆଃ ଗୁହ୍ନାଁ ଆପେୟାଃ ମନ୍‌ସୁରୁଦ୍‌ତେ କାପେ ଛାମାକରେଦ, ଆଇଁୟାଃ ସିମାରେନ୍ ଆପୁହ୍ ଏନ୍‌ଲେକାଗି କାଏ ଛାମାପେୟା ।”

୧୯

କଡ଼ାକୁଡ଼ିବାଗିରେୟାଃ ଇନିତୁ

(ମାର୍କ ୧୦:୧-୧୨)

୧ ଯୀଶୁ ନେଆଁ କାଜି ଚାବାକେଦ୍‌ଚି ଗାଲିଲ୍ ବାଗିକେଦ୍‌ତେ ଯାଦାନ୍‌ନାହ୍ ହାନ୍‌ପାରମ୍ ଯିହୁଦା ପାର୍‌ଗାନ୍‌ତେ ସେନଃୟାନା ।

* ୧୮:୩୩ ୧୮:୩୩ ଦାୟା

୨ ପୁରାଃ ଗାଦେଲ୍ ହତକ ଇନିଃକେକ ଅତଙ୍ଗକିୟା ଆତଃ ଇନିଃ ଏନ୍ତାଃରେ ଦୁକୁହାସୁତାନ୍‌କକେ ବୁଗିକେଦକଆଏ ।

୩ ଚିମିନ୍ ଫାରୁଶୀକ ଆୟାଃତାଃତେ ବିତାଅ ନାଗେନ୍ତେକ ହିନ୍ତୁଃୟାନା ଆତଃ କୁଲିକିୟାକ, “ମୁଗାରାଃ ଆଇନ୍ ଲେକାତେ, ଚିୟାଃ କଡ଼ା ଆୟାଃ କୁଡ଼ିକେ ଜେତାନ୍ କାଜି ନାଗେନ୍ତେ ବାଗିଦାଡ଼ିୟାଏ ଚି କାହା ?”

୪ ଇନିଃ କାଜିରୁହାଡ଼ାଦକଆଏ, “ଧାରାମପୁଅରେ କାପେଚି ପାଡ଼ାଅକାଦା, ବାବାଇନିଃ ମୁନୁରେ ଏନ୍ ବାରାନ୍‌କିନ୍‌କେ, କଡ଼ା ଆତଃ କୁଡ଼ି ବାଇକେଦକିନାଏ ? *ଆତଃ ପାର୍‌ମେଶ୍ୱାର୍ କାଜିକେଦାଏ, ଏନା ନାଗେନ୍ତେ ହଡ଼ ଆୟାଃ ଏଙ୍ଗା ଆପୁକିନ୍‌କେ ବାଗିକେଦତେ ଆୟାଃ କୁଡ଼ିଲଃ ମିଦଃଆଏ, ଆତଃ ଇନ୍‌କିନ୍ ବାରାନ୍‌କିନ୍ ମିଦଃଆକିନ୍ ।”

୬ ଏନାମେନ୍ତେ ଇନ୍‌କିନ୍ ବାରିଆ ହଡ଼୍‌ମ ନାହାଁଲଃକିନ୍, ମେନ୍‌ଦ ମିଆଁଦ୍ ହଡ଼୍‌ମତାନ୍‌କିନ୍, ଏନା ନାଗେନ୍ତେ ପାର୍‌ମେଶ୍ୱାର୍ ମିଦରେ ତଲକାଦତେୟାଃ ହଡ଼ ଆଲକାଏ ବିନ୍‌ଗାଏକା ।”

୭*ଫାରୁଶୀକ ଯୀଶୁକେ କୁଲିକିୟାକ, “ତାଦ୍‌ଦ ମୁଶା ଚିନାଃମେନ୍ତେ କୁଡ଼ିକେ ବାଗିରେଆଃ ଅନଲ୍‌ଚିଠା ଏମ୍‌କେଦତେ ବାଗିକପେ ମେନ୍ତେ ଆଇନ୍‌ରେ ଆରୁକାଦା ?”

୮ ଯୀଶୁ କାଜିରୁହାଡ଼ାଦକଆଏ, “ମୁଶାଦ ଆପେୟାଃ କେଟେଦ୍‌ମନ୍ ନାଗେନ୍ତେ ଆପେୟାଃ କୁଡ଼ିକକେ ବାଗି ଚିକାଦପେୟାଏ, ମେନ୍‌ଦ ଅତେଦିଶୁମ୍‌ରେୟାଃ ମୁନୁରାଃ ସିଦାରେ ଏନ୍‌ଲେକା କା ତାଇକେନା । ୯ *ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ଜେତାଏ ହଡ଼ ଆପାଙ୍ଗିର୍ କାମି ବେଗାର୍ ଏଟାଃ କାଜି ନାଗେନ୍ତେ ଆୟାଃ କୁଡ଼ିକେ ବାଗିକେଦତେ ଏଟାଃ କୁଡ଼ିକେ ଆଣ୍‌ଦିୟାଃରେ ଆପାଙ୍ଗିର୍ କାମି କାମିୟାଏ ଆତଃ ଇନିଃ ଆଇଃକ୍‌ଗି ଆପାଙ୍ଗିର୍‌ନିଃ ହବାଅଃଆଏ ।”

୧୦ ଚେଲକ ଯୀଶୁକେ କାଜିକିୟାକ, “କଡ଼ା ଆତଃ ଆୟାଃ କୁଡ଼ିଆଃ ଆଲ୍‌ରେ ନେ ଲେକା ହବାଅଃତାନ୍‌ରେଦ ଆଣ୍‌ଦି କା ବୁଗିନାଃ ।”

୧୧ ଯୀଶୁ ଇନ୍‌କୁକେ କାଜିରୁହାଡ଼ାଦକଆଏ, “ସବେନ୍ ହଡ଼କ ନେ ଇନିତୁ କାକ ମାନାଡ଼ିଙ୍ଗ୍ ଦାଡ଼ିୟା, ମେନ୍‌ଦ ପାର୍‌ମେଶ୍ୱାର୍ ଏନା ଅକନ୍‌କକେ ଏମାକାଦକଆଏ, ଇନ୍‌କୁ ଏସକାର୍‌ଗି

☆ ୧୯:୭ ୧୯:୭ ମାଥୁର ୫:୩୧. ☆ ୧୯:୯ ୧୯:୯ ମାଥୁର ୫:୩୨; ୧ କରିଛିୟ ୭:୧୦,୧୧.

ଦାଡ଼ିୟାକ । ୧୨ ଚିୟାଃଚି ଚିମିନ୍ ଚାକୁରା*କ ମେନାକଥା, ଇନ୍କୁ ଏନ୍ଲେକାଗିକ ଜାନାମାକାନା, ଆତଃ ଏଚାଃ ଚିମିନ୍କ ହଡ଼କଥାଃତେ ଚାକୁରାକ ବାଇୟାକାନା, ଆତଃ ଏଚାଃକ ସିର୍ମା ରାଇନ୍ଦରାଃ କାମି ନାଗେନ୍ତେ କାକ ଆଣ୍ଡିନ୍ତାନା । ନେୟା ମାନାତିଙ୍ଗ୍ ଦାଡ଼ିନିଃ ମାନାତିଙ୍ଗ୍ଘେକାଏ ।”

ୟୀଶୁ ହୁଡ଼ିଙ୍ଗ୍ ହନ୍କକେ ଆଶିଷକେଦକଥାଏ

(ମାର୍କ ୧୦:୧୩-୧୬; ଲୁକ ୧୮:୧୫-୧୭)

୧୩ ଏନ୍ତେ ଯୀଶୁ ହନ୍କଥାଃ ଚେତାନ୍ରେ ଡିଃଇ ଦହକେଦତେ ବିକ୍ତିକାଏ ମେନ୍ତେ ହଡ଼କ ହୁଡ଼ିଙ୍ଗ୍ ହନ୍କକେ ଯୀଶୁତାଃତେକ ଆଡକେଦକଥା ମେନ୍ଦ ଚେଲିକ ଇନ୍କୁକେକ ମାରାଙ୍ଗମଚାକେଦକଥା । ୧୪ ଯୀଶୁ ମେତାଦକଥାଏ, “ହୁଡ଼ିଙ୍ଗ୍ ହନ୍କକେ ଆଇଙ୍ଗ୍ତାଃତେ ହିନ୍ଦୁଃଇଚିକପେ ଆତଃ ଇନ୍କୁକେ ଆଲ୍ଲପେ ମାନାକଥା, ଚିୟାଃଚି ସିର୍ମା ରାଇନ୍ଦ ନେ ହନ୍କ ଲେକାନ୍କଥାଃ ତାନାଃ ।”

୧୫ ଏନ୍ତେ ଇନ୍କୁ ଚେତାନ୍ରେ ଡିଃଇ ଦହକେଦତେ ଆଶିଷକେଦକଥାଏ ଆତଃ ଇନିଃ ଏନ୍ତାଃଏତେ ସେନଃୟାନା ।

କିସାଣ୍ଡ ଧାଙ୍ଗ୍ଡା

(ମାର୍କ ୧୦:୧୭-୩୧; ଲୁକ ୧୮:୧୮-୩୦)

୧୭ ମିଆଁଦ୍ ଧାଙ୍ଗ୍ଡା ଯୀଶୁତାଃତେ ହିନ୍ଦୁଃୟାନା ଆତଃ କୁଲିକିୟାଏ, “ହେ ଗୁରୁ, ଜାନାଅ ଜୀଦାନ୍ ନାମେ ନାଗେନ୍ତେ ଆଇଙ୍ଗ୍କେ ଚିକାନ୍ ବୁଗିନ୍ କାମି ଚିକା ଲାଗାତିଙ୍ଗ୍ଘାଃ ?”

୧୭ ଯୀଶୁ କାଜିରୁହାଡ଼କିୟାଏ, “ଚିକାନାଙ୍ଗ୍ ଆଇଙ୍ଗ୍କେ ଅକ୍ନାଃ ବୁଗିନ୍ ବିଷାଏ ତାନାଃ ମେନ୍ତେମ୍ କୁଲିଙ୍ଗ୍ତାନା ? ପାର୍ମେଶ୍ଵାର୍ ଏସକାର ବୁଗିନ୍ନିଃ ତାନିଃ । ମେନ୍ଦ ଆମ୍ ଜୀଦାନ୍ରେ ବଲ ନାଗେନ୍ତେ ସାନାଙ୍ଗ୍ତାନ୍ରେଦ, ପାର୍ମେଶ୍ଵାର୍ତାଃ ଆନ୍ତୁକ ମାନାତିଙ୍ଗ୍ମେ ।”

୧୮ ଇନିଃ ଯୀଶୁକେ କୁଲିକିୟାଏ, “ଅକନ୍ ଆନ୍ତୁକ ?”

* ୧୯:୧୨ ୧୯:୧୨ ଚାକୁରା, ନପୁଂସକ

ୟୀଶୁ କାଜିରୁହାଡ଼କିୟାଏ, “ହଡ଼ ଆଲମ୍ ଗଜିୟା, ଆଲମ୍ ଆପାଜିରାଃ, ଆଲମ୍ କୁମ୍ବୁଆଃ, ହସଡ଼ଗାଞ୍ଜା ଆଲମାଃ, ୧୯ ଏକ୍ମା ଆପୁକିନ୍‌କେ ମାନାତିକ୍‌କିନ୍‌ମେ, ଆଡ଼ଃ ଆମାଃ ହପରଜାପାଃରେନ୍‌କକେ ଆମ୍‌ଲେକା ଦୁଲ୍‌ଡ଼କମେ ।”

୨୦ ଏନ୍ ଧାଙ୍ଗଡ଼ା କାଜିରୁହାଡ଼କିୟାଏ, “ଏନ୍ ସବେନ୍ ଆନ୍‌ତୁକକ୍‌କ୍‌କ୍‌ ମାନାତିକ୍‌କାଦା ଆଡ଼ଃ ଚିକ୍‌ନାଃ ଆକ୍‌କେ ରିକା ଲାଗାତିକ୍‌କ୍‌ୟାଃ ?”

୨୧ ୟୀଶୁ କାଜିରୁହାଡ଼କିୟାଏ, “ପକ୍‌ତାମ୍ ସାନାକ୍‌ତାନ୍‌ରେଦ, ମିଆଁଦ୍ କାଜି ଆମ୍‌କେ ରିକା ଲାଗାତିକ୍‌କ୍‌ୟାଃ, କୁ, ଆମାଃ ସବେନାଃ ଆଖିରକ୍‌କେଦ୍‌ତେ ରେକ୍‌କେକେ ହାଟିକ୍‌ଆଁକମ୍, ଆଡ଼ଃ ଆମ୍ ସିର୍ମାରେ ଖୁର୍‌ମ୍ ନାମେୟା । ଏନ୍ତେ ରୁହାଡ଼କେଦ୍‌ତେ ଅତକ୍‌କକ୍‌ମେ ।”

୨୨ ଏନ୍ ଧାଙ୍ଗଡ଼ା ନେ'କାଜି ଆୟୁମ୍‌କେଦ୍‌ତେ ହୁଡ଼ିକ୍‌କାତୟାନ୍ତେ ସେନଃୟାନା ଚିୟାଃଚି ଇନିଃ ପୁରାଃଗି କିର୍‌ୟାଣ୍ ତାକକେନାଏ ।

୨୩ ୟୀଶୁ ଆୟାଃ ଚେଲାକକେ କାଜିୟାଦ୍‌କଆଏ, “ସାର୍‌ତିଗିକ୍‌ କାଜିୟାପେତାନା, କିର୍‌ୟାଣ୍ ହଡ଼କନାକ୍ ସିର୍ମା ରାଇଜ୍‌ରେ ବଲଃ ପୁରାଃଗି ହାମ୍‌ଲାଃ । ୨୪ ଆଡ଼ଃଗିକ୍‌କ୍‌ କାଜିପେତାନା, ପାର୍‌ମେଶ୍‌ବାର୍‌ଆଃ ରାଇଜ୍‌ରେ କିର୍‌ୟାଣ୍ ହଡ଼ ବଲ୍ ଦାଡ଼ିଏତେ, ସୁଇ ଉଣ୍‌ଖୁରେ ଉର୍‌ ପାରମଃତେୟାଃ ରାଞ୍ଜାଲାଃ ।”

୨୫ ଚେଲାକ ନେଆଁ ଆୟୁମ୍‌କେଦ୍‌ତେ ପୁରାଃଗିକ୍ ଆକ୍‌ଦାଦାଅୟାନା, ଆଡ଼ଃ ଆକ୍ ଆକରେକ କୁପ୍‌ଲିୟାନା, “ତାବ୍‌ଦ୍ ଅକଏ ଜାତ୍ ବାଞ୍ଚାଅ ନାମ୍ ଦାଡ଼ିୟାଏ ?”

୨୬ ୟୀଶୁ ଇନ୍‌କୁକେ ଆରିଦ୍‌କେଦ୍‌ତେ କାଜିକେଦ୍‌କଆଏ, “ହଡ଼କ୍ ନାଗେନ୍ତେ ନେଆଁ କା ଦାଡ଼ିୟାଃ କାମିତାନା ମେନ୍‌ଦ୍ ପାର୍‌ମେଶ୍‌ବାର୍‌ତେ ହବାଦାଡ଼ିୟାଃ ।”

୨୭ ଏନ୍ତେ ପାଡ଼ରାସ୍ କାଜିକିୟାଏ, “ନେଲେମେ, ଆଲେଦ୍ ସବେନାଃ ବାଗିକେଦ୍‌ତେ ଆମ୍‌କେଲେ ଅତକ୍‌କେଦ୍‌ମେୟା । ଆଲେ ଚିକ୍‌ନାଃଲେ ନାମେୟା ?”

୨୮ ୟୀଶୁ ଇନ୍‌କୁକେ ମେତାଦ୍‌କଆ, “ସାର୍‌ତିଗିକ୍‌ କାଜିୟାପେ ତାନାକକ୍, ସବେନାଃରାଃ ନାଞ୍ଜାଗି ବାକ୍‌ରୁହାଡ଼କେଦ୍‌ତେ,

☆ ୧୯:୨୮ ୧୯:୨୮ ମାଥୁର ୨୫:୩୧; ଲୁକ ୨୨:୩୦.

ମାନସାହନ ଆୟାଃ ମାନାରାଜ୍ରେୟାଃ ରାଜଗାଦିରେ ଦୁବାଃଏ
 ଇମ୍ତା ଆପେ ଆଇଜ୍ଜକେ ଅତଜ୍ଜକାଦିଜ୍ଜକଗି ଗେଲ୍‌ବାର୍
 ରାଜଗାଦିରେ ଦୁବକେଦ୍‌ତେ ଇସ୍ତାଏଲ୍‌ରେନ୍ ଗେଲ୍‌ବାର୍ କିଲିକଆଃ
 ଚେତାନରେ ରାଇଜେୟାପେ । ^{୨୯} ଆତଃ ଜେତାଏ ହଡ୍ଡ ଆଇଜ୍ଜ
 ମେନ୍ତେ ଅଡ଼ାଃ ଚାଏ ହାଗା ଚାଏ ମିଗି ଚାଏ ଆପୁ ଚାଏ ଏଜ୍ଜା ଚାଏ
 ହନ୍‌ଗାଁଣା ଚାଏ ଅତେହାସା ବାଗିତାରେଦ୍, ଇନିଃ ଏନା ସାଅଗୁନା
 ଆଦକାଏ ନାମେୟା ଆତଃ ଜାନାଅ ଜାନାଅରେୟାଃ ଜୀଦାନ୍
 ନାମେୟାଏ । ^{୩୦} ☆ମେନ୍‌ଦ ପୁରାଃ ଆୟାର୍‌ରେନ୍‌କ ତାୟମଃଆ
 ଆତଃ ତାୟମ୍‌ରେନ୍‌କ ଆୟୁରଃଆ ।

୨୦

ଦାଖ୍‌ବାକ୍‌ଡ଼ିରେ କାମିତାନ୍ ହଡ୍‌କଆଃ ଜନ୍‌କା କାଜି

୧ “ସିର୍ମା ରାଇଜ୍‌ଦ୍ ମିଆଁଦ୍ ଚାଷି ହଡ୍‌ଲେକାଃ, ଇନିଃ ଇଦାନ୍‌ତେ
 ଆୟାଃ ଦାଖ୍‌ବାକ୍‌ଡ଼ିରେ କାମିନାଜ୍ ହଡ୍‌କକେ ଦାଣାଁ ନାଗେନ୍ତେ
 ଅତଜ୍ଜୟାନା । ^୨ ଇନିଃ ସିଜ୍‌ସାଟୁବ୍‌ରେ ମୁସିଙ୍ଗରାଃ ନାଲା ସିକାପେ
 ନାମେୟା ମେନ୍ତେ ଇନ୍‌କୁକେ କାଜିକେଦ୍‌କଆ, ଆତଃ ଆୟାଃ
 ଦାଖ୍‌ବାକ୍‌ଡ଼ିତେ କାମିନାଜ୍ କୁଲ୍‌କେଦ୍‌କଆଏ । ^୩ ଇନିଃ ସେତାଃ
 ନାଅ ଘାଡ଼ିକ ହବାଅଃତାଇକେନ୍‌ରେ ପିର୍ ପିଡ଼ିରେ ଏଚାଃ ହଡ୍‌କ
 ସାମାଗି ତିଜ୍‌ଆକାନ୍ ନେଲ୍‌କେଦ୍‌କଆଏ । ^୪ ଇନିଃ ଇନ୍‌କୁକେ
 କାଜିୟାଦ୍‌କଆଏ, ‘ଆପେୟ ଦାଖ୍‌ବାକ୍‌ଡ଼ିତେ ସେନଃପେ ଆତଃ
 କାମିପେ, ଆଇଜ୍ଜ ଆପେକେ ଠାଉକାନ୍ ଲେକାଗି ନାଲାଇଜ୍
 ଏମାପେୟା ।’ ^୫ ଆତଃ ଇନ୍‌କୁ କାମିତେକ ସେନଃୟାନା, ଏନ୍ତେ
 ଇନିଃ ଆତଃଗି ତିକିନ୍‌ରାଃ ବାରାବାଜେ ଆତଃ ତାର୍‌ସିଜ୍ ତିନ୍‌ବାଜେ
 ଅତଜ୍ଜୟାନା ଆତଃ ଚିମିନ୍ ନାଲାକାମି ହଡ୍‌କକେ ଆଉକେଦ୍‌ତେ
 କାମି ଏମାଦ୍‌କଆଏ । ^୬ ସିଜ୍ ହାୟୁରଃତାନ୍‌ରାଃ ପାଞ୍ଚବାଜେକ ଇନିଃ
 ଆତଃମିସା ଅତଜ୍ଜୟାନା, ଏନ୍ତେ ପିର୍ ପିଡ଼ିରେ ଚିମିନ୍ ନାଲାକାମିକ
 ସାମାଗି ତିଜ୍‌ଆକାନ୍ ନେଲ୍‌କେଦ୍‌କଆଏ, ଆତଃ ମେତାଦ୍‌କଆଏ,
 ‘ଚିନାଃ ମେନ୍ତେ ଆପେ ନେତାଃରେ ସିଜ୍‌ସାଟୁବ୍ ଜାକେଦ୍ ସାମାଗିପେ
 ତିଜ୍‌ଆକାନା ?’ ^୭ ଇନ୍‌କୁ କାଜିରୁହାଡ଼୍‌କିୟାକ, ‘ଜେତାଏ ଆଲେକେ
 କାମିନାଜ୍ କାକ ଆରୁକାଦ୍‌ଲେୟା ।’ ଇନିଃ ମେତାଦ୍‌କଆଏ,

☆ ୧୯:୩୦ ୧୯:୩୦ ମାଧୁର ୨୦:୧୭; ଲୁକ ୧୩:୩୦.

‘ଠିକ୍‌ମେନାଃ, ଜୁ, ଆପେୟ ଦାଖ୍‌ବାକ୍‌ଡ଼ିତେ ସେନଃପେ ଆତଃ କାମିପେ ।’

୮ “ଆୟୁର୍‌ୟାନ୍‌ତି ଦାଖ୍‌ବାକ୍‌ଡ଼ିରେନ୍‌ ଗମ୍‌କେ, ଆୟାଃ ଭାଣ୍ଡାରିକେ କାଜିକିୟାଏ, ‘ସବେନ୍‌ ନାଲାତାଇକେନ୍‌କକେ ହାକାଅକେଦ୍‌ତେ ଆକଆଃ ନାଲା ଏମାକମେ ।’ ତାୟମ୍‌ତେ କାମି ହିଜୁଆକାନ୍‌କକେ ପାହିଲା ଆତଃ ମୁଲ୍‌ଏତେ କାମିକେନ୍‌କକେ ତୁଣ୍ଡୁରେ ନାଲା ଏମାକମେ । ୯ ସିଙ୍ଗିହାସୁରତାନ୍‌ରାଃ ପାଞ୍ଚବାଜେ କାମିକେଦ୍‌ ସବେନ୍‌ ହଡକ ମିପିହୁଡ୍‌ରେ ମୁସିଙ୍ଗିରାଃ ନାଲା ସିକାକ ନାମ୍‌କେଦା । ୧୦ ମୁଲ୍‌ଏତେ କାମିକେନ୍‌କ ଆଦ୍‌କା ନାଲାଲେ ନାମେୟା ମେନ୍ତେକ ଉଡ଼ଃକେଦା, ମେନ୍‌ଦ ଇନ୍‌କୁହଗି ମିପିହୁଡ୍‌ରେ ମୁସିଙ୍ଗିରାଃ ନାଲା ସିକାକ ନାମ୍‌କେଦା । ୧୧ ଇନ୍‌କୁ ନାଲା ତେଲାକେଦ୍‌ତି, ଅଡ଼ାଃ ଗମ୍‌କେୟାଃ ବିରୁଧ୍‌ରେ କୁରୁମ୍‌ତୁରୁମ୍‌ୟାନ୍‌ଲଃ କାଜିକେଦାକ, ୧୨ ‘ତାୟମ୍‌ତେ ହିଜୁଆକାନ୍‌ ହଡକ ମିଦ୍‌ ଘାଡ଼ିଗି କାମିକେଦାକ ଆତଃ ଆଲେ ସିଙ୍ଗିସାତ୍‌ବ୍‌ ନିମିନ୍‌ରାଃ ସିତୁଙ୍ଗ୍‌ ସାହାତିଙ୍ଗ୍‌କେଦ୍‌ତେ କାମିକେଦ୍‌ରେୟ ଆମ୍‌ ଆଲେକେ ଇନ୍‌କୁଲଃ ମିଦ୍‌ଗିମ୍‌ ଜକାକେଦ୍‌ଲେୟା ।’

୧୩ “ମେନ୍‌ଦ ଇନିଃ ଇନ୍‌କୁଏତେ ମିହୁଡ୍‌କେ କାଜିରୁହାଡ଼କିୟାଏ, ‘ଏ ଗାତି, ଆଇଙ୍ଗ୍‌ ଆମ୍‌କେ କାଇଙ୍ଗ୍‌ ବେଦାମେତାନା, ଆମ୍‌ ଆତଃ ଆଇଙ୍ଗ୍‌ ଚିନାଃ ମୁସିଙ୍ଗିରାଃ ନାଲା ସିକା ଏମଃଆ ମେନ୍ତେ କାଲାଙ୍ଗ୍‌ ବାଖାଣ୍ କାଦ୍‌ତାଇକେନା ? ୧୪ ନେ ଆମାଃ ନାଲା ଇଦିମେ ଆତଃ ସେନଃମେ । ଆଇଙ୍ଗ୍‌ ତାୟମ୍‌ତେ ହିଜୁଃକାନ୍‌ କାମିନିଃକେ ଆମ୍‌କେ ଏମାକାଦ୍‌ମେ ଲେକା ଏମ୍‌ନାଙ୍ଗ୍‌ ସାନାଙ୍ଗ୍‌ତାନାଇଙ୍ଗ୍‌ । ୧୫ ଚିୟାଃ ଆଇଁୟାଃ ମେନାଃତେୟାଃକେ ଆଇଁୟାଃ ମନେଲେକା ଏମ୍‌ କାଇଙ୍ଗ୍‌ ଦାଡ଼ିୟା ? ତି ଆଇଙ୍ଗ୍‌ ବୁଗିନ୍‌ ଏମଃନିଃ ତାନିଙ୍ଗ୍‌ ମେନ୍ତେମ୍‌ ହିସ୍‌ଙ୍ଗାଇଙ୍ଗ୍‌ତାନା ?’ ”

୧୬ ✨ଆତଃ ଯୀଶୁ ନେ ଲେକାତେ କାଜିତାବାକେଦା, “ତାୟମ୍‌ରେନ୍‌କ ସିଦାଅଃଆ, ଆତଃ ଆୟାର୍‌ରେନ୍‌କ ତାୟମଃଆ ।”

ୟୀଶୁ ଆୟାଃ ଗନଏଃ କାଜି ଆପିସାତେ କାଜିୟାଦ୍‌କଆଏ
(ମାର୍କ ୧୦:୩୨-୩୪; ଲୁକ ୧୮:୩୧-୩୪)

୧୭ ଯୀଶୁ ଯୀରୁଶାଲେମ୍ ସେନଃ ଇମ୍ତା ଗେଲ୍‌ବାର୍ ତେଲାଇକେ ଗେନାତେ ଇଦିକେଦ୍‌ତେ କାଜିକେଦ୍‌କଆଏ, ^{୧୮} “ନେଲେପେ, ଆବୁ ଯୀରୁଶାଲେମ୍‌ତେରୁ ସେନଃତାନା ଆତଃ ମାନଝାହନ୍‌କେ ମୁଲ୍ ଯାଜାକ୍‌କଆଃ ଆତଃ ଆଇନ୍ ଇତୁକଆଃ ତିଃଇରେକ ଜିମାଇୟା ଆତଃ ଇନ୍‌କୁ ଇନିଃକେ ଗନଏଃ ସାଜାଇ ନାଗେନ୍ତେକ ବିଚାରେୟା । ^{୧୯} ଆତଃ ଇନ୍‌କୁ ଇନିଃକେକ ଲାୟାଇୟା, ହାଁଶ୍‌ସାଇୟା ଆତଃ କୁଶ୍‌ରେ କିଲା ନାଗେନ୍ତେ ସାଅଁସାର୍‌କଆଃ ତିଃଇରେକ ଏମିୟା, ମେନ୍‌ଦ ଆପି ମାହାଁ ତାୟମ୍‌ତେ ଇନିଃ ଜୀଉବିରିଦାଏ ।”

ମିଆଁଦ୍ ଏଙ୍ଗାରାଃ ବିକ୍ତି

(ମାର୍କ ୧୦:୩୫-୪୫)

୨୦ ଏନ୍ତେ ଜେବଦାୟାଃ କୁଡ଼ିତେ ଆୟାଃ ବାରିଆ ହନ୍‌କିନ୍‌ଲଃ ଯୀଶୁତାଃତେ ହିଜୁଃୟାନା ଆତଃ ଇକ୍‌ଡ଼ମୁକେଦ୍‌ତେ ଦେଙ୍ଗା ଆସିକିୟାଏ ।

୨୧ ଏନ୍ତେ ଯୀଶୁ କୁଲିକିୟାଏ, “ଆମ୍ ତିନାଃ ସାନାଙ୍ଗ୍ ତାନାମ୍ ?” ଇନିଃ କାଜିରୁହାଡ଼କିୟାଏ, “ଆଇଁୟାଃ ନେ ହନ୍‌କିନ୍ ଆମାଃ ରାଇଜ୍‌ରେ ମିଆଁଦ୍‌ନିଃକେ ଜମ୍‌ତିସାଃରେ ଆତଃମିଆଁଦ୍‌ନିଃକେ ଲେଙ୍ଗାଡ଼ିସାଃରେ ଦୁବ୍‌କାକିନ୍ ମେନ୍ତେ ଆରୁକିନ୍‌ମେ ।”

୨୨ ଯୀଶୁ ଜେବଦାଆଃ ବାରିଆ ହନ୍‌କିନ୍‌କେ କାଜିରୁହାଡ଼କେଦ୍‌କିନାଏ, “ତିନାଃବେନ୍ ଆସିତାନା ଏନା କାବେନ୍ ସାରିତାନା । ତିନାଃ ଆଇଁୟାଃ ଦୁକୁରେୟାଃ ନୁଁଏ କାଟୋରାରେ ନୁଁବେନ୍ ଦାଡ଼ିୟା ?”

ଇନ୍‌କିନ୍ କାଜିରୁହାଡ଼କେଦା, “ଦାଡ଼ିୟାଲିଙ୍ଗ୍ ।”

୨୩ ଯୀଶୁ ମେତାଦ୍‌କିନାଏ, “ଆଇଁୟାଃ କାଟୋରାତେ ନୁଁଦ୍‌ବେନ୍ ନୁଁଇୟା ମେନ୍‌ଦ ଆଇଁୟାଃ ଜମ୍‌ତିସାଃରେ ଆତଃ ଲେଙ୍ଗାଡ଼ିସାଃରେ ଦୁବ୍‌ରିକାତେୟାଃ ଆଇଁୟାଃ ତିଃଇରେ ବାନଆଃ ମେନ୍‌ଦ ନେ ଠାୟାଦ୍ ଆପୁଇଙ୍ଗ୍ ଅକନ୍‌କ ନାଗେନ୍ତେ ବାଇୟାକାଦାଏ ଇନ୍‌କୁ ନାଙ୍ଗ୍ ଏସ୍‌କାର୍ ତାନାଃ ।”

୨୪ ଏଗାଃ ଗେଲ୍ ତେଲାଇକ ନେଆଁ ଆୟୁମ୍‌କେଦ୍‌ତେ ଏନ୍ ବାରାନ୍ ହାରିୟାକିନ୍‌କେ ଖ୍‌ସ୍‌ୟାନାକ । ^{୨୫} ✧ମେନ୍‌ଦ ଯୀଶୁ ଇନ୍‌କୁକେ

☆ ୨୦:୨୫ ୨୦:୨୫ ଲୁକ ୨୨:୨୫,୨୬.

କେଡ଼ାକେଦ୍‌ଡ଼େ କାଜିୟାଦ୍‌କଥାଏ, “ନେ ଅତେଦିଶ୍‌ମ୍‌ରେନ୍ ହଡ଼କଥାଃ ହାକିମ୍‌କ ଇନ୍‌କୁରେକ ରାଇଜ୍‌ତାନା ଆତଃ ଆକ୍‌ଡେୟାର୍ ନାମାକାଦ୍‌କ ଇନ୍‌କୁଥାଃ ଚେତାନ୍‌ରେ ପୁରାଃଗି ଆକ୍‌ଡେୟାର୍‌ରେ ତାନାକ, ଏନା ଆପେ ସାରିୟାକାଦାଃପେ । ୨୬ ✨ଆପେୟାଃ ଆଲାରେ ଆଲକା ଏନ୍‌କାଅଃକା, ମେନ୍‌ଦ ଆପେ ଆଲାରେ ଜେତାଏ ମାରାଜ୍‌ ସାନାଜ୍‌ରେଦ ଇନିଃ ଏଟାଃକଥାଃ ସୁସାର୍‌ନିଃ ହବାଅଃକାଏ, ୨୭ ଆତଃ ଆପେୟାଃ ଆଲାରେ ଜେତାଏ ସିଦାଉତାରଃ ସାନାଜ୍‌ତାନିଃ, ଏଟାଃକଥାଃ ଦାସିଲେକା ଏଟାଃକକେ ସୁସାର୍‌କକାଏ । ୨୮ ନେ ଲେକାତେ ମାନଝାହନ୍ ସୁସାର୍ ନାମେ ନାଗେନ୍ତେଦ କା ମେନ୍‌ଦ ସୁସାର୍ ନାଗେନ୍ତେ ଆତଃ ଆୟାଃ ଜୀଉ ପୁରାଃ ହଡ଼କନାଜ୍ ଦାଣ୍ଠେ ଗନଜ୍ ଏମ୍ ନାଗେନ୍ତେ ହିଜୁଆକାନାଏ ।”

ୟୀଶୁ ବାରହଡ଼୍‌ କାଣ୍ଠିକିନ୍‌କେ ବୁଗିକେଦ୍‌କିନାଏ
 (ମାର୍କ ୧୦:୪୭-୫୨; ଲୁକ ୧୮:୩୫-୪୩)

୨୯ ଯିରିହୋ ସାହାର୍‌ଏତେ ଅତଜ୍‌ ତାଇକେନ୍‌ରେ ପୁରାଃ ଗାଦେଲ୍ ହଡ଼କ ଇନିଃକେକ ଅତଜ୍‌କିୟା । ୩୦ ଆତଃ ବାରହଡ଼୍‌ କାଣ୍ଠିକିନ୍ ହରାଗେନାରେ ଦୁବାକାନ୍ ତାଇକେନ୍ ଇମ୍‌ତା ଯୀଶୁ ପାରମ୍‌ଠାନାଏ ମେନ୍ତେକିନ୍ ଆୟୁମ୍‌କେଦ୍‌ତି କାଉରିକେଦାକିନ୍, “ହେ ଗମ୍‌କେ, ହେ ଦାଉଦ୍‌ଆଃ ହନ୍, ଦାୟାଲିଜ୍‌ମେ ।”

୩୧ ଗାଦେଲ୍ ହଡ଼କ ହାପାଃଅବେନ୍ ମେନ୍ତେକ ମାରାଜ୍‌ମଚାକେଦ୍‌କିନା ମେନ୍‌ଦ ଇନ୍‌କିନ୍ ଆତଃ ପୁରାଃତେ କାଉରିକେଦାକିନ୍, “ହେ ପ୍ରାଭୁ, ଦାଉଦ୍‌ଆଃ ହନ୍ ଦାୟାଲିଜ୍‌ମେ !”

୩୨ ଯୀଶୁ ତିଜୁୟାନ୍ତେ ହାକାଅକେଦ୍‌କିନାଏ ଆତଃ ମେତାଦ୍‌କିନାଏ, “ଆଇଜ୍‌ ଆବେନାଃ ନାଗେନ୍ତେ ଚିନାଃଇଜ୍‌ ଚିକାୟା ମେନ୍ତେବେନ୍ ସାନାଜ୍‌ତାନା ?”

୩୩ ଇନ୍‌କିନ୍ ଯୀଶୁକେ କାଜିରୁହାଡ଼୍‌କିୟାକିନ୍, “ହେ ପ୍ରାଭୁ, ମେଦ୍‌ଲିଜ୍‌ ନେଲ୍ ଦାଡ଼ିକା ମେନ୍ତେଲିଜ୍‌ ସାନାଜ୍‌ତାନା ।”

✨ ୨୦:୨୭ ୨୦:୨୭ ମାଥୁର ୨୩:୧୧; ମାର୍କ ୯:୩୫; ଲୁକ ୨୨:୨୭.

୩୪ ଯୀଶୁ ଇନ୍କିନ୍କେ ଲିବୁଇୟାଦକିନାଏ ଆଡ଼ଃ ଇନ୍କିନାଃ ମେଦ୍
 ଦୁଟିଦକେଦାଏ, ଏନ୍ତେ ଇମ୍ତାଗି ନେଲ୍ ଦାଡ଼ିକେଦାକିନ୍ ଆଡ଼ଃ
 ଇନ୍କିନ୍ ଯୀଶୁକେ ଅତଙ୍ଗକିୟାକିନ୍ ।

୨୧

ଯୀଶୁ ମାନାରାଙ୍ଗରେ ଯୀରୁଶାଲେମ୍‌ତେ ବଲତାନା

(ମାର୍କ ୧୧:୧-୧୧; ଲୁକ ୧୯:୨୮-୩୮; ଯୋହାନ୍ ୧୨:୧୨-୧୯)

୧ ଯୀଶୁ ଆଡ଼ଃ ଆୟାଃ ଚେଲାକ ଯୀରୁଶାଲେମ୍ ନାଡ଼େଃରାଃ
 ଜାଈତୁନ୍ ବୁରୁ ଜାପାଃ ବେଡ଼ଫାଗି ହାତୁଡ଼େ ସେଚେରୁୟାନାକ,
 ଇମ୍ତା ଯୀଶୁ ବାରିଆ ଚେଲାକିନ୍କେ କୁଲ୍‌କେଦ୍‌ଡ଼େ,
 ମେତାଦକିନାଏ ୨ “ଆବେନ୍ ଆବେନାଃ ସାମ୍‌ନାଙ୍ଗ୍‌ରେଆଃ ହାତୁଡ଼େ
 ସେନଃବେନ୍ ଆଡ଼ଃ ଏନ୍ତାଃତେ ତେବାଃ ଇମ୍ତାଗି ମିଆଁଦ୍ ଗାଧା
 ଆଡ଼ଃ ଗାଧାହନ୍‌କେ ତଲ୍‌କାନ୍‌ବେନ୍ ନାମିୟା, ଇନ୍କିନ୍କେ
 ରାଡ଼ାକେଦ୍‌ଡ଼େ ଆଇଙ୍ଗ୍‌ତାଃତେ ଆଉକିନ୍‌ବେନ୍ । ୩ ଆଡ଼ଃ ଜେତାଏ
 ଜେଡ଼ନାଃ କାଜିବେନ୍‌ରେଦ୍, ‘ନିକିନ୍‌ତାଃରେ ପ୍ରାଭୁଆଃ କାମିମେନାଃ’
 ମେତାଈବେନ୍ ଆଡ଼ଃ ଇନିଃ ଇମ୍ତାଗି କୁଲ୍‌ବାଗିକିନାଏ ।”

୪ ନେଆଁ ନାବାକଆଃ କାଜି ପୁରାଅଃ ନାଗେନ୍ତେ ନେ ଲେକା
 ହବାୟାନା ।

୫ “ସିୟୋନ୍‌ରେନ୍ ହନ୍‌କୁଡ଼ିକେ କାଜିପେ,

‘ନେଲେମେ, ଆମାଃ ରାଜା ଆମାଃତାଃତେ ହିଜୁଃତାନା !

ଲେବେୟାନ୍‌ଗି ଇନିଃ, ଗାଧା

ଆଡ଼ଃ ଗାଧାହନ୍ ଚେତାନ୍‌ରେ ଦୁବ୍‌କେଦ୍‌ଡ଼େ ଆମାଃତାଃତେ
 ହିଜୁଃତାନା ।”

୬ ଏନ୍ ଚେଲାକିନ୍ ସେନଃୟାନ୍ତେ ଯୀଶୁ ଆରୁକାଦକିନ୍ ଲେକା
 କାମିକେଦାକିନ୍ । ୭ ଚେଲାକିନ୍ ଗାଧା ଆଡ଼ଃ ଗାଧାହନ୍‌କେ
 ଆଉକେଦ୍‌ଡ଼େ, ଗାଧାକିନାଃ ଚେତାନ୍‌ରେ ଲିଜାଃ ଆଚେଦ୍ କେଦାକିନ୍
 ଆଡ଼ଃ ଯୀଶୁ ଏନ୍ ଚେତାନ୍‌ରେ ଦୁବ୍‌ୟାନାଏ । ୮ ଗାଦେଲ୍‌ହଡ଼କଏଡ଼େ
 ଚିମିନ୍‌କ ଆକଆଃ ଲିଜାଃ ହରାରେକ ଆଚେଦ୍‌କେଦା, ଆଡ଼ଃ ଏଟାଃକ
 ଦାରୁଏଡ଼େ କତକ ମାଆଃକେଦ୍‌ଡ଼େ ହରାରେକ ଆଚେଦ୍‌କେଦା
 । ୯ ଆଡ଼ଃ ଆୟୁର୍ ତାୟମ୍‌ତେ ସେନ୍‌ତାନ୍ ଗାଦେଲ୍‌ହଡ଼କ
 କାଉରିକେଦା, “ଦାଉଦ୍‌ଆଃ ହନ୍ ହୋଶାନ୍ନା, ପ୍ରାଭୁଆଃ ନୁଡ଼ମ୍‌ତେ

ହିଜୁରତାନିୟାଃ ଧାଉନ୍ ହବାଅଃକା, ସାଲାଲିଉତାର୍ ଠାୟାଦ୍ରେ ପାର୍ମେଶ୍ୱାର୍ଆଃ ମାନାରାଙ୍ଗ୍ ହବାଅଃକା ।”

୧୦ ଯୀଶୁ ଯୀରୁଶାଲେମ୍ରେ ବଲୟାନ୍ ଇମତା ଗଟା ନାଗାର୍ରେନ୍ ହତ୍ତକ ଆକଦାନ୍ଦାଅୟାନା ଆତଃ “ନିଃ ଅକଏ ତାନିଃ ?” ମେନ୍ତେକ କୁଲିବାଡାକେଦା ।

୧୧ ଗାଦେଲ୍ ହତ୍ତକ କାଜିରୁହାଡ଼କେଦା, “ନିଃ ଗାଲିଲ୍ରେୟାଃ ନାଜ୍ରେଡ଼ରେନ୍ ନାବୀ ଯୀଶୁ ତାନିଃ” ମେନ୍ତେକ କାଜିକେଦା ।

ୟୀଶୁ ମାନ୍ଦିର୍ ଅଡ଼ାଃରେ ସେନ୍ତାନାଏ

(ମାର୍କ ୧୧:୧୫-୧୯; ଲୁକ ୧୯:୪୫-୪୮; ଯୋହାନ୍ ୨:୧୩-୨୨)

୧୨ ଯୀଶୁ ମାନ୍ଦିର୍ ଅଡ଼ାଃରେ ବଲୟାନାଏ ଆତଃ ମାନ୍ଦିର୍ ଅଡ଼ାଃରେ ସବେନ୍ କିରିଙ୍ଗ୍ ଆଖିରିଙ୍ଗ୍ ତାନକକେ ହାର୍ ଅଡ଼ଙ୍ଗ୍କେଦକଆ ଆତଃ ପାଏସା ଭାଞ୍ଜାଅତାନକଆଃ ଟେବୁଲ୍କ, ଦୁଦୁମୁଲ୍କ ଆଖିରିଙ୍ଗ୍ତାନକଆଃ ଦୁବ୍ତେୟାଃ ଉଦୁରବାଟିକେଦାଏ, ୧୩ ଆତଃ ଇନିଃ ଇନ୍କୁକେ କାଜିୟାଦକଆଏ, “ଧାରାମ୍ପୁଥିରେ ନେଆଁ ଅଲ୍ୟାକାନା, ‘ଆଇୟାଃ ଅଡ଼ାଃ ବିନ୍ତ୍ରାଅଡ଼ାଃ ମେନ୍ତେ ନୁଡୁମଃଆ’ ମେନ୍ଦ୍ ଆପେ ନେଆଁକେ କୁମ୍ପୁଡୁଆଃ ତାଇନଃ ଠାୟାଦ୍ରେ ବାଇୟାକାଦା ।”

୧୪ ମେନ୍ଦ୍ କା ନେଲ୍ ଦାଡ଼ିତାନକ ଆତଃ କାଟା ଟୁଣ୍ଡାକାନକ ମାନ୍ଦିର୍ ଅଡ଼ାଃରେ ଇନିଃତାଃତେକ ହିଜୁରୟାନା ଆତଃ ଇନିଃ ଇନ୍କୁକେ ବୁଗିକେଦକଆଏ । ୧୫ ମେନ୍ଦ୍ ମୁଲ୍ ଯାଜାକକ ଆତଃ ଆଇନ୍ ଇତ୍ତକ ଇନିୟାଃ ଆକଦାନ୍ଦାଅକାମିକ ଆତଃ ମାନ୍ଦିର୍ ଅଡ଼ାଃରେ “ଦାଉଦ୍ଆଃ ହନ୍ ହୋଶାନ୍ନା” ମେନ୍ତେ ହନ୍କ କାଉରିତାନ୍ତେୟାଃ ନେଲ୍କେଦ୍ରେ ଖ୍ୱୟାନ୍କ, ୧୬ ଆତଃ କୁଲିକିୟାକ, “ଚିୟାଃ ଆମ୍ ଇନ୍କୁ କାଜିତାନ୍ତେୟାଃ ଆୟୁମେତାନାମ୍ଟି ?”

ଏନ୍ତେ ଯୀଶୁ ଇନ୍କୁକେ କାଜିରୁହାଡ଼ାଦକଆ, “ହେଗି ଆୟୁମ୍ତାନାଇଙ୍ଗ୍ । ଆପେ ଧାରାମ୍ପୁଥିରେ ଅଲ୍ୟାକାନ୍ତେୟାଃ ଚିଉଲ୍ୟାହ କାପେ ପାଡ଼ାଅଟି ? ‘ଆପେ ହନ୍କକେ ଆତଃ ହୁଡ଼ିଙ୍ଗ୍ ହନ୍କକେ ବୁଗିନ୍ ଜହାର୍ ନାଗେନ୍ତେ ଇତ୍ତକାଦକଆପେ ।”

୧୭ ଯୀଶୁ ଇନ୍କୁକେ ଯୀରୁଶାଲେମ୍ ବାଗିକେଦ୍ରେ ବେଅନ୍ଥା ନାଗାର୍ରେ ସେନଃୟାନା ଆତଃ ଏନ୍ତାଃରେ ମିଦ୍ନୁବଃ ତାଇନ୍ୟାନାଏ ।

ୟୀଶୁ ଲଆ ଦାରୁକେ ସାର୍‌ପାଅକେଦା

(ମାର୍କ ୧୧:୧୨-୧୪, ୨୦-୨୪)

^{୧୮} ସେତାଃ ଇଦାନରେ ଯୀରୁଶାଲେମ୍ ନାଗାର୍‌ତେ ସେନଃରୁହାଡ଼୍‌ତାନ ତାଇକେନ୍ ଇମ୍‌ତା ଯୀଶୁକେ ରେଞ୍ଚେଃକିୟା ।
^{୧୯} ହରାଗେନାରେ ମିଆଁଦ୍ ଲଆଦାରୁକେ ନେଲ୍‌କେଦ୍‌ତେ ଏନ୍ତାଃତେ ସେନ୍ ନାଡ଼େଃୟାନା, ମେନ୍‌ଦ ସାକାମ୍ ବାଗିକେଦ୍‌ତେ ଏନାରେ ଜେଡ଼ନାଃ କାଏ ନାମ୍‌କେଦା ଆତଃ କାଜିକେଦାଏ, “ଆମାଃତାଃରେ ଚିତ୍‌ଲାଅ ଆଲକା ଜଅଃକା” ଆତଃ ଲଆଦାରୁ ଇମ୍‌ତାଗି ରହଡ଼୍‌ୟାନା ।

^{୨୦} ଚେଲକ ନେଆଁ ନେଲ୍‌କେଦ୍‌ତେ ଆକ୍‌ଦାନ୍‌ଆୟାନାକ ଆତଃ କୁଲିକିୟାକ, “ଲଆଦାରୁ ଚିଲ୍‌କାତେ କାଜି ତର୍‌ସାଗି ରହଡ଼୍‌ୟାନା ?”

^{୨୧} ✧ୟୀଶୁ ଇନ୍‌କୁକେ କାଜିରୁହାଡ଼ାଦ୍‌କଆଏ, “ସାର୍‌ତିଗି କାଜିୟାପେ ତାନାଇଙ୍ଗ୍, ଆପେ ମନ୍‌ରେ କା ଆଡ଼ାଃଡ଼ଃକେଦ୍‌ତେ ପୁରାଃ ବିଶ୍ୱାସ୍‌ତାନଲଃ ନେ ଲଆଦାରୁକେ ଆଇଙ୍ଗ୍ ରିକାକାଦ୍‌ଲେକା, ଆପେୟ ଏନ୍‌ଲେକା ରିକାଦାଡ଼ିୟାପେ । ଆତଃ ନେଆଁକେ ଏସ୍‌କାର୍ କା ମେନ୍‌ଦ ବୁରୁକେହ୍ ‘ମାର୍ ବିରିଦ୍‌ମେ ଆତଃ ଦରେୟାରେ ଉୟୁଗଃମେ’ ମେନ୍ତେପେ କାଜିରେ ଏନା ଏନ୍‌ଲେକା ହବାଅଆଃ ।
^{୨୨} ଆତଃ ଆପେ ବିଶ୍ୱାସେରେଦ, ବିକ୍ରିତେ ଆସିତେୟାଃ ସବେନାଃପେ ନାମେୟା ।”

ୟୀଶୁଆଃ ଆକ୍‌ତେୟାର୍ ବିଷାଏରେ କୁନ୍‌ଲି

(ମାର୍କ ୧୧:୨୭-୩୩; ଲୁକ ୨୦:୧-୮)

^{୨୩} ଯୀଶୁ ମାନ୍‌ିର୍ ଅଡ଼ାଃରେ ବଲ୍‌କେଦ୍‌ତେ ଇଡୁତାନ୍ ତାଇକେନ୍ ଇମ୍‌ତାଗି ମୁଲ୍ ଯାଜାକ୍‌କ ଆତଃ ହଡ଼କଆଃ ପ୍ରାତିନ୍‌କ ଇନିଃତାଃତେକ ହିଜୁଃୟାନା ଆତଃ କୁଲିକିୟାକ, “ଆମ୍ ଅକ ଆକ୍‌ତେୟାର୍‌ତେ ନେଆଁକମ୍ କାମିତାନା ? ଆତଃ ଅକଏ ନେ ଆକ୍‌ତେୟାର୍ ଏମାକାଦ୍‌ମେୟାଏ ?”

^{୨୪} ଯୀଶୁ ଇନ୍‌କୁକେ କାଜିରୁହାଡ଼ାଦ୍‌କଆଏ, “ଆଇଙ୍ଗ୍‌ହ୍ ମିଆଁଦ୍ କାଜିଇଙ୍ଗ୍ କୁଲିପେୟା, ଏନାପେ ଉଦୁବାଇଙ୍ଗ୍‌ରେଦ ଆଇଙ୍ଗ୍ ଅକ ଆକ୍‌ତେୟାର୍ କାମିତାନାଇଙ୍ଗ୍ ଏନାଇଙ୍ଗ୍ ଉଦୁବାପେୟା ।

✧ ୨୧:୨୧ ୨୧:୨୧ ମାଥୂର ୧୭:୨୦; ୧ କରିକ୍ତିୟ ୧୩:୨.

୨୫ ଯୋହାନ୍, ବାପ୍ତିସ୍ମା ଏମ୍ ନାଗେନ୍ତେ ଅକ୍ତାଃଏତେ ଆକ୍ତେୟାର୍ ନାମାକାଦ୍ ତାଇକେନା ? ସିର୍ମାରେନ୍ ପାର୍ମେଶ୍ଵାର୍ତାଃଏତେ ତି ହଡକତାଃଏତେ ?”

ଆତଃ ଇନ୍କୁ ଆକ ଆକରେକ ଉଡ଼ୁକେଦା, “ଆବୁ, ‘ସିର୍ମାରେନ୍ ପାର୍ମେଶ୍ଵାର୍ତାଃଏତେ’ ମେନେରେଦ ଇନିଃ ‘ତିକାନାଙ୍ଗ୍ ଯୋହାନ୍ରେ କାପେ ବିଶ୍ଵାସ୍କେଦା’ ମେତାବୁଆଏ ? ୨୬ ମେନ୍ଦ ଆବୁ, ‘ହଡକତାଃଏତେ’ ମେନେରେଦ, ଗାଦେଲ୍ ହଡକତାଃଏତେ ବରମେନାଃ, ତିୟାଃତି ଯୋହାନ୍କେ ସବେନ୍ ହଡକ ନାବୀ ତାନିଃ ମେନ୍ତେକ ବିଶ୍ଵାସୀ ତାଇକେନା ।” ୨୭ ଏନାତେ ଇନ୍କୁ “ଆଲେ କାଲେ ସାରିୟା” ମେନ୍ତେ ଯୀଶୁକେକ କାଜିରୁହାଡ଼କ୍ରିୟା ।

ଏନ୍ତେ ଇନିଃ ଇନ୍କୁକେ ମେତାଦକଆ, “ଆଇଙ୍ଗ୍ ହ୍ ଅକ ପେଡ଼େଃତେ ଏନାକଇଙ୍ଗ୍ ରିକାତାନା, କାଇଙ୍ଗ୍ ଉଦୁବାପେୟା ।

ବାରିଆ ହନ୍କିନାଃ ଜନ୍କା କାଜି

୨୮ “ନେ ବିଷାଏରେ ଆପେ ତିନାଃପେ ଉଡ଼ୁକେଦାନା ? ଜେତାଏ ହଡରାଃ ବାରିଆ ହନ୍କିନ୍ ତାଇକେନା, ଆତଃ ମାରାଙ୍ଗ୍ନିଃତାଃତେ ସେନ୍କେଦ୍ତେ କାଜିକିୟାଏ, ‘ଏ ହନ୍, ଜୁ ତିସିଙ୍ଗ୍ ଆଇୟାଃ ଦାଖବାକ୍ଡ଼ିରେ କାମିମେ ।’ ୨୯ ଇନିଃ କାଜିକିୟାଏ, ‘ଆଇଙ୍ଗ୍ କେ କାମି କା ସାନାଙ୍ଗ୍ ତାନାଃ,’ ମେନ୍ଦ ତାୟମ୍ତେ ହେୟାତିଙ୍ଗ୍କେଦ୍ତେ ସେନଃୟାନାଏ । ୩୦ ଏନ୍ତେ ଆପୁତେ ହୁଡିଙ୍ଗ୍ ହନ୍କଡ଼ାତାଃତେ ସେନ୍କେଦ୍ତେ ଏନ୍ଲେକାଗି କାଜିକିୟାଏ, ଆତଃ ଇନିଃ ‘ହେଗି, ଆଇଙ୍ଗ୍ ସେନାଇଙ୍ଗ୍’ ମେନ୍ତେ କାଜିରୁହାଡ଼କ୍ରିୟାଏ, ମେନ୍ଦ ଇନିଃ କାଏ ସେନ୍ୟାନା । ୩୧ ଏନ୍ ବାରାନ୍କିନ୍ଏତେ ଅକଏ ଆପୁତେୟାଃ ମନେଲେକା କାମିକେଦାଏ ?”

ଇନ୍କୁ “ମାରାଙ୍ଗ୍ନିଃ,” ମେନ୍ତେକ କାଜିରୁହାଡ଼କ୍ରିୟା ।

ଯୀଶୁ ଇନ୍କୁକେ କାଜିୟାଦକଆ, “ସାର୍ତିଗିଙ୍ଗ୍ କାଜିୟାପେତାନା, ମାଲ୍ହାରମ୍ବକ ଆତଃ ବେଶ୍ୟାକ ଆପେଏତେ ସିଦାରେ ପାର୍ମେଶ୍ଵାର୍ଆଃ ରାଇଜରେକ ବଲତାନା । ୩୨ ☆ବାପ୍ତିସ୍ମା ଏମଃନିଃ ଯୋହାନ୍ଦ ଆପେତାଃ ଧାର୍ମାନ୍ ହରା ଉଦୁବ୍ ନାଗେନ୍ତେ ହିଜୁଃୟାନା ଆତଃ ଆପେ ଇନିଃରେ କାପେ ବିଶ୍ଵାସ୍କେଦା, ମେନ୍ଦ ମାଲ୍ହାରମ୍ବକ

☆ ୨୧:୩୨ ୨୧:୩୨ ଲୁକ ୩:୧୨; ୭:୨୯, ୩୦.

ଆତଃ ଆଣ୍ଡିଆପାଞ୍ଜିରକ ଇନିଃରେକ ବିଶ୍ୱାସକେଦା । ଆତଃ ଆପେ ନେଆଁ ନେଲକେଦରେହ୍, କାପେ ହେୟାତିଙ୍ଗକେଦା ଆତଃ ଇନିଃରେ କାପେ ବିଶ୍ୱାସକେଦା ।

ଦାଖ୍‌ବାକ୍ତିରାଃ କାରକାମି ହଡକଆଃ ଜନ୍‌କା କାଜି
(ମାର୍କ ୧୨:୧-୧୨; ଲୁକ ୨୦:୯-୧୯)

୩୩ “ୟାଶୁ କାଜିକେଦାଏ, ଏଟାଃ ଆତଃମିଆଁଦ୍ ଜନ୍‌କା କାଜି ଆୟୁମେପେ । ମିଆଁଦ୍ ଲୟଙ୍ଗ୍ ଗମ୍‌କେ ଦାଖ୍‌ବାକ୍ତି ବାଇକେଦାଏ ଆତଃ ଏନା କେସେଦ୍‌ବିୟୁରକେଦାଏ, ଘାନା ନାଗେନ୍ତେ ଗାତା ଉରକେଦାଏ, ଆତଃ ହରମେନ୍ତେ ମାଚେନ୍ ଅଡ଼ାଃ ବାଇକେଦାଏ, ଏନ୍ତେ ଇନିଃ ଦାଖ୍‌ବାକ୍ତି କାର୍ କାମିତାନ୍‌କକେ ଏମ୍‌କେଦ୍‌ତେ ସାଞ୍ଜିନ୍ ଦିଶୁମ୍‌ତେ ସେନଃୟାନାଏ । ୩୪ ଜ ଗଦଃ ସାହା ତେବାଃୟାନ୍‌ତି, ଦାଖ୍‌ବାକ୍ତିରେୟାଃ ଜ ନାମେ ନାଗେନ୍ତେ ଇନିଃ ଦାସିକକେ ଏନ୍ କାର୍ କାମିକତାଃତେ କୁଲକେଦକଆଏ । ୩୫ କାରକାମି ହଡକଦ୍ ଏନ୍ ଦାସିକକେ ସାବକେଦ୍‌ତେ ମିହୁଡ୍‌କେ ଦାଲ୍‌କିୟାକ, ଆତଃମିହୁଡ୍‌କେ ଗଏଃକିୟାକ, ଆତଃ ଏଟାଃ ମିହୁଡ୍‌କେ ଦିରି ଚିଦ୍‌ଗିକିୟାକ । ୩୬ ଏନ୍ତେ ଇନିଃ ସିଦାଏତେ ଆତଃଗି ଆଦ୍‌କା ଦାସିକକେ କୁଲକେଦକଆଏ, ଆତଃ କାରକାମି ହଡକ ଇନ୍‌କୁକେହ୍ ଏନ୍‌ଲେକାଗି ରିକାକେଦକଆକ । ୩୭ ଚୁଣ୍ଡୁରୁ, ଇନିଃ, ଆୟାଃ ହନ୍ତେକଡ଼ାକେ କାର୍ କାମିହଡକତାଃତେ କୁଲକିୟାଏ, ଆତଃ କାଜିକେଦାଏ, ‘ଇନ୍‌କୁ ହନିଙ୍ଗକଡ଼ାକେ ମାଇନିୟାକ ।’ ୩୮ ମେନ୍‌ଦ୍ କାରକାମି ହଡକ ଏନ୍ ହନ୍‌କେ ନେଲକେଦ୍‌ତେ, ମେପେନ୍‌ୟାନାକ, ‘ନିଃଗି ଏନ୍ ଗମ୍‌କେୟାଃ ହନ୍ ତାନିଃ, ଦଲାବୁ ଗଜିୟା ଆତଃ ଇନିୟାଃ ହାନାଟିଙ୍ଗ୍‌ବୁ ଇଦିୟା ।’ ୩୯ ଏନ୍ତେ ଇନ୍‌କୁ ଇନିଃକେ ଦାଖ୍‌ବାକ୍ତିଏତେ ସାବ୍‌ଅଡଙ୍ଗକିଃତେ ଗଏଃକିୟାକ ।

୪୦ “ନାହାଁଃଦ ଦାଖ୍‌ବାକ୍ତିରେନ୍ ଗମ୍‌କେ ହିଜୁଃରେ ଏନ୍ କାରକାମି ହଡକକେ ଚିନାଃଏ ଚିକାକଆ ?” ମେନ୍ତେ ଯାଶୁ କୁଲକେଦକଆଏ ।

୪୧ ଇନ୍‌କୁ କାଜିରୁହାଡ୍‌କିୟା, “ଇନିଃ ଏନ୍ ଏଡକାନ୍‌କକେ ପୁରାଃ ସାସାତିତେ ଗଏଃକଆ ଆତଃ ଦାଖ୍‌ବାକ୍ତି ଏଟାଃ କାରକାମି ହଡକକେ ଏମାକଆ, ଅକନ୍‌କଚି ଠିକ୍ ନେଡାରେ ଇନିଃକେ ଆୟାଃ ହିସାକ ଏମାଇୟା ।”

୪୨ ଯୁକ୍ତ ଇନ୍ଦ୍ରକୁଳେ ମେତାଦକଥା, “ନେଆଁ ଧାରାମ୍ପୁଥିରେ କା'ପେଟି ପାଢ଼ାଅକାଦା ?

“ଅଡ଼ାଃ ବାଈତାନକ ଆତମ୍ ଏଣ୍ଡାଗାକାନ ଦିରିକେ କରାଋଃ ଦିରିକ ବାଈକେଦା ।

ପ୍ରାଭୁ ଆଈଋକ୍ତି ନେଆଁକେ ବାଈୟାକାଦା

ଆଡ଼ଃ ଆବୁଆଃ ନେପେଲ୍ରେ ଆକ୍ଦାନ୍ଦାଅଗିୟା !”

୪୩ “ଏନା ନାଗେନ୍ତେ ପାର୍ମେଶ୍ଵାର୍ଆଃ ରାଈଜ୍ ଆପେଏତେ ରେଜଃଆ ଆଡ଼ଃ ଅକନ୍ ହଡ଼କ ପାର୍ମେଶ୍ଵାର୍ଆଃ ମନେ ଲେକା କାମିୟାଋକ ଇନ୍ଦ୍ରକୁଳେ ଏମଃଆ ।

୪୪ “ଏନ୍ ଦିରିରେ ଉୟୁଗଃନିଃ ଗୁଣ୍ଡାଅଃଆଏ ଆଡ଼ଃ ଏନା ଜେତାଏରେ ଉୟୁଗଃରେଦ ଇନିଃକେ ରିଦିୟାଏ ।”*

୪୫ ମୁଲ୍ ଯାଜାକ୍ ଆଡ଼ଃ ଫାରୁଣୀକ ଯୁକ୍ତାଃ ଜନ୍କା କାଜି ଆୟୁମକେଦ୍ତେ, ଇନିଃ ଆବୁକେ କାଜିୟାବୁତାନାଏ ମେନ୍ତେକ ଆର୍କାର୍କେଦା । ୪୬ ଏନାତେ ଇନ୍ଦ୍ରକୁ ଇନିଃକେ ସାସାବ୍ ସାନାଙ୍ଗ୍କେଦାକ, ମେନ୍ଦ ଇନ୍ଦ୍ରକୁ ଗାଦେଲ୍ ହଡ଼କକେ ବରକେଦକଥାକ, ଚିୟାଋତି ହଡ଼କ ଇନିଃକେ ନାବୀ ମେନ୍ତେକ ଆର୍କାରି ତାଈକେନା ।

୨୨

ଆଣ୍ଡି ଭୋଜିରେଆଃ ଜନ୍କା କାଜି (ଲୁକ ୧୪:୧୫-୨୪)

୧ ଯୁକ୍ତ ଆଡ଼ଃଗି ଜନ୍କା କାଜିତେ ହଡ଼କକେ କାଜିକେଦକଥା । ୨ “ସିମ୍ବା ରାଈଜ୍ ମିଆଁଦ୍ ନେ ଲେକାନାଃ ତାନାଃ । ମିଆଁଦ୍ ରାଜା ହଡ଼େକଡ଼ାରାଃ ଆଣ୍ଡିରେ ମାରାଙ୍ଗ୍ଜମେୟାଃ ବାଈକେଦାଏ । ୩ ଇନିଃ କେଡ଼ାକାନକକେ ଆଣ୍ଡି ଭୋଜି ଜଜମ୍ ନାଗେନ୍ତେ ହାକାଅ ନାଙ୍ଗ୍ ଆୟାଃ ଦାସିକକେ କୁଲ୍କେଦକଥାଏ ମେନ୍ଦ ଇନ୍ଦ୍ରକୁ ହିଜୁଃ କାକ ସାନାଙ୍ଗ୍କେଦା । ୪ ଇନିଃ ଏଗାଃ ଦାସିକକେ ନେଆଁ କାଜିକେଦ୍ତେ ଆଡ଼ଃମିସା କୁଲ୍କେଦକଥାଏ, ‘ଆଈଙ୍ଗ୍ ମାରାଙ୍ଗ୍ଜମେୟାଃ ବାଈୟାକାଦାଈଙ୍ଗ୍, ଆଈୟାଃ ମାପ୍ରାଙ୍ଗ୍

* ୨୧:୪୪ ୨୧:୪୪ ନେ ବାତାନ୍ ଚିମିନ୍ ମାରି ଅନଲ୍ରେ ବାନଆଃ

କିରିକାନ୍ ଜାଁତୁକ ମାଆଃକେଦତେ ସବେନାଃ ବାଇସେକାଡ଼ାକାନା,
 ଆଣ୍ଡି ଭୋଜି ଜଜମ୍ତେ ହିଜୁଃପେ ।^୫ ମେନ୍ଦ କେଡ଼ାକାନ୍କ
 ଜେତାଏ କାକ ଉଡ଼ୁକେଦତେ ଆକଆଃ କାଜିକାମିରେ
 ତାଇନ୍ୟାନାକ, ଚିମିନ୍କ ଆକଆଃ ଲୟଙ୍ଗ୍ତେ, ଆତଃ ଚିମିନ୍କ
 କିରିଙ୍ଗ୍ ଆଖିରିଙ୍ଗ୍ତେକ ସେନଃୟାନା ।^୬ ଏଟାଃକ ରାଜାରାଃ
 ଦାସିକକେ ସାବ୍କେଦତେ ଇନ୍କୁକେ ସାସାତିକେଦକଆକ ଆତଃ
 ଗଏଃକେଦକଆକ ।^୭ ରାଜା ନେଆଁ ଆୟୁମ୍କେଦତେ ଖୁସ୍ୟାନାଏ
 ଆତଃ ଆୟାଃ ସିପାଇକକେ କୁଲ୍କେଦତେ ଏନ୍ ଗଗଏଃକକେ
 ଜିୟନ୍କେଦକଆଏ ଆତଃ ଇନ୍କୁଆଃ ନାଗାରକେ ଅଣ୍ଡୁରକେଦା
 ।^୮ ଏନ୍ତେ ଏନ୍ ଆଣ୍ଡି ଗମ୍କେ ଦାସିକକେ କାଜିୟାଦକଆଏ,
 ‘ଆଣ୍ଡି ଜମେୟାଃ ବାଇୟାକାନା ମେନ୍ଦ କେଡ଼ାକାନ୍କ ଏନା
 ନାମେଲେକା କାକ ତାଇକେନା ।^୯ ଏନା ନାଗେନ୍ତେ ବାରିଆ ହରା
 ମେସାଅଃତାନତାଃ ସେନଃପେ ଆତଃ ଆପେ ନାମ୍ତାନ ସବେନ୍କକେ
 ଆଣ୍ଡି ଜମେୟାଃ ନାଗେନ୍ତେ ହାକାଅକପେ ।’^{୧୦} ଏନ୍ ଦାସିକ
 ହରାକରେ ସେନ୍କେଦତେ ଇନ୍କୁ ନାମ୍କେଦ ସବେନ୍ ଏଡ଼କାନ୍
 ଆତଃ ବୁଗିନ୍ ହଡ଼କକେ ହୁଣ୍ଡିକେଦକଆକ ଆତଃ ଆଣ୍ଡି ଅଡ଼ାଃ
 ହଡ଼ତେ ପେରେୟାନା ।

^{୧୧} “ରାଜା ଜଜମ୍କକେ ନେନେଲ୍ତେ ବଲୟାନ୍ ଇମ୍ତା,
 ଆଣ୍ଡି ଲିଜାଃ କା ତୁସିଙ୍ଗକାନ୍ ମିଆଁଦ୍ ହଡ଼କେ ନେଲ୍କିୟାଏ ।
^{୧୨} ଆତଃ ଇନିଃ କୁଲିକିୟାଏ, ‘ଏ ଗାତି, ଆମ୍ ଆଣ୍ଡି ଲିଜାଃ କା
 ତୁସିଙ୍ଗକେଦତେ ଚିଲ୍କାତେମ୍ ବଲଆକାନା ?’ ମେନ୍ଦ ଏନ୍ ହଡ଼
 ହାପାୟାନାଏ ।^{୧୩} ଏନ୍ତେ ରାଜା ଦାସିକକେ କାଜିକେଦକଆଏ,
 ‘ଆୟାଃ ତିଃଇ କାଟା ତଲ୍କେଦତେ ନୁବାଃରେ ହୁରାଙ୍ଗ୍ତାଇପେ,
 ଏନ୍ତାଃରେ ଇନିଃ ରାଆଃୟାଏ ଆତଃ ତାଟା ରିଦେୟାଏ ।’”

^{୧୪} ଆତଃ ଯୀଶୁ କାଜିଚୁଣ୍ଡୁକେଦାଏ, “ପୁରାଃକଦ ହାକାଅକାନା
 ମେନ୍ଦ ହୁଡ଼ିଙ୍ଗ୍ଲେକାକ ସାଲ୍ଲୀକାନା ।”

କାର୍ ପାଏସା ଏମ୍ରେୟାଃ ବିଷାଏରେ କୁନୁଲି
 (ମାର୍କ ୧୨:୧୩-୧୭; ଲୁକ ୨୦:୨୦-୨୬)

୧୫ ଏନ୍ତେ ଫାରୁଶୀକ ସେନାସକେଦତେ, ଆବୁ ଚିଲକାତେ ଯୀଶୁକେ ଆୟାଃ କାଜିତେବୁ ସାବିଆ, ମେନ୍ତେକ ରଜୋଟକେଦା । ୧୬ ଇନ୍କୁ ହେରୋଦ୍‌ଆଃ ହଡକଲଃ, ଆକଆଃ ତେଲକକେ ଯୀଶୁତାଃତେକ କୁଲକେଦକଆ ଆତଃ ଇନ୍କୁ ଯୀଶୁକେ କାଜିକିୟାକ, “ହେ ଗୁରୁ, ଆଲେ ସାରିତାନାଲେ, ଆମ୍ ସାର୍ତିଙ୍ଗ୍ ହଡ ତାନମେ ଆତଃ ପାରମେଶ୍ୱାର୍‌ଆଃ ସାର୍ତି ହରା ଇତୁଆଃମେ ଆତଃ ଜେତାଏକେ କାମ୍ ବରଞ୍ଜା, ଚିୟାଃଟି ଆମ୍ ହଡକଆଃ ମେଦମୁହାଡ୍ କାମ୍ ନେଲାଃ । ୧୭ ଆମ୍ ଆଲେକେ କାଜିୟାଲେମ୍, ଆମ୍ ଚିକ୍‌ନାଃମ୍ ଉଡ଼ୁତାନା ? କାଇସାର୍‌କେ ଆଇନ୍ ଲେକାତେ କାର୍ ପାଏସା ଏମଃ ଲାଗାଡିଙ୍ଗ୍‌ୟାଃ ଚି କାହା ?”

୧୮ ମେନ୍ଦ ଯୀଶୁ ଇନ୍କୁଆଃ ଏଡକାନାଃ ଆବ୍‌କାରକେଦତେ କାଜିୟାଦକଆଏ, “ହେ ବେଦାହଡକ ଚିନାଃ ମେନ୍ତେ ଆଇଙ୍ଗ୍‌କେ ଚିଟାଇଙ୍ଗ୍ ନାଗେନ୍ତେ ବିଡାଅତାନାପେ ? ୧୯ କାର୍ ପାଏସା ଏମ୍‌ରେୟାଃ ସିକା ମିଆଁଦ୍ ଏମାଇଙ୍ଗ୍‌ପେ ।”

ଏନ୍ତେ ଇନ୍କୁ ମୁସିଙ୍ଗ୍‌ରାଃ ନାଲା ସିକା ଇନିଃତାଃତେକ ଆଉକେଦା । ୨୦ ଆତଃ ଇନିଃ ଇନ୍କୁକେ କୁଲିକେଦକଆଏ, “ନେ ସିକାରେ ଅକଏୟାଃ ମୁରୁଡ୍ ଆତଃ ନୁଡୁମ୍ ମେନାଃ ?”

୨୧ ଇନ୍କୁ କାଜିକିୟାକ, “କାଇସାର୍‌ଆଃ,” ଏନ୍ତେ ଇନିଃ ଇନ୍କୁକେ ମେତାଦକଆ, “ଅକ୍‌ନାଃ କାଇସାର୍‌ଆଃ ଏନା କାଇସାର୍‌କେ ଏମାଇପେ, ଅକ୍‌ନାଃ ପାରମେଶ୍ୱାର୍‌ଆଃ ଏନା ପାରମେଶ୍ୱାର୍‌କେ ଏମାଇପେ ।”

୨୨ ଆତଃ ଇନ୍କୁ ନେଆଁ ଆୟୁମ୍‌କେଦତେ ହାଏକାବ୍‌ୟାନାକ ଆତଃ ଇନିଃକେ ବାଗିକେଦତେ ସେନାୟାନାକ ।

ହଡକଆଃ ଜୀଉବିନିରିଦ୍ ବିଷାଏରେ କୁନୁଲି
(ମାର୍କ ୧୨:୧୮-୨୭; ଲୁକ ୨୦:୨୭-୪୦)

୨୩ ☆ଏନ୍ ହୁଲାଙ୍ଗି ଚିମିନ୍ ସାଦୁକିକ ଯୀଶୁତାଃତେକ ହିଜୁଃୟାନା ଆତଃ ଇନ୍କୁ ଜୀଉବିନିରିଦ୍ ବାନଆଃ ମେନ୍ତେକ କାଜିତାଇକେନା । ୨୪ ଇନ୍କୁ କାଜିକିୟାକ, “ହେ ଗୁରୁ, ଜେତାଏ ହଡ ବେଗାର୍ ହନ୍‌ଗାଁଣାତେ ଗଜଃରେଦ, ହାଗାତେ ଇନିୟାଃ

☆ ୨୨:୨୩ ୨୨:୨୩ ପ୍ରେରିଡ୍ ୨୩:୮.

କୁଡ଼ିକେ ଆଶ୍ୱିୟାଃ ଲାଗାଡ଼ିଙ୍ଗିୟାଃ ଆଡ଼ଃ ଗଜାକାନ୍ ହାଗାଡେୟାଃ ନାଙ୍ଗ୍ ହନ୍‌ଗାଁଣା ହାରାକକାଏ ମେନ୍ତେ ମୁଣା ନାବୀ କାଜିକାଦା । ୨୫ ନେଲେମେ, ଆଲେତାଃରେ ସାଡ଼ ହାଗିୟା ତାଇକେନାକ ମାରାଙ୍ଗନିଃ ଆଶ୍ୱିକେଦ୍‌ତେ ବେଗାର୍ ହନ୍‌ଗାଁଣାତେ ଗଏଃୟାନାଏ, ଆଡ଼ଃ ଏନ୍ ରାଣ୍ଡିକୁଡ଼ିକେ ହାଗାଡେ ଆଶ୍ୱିୟାନାଏ । ୨୬ ଏନ୍‌ଲେକାଗି ଏଗାଃ ହାଗାଡେଲଃ ଆଡ଼ଃ ଆପିୟାନିଃଲଃ ହବାୟାନା, ତୁଣ୍ଡୁର ସାଡ଼ ହାଗିୟାକ ଇନିଃକେ ଆଶ୍ୱିୟାନାକ । ୨୭ ଆଡ଼ଃ ସବେନ୍‌କଆଃ ତାୟମ୍‌ତେ ଏନ୍ ରାଣ୍ଡି କୁଡ଼ିୟଗି ଗଏଃୟାନାଏ । ୨୮ ଏନ୍ତେ ଜୀଉବିନିରିଦ୍ ଇମ୍‌ତା ଏନ୍ କୁଡ଼ି ଅକଏୟାଃ କୁଡ଼ିତେ ହବାଅଃଆଏ ? ସବେନ୍‌କଦ ଇନିଃକେ ଆଶ୍ୱିୟାନାକ ।”

୨୯ ଯୀଶୁ ଇନ୍‌କୁକେ ମେତାଦ୍‌କଆ, “ଆପେ ଧାରାମ୍‌ପୁଥୁ ଆଡ଼ଃ ପାର୍‌ମେଶ୍ୱାର୍‌ଆଃ ପେଡ଼େଃ କାପେ ସାରିୟା ଏନା ନାଗେନ୍ତେପେ ଆଦାକାନା । ୩୦ ଜୀଉବିନିରିଦ୍‌କେଦ୍‌ତେ ଜେତାଏ କାକ ଆଶ୍ୱିନାଃ, ଚାଏ ଆଶ୍ୱି କାକ ଏମଃଆ, ମେନ୍‌ଦ ଇନ୍‌କୁ ସିର୍ମାରେନ୍ ଦୁଁଡ଼ଲେକାକ ତାଇନାଃ । ୩୧ ଆଡ଼ଃ ଗଜାକାନ୍‌କଆଃ ଜୀଉବିନିରିଦ୍ ବିଷାଏରେ ପାର୍‌ମେଶ୍ୱାର୍ କାଜିୟାକାଦ୍ କାଜିକେ କାପେଟି ପାଡ଼ାଅକାଦା ? ୩୨ ‘ଆଇଙ୍ଗ୍ ଆବ୍ରାହାମ୍‌ଆଃ ପାର୍‌ମେଶ୍ୱାର୍, ଇସାକ୍‌ଆଃ ପାର୍‌ମେଶ୍ୱାର୍ ଆଡ଼ଃ ଯାକୁବ୍‌ଆଃ ପାର୍‌ମେଶ୍ୱାର୍ ତାନିଙ୍ଗ୍ ।’ ଇନିଃ ଗଏଃକାନ୍‌କଆଃ ପାର୍‌ମେଶ୍ୱାର୍ ନାହାଁଲିଃ ମେନ୍‌ଦ ଜୀନିଦ୍‌କଆଃ ପାର୍‌ମେଶ୍ୱାର୍ ତାନିଃ ।”

୩୩ ଆଡ଼ଃ ଗାଦେଲ୍ ହଡ଼କ ନେଆଁ ଆୟୁମ୍‌କେଦ୍‌ତେ ଇନିୟାଃ ଇନିତୁତେ ହାଏକାଟ୍‌ୟାନାକ ।

ମାରାଙ୍ଗ୍ ଆନ୍‌ତୁ

(ମାର୍କ ୧୨:୨୮-୩୪; ଲୁକ ୧୦:୨୫-୨୮)

୩୪ ଯୀଶୁ ସାଦୁକିକକେ ହାପାକେଦ୍‌କଆଏ ମେନ୍ତେ ଫାରୁଶୀକ ଆୟୁମ୍‌କେଦ୍‌ଟି ହୁଣ୍ଡିୟାନାକ । ୩୫ ଆଡ଼ଃ ଇନ୍‌କୁଏତେ ମିଆଁଦ୍ ଆଇନ୍ ଇତୁନିଃ ଯୀଶୁକେ ଚିଟାଇ ନାଗେନ୍ତେ ବିଡ଼ାଅକିୟାଏ ଆଡ଼ଃ କୁଲିକିୟାଏ, ୩୬ “ହେ ଗୁରୁ, ମୁଗାରାଃ ଆଇନ୍‌ରେୟାଃ ମାରାଙ୍ଗ୍ ଆନ୍‌ତୁ ଅକନାଃ ତାନାଃ ?”

୩୭ ଯୀଶୁ ଇନିଃକେ କାଜିରୁହାଡ଼କିୟାଏ, “ଆମାଃ ସବେନ୍ ମନ୍ତେ, ଆମାଃ ସବେନ୍ ଜୀଉତେ ଆଡ଼ଃ ଆମାଃ ସବେନ୍ ମନ୍ତେ ପ୍ରାଭୁ ଆମାଃ ପାରମେଶ୍ଵାରକେ ଦୁଲ୍ଲାଡ଼ିମେ ।” ୩୮ ନେଆଁଗି ମାରାଙ୍ଗ୍ ଆଡ଼ଃ ପାହିଲା ଆନ୍ତୁ ତାନାଃ । ୩୯ ଆଡ଼ଃମିଆଁଦ୍ ମାରାଙ୍ଗ୍ ଆନ୍ତୁ ଏନ୍ଲେକାଗିୟା, “ଆମାଃ ହପର୍ଜାପାଃରେନିଃକେ ଆମାଃ ଲେକା ଦୁଲ୍ଲାଡ଼ିମେ ।” ୪୦ ☆ନେ ବାରିୟା ଆନ୍ତୁରେ ମୁଶାଋଃ ଆଇନ୍ ଆଡ଼ଃ ନାବୀକଆଃ ଇନିତୁରେ ଆସ୍ରାଏତାନା ।”

ଶ୍ରୀଷ୍ଟ ମାସି ତାନିଃ

(ମାର୍କ ୧୨:୩୫-୩୭; ଲୁକ ୨୦:୪୧-୪୪)

୪୧ ଫାରୁଶୀକ ହୁଣ୍ଡିୟାନ୍ ଇମ୍ତା ଯୀଶୁ ଇନ୍କୁକେ କୁଲିକେଦକଆଏ ? ୪୨ “ଆପେ ଶ୍ରୀଷ୍ଟଆଃ ବିଷାଏରେ ଚିନାଃପେ ଉଡ଼ୁତାନା ? ଇନିଃ ଅକଏୟାଃ ହନ୍ ତାନିଃ ?”

ଇନ୍କୁ କାଜିରୁହାଡ଼କିୟାକ, “ଦାଉଦ୍ ଆଃ ।”

୪୩ ଯୀଶୁ ଇନ୍କୁକେ କାଜିୟାଦକଆଏ, “ଦାଉଦ୍, ମାସିକେ ‘ଆଇଁୟାଃ ପ୍ରାଭୁ’ ମେନ୍ତେ ଚିନାଃମେନ୍ତେ ତାମ୍ କାଜିକିୟାଏ ? ଚିୟାଃଟି ପାବିତାର୍ ଆମାତେ ଇନିଃ ଅଲ୍ଲାକାଦାଏ,

୪୪ “ପ୍ରାଭୁ ଆଇଁୟାଃ ପ୍ରାଭୁକେ କାଜିକିୟା,
ଆଇଙ୍ଗ୍ ଆମାଃ ବାଇରିକକେ ଆମାଃ କାଟା ଲାତାର୍ରେ ଆଉରି
ଦହକ ଜାକେଦ୍
ଆମ୍ ଆଇଁୟାଃ ଜମ୍ତିସାଃରେ ଦୁବାକାନ୍ମେ ।”

୪୫ “ଦାଉଦ୍ ଶ୍ରୀଷ୍ଟକେ ‘ଆଇଁୟାଃ ପ୍ରାଭୁ’ ମେତାଇତାନ୍ରେଦ, ଇନିଃ ଚିଲ୍ଲକାତେ ଇନିୟାଃ ହନ୍ ତାନିଃ ?”

୪୬ ଆଡ଼ଃ ଜେତାଏ ମିଆଁଦ୍ କାଜିୟା ଯୀଶୁକେ କାକ କାଜିରୁହାଡ଼୍ ଦାଡ଼ିକେଦା, ଏନ୍ ହୁଲ୍ଲାଙ୍ଗ୍ ତାଃଏତେ ଜେତାଏ ଇନିଃକେ ଜେଡ଼ନାଃ କୁଲିନାଙ୍ଗ୍ କାକ ସାହାସ୍ କେଦା ।

☆ ୨୨:୪୦ ୨୨:୪୦ ଲୁକ ୧୦:୨୫-୨୮.

୨୩

ଆଇନ୍ ଇତୁକଆଃ ଆତଃ ଫାରୁଣୀକଆଃ ବିରୁଧରେ ଯୀଶୁଆଃ
ଚେତାଅ

(ମାର୍କ ୧୨:୩୮-୪୦; ଲୁକ ୧୧:୩୭-୪୨; ୨୦:୪୫-୪୭)

୧ ଏନ୍ତେ ଯୀଶୁ ଏନ୍ ଗାଦେଲ୍ ହଡକକେ ଆତଃ ଆୟାଃ ଚେଲାକକେ
କାଜିୟାଦକଆଏ, ୨ “ଆଇନ୍ ଇତୁକ ଆତଃ ଫାରୁଣୀକ ମୁଣାରାଃ
ଆଇନ୍ ଇତୁରାଃ ଆକ୍ତେୟାର ନାମାକାଦ୍ ଇନିତୁକ ତାନକ । ୩ ଏନା
ନାଗେନ୍ତେ, ଆପେ ନେଆଁ ମାନାତିଙ୍ଗପେ ମେନ୍ତେକ କାଜିରେଦ ଏନ୍
ସବେନାଃ ମାନାତିଙ୍ଗପେ, ମେନ୍ଦ ଇନ୍କୁଆଃ କାମିଲେକା ଆଲ୍ପେ
କାମିୟା, ଇନ୍କୁ କାଜିଦକ କାଜିୟା ମେନ୍ଦ କାକ କାମିୟାଃ ।
୪ ଇନ୍କୁ ଆକଆଃ ଇନିତୁକେ ହଡକଆଃ ତାରାନ୍ ଚେତାନ୍ରେ
ହାମ୍ବାଲ୍ତେୟାଃକ ଲାଦିତାନା, ମେନ୍ଦ ଇନ୍କୁ ଏନାକେ ଆକଆଃ
ମିଆଁଦ୍ ସାର୍ସାର୍ତେହ ଉଠାଅକେଦ୍ତେ ଗଅଃଇଦି ନାଙ୍ଗ୍ କାକ
ଦେଙ୍ଗାଃ । ୫ ହଡକ ଆଲେକେ ନେଲ୍ଲେକାକ ମେନ୍ତେ ଇନ୍କୁ
ଆକଆଃ ସବେନ୍ କାମିକ କାମିୟାଃ । ନେଲ୍ଲକପେ, ଇନ୍କୁଦ
ଧାରାମ୍ପୁଥିରେ ଅଲ୍ଲାନାନ୍ତେୟାଃ ଆକଆଃ ମଲ୍ଲକରେକ
ତଲେୟା ଆତଃ ଆକଆଃ ତୁସିଙ୍ଗ୍ ଲିଜାଃରେୟାଃ ଝାଲେରକେକ
ଜିଲିଙ୍ଗାଆଃ । ୬ ଆତଃ ଇନ୍କୁ ମାରାଙ୍ଗ୍ଜମେୟାଃତାଃରେ ଚେତାନ୍
ଠାୟାଦ୍ରେ ଆତଃ ସାମାଜ୍ ଅଡ଼ାଃକରେ ଆୟାର୍ରେ ଦୁଦ୍ନାଙ୍ଗ୍
ସୁକୁକଆ । ୭ ଆତଃ ଇନ୍କୁ ହଡକତାଃଏତେ ପିଟ୍ ପିଡ଼ିକରେ
ଜହାର୍ତେଲା ଆତଃ ‘ହେ ଗୁରୁ’ ମେନ୍ତେ କାଜିୟାଲେକାକ ନେଆଁ
ସୁକୁଆଃକ । ୮ ମେନ୍ଦ ଆପେ ‘ହେ ଗୁରୁ’ ମେନ୍ତେ ଆଲ୍ପେ ନୁତୁମଃଆ,
ଚିୟାଃଚି ଆପେୟାଃ ଇତୁନିଃଦ ମିଆଁଦ୍ଗିଆଏ, ଆତଃ ଆପେ
ସବେନ୍ଦ ହାଗା ତାନ୍ପେ । ୯ ଆତଃ ଅତେରେ ଜେତାଏକେ ‘ଆବା’
ମେନ୍ତେ ଆଲ୍ପେ କାଜିୟା, ଆପେୟାଃ ଆପୁଦ ମିଆଁଦ୍ଗିଆଏ ଆତଃ
ଇନିଃ ସିର୍ମାରେ ମେନାଲୟା । ୧୦ ଆତଃ ଆପେ ହଡକଆଃ ‘ଗମ୍ବେ’
ମେନ୍ତେ ଆଲ୍ପେ ନୁତୁମଃଆ, ଚିୟାଃଚି ଆପେୟାଃ ଗମ୍ବେଦ
ମିଆଁଦ୍ଗିଆଏ, ଇନିଃ ମାସି ତାନିଃ । ୧୧ ହଡକଆତଃ ଆପେୟାଃ ଆଲ୍ପାରେ
ସବେନ୍ଦଏତେ ମାରାଙ୍ଗ୍ନିଃ ଆପେୟାଃ ସୁସାର୍ନିଃ ହବାଅଃକାଏ ।

☆ ୨୩:୫ ୨୩:୫ ମାଥୁର ୭:୧. ☆ ୨୩:୧୧ ୨୩:୧୧ ମାଥୁର ୨୦:୨୭,୨୭; ମାର୍କ ୯:୩୫;
୧୦:୪୩,୪୪; ଲୁକ ୨୨:୨୭.

୧୨ ✨ଆଡ଼଼ ଜେତାଏ ଆପାନ୍‌କେ ମାରାଙ୍ଗ୍‌ୟେନ୍ ସାନାଙ୍ଗ୍‌ରେଦ ଇନିଃ ହୁଡ଼ିଙ୍ଗ୍‌ୟେନ୍‌କାଏ, ଆଡ଼଼ ଜେତାଏ ଆପାନ୍‌କେ ହୁଡ଼ିଙ୍ଗ୍‌ୟେନ୍‌ନିଃ, ମାରାଙ୍ଗ୍‌ୟେନ୍‌କାଏ ।

ୟାଣ୍ଟୁ ହସଡ଼ହଡ଼କକେ ସାଜାଇକେଦକଆଏ

(ମାର୍କ ୧୨:୪୦; ଲୁକ ୧୧:୩୯-୪୨, ୪୪, ୫୨; ୨୦:୪୭)

୧୩ “ଏ ହସଡ଼ ଆଇନ୍ ଇଡୁକ ଆଡ଼଼ ଫାରୁଣୀକ ଆପେୟାଃ ସାଜାଇ ପୁରାଃ ବରଞ୍ଜାନ୍‌ଗି ହବାଅଆଃ, ଆପେଦ ହଡ଼କଆଃ ସାମ୍‌ନାଙ୍ଗ୍‌ରେ ସିମ୍‌ ରାଇଜ୍‌ରେୟାଃ ଦୁଆର୍‌ପେ ହାଣ୍ଡେଦ୍ ତାନାଃ, ଆପେଦ ଆପେଗି ଏନାରେ କାପେ ବଲତାନା ଆଡ଼଼ ବଲ ସାନାଙ୍ଗ୍‌ତାନ୍‌କକେ କାପେ ବଲ ଇଚିକୁତାନା । ୧୪ ଏ ହସଡ଼ ଆଇନ୍ ଇଡୁକ ଆଡ଼଼ ଫାରୁଣୀକ ଆପେୟାଃ ସାଜାଇ ପୁରାଃ ବରଞ୍ଜାନ୍‌ଗି ହବାଅଆଃ, ଚିୟାଃଚି ଆପେ ବେଦାତେ ଜିଲିଙ୍ଗ୍ ଜିଲିଙ୍ଗ୍‌ଗି ବିନ୍ତିୟାପେ ଆଡ଼଼ ରାଣ୍ଡିକୁଡ଼ିକଆଃ ଅଡ଼଼ଃକ ଉଦେତାନାପେ, ଏନାମେନ୍ତେ ଆପେ ଆଦକା ସାଜାଇପେ ନାମେୟା ।* ”

୧୫ “ଏ ହସଡ଼ ଆଇନ୍ ଇଡୁକ ଆଡ଼଼ ଫାରୁଣୀକ ଆପେୟାଃ ସାଜାଇ ପୁରାଃ ବରଞ୍ଜାନ୍‌ଗି ହବାଅଆଃ, ଆପେଦ ମିଆଁଦ୍ ହଡ଼କେ ଯିହୁଦୀ ଧାରାମ୍‌ରେ ମେସାଇ ନାଗେନ୍ତେ ଦରେୟା ଆଡ଼଼ ଗଟା ଅତେଦିଶ୍ଟମ୍‌ପେ ହନରତାନା, ଆଡ଼଼ ଚିମ୍‌ତାଙ୍ଗ୍ ଇନିଃ ଯିହୁଦୀ ଧାରାମ୍‌ରେ ମେସାୟାନ୍‌ରେ, ଆପେଏତେ ବାର୍‌ଗୁନା ଇମ୍‌ନାଙ୍ଗ୍ ନାରାକ୍‌ରେ ସାଜାଇ ନାମେ ନାଗେନ୍ତେପେ ଦେଙ୍ଗାଇତାନା ।

୧୬ “ଆନ୍ଧା ହରା ଆୟାର୍‌ଇଦିକ ଆପେୟାଃ ସାଜାଇ ପୁରାଃ ବରଞ୍ଜାନ୍‌ଗି ହବାଅଆଃ, ‘ଜେତାଏ ମାନ୍‌ଦିର୍ ଅଡ଼଼ଃରେୟାଃ କିରିୟାଏରେଦ ଇନିଃ ମାନାଡ଼ିଙ୍ଗ୍ ନାଗେନ୍ତେ କାଏ ତଲିଆ ମେନ୍‌ଦ ଜେତାଏ ମାନ୍‌ଦିର୍ ଅଡ଼଼ଃରେୟାଃ ସୋନାରାଃ କିରିୟା ଜମେରେଦ ଇନିଃକେ ଏନା ମାନାଡ଼ିଙ୍ଗ୍ ଲାଗାଡ଼ିଙ୍ଗ୍‌ୟାଃ ।’ ୧୭ ଏ କା ନେଲ୍ ଦାଡ଼ିତାନ୍ ଡ଼ଣ୍ଡକ, ସୋନା ମାରାଙ୍ଗ୍ ଚି ସୋନାକେ ପାବିତାରକାଦ୍ ମାନ୍‌ଦିର୍ ଅଡ଼଼ଃ ମାରାଙ୍ଗ୍ ତାନାଃ ? ୧୮ ଆଡ଼଼଼ଗି ଇଡୁଆଃପେ, ‘ଜେତାଏ ବେଦିରାଃ କିରିୟାଏରେଦ ଇନିଃକେ ଏନା ମାନାଡ଼ିଙ୍ଗ୍ ନାଗେନ୍ତେ କା ଲାଗାଡ଼ିଙ୍ଗ୍‌ୟାଃ, ମେନ୍‌ଦ ଜେତାଏ

✨ ୨୩:୧୨ ୨୩:୧୨ ଲୁକ ୧୪:୧୧; ୧୮:୧୪.

* ୨୩:୧୪ ୨୩:୧୪ ନେ ବାଚାନ୍ ଚିମିନ୍ ମାରି ଅନଲ୍‌ରେ ବାନଆଃ

ଏନାରେ ରାକାବାକାନ୍ ଦାନ୍‌ରାଃ କିରିୟାଏରେଦ ଇନିଃକେ ଏନା ମାନାତିଙ୍ଗ୍ ଲାଗାତିଙ୍ଗ୍‌ୟାଃ ।^{୧୯} ଏ ମେନ୍ଦ୍ କା ନେଲ୍ ଦାଡ଼ିତାନ୍ ହଡ଼କ ଆପେୟାଃ ସାଜାଇ ପୁରାଃ ବରଝାନ୍‌ଗି ହବାଅଆଃ, ଏନ୍ ଦାନ୍ ମାରାଙ୍ଗ୍‌ଆଁତି ଦାନ୍‌କେ ପାବିତାର୍ ରିକାଏତାନ୍ ଏନ୍ ବେଦି ମାରାଙ୍ଗ୍‌ଆଁ, ନେ ବାରାନାଃରେ ଅକ୍‌ନାଃ ମାରାଙ୍ଗ୍‌ଆଁ ?^{୨୦} ନେଆଁମେନ୍ତେ ଜେତାଏ ବେଦିରେୟାଃ କିରିୟାଏରେଦ, ଇନିଃ ଏନାରେୟାଃ ଆତଃ ଏନାରେ ରାକାବାକାନ୍‌ତେୟାଃ ସବେନାଃରାଃ କିରିୟାଏତାନା ।^{୨୧} ଜେତାଏ ମାନ୍‌ିର୍ ଅଡ଼ାଃରାଃ କିରିୟାଏରେଦ ଇନିଃ ଏନାରେୟାଃ ଆତଃ ଏନାରେ ତାଇନଃତାନ୍ ପାର୍‌ମେଶ୍ୱାର୍‌ଆଃ କିରିୟାଏତାନା ।^{୨୨} *ଆତଃ ଜେତାଏ ସିର୍ମାରେୟାଃ କିରିୟାଏରେଦ ଇନିଃ ପାର୍‌ମେଶ୍ୱାର୍‌ଆଃ ରାଜ୍‌ଗାଦିରେୟାଃ ଆତଃ ଏନାରେ ଦୁବାକାନ୍ ପାର୍‌ମେଶ୍ୱାର୍‌ଆଃ ନୁଡୁମ୍‌ରେ କିରିୟାଏତାନା ।

^{୨୩} “ଏ ହସଡ଼ ଆଇନ୍ ଇଡୁକ ଆତଃ ଫାରୁଶୀକ ଆପେୟାଃ ସାଜାଇ ପୁରାଃ ବରଝାନ୍‌ଗି ହବାଅଆଃ, ଆପେଦ ପୁଦ୍‌ନା, ପାନ୍‌ମୁହୁରି ଆତଃ ଜୀରାଃରାଃ ଗେଲ୍ ହାନାଟିଙ୍ଗ୍ ପାର୍‌ମେଶ୍ୱାର୍‌କେପେ ଏମାଇତାନା, ମେନ୍ଦ୍ ମୁଶାରାଃ ଆନ୍‌ତୁରେୟାଃ ମାରାଙ୍ଗ୍‌କାଜି, ନ୍ୟାୟ ବିଚାର୍, ଲିବୁଇ ଆତଃ ପାତିୟାର୍‌ରଃ ଲେକାନ୍ କାଜିକେ ବାଗିୟାକାଦାପେ, ମେନ୍ଦ୍ ଏଟାଃତେୟାଃକକେ କା ବାଗିକେଦ୍‌ତେ ନେ ସବେନାଃକେ ମାନାତିଙ୍ଗ୍ ଲାଗାତିଙ୍ଗ୍‌ୟାଃ ।^{୨୪} ଏ କାଣାଁ ହରା ଆୟାର୍‌ଇଦିକ, ଆପେଦ ସିକିଶ୍‌କପେ ଛାନାଅତାନା ଆତଃ ଉର୍‌କପେ ଉଦ୍‌କତାନା ।

^{୨୫} “ଏ ହସଡ଼ ଆଇନ୍ ଇଡୁକ ଆତଃ ଫାରୁଶୀକ ଆପେୟାଃ ସାଜାଇ ପୁରାଃ ବରଝାନ୍‌ଗି ହବାଅଆଃ, ଚିୟାଃତି ଆପେଦ ତୁବ୍‌ନି ଆତଃ ଆଡ଼ିରାଃ ବାହାରିକପେ ଗାସାର୍ ଆବୁଙ୍ଗ୍ ତାନା । ମେନ୍ଦ୍ ଏନାରେୟାଃ ଭିତାର୍ ହିସ୍‌ଜା ଆତଃ ଏଡ଼କାନାଃ ପେରେଜାକାନା ।^{୨୬} ହେ କାଣାଁ ଫାରୁଶୀକ ସିଦାତେ ତୁବ୍‌ନି ଆତଃ ଆଡ଼ିରାଃ ଭିତାର୍ ଆବୁଙ୍ଗ୍‌ଗାସାରେପେ ଏନ୍ତେ ଏନାରେୟାଃ ବାହାରିହିଁ ଆବୁଙ୍ଗ୍‌ଗାସାରିଆ ।

^{୨୭} *ହେ ହସଡ଼ ଆଇନ୍ ଇଡୁକ ଆତଃ ଫାରୁଶୀକ, ଆପେୟାଃ ସାଜାଇ ପୁରାଃ ବରଝାନ୍‌ଗି ହବାଅଆଃ, ଆପେ ତୁନାତେ ଜଲ୍‌ମାକାନ୍

କାବାର ଲେକାନ୍ କ ତାନ୍ଦେ, ଏନା ବାହାରି ନେପେଲ୍ରେଦ ପୁରାଃ ବୁଗିନ୍‌ଗି ନେଲଃତାନା ମେନ୍‌ଦ ଏନାରେୟାଃ ଭିତାରରେ ଗଜାକାନ୍‌କଆଃ ଜାଙ୍ଗକ ଆତଃ ସବେନାଃ କା ଫାର୍‌ତିତେ ପେରେଜାକାନା । ୨୮ ନେ ଲେକାତେ ଆପେ ବାହାରି ନେପେଲ୍ରେ ହଡକଆଃ ସାମ୍‌ନାଙ୍ଗ୍ରେ ଧାର୍‌ମାନ୍‌ଗିପେ ନେଲଆଃ ମେନ୍‌ଦ ମନ୍ ଭିତାରରେ ବେଦାତେ ଆତଃ ଏଡକାନ୍‌ତେ ପେରେଜାକାନା ।

ୟୀଶୁ ଇନ୍‌କୁଆଃ ସାଜାଇକେ ଆୟାର୍‌କାଜି କାଜିକେଦାଏ (ଲୁକ ୧୧:୪୭-୫୧)

୨୯ “ଏ ହସଡ ଆଇନ୍ ଇତୁକ ଆତଃ ଫାରୁଣୀକ ଆପେୟାଃ ସାଜାଇ ପୁରାଃ ବରଝାନ୍‌ଗି ହବାଅଆଃ, ଆପେଦ ନାବୀକଆଃ ନାଗେନ୍ତେ ବୁଗିନ୍ କାବାର ବାଇକେଦ୍‌ତେ ଧାର୍‌ମାନ୍‌କଆଃ ତପାଗାଡ଼ାରେ ନୁଡୁମ୍ ଅଲ୍ୟାକାନ୍ ଖୁଣ୍ଟୁକେପେ ସିଙ୍ଗରାଅ ତାନା । ୩୦ ଆତଃ କାଜିତାନାପେ, ‘ଆରୁ ଆରୁଆଃ ହାଡ଼ାମ୍‌କଆଃ ଦିପିଲିରେବୁ ତାଇନ୍‌କାନ୍‌ରେ, ଆରୁ ଇନ୍‌କୁ ଲେକା କାରୁ କାମିକାଦ୍‌ତେୟାଃ ଆତଃ ନାବୀକଆଃ ଗନ୍‌ଏଃ ମାୟେମ୍ ଲିଙ୍ଗିରେ ଇନ୍‌କୁଲଃ କାରୁ ମେସାକାନ୍‌ତେୟାଃ ।’ ୩୧ ନେଆଁତେ ଆପେଗି ନାବୀକକେ ଗଏଃକେନ୍‌କଆଃ କିଲିକ ତାନ୍‌ପେ ମେନ୍ତେ ଆପେୟାଃ ନାଗେନ୍ତେ ଗାଝାପେ ଏମ୍‌ତାନା । ୩୨ ଆପେଗି ହାଡ଼ାମ୍‌କଆଃ ପାପ୍‌ରାଃ ସସଙ୍ଗ୍‌ତେୟାଃ ପେରେଜେପେ । ୩୩ ☆ଏ ବିଙ୍ଗକ, ଆପେ ବିଙ୍ଗକଆଃ ହନ୍‌କ ! ଆପେ ନାରାକ୍‌ରେୟାଃ ସାଜାଇଏତେ ଚିଲ୍‌କାପେ ବାଞ୍ଛାଅଆ ? ୩୪ ଏନାମେନ୍ତେ ଆଇଙ୍ଗ୍ ଆପେତାଃତେ ନାବୀକ, ସେଣ୍‌ନ୍‌କ, ଆତଃ ଇତୁକକେ କୁଲ୍‌କତାନାଇଙ୍ଗ୍, ଆତଃ ଆପେ ଇନ୍‌କୁଏତେ ଚିମିନ୍‌କକେ ଗଏଃକଆପେ ଆତଃ କୁଶ୍‌ରେପେ କିଲାକଆ ଆତଃ ଏଗାଃକକେ ଆପେୟାଃ ସାମାଜ୍ ଅଡ଼ାଃକରେପେ ହ୍ୱାଣ୍‌ସାକଆ ଆତଃ ସାହାର୍ ସାହାର୍‌ଏତେ ହାର୍‌କତାନ୍‌ଲଃ ସିଗିଦ୍‌କଆପେ । ୩୫ ଆତଃ ନେ ଲେକାତେ ଧାର୍‌ମାନ୍ ହାବିଲ୍‌କେ ଗଏଃକିଃତାଃଏତେ ମାନ୍‌ଦିରରେୟାଃ ପାବିତାର୍ ଠାୟାଦ୍ ଆତଃ ଦାଣ୍‌ରାକାବ୍ ବେଦିରାଃ ଆଲାମାଲ୍‌ରେ ଆପେ ଗଏଃକିଃ ବେର୍‌ଖ୍‌ୟଆଃ ହନ୍ତେକଡ଼ା ଜିଖ୍‌ରିୟା ଜାକେଦ୍ ଆତଃ ଅତେଦିଶ୍‌ମ୍‌ରେନ୍ ଧାର୍‌ମାନ୍ ହଡକକେ ଗଏଃକେଦ୍‌କ ନାଗେନ୍ତେ

☆ ୨୩:୩୩ ୨୩:୩୩ ମାଥୁର ୩:୭; ୧୨:୩୪; ଲୁକ ୩:୭.

ଆପେ ସାଜାଇପେ ନାମେୟା । ^{୩୬} ସାର୍ତ୍ତିଗିଙ୍ଗ କାଜିୟାପେତାନା,
ନେ ସବେନ୍ ହଡ଼ଗଏଃକଆଃ ସାଜାଇ ନେ ଦିପିଲିରେନ୍ ହଡ଼କକେ
ନାମଃଆ ।

ଯୀରୁଶାଲେମ୍ ନାଙ୍ଗ ଯୀଶୁଆଃ ଦୁଲାଡ଼୍
(ଲୁକ ୧୩:୩୪-୩୫)

^{୩୭} “ହେ ଯୀରୁଶାଲେମ୍, ହେ ଯୀରୁଶାଲେମ୍, ଆମ୍ ନାବୀକକେମ୍
ଗଏଃକେଦକଆ ଆତଃ ଆମ୍ତାଃତେ କୁଲକାନ୍କକେ ତିଦ୍ଗିଗଏଃ
କେଦକଆମ୍, ଏଙ୍ଗସିମ୍ ଆୟାଃ ହନ୍କକେ ଆପ୍ତରବ୍ ଲାତାରରେ
ଆବ୍ରୁମ୍ ତପାକତାନ୍ଲେକା ତିମିନ୍ସା ଆଇଙ୍ଗ୍ ଆମାଃ ହନ୍କକେ
ହୁଣ୍ଡିସାନାଙ୍ଗକେଦାଇଙ୍ଗ୍, ମେନ୍ଦ ଆପେ କାପେ ସାନାଙ୍ଗକେଦାଃ
। ^{୩୮} ନେଲେପେ, ଆପେୟାଃ ମାନ୍ଦିର୍ ଆପେତାଃରେ ହାଦୁଡ଼ନାଙ୍ଗ୍
ବାଗିୟଃତାନା । ^{୩୯} ତିୟାଃତି ଆଇଙ୍ଗ୍ ଆପେକେ କାଜିୟାପେ
ତାନାଙ୍ଗ୍, ‘ପ୍ରାଭୁଆଃ ନୁତୁମ୍ତେ ହିଜୁଃତାନ୍ନିଃକେ ପାର୍ମେଶ୍ଵାର୍
ଆଶିଷ୍ ଏମାଇକଏ’ ମେନ୍ତେ ଆପେ ଆଉରି କାଜି ଜାକେଦ୍
ନାହାଁଏତେ ଆତଃ ଆଇଙ୍ଗକେ କାପେ ନେଲିୟାଃ ।”

୨୪

ୟୀଶୁ ମାନ୍ଦିର୍ଅଡ଼ାଃ ହାଦୁଡ଼ରେୟାଃ କାଜି ଉଦୁବକେଦା
(ମାର୍କ ୧୩:୧-୩୧; ଲୁକ ୨୧:୫-୩୩)

^୧ ଯୀଶୁ ମାନ୍ଦିର୍ ଅଡ଼ାଃଏତେ ଅଡ଼ଙ୍ଗକେଦତେ
ସେନଃତାନ୍ ଦିପିଲିରେ ଆୟାଃ ତେଲାଇ, ମାନ୍ଦିର୍ ଅଡ଼ାଃରେ
ବାଇୟାକାନ୍ତେୟାଃ, ଆତଃ ମାପ୍ତରାଙ୍ଗ୍ ଅଡ଼ାଃକ ଉଦୁବାଇ
ନାଗେନ୍ତେକ ହିଜୁଃୟାନା । ^୨ ମେନ୍ଦ ଯୀଶୁ ଇନ୍କୁକେ ମେତାଦକଆ,
“ଆପେ ତିନାଃ ଏନ୍ ସବେନାଃ କାପେ ନେଲେତାନା ? ସାର୍ତ୍ତିଗିଙ୍ଗ
କାଜିୟାପେତାନା, ଏନାରେ ଦିରି ତେତାନ୍ ଦିରି ତିରିୟାକାନ୍ କା
ତାଇନା, ସବେନାଃ ହାଦୁଡ଼ଆ ।”

ଦୁକୁ ଆତଃ ସାସାତି
(ମାର୍କ ୧୩:୩-୧୩; ଲୁକ ୨୧:୭-୧୯)

^୩ ଯୀଶୁ ଜାଇତୁନ୍ ବୁରୁରେ ଦୁବାକାନ୍ ତାଇକେନ୍ ଇମ୍ତା ତେଲାଇ
ଏସ୍ଵାକ୍ରେ ଇନିଃତାଃତେକ ହିଜୁଃୟାନା ଆତଃ କୁଲିକିୟାକ,

“ଆଲେକେ ଉଦୁବାଲେମେ ନେ ସବେନାଃ ଚିଉଲ୍ଲା ହବାଅଃଆ ଆଡଃ
ଆମାଃ ହିଜୁଃରେୟାଃ ଚିହ୍ନାଁ ଚିନାଃ ତାନାଃ ଆଡଃ ଅଡେଦିଶୁମ୍ରେୟାଃ
ଚୁଣ୍ଡୁ ଦିପିଲି ଚିଉଲ୍ଲା ହବାଅଆଃ ?”

୪ ଯୀଶୁ କାଜିରୁହାଡ଼କେଦକଆଏ, “ଚିର୍ଗାଲାକାନପେ,
ଜେତାଏ ଆଲକାକ ବେଦାପେକା । ୫ ଚିୟାଃଚି ପୁରାଃ ହଡ଼କଦ
ଆଇଁୟାଃ ନୁଡୁମ୍ତେକ ହିଜୁଃଆ ଆଡଃ ‘ଆଇଙ୍ଗ୍ ଖ୍ରୀଷ୍ଟ୍ ତାନିଙ୍ଗ୍’
ମେନ୍ତେକ କାଜିୟା ଆଡଃ ପୁରାଃକକେ ବେଦାକଆକ ।
୬ ଆପେ ମାପାଃତୁପୁଇଙ୍ଗ୍ ଆଡଃ ମାପାଃତୁପୁଇଙ୍ଗ୍‌ରାଃ କାଜିପେ
ଆୟୁମେରେଦ, ଚିର୍ଗାଲାକାନପେ, ବରତେ ଆଲ୍‌ପେ ଆକ୍‌ବାକାଅଆଃ
। ନେଆଁ ସବେନାଃଦ ହବାଅଃଗି ଲାଗାତିୟାଃ, ମେନଦ ଏନ୍ ଦିପିଲିହ
ଚୁଣ୍ଡୁ ନୁହାଁଲାଃ । ୭ ଚିୟାଃଚି ଦିଶୁମ୍ ବିରୁଧରେ ଦିଶୁମ୍ ଆଡଃ ରାଇଜ୍
ବିରୁଧରେ ରାଇଜ୍ ଲାଡ଼ାଇ ହବାଅଆଃ, ସବେନ୍ ଠାୟାଦରେ ଅଡେ
ଏକଲାଅଃଆ ଆଡଃ ରିଙ୍ଗାଅଃଆ । ୮ ମେନଦ ନେ ସବେନାଃ ହନ୍
ଜାନାମାଃ ଇମ୍‌ତାରାଃ ଦୁକୁରେୟାଃ ଏନେଟେଦ୍ ଲେକାନାଃ ତାନାଃ ।

୯ ☆ “ଏନ୍ତେ ଇନ୍‌କୁ ଆପେକେ ସାସାତିପେ ନାଗେନ୍ତେକ ଜିମାପେୟା
ଆଡଃକ ଗଏଃପେୟା, ଆଡଃ ଆପେ ଆଇଙ୍ଗ୍‌ତାଃରେ ପାତିୟାରକାଦ୍
ନାଗେନ୍ତେ ସବେନ୍ ହଡ଼କ ଆପେକେକ ହିଲାଙ୍ଗ୍‌ପେୟା । ୧୦ ଏନ୍
ଦିପିଲିରେ ପୁରାଃ ହଡ଼କ ଆକଆଃ ବିଶ୍ୱାସକ ଆଦେୟା, ଆଡଃ
ଆକ ଆକଗି ମିହୁଡ଼୍ ଆଡଃମିହୁଡ଼୍‌କେ ଏମ୍‌ଏଣ୍ଡାଗିୟାକ ଆଡଃ
ହିଲାଙ୍ଗ୍‌କଆକ । ୧୧ ଆଡଃ ପୁରାଃ ହସଡ଼ ନାବାକ ହିଜୁଃଆ ଆଡଃ
ଇନ୍‌କୁ ପୁରାଃ ହଡ଼କକେ ବେଦାକଆକ । ୧୨ ଚିୟାଃଚି ଏଡ଼କାନ୍
ନିତିରୟାନ୍ ନାଗେନ୍ତେ ପାର୍‌ମେଶ୍ୱାର୍‌ଆଃ ନାଙ୍ଗ୍ ପୁରାଃ ହଡ଼କଆଃ
ଦୁଲାଡ଼ ହୁଡ଼ିଙ୍ଗ୍‌କଦିୟାଃଆ । ୧୩ ☆ ମେନଦ ଜେତାଏ ଚୁଣ୍ଡୁ ଜାକେଦ୍
ସାହାତିଙ୍ଗ୍‌ତାନ୍‌ଲଃ ଡିଙ୍ଗୁ କେଟେୟାକାନ୍ ତାଇନ୍‌ରେଦ ବାଞ୍ଛାଅଃଆଏ
। ୧୪ ଆଡଃ ପାର୍‌ମେଶ୍ୱାର୍‌ଆଃ ରାଇଜ୍ ବିଷାଏରେ ନେ ସୁକୁକାଜି
ଏଟାଃ ଏଟାଃ ଜାଗାର୍‌ତାନ୍ ସବେନ୍ ହଡ଼କଆଃ ଗାଞ୍ଜା ନାଗେନ୍ତେ, ଗଟା
ଅଡେଦିଶୁମ୍ରେ ଉଦୁବଃଆ ଆଡଃ ଏନ୍ତେ ଚୁଣ୍ଡୁଆ ।

☆ ୨୪:୯ ୨୪:୯ ମାଥୁର ୧୦:୨୨. ☆ ୨୪:୧୩ ୨୪:୧୩ ମାଥୁର ୧୦:୨୨.

ୟୀଶୁ ଏନ୍ ଅଡ଼େଜଃ ପୁରାଃ ସତ୍‌ରା ବିଷାଏରେ ଉଦୁବେତାନା
(ମାର୍କ ୧୩:୧୪-୨୩; ଲୁକ ୨୧:୨୦-୨୪)

୧୫ “ଆପେ ଚିମ୍ତା ଏନ୍ ‘ଅଡ଼େଜଃ ସତ୍‌ରାକାନ୍‌ନିଃ’ ମାନ୍‌ିର୍ ଅଡ଼ାଃରାଃ ପାବିତାର୍ ଠାୟାଦ୍‌ରେ ତିଙ୍ଗୁଆକାନ୍‌ପେ ନେଲିୟା,” ନେ କାଜି ଅକ୍‌ନାଃଟି ଦାନିୟେଲ୍ ନାବୀ କାଜିକାଦାଏ, ପାଢ଼ାଅନିଃ ନେଆଁରାଃ ମୁଣ୍ଡି ଆଟ୍‌କାର୍‌ଉରୁମେକାଏ । ୧୬ “ଇମ୍‌ତା ଯିହୁଦା ପାର୍‌ଗାନ୍‌ରେ ତାଇନଃତାନ୍‌କ ବୁରୁତେକ ନିର୍‌ତେବାଃକା । ୧୭ *ଅକ ହତ୍‌ ଆୟାଃ ଅଡ଼ାଃ ସାଡ଼୍‌ମିରେ ମେନାଇୟାଃ ଇନିଃ ଆୟାଃ ଜେଡ଼୍‌ନାଃ ଇଦିମେନ୍ତେ ଅଡ଼ାଃଏତେ ଆଲକାଏ ଆଡ଼୍‌ଗୁଃକା । ୧୮ ଆଡ଼ଃ ପିଡ଼ି ଲୟଙ୍ଗ୍‌ରେ ମେନାଇନିଃ ଆୟାଃ ଲିଜାଃ ଇଦି ନାଗେନ୍ତେ ଆଲକାଏ ରୁହାଡ଼୍‌କା । ୧୯ ମେନ୍‌ଦ ଏନ୍ ଦିପିଲିରେନ୍ ବାଜିଆକାନ୍‌* କୁଡ଼ିକଆଃ ଆଡ଼ଃ ତଆ ନୁନୁଆକତାନ୍ ଏଙ୍ଗାକଆଃ ନାଗେନ୍ତେ ଚିମିନ୍ ବରଞ୍ଜାନ୍‌ଗି ଦୁକୁ ହବାଅଆଃ । ୨୦ ଆପେ ନିର୍‌ସେନଃ ନାଗେନ୍ତେ ରାବାଙ୍ଗ୍‌ସାହା ଚାଏ ରୁଡ଼୍‌ନୁ ହୁଲାଙ୍ଗ୍ ଆଲକା ହବାଅଆକା ମେନ୍ତେ ଆପେୟାଃ ପାର୍‌ମେଶ୍‌ବାର୍‌ତାଃରେ ବିକ୍ତିପେ । ୨୧ *ଚିୟାଃଟି ଏନ୍ ଦିପିଲିରେଦ ମାରାଙ୍ଗ୍ ଦୁକୁ ହବାଅଆଃ ଏନା ପୁରାଃ ବରଞ୍ଜାନ୍‌ଗି ହବାଅଆଃ ନେଲେକାନାଃ ଅତେଦିଶୁମ୍‌ରେୟାଃ ଏନେଟେଦ୍‌ଏତେ ନାହାଁଃ ଜାକେଦ୍ ଚିତ୍‌ଲାଅ କା ହବାକାନା ଆଡ଼ଃ ଚିତ୍‌ଲାଅ କା ହବାଅଆଃ । ୨୨ ଆଡ଼ଃ ପାର୍‌ମେଶ୍‌ବାର୍ ଏନ୍ ହୁଲାଙ୍ଗ୍‌କକେ କାଏ କାମ୍‌ଡିକାରେଦ ଜେତାଏ କାକ ବାଞ୍ଚାଅଃତେୟାଃ, ମେନ୍‌ଦ ଆୟାଃ ସାଲାକାନ୍ ହଡ଼କଆଃ ନାଗେନ୍ତେ ଏନ୍ ହୁଲାଙ୍ଗ୍‌କକେ କାମ୍‌ଡିୟାଏ ।

୨୩ “ଏନ୍ ଦିପିଲିରେ ଜେତାଏ ଆପେକେ, ‘ନେଲିପେ, ଖ୍ରୀଷ୍ଟ୍ ନେତାଃରିୟା’ ଚାଏ ‘ହାନ୍ତାଃରିୟା,’ ମେତାପେରେଦ ଇନିଃକେ ଆଲପେ ବିଶ୍ୱାସୀଆ । ୨୪ ହସଡ଼ ଖ୍ରୀଷ୍ଟ୍ ଆଡ଼ଃ ହସଡ଼ ନାବୀକ ବିରିଦାଃ ଆଡ଼ଃ ମାପ୍‌ରାଙ୍ଗ୍ ଚିହ୍ନାଁ ଆଡ଼ଃ ଆକ୍‌ଦାଦାଅ କାମିକ ରିକାଉଦୁବେଆ, ଆଡ଼ଃ ହବାଦାଡ଼ିୟାଃରେଦ ପାର୍‌ମେଶ୍‌ବାର୍‌ଆଃ ସାଲାକାନ୍‌କକେହିଁ ବେଦାକଆକ । ୨୫ ଏନାମେନ୍ତେ ଆୟୁମେପେ, ଆଇଙ୍ଗ୍ ଆପେକେ ନେତା ହିଜୁଃ ସିଦାରେଇଙ୍ଗ୍ ଉଦୁବାଦ୍‌ପେୟା ।

☆ ୨୪:୧୭ ୨୪:୧୭ ଲୁକ ୧୭:୩୧. * ୨୪:୧୯ ୨୪:୧୯ ହଡ଼ମକାନ୍ ☆ ୨୪:୨୧ ୨୪:୨୧ ଉନୁଦୁବ୍ କାଜି ୭:୧୪.

୨୭ ☆“ଏନା ନାଗେନ୍ତେ, ଜେତାଏ ଆପେକେ, ‘ନେଲିପେ, ଇନିଃ ବିରରେ ମେନାଇୟା’ ମେତାପେରେ, ‘ଏନ୍ତାଃତେ ଆଲ୍‌ପେ ସେନା’ ଚାଏ ନେଲିପେ, ‘ନେତାଃରାଃ ଭିତାର୍ ବାଖିରାରେ ଉକୁକାନାଏ’ ମେତାପେରେ ଆଲ୍‌ପେ ବିଶ୍ୱାସୀଆ । ୨୭ ଜେ’ଲେକାଗି ହିତିର୍‌ଦ ସିଙ୍ଗିତୁର୍ ସାଃଏତେ ଅତଙ୍‌କେଦ୍‌ତେ ସିଙ୍ଗି ହାସୁର୍‌ସାଃ ଜାକେଦ୍ ସିର୍‌ମାକେ ମାସ୍‌ଲେୟାଏ, ଏନ୍ ଲେକାଗି ମାନଖାହନ୍‌ଆଃ ହିନିଜୁଃ ହବାଅଆଃ ।

୨୮ ☆“ଅକ୍‌ତାଃରେ ମାଁଡା ମେନାଃ, ଏନ୍ତାଃରେ ଗିଦିକ ହୁଣ୍ଡିୟଃଆଃ ।

ମାନଖାହନ୍‌ଆଃ ହିଜୁଃରୁହାଡ୍,

(ମାର୍କ ୧୩:୨୪-୨୭; ଲୁକ ୨୧:୨୫-୨୮)

୨୯ ☆“ଏନ୍ ଦିପିଲିରେୟାଃ ଦୁକୁ ତାୟମ୍‌ତେ ଇମ୍‌ତାଗି ସିଙ୍ଗି ନୁବାଗଃଆ ଆତଃ ଚାଣ୍ଡୁ ମାର୍‌ସାଲ୍ କାଏ ଏମେୟା ଆତଃ ଇପିଲ୍‌କ ସିର୍‌ମାଏତେକ ଉୟୁଗଃଆ ଆତଃ ସିର୍‌ମାରେୟାଃ ପେଡ଼େୟାନ୍‌ତେୟାଃକ ଏକ୍‌ଲାଅଃଆ । ୩୦ ☆ଏନ୍ ଦିପିଲିରେ ମାନଖାହନ୍‌ଆଃ ଚିହ୍ନାଁ ସିର୍‌ମାରେ ନେଲଆଃ ଆତଃ ଅତେରେନ୍ ସବେନ୍ ହଡ୍‌କ ଏୟମ୍‌ୟା† । ଇନ୍‌କୁ ମାନଖାହନ୍‌କେ ପୁରାଃ ପେଡ଼େଃତେ ଆତଃ ମାନାରାଙ୍‌ଲଃ ସିର୍‌ମାରାଃ ରିମିଲ୍‌ରେ ହିଜୁଃତାନ୍‌କ ନେଲିୟା । ୩୧ ଆତଃ ବିଙ୍ଗୁଲ୍ ବାଜା ସାଡ଼ିଆ, ଆତଃ ଇନିଃ ଆୟାଃ ସିର୍‌ମାରେନ୍ ଦୁଡ୍‌କକେ ଅତେଦିଶ୍ୱମରାଃ ନେ ଚୁଣ୍ଡିୟୁତେ ହାନ୍ ଚୁଣ୍ଡିୟୁ ଜାକେଦ୍ ଆୟାଃ ସାଲାକାନ୍‌କକେ ହୁଣ୍ଡି ନାଗେନ୍ତେ କୁଲ୍‌କଆ ।

ଲଆ ଦାରୁରାଃ ଇନିତୁ

(ମାର୍କ ୧୩:୨୮-୩୧; ଲୁକ ୨୧:୨୯-୩୩)

୩୨ “ଲଆଦାରୁରେୟାଃ ଜନ୍‌କା କାଜିତେ ଇତୁଃପେ, ଏନାରେୟାଃ କତ ସାଗେନ୍‌ତାନ୍ ଆତଃ ସାକାମ୍ ସୁଡ଼ାଅଃତାନ୍ ଇମ୍‌ତା ଜେଟ୍‌ସିଙ୍ଗି ନାଡ଼େଃଗିଆ ମେନ୍ତେପେ ସାରିୟା । ୩୩ ଏନ୍‌ଲେକାଗି, ନେଆଁ ସବେନାଃ ହବାଅଃତାନ୍‌ପେ ନେଲେ ଇମ୍‌ତା, ଆଇୟାଃ ହିଜୁଃ

☆ ୨୪:୨୭ ୨୪:୨୭ ଲୁକ ୧୭:୨୩,୨୪. ☆ ୨୪:୨୮ ୨୪:୨୮ ଲୁକ ୧୭:୩୭. ☆ ୨୪:୨୯ ୨୪:୨୯ ଉନୁଦ୍‌କ କାଜି ୬:୧୨; ଉନୁଦ୍‌କ କାଜି ୬:୧୩. ☆ ୨୪:୩୦ ୨୪:୩୦ ଉନୁଦ୍‌କ କାଜି ୧:୭. † ୨୪:୩୦ ୨୪:୩୦ ମନ୍‌ସୁରୁଦ୍‌ଲଃ ରାନାଃ

ନେତା ନାଡ଼େଃରେଗିଆଃ ମେନ୍ତେ ସାରିପେ । ୩୪ ସାର୍ବତ୍ରିଙ୍ଗ୍ କାଜିୟାପେତାନା ନେ ସବେନାଃ ଆଉରି ହବାଅଃ ଜାକେଦ୍ ନେ ଦିପିଲିରେନ୍ ହଡ଼କ କାକ ଚୁଣ୍ଟୁଆ । ୩୫ ସିର୍ମା ଆଡ଼ଃ ଅଡେ ଚୁଣ୍ଟୁଡ଼ାତାରଃଆ, ମେନ୍ଦ ଆଇୟାଃ କାଜିକ କା ଚୁଣ୍ଟୁଆ ।

ଏନ୍ ମାହାଁ ଆଡ଼ଃ ଏନ୍ ଘାଡ଼ିକେ ଜେତାଏ କାକ ସାରିୟା
(ମାର୍କ ୧୩:୩୨-୩୭; ଲୁକ ୧୭:୨୭-୩୦, ୩୪-୩୬)

୩୬ “ଏନ୍ ହୁଲାଙ୍ଗ୍ ଚାଏ ଏନ୍ ଦିପିଲି ଜେତାଏ କାକ ସାରିଆଃ, ସିର୍ମାରେନ୍ ଦୁଁଡ଼କହ କା, ଆଇଙ୍ଗ୍ ପାରମେଶ୍ୱାର୍ଆଃ ଦୁଲାଡ଼୍ ହନ୍ହ କା, ମେନ୍ଦ ଆଇୟାଃ ଆପୁ ଏସ୍କାର୍ଗି ସାରିଆଃଏ । ୩୭ ଆଡ଼ଃ ନୁହୁଁରାଃ ପାରିୟାରେ ଜେ'ଲେକା ହବାୟାନା, ମାନଝାହନ୍ଆଃ ହୁଲାଙ୍ଗ୍ରେହଗି ଏନ୍ଲେକା ହବାଅଆଃ । ୩୮ ଚୁଡ଼ା ଦାଆଃ ହିଜୁଃ ସିଦାଏଡେ ନୁହୁଁ ଲାଉକାରେ ଆଉରି ବଲ ଜାକେଦ୍ ହଡ଼କଦ ଜଜମ୍ ନୁଁ ଆଡ଼ଃ ଆଣ୍ଡିଦାନ ଆଡ଼ଃ ଆଣ୍ଡି ଏମ୍ତାନରେ ତାଇକେନାକ । ୩୯ ଆଡ଼ଃ ଚୁଡ଼ା ଦାଆଃ ହିଜୁଃକେଦ୍ଡେ ସବେନ୍କକେ ଆଉରି ଆଡୁଇଦ୍ ଜାକେଦ୍ ଇନ୍କୁ ଜେଡ଼ନାଃ କାକ ଆଟ୍କାରେ ତାଇକେନା, ଏନ୍ ଲେକାଗି ମାନଝାହନ୍ଆଃ ହିଜୁଃ ହୁଲାଙ୍ଗ୍ରେ ହବାଅଆଃ । ୪୦ ଇମ୍ତାଙ୍ଗ୍ ବାରହଡ଼୍ ଲୟଙ୍ଗ୍ରେକିନ୍ କାମିକାଡେରେ, ମିହୁଡ଼କେ ଇଦିୟାଆ ଆଡ଼ଃ ମିହୁଡ଼କେ ବାଗିଅଆ । ୪୧ ଜାନ୍ତାଦିରିରେ ଗୁଣ୍ଡା ରିଦେତାନ ବାରିଆ କୁଡ଼ିକିନ୍ଏଡେ ମିଆଁଦ୍ନିଃକେ ଇଦିୟାଆ, ଆଡ଼ଃ ଏଟାଃନିଃକେ ବାଗିଅଆ ।

୪୨ “ଏନାମେନ୍ତେ ଏୟନାକାନ୍ତାଇନ୍ପେ, ଚିୟାଃଟି ଆପେଦ ଆପେୟାଃ ପ୍ରାଭୁଆଃ ହିଜୁଃ ଦିପିଲି କାପେ ସାରିୟା । ୪୩ ☆ମେନ୍ଦ ନେଆଁ ଆଟ୍କାରେପେ, ଅଡ଼ାଃ ଗମକେ କୁମ୍ବୁ ହିଜୁଃ ଦିପିଲିକେ ସାରିକାରେଦ୍ ଏୟନାକାନ୍ ତାଇନ୍ତେୟାଃଏ ଆଡ଼ଃ ଆୟାଃ ଅଡ଼ାଃକେ ସିନ୍ଧି ତଡ଼ାଅକେଦ୍ଡେ କାଏ ବଲରିକାକଡେୟାଃ । ୪୪ ଏନା ନାଗେନ୍ତେ ଆପେୟ ସାପ୍ତାଅକାନ୍ ତାଇନ୍ପେ, ଚିୟାଃଟି ଆପେ କାପେ ଉଡ଼ୁଡ଼ାନ୍ ଦିପିଲିରେଗି ମାନଝାହନ୍ ହିଜୁଃଆଏ ।

☆ ୨୪:୪୩ ୨୪:୪୩ ଲୁକ ୧୭:୩୯, ୪୦.

ପାତିୟାରତାନ୍ ଆତଃ କା ପାତିୟାରତାନ୍ ଦାସିକଆଃ ଜନ୍କା
କାଜି
(ଲୁକ ୧୨:୪୧-୪୮)

୪୫ “ଏନ୍ତେ ଗୁସିୟାଁ ଆୟାଃ ଅତାଃରେନ୍କକେ ବୁଗିନ୍ ନେତାରେ
ଜମେୟାଃ ଏମାକ ନାଗେନ୍ତେ ଅକଏକେ ଇନିଃ ସାଲକିଆଏ,
ଏନ୍ଲେକାନ୍ ପାତିୟାରରଃ ଆତଃ ସେଣାନ୍ ଦାସି ଅକଏ ତାନିଃ
? ୪୬ ଆୟାଃ ଗୁସିୟାଁ ନେଲେକା କାମିତାନ୍ ଦାସିକେ ହିଜୁଃ ନାମିରେ
ଇନିଃ ସୁକୁତାନ୍ରିୟାଏ । ୪୭ ସାରତିଗିଙ୍ଗ କାଜିୟାପେତାନା, ଇନିଃ
ଏନ୍ ଦାସିକେ ଆୟାଃ ସବେନ୍ ମେନାଃତେୟାଃରେନ୍ ଗୁସିୟାଁ
ବାଇୟାଏ । ୪୮ ମେନ୍ଦ ଏନ୍ ଦାସି ଏଡକାନ୍ ତାନିଃରେଦ,
ଇନିଃ, ଆଇୟାଃ ଗୁସିୟାଁରାଃ ହିଜୁଃତେୟାଃ ବିଲ୍ୟାମଃତାନାଃ
ମେନ୍ତେ ଆଇଃକ୍ଗି ଆୟାଃ ମନ୍ରେ କାଜିୟାଏ, ୪୯ ଆତଃ ଆୟାଃ
ଗାତିଦାସିକକେ ଦାଲ୍ ଏଟେଦକଆଏ ଆତଃ ବୁଲ୍ ହଡକଲଃ ଜମ୍
ନୁଁରେ ତାଇନାଏ । ୫୦ ଏନ୍ତେ ଏନ୍ ଦାସି କାଏ ଉଡ଼଼ୁକା ହୁଲାଙ୍ଗରେ
ଆତଃ କାଏ ସାରି ଦିପିଲିରେ ଇନିୟାଃ ଗୁସିୟାଁ ହିଜୁଃଆଏ, ୫୧ ଆତଃ
ଗୁସିୟାଁ ଇନିଃକେ ପୁରାଃ ବୁକୁ ଏମାଇତାନ୍ଲଃ ଟୁକ୍ତା ଟୁକ୍ତା
ମାଆଃଇୟାଏ ଆତଃ ହସଡ ହଡକଲଃ ହାନାଟିଙ୍ଗ ଏମାଇୟାଏ
ଆତଃ ଏନ୍ତାଃରେ ରାଆଃ ଆତଃ ତାଟା ରିଦ୍ ହବାଅଆଃ ।

୨୫

ଗେଲେୟା ଡିଣ୍ଡାକୁଡ଼ିକଆଃ ଜନ୍କା କାଜି

୧ ☆“ଏନ୍ ଦିପିଲିରେ ସିର୍ମା ରାଇଜରାଃ ହିନିଜୁଃ ନେ ଗେଲେୟା
ଡିଣ୍ଡାକୁଡ଼ିକ ଲେକା ହବାଅଆ, ଇନ୍କୁ ଆକଆଃ ଦିମି ସାବକେଦ୍ତେ
ଦୁଲ୍ଲାକଡ଼ାଲଃ ନେପେଲ୍ ନାଗେନ୍ତେକ ଅତଙ୍ଗୟାନା । ୨ ଇନ୍କୁଏତେ
ମଣେୟାଁ ସେଣାନ୍କ ଆତଃ ମଣେୟାଁ ଡିଣ୍ଡାକ ତାଇକେନା ।
୩ ଏନ୍ ଡିଣ୍ଡା କୁଡ଼ିକ ଆକଆଃ ଦିମି ଇଦିକେଦ୍ ଇମ୍ତା ଆଦକା
ସୁନୁମ୍ କାକ ଇଦି । ୪ ମେନ୍ଦ ଏନ୍ ସେଣାନ୍କ ଆକଆଃ ଦିମି
ଇଦିତାନ୍ଲଃ ଶିଶିରେ ଆଦକା ସୁନୁମ୍ ଇଦିକେଦା । ୫ ଦୁଲ୍ଲାକଡ଼ା

☆ ୨୫:୧ ୨୫:୧ ଲୁକ ୧୨:୩୫.

ହିଜୁରରେ ବିଲମ୍ବକେଦାଏ, ଏନାତେ ଏନ୍ ସବେନ୍‌କକେ ଝୁପାଅ ଏଟେଦକେଦକଆ ଆତଃ ଦୁଡ଼ମ୍ନୁ ବାଟିୟାନାକ ।

୬ “ଏନ୍ତେ ଆଲା ନିଦାରେ କାଉରି ଆୟୁମ୍‌ୟାନା, ‘ନେଲିପେ, ଦୁହ୍ଲକଡ଼ା ହିଜୁରତାନାଏ, ଇନିଃକେ ଦାରମ୍‌ତେ ଅତଙ୍ଗଅଃପେ ।’
୭ ଏନ୍ତେ ଏନ୍ ଗେଲେୟା ଡିଣ୍ଡାକୁଡ଼ିକ ବିରିଦ୍‌କେଦ୍‌ତେ ଆକଆଃ ଆକଆଃ ଦିମିକ ସାଜାଡ଼ାଅକେଦ୍‌ତେ ଜୁଲ୍‌କେଦାକ ।^୮ ଆତଃ ଏନ୍ ତଣ୍ଡ କୁଡ଼ିକ ସେଣ୍‌ନ୍ କୁଡ଼ିକକେ ମେତାଦକଆକ, ‘ଆପେୟାଃ ସୁନ୍‌ମ୍ କାଟିଃଲେକା ଏମାଲେପେ ଆଲେୟାଃ ଦିମିଦ ଇଣ୍‌ଜିଃତାନା ।’
୯ ମେନ୍‌ଦ ସେଣ୍‌ନ୍ କୁଡ଼ିକ କାଜିରୁହାଡ଼ାଦକଆ, ‘କାହାଗି ଆଲେୟାଃ ଆତଃ ଆପେୟାଃ ନାଗେନ୍ତେ ନିମିନାଙ୍ଗ୍ ସୁନ୍‌ମ୍ କା ପୁରାଅଃଆ, ଏନାମେନ୍ତେ ଜୁ ଆଖ୍‌ରିଙ୍ଗ୍‌କତାଃ ସେନଃପେ ଆତଃ ଆପେୟାଃ ନାଗେନ୍ତେ କିରିଙ୍ଗ୍‌ୟେପେ ।’^{୧୦} ଆତଃ ଇନ୍‌କୁ କିରିଙ୍ଗ୍ ନାଗେନ୍ତେକ ସେନଃତାନ୍ ତାଇକେନ୍ ଇମ୍‌ତାଙ୍ଗ୍‌ଗି ଦୁହ୍ଲକଡ଼ା ସେଟେରୁୟାନାଏ ଆତଃ ସାପଡ଼ାଅକାନକ ଇନିଃଲଃ ଆଣ୍‌ଦି ଅଡ଼ାଃତେକ ବଲୟାନା, ଆତଃ ଦୁଆର୍ ହାଣ୍ଡେଦୟାନା ।

୧୧ ☆“ତାୟମ୍‌ତେ ଏନ୍ ତଣ୍ଡ କୁଡ଼ିକ ହିଜୁରକେଦ୍‌ତେ କାଜିକିୟାକ, ‘ହେ ପ୍ରାଭୁ, ହେ ପ୍ରାଭୁ, ଆଲେୟାଃ ନାଗେନ୍ତେ ଦୁଆର୍ ନିଜାଲେମ୍ ।’^{୧୨} ଏନ୍ତେ ଦୁହ୍ଲକଡ଼ା କାଜିରୁହାଡ଼ାଦକଆଏ, ‘ଆଇଙ୍ଗ୍ ଆପେକେ ସାର୍‌ତିଗିଙ୍ଗ୍ କାଜିୟାପେତାନା, ଆଇଙ୍ଗ୍ ଆପେକେ କାଇଙ୍ଗ୍ ସାରିୟାଃ ।’”

୧୩ ଆତଃ ଯୀଶୁ କାଜିଟୁଣ୍ଡୁକଦ୍‌ତେ କାଜିକେଦାଏ, “ଏୟନାକାନପେ, ଆପେଦ ମାନଝାହନ୍‌ଆଃ ହିଜୁର ହୁଲାଙ୍ଗ୍ ଆତଃ ହିଜୁର ଘାଡ଼ି କାପେ ସାରିୟା ।

ଆପିୟା ଦାସିକଆଃ ଜନ୍‌କା କାଜି
(ଲୁକ ୧୯:୧୧-୨୭)

୧୪ ☆“ଏନ୍ ଦିପିଲିରେ ସିର୍ମା ରାଇଜ୍‌ଦ ନେ ଲେକାଗିଆ, ମିଆଁଦ୍ ହଡ଼ ଆୟାଃ ଦାସିକକେ ହାକାଅକେଦ୍‌ତେ ଆୟାଃ ସବେନ୍ ଖୁଜ୍ ଏମାଦକଆଏ ଆତଃ ସାଙ୍ଗିନ୍ ଦିଶୁମ୍‌ତେ ଅତଙ୍ଗ୍‌ୟାନା ।^{୧୫} ଇନିଃ ମିହୁଡ଼କେ ମଣେୟାଁ ହାଜାର୍ ରୁପା ସିକା, ଆତଃମିହୁଡ଼କେ ବାରିୟା

☆ ୨୫:୧୧ ୨୫:୧୧ ଲୁକ ୧୩:୨୫. ☆ ୨୫:୧୪ ୨୫:୧୪ ଲୁକ ୧୯:୧୧-୨୭.

ହାଜାର ରୂପା ସିକା, ଆଡ଼ଃମିହୁଡ଼କେ ମିଦ୍ ହାଜାର ରୂପା ସିକା, ନେ ଲେକା ସବେନକକେ ଆକଆଃ ଆପ୍ନାଃ ପେଡ଼େଃ ଲେକାଡେ ଏମାଦକଆ ଆଡ଼ଃ ସାଜିନ୍ ଦିଶୁମ୍ତେ ସେନଃୟାନା । ୧୭ ମଣେୟାଁ ହାଜାର ରୂପା ସିକା ନାମକେଦ୍ନିଃ ଇମ୍ତାଗି ସେନଃୟାନଲଃ ଏନାକେ କିରିଙ୍ଗ୍ ଆଖ୍ରିଙ୍ଗ୍ରେ ଏମ୍କେଦ୍ତେ ଆଡ଼ଃ ମଣେୟାଁ ହାଜାର ରୂପା ସିକା ପସାକେଦାଏ । ୧୮ ଏନ୍ଲେକାଗି ବାରିୟା ହାଜାର ରୂପା ସିକା ନାମକେଦ୍ନିଃହ୍ ଆଡ଼ଃ ବାରିୟା ହାଜାର ରୂପା ସିକା ପସାକେଦାଏ । ୧୮ ମେନ୍ଦ ମିଦ୍ ହାଜାର ରୂପା ସିକା ନାମକେଦ୍ନିଃ ସେନକେଦ୍ତେ ଅତେରେ ଗାତା ଉର୍କେଦାଏ ଆଡ଼ଃ ଆୟାଃ ଗୁସିୟାଃରାଃ ଟାକାକେ ତପାକେଦାଏ ।

୧୯ “ତିମିନ୍ ମାହାଁ ତାୟମ୍ତେ ଏନ୍ ଦାସିକଆଃ ଗୁସିୟାଁ ହିଜୁଃରୁହାଡ଼ୟାନାଏ ଆଡ଼ଃ ଇନ୍କୁଲଃ ହିସାବକେଦାଏ । ୨୦ ମଣେୟାଁ ହାଜାର ରୂପା ସିକା ନାମାକାଦ୍ନିଃ ହିଜୁଃୟାନାଏ ଆଡ଼ଃ ମଣେୟାଁ ହାଜାର ରୂପା ସିକା ଆଦକା ଆଉକେଦ୍ତେ କାଜିକିୟାଏ, ‘ହେ ଗମ୍କେ, ଆମ୍ ମଣେୟାଁ ହାଜାର ରୂପା ସିକା ଏମାକାଇଙ୍ଗ୍ ତାଇକେନାମ୍, ନେଲେମେ ଆଇଙ୍ଗ୍ ମଣେୟାଁ ହାଜାର ରୂପା ସିକା ପସାକାଦାଇଙ୍ଗ୍ ।’ ୨୧ ଇନିୟାଃ ଗୁସିୟାଁ କାଜିକିୟାଏ, ‘ସାବାସ୍, ଆଇଁୟାଃ ବୁଗିନ୍ ଦାସି ! ଆମ୍ ବୁଗିନ୍ ଆଡ଼ଃ ପାତିୟାର୍ରେଃ ଲେକାନ୍ ଦାସି ତାନ୍ମେ, ଆମ୍ ହୁଡ଼ିଙ୍ଗ୍ତେୟାଃରେ ପାତିୟାର୍ରେଃ ଲେକାମ୍ କାମିକାଦ୍ ହରାଡେ, ଆଇଙ୍ଗ୍ ଆମକେ ପୁରାଃତେୟାଃରାଃ ଗୁସିୟାଁ ବାଇମେୟାଇଙ୍ଗ୍ । ଏଲା ହିଜୁଃମେ, ଆଇଁୟାଃଲଃ ରାସକାନ୍ମେ ।’

୨୨ “ବାରିୟା ହାଜାର ରୂପା ସିକା ନାମାକାଦ୍ନିଃହ୍ ହିଜୁଃୟାନାଏ ଆଡ଼ଃ କାଜିକିୟାଏ, ହେ ଗମ୍କେ, ଆମ୍ ବାରିୟା ହାଜାର ରୂପା ସିକା ଏମାକାଇଙ୍ଗ୍ ତାଇକେନାମ୍, ନେଲେମେ ଆଇଙ୍ଗ୍ ବାରିୟା ହାଜାର ରୂପା ସିକା ଆଦକା ପସାକାଦାଇଙ୍ଗ୍ । ୨୩ ଇନିୟାଃ ଗୁସିୟାଁ ଇନିଃକେ କାଜିକିୟାଏ, ‘ବୁଗିନ୍ କାମିକାଦାମ୍, ଆମ୍ ବୁଗିନ୍ ଆଡ଼ଃ ପାତିୟାର୍ରେନ୍ ଦାସି ତାନ୍ମେ, ଆମ୍ ହୁଡ଼ିଙ୍ଗ୍ତେୟାଃରେ ପାତିୟାର୍ରେକାନାମ୍ ଏନାଡେ ଆଇଙ୍ଗ୍ ପୁରାଃତେୟାଃରାଃ ଗୁସିୟାଁ ବାଇମେୟାଇଙ୍ଗ୍, ଏଲା ହିଜୁଃମେ, ଆଇଁୟାଃଲଃ ରାସକାନ୍ମେ ।’

୨୪ “ଏନ୍ତେ ଏନ୍ ମିଦ୍ ହାଜାର ରୂପା ସିକା ନାମାକାଦ୍ନିଃ

ହିଜୁଃକେଦତେ କାଜିକିୟାଏ, ‘ହେ ଗମ୍ବକେ, ଆମ୍ କେଟେଦ୍ ମନ୍ରେନ୍ ହଡ଼ ତାନ୍ମେ ଏନା ଆଇଙ୍ଫ୍ ସାରିତାଇକେନାଇଙ୍ଫ୍ । ଆମ୍ କା ହେରାକାନ୍ତାଃଏତେ ଇରାଃମେ ଆତଃ କା ତାସିକାନ୍ତାଃଏତେ ହୁଣ୍ଡିୟାଃମେ । ୨୫ ଏନାତେ ଆଇଙ୍ଫ୍ ବରକେଦାଇଙ୍ଫ୍ ଆତଃ ସେନଃକେଦତେ ଆମ୍ ଆଇଙ୍ଫ୍କେ ଏମାକାଦିଙ୍ଫ୍ ଟାକାକେ ଅତେରେ ଗାଡ଼ା ଉର୍କେଦତେ ଉକୁକେଦାଇଙ୍ଫ୍, ନେଲେମେ, ନେ ନେତାଃରେୟା ଟାକା, ଅକ୍ନାଃଟି ଆମାଃତାନାଃ ।’

୨୬ “ଇନିୟାଃ ଗୁସିୟାଁ ଇନିଃକେ କାଜିରୁହାଡ଼କିୟାଏ, ‘ଏ ଏଡ଼କାନ୍ ଆତଃ ଆଲ୍ସି ଦାସି, ଆଇଙ୍ଫ୍ କା ହେରାକାନ୍ତାଃଏତେ ଇରାଃଇଙ୍ଫ୍ ଆତଃ କା ତାସିକାନ୍ତାଃଏତେ ହୁଣ୍ଡିୟାଃଇଙ୍ଫ୍ ମେନ୍ତେ ସାରିତାଇକେନ୍ରେଦ୍, ୨୭ ଆମ୍ ଆଇଁୟାଃ ଟାକାକେ ବ୍ୟାଙ୍କରେ ଏମଃ ଲାଗାଡ଼ିଙ୍ଫ୍ ତାଇକେନା ଆତଃ ଆଇଙ୍ଫ୍ ହିଜୁଃରୁହାଡ଼କେଦତେ ସବେନ୍ ମୁଲ୍’କାନ୍ତାରଲଃ ଟାକା ନାମରୁହାଡ଼୍ କେଦତେୟାଃଇଙ୍ଫ୍ । ୨୮ ଏନାତେ ନାହାଁଃ, ଏନ୍ ମିଦ୍ ହାଜାର୍ ରୁପା ସିକା ଇଦିକେଦତେ, ଅକ୍ଏତାଃରେ ଗେଲ୍ ହାଜାର୍ ରୁପା ସିକା ମେନାଃନିଃକେ ଏମାଇପେ । ୨୯ ☆ଚିୟାଃଟି ଅକ୍ଏତାଃରେ ମେନାଃ, ଇନିଃକେ ଏମଃଆ ଆତଃ ଇନିୟାଃ ପୁରାଃଟି ହବାଅଃଆ, ମେନ୍ଦ୍ ଜେତାଏତାଃରେ ବାନଃଆ, ଇନିଃତାଃଏତେ ଅକ୍ନାଃ ମେନାଃ ଏନାହଗି ଇଦିୟଃଆ । ୩୦ ☆ଆତଃ ନେ ଏଡ଼କାନ୍ ଦାସିକେ ବାହାରି ନୁବାଃରେ ହୁଦ୍ମାଇପେ, ଏନ୍ତାଃରେ ରାନାଃ ଆତଃ ତାଗା ରିନିଦ୍ ହବାଅଃଆ ।’

ଚୁଣ୍ଡି ବିଚାର

୩୧ ☆“ମାନଃହନ୍ ଆୟାଃ ସିର୍ମାରେନ୍ ସବେନ୍ ଦୁଁଡ଼କଲଃ ଆୟାଃ ମାନାରାଙ୍ଫ୍ରେ ରାଜା ଲେକା ହିଜୁଃ ଦିପିଲିରେ ଇନିଃ ଆୟାଃ ମାନାରାଙ୍ଫ୍ ସିର୍ମାରେୟାଃ ରାଜଗାଦିରେ ଦୁବାଃଏ । ୩୨ ଆତଃ ଅତେଦିଶୁମ୍ରେନ୍ ସବେନ୍ ଜାତିରେନ୍ ହଡ଼କ ଇନିୟାଃ ଆୟାର୍ରେକ ହୁଣ୍ଡିୟାଃଆ ଆତଃ ଗୁପିନିଃ ମିଣ୍ଡିକକେ ମେରମ୍କଏତେ ହିଗାଡ଼କ ଲେକା ଇନିଃ ଇନ୍କୁକେ ମିହୁଡ଼ଏତେ ଆତଃମିହୁଡ଼କେ

☆ ୨୫:୨୯ ୨୫:୨୯ ମାଥୁର ୧୩:୧୨; ମାର୍କ ୪:୨୫; ଲୁକ ୮:୧୮. ☆ ୨୫:୩୦ ୨୫:୩୦ ମାଥୁର ୮:୧୨; ୨୨:୧୩; ଲୁକ ୧୩:୨୮. ☆ ୨୫:୩୧ ୨୫:୩୧ ମାଥୁର ୧୭:୨୨; ମାଥୁର ୧୯:୨୮.

ହିଗାଡ଼କଥା । ୩୩ ଇନିଃ ମିଶ୍ରିକକେ ଆୟାଃ ଜମ୍ଭିସାଃରେ ଆଡ଼ଃ ମେରମ୍ବକକେ ଲେଙ୍ଗାଡ଼ିସାଃରେ ଦହକଥାଏ । ୩୪ ଏନ୍ତେ ରାଜା ଆୟାଃ ଜମ୍ଭିସାଃରେନକକେ କାଜିକଥାଏ, ‘ଆଇଁୟାଃ ଆପୁଇଙ୍ଗତାଃଏତେ ଆଶିଷକାନକ ହିଜୁଃପେ ଆଡ଼ଃ ଆପେୟାଃ ନାଗେନ୍ତେ ଅତେଦିଶୁମ୍ରେୟାଃ ଏନେଟେଦ୍ ସିଦାରେ ବାଇୟାକାନ ରାଇଜ୍ରେ ବଲପେ । ୩୫ ଚିୟାଃତି ଆଇଙ୍ଗଦ୍ ରେଙ୍ଗେଜାକାନ ତାଇକେନ୍ରେ ଜମେୟାଃପେ ଏମାଦିୟା, ଆଡ଼ଃ ତେତାଜିଙ୍ଗ୍ ତାଇକେନ୍ରେ ନୁଁଏ ନାଗେନ୍ତେ ଦାଆଃପେ ଏମାଦିୟା, ଆଇଙ୍ଗ୍ ଏଟାଃ ଦିଶୁମ୍ରେ ତାଇକେନ୍ରେ ଆପେୟାଃ ଅଡ଼ାଃରେ ତାଇନ୍ ନାଙ୍ଗ୍ ଠାୟାଦ୍ପେ ଏମାଦିୟା, ୩୬ ଆଇଙ୍ଗ୍ ସାମାହଡ଼ମ୍ ତାଇକେନ୍ରେ ଲିଜାଃପେ ତୁସିଙ୍ଗ୍କେଦିୟା, ଆଇଙ୍ଗ୍ ହାସୁତାନ୍ ତାଇକେନ୍ରେ ଯାଡ଼ନାଅ ସାକ୍ଲାଅ କେଦିୟାପେ, ଆଇଙ୍ଗ୍ ଜେହେଲ୍ରେ ତାଇକେନ୍ ଇମ୍ତା ନେନେଲ୍ତେପେ ହିଜୁଃୟାନା ।’

୩୭ “ଏନ୍ତେ ଧାରମାନ୍ ହଡ଼କ ଇନିଃକେ କାଜିରୁହାଡ଼କିୟାକ, ‘ହେ ଗମ୍ବକେ, ଚିଉଲା ଆଲେ ଆମ୍ବକେ ରେଙ୍ଗେତାନ୍ଲେ ନେଲ୍ଲେଦ୍ମେୟା ଆଡ଼ଃ ଆମ୍ବକେ ଜଜମାଃଲେ ଏମାଦ୍ମେୟା, ଚାଏ ଚିଉଲା ତେତାଜ୍ତାନ୍ଲେ ନେଲ୍ଲେଦ୍ମେୟା ଆଡ଼ଃ ନୁଁ ନାଙ୍ଗ୍ ଦାଆଃଲେ ଏମାଦ୍ମେୟା ? ୩୮ ଚିଉଲା ଆଲେ ଆମ୍ବକେ ନେଲ୍ଲେଦ୍ତେ ଏଟାଃ ଦିଶୁମ୍ରେନ୍ ତାନିଃ ମେନ୍ତେ ଆଲେୟାଃ ଅଡ଼ାଃରେ ତାଇନ୍ ନାଙ୍ଗ୍ ଠାୟାଦ୍ଲେ ଏମାଦ୍ମେୟା ଆଡ଼ଃ ଚିଉଲା ସାମାହଡ଼ମ୍ ତାଇକେନ୍ରେ ତୁସିଙ୍ଗ୍ ନାଙ୍ଗ୍ ଲିଜାଃଲେ ଏମାଦ୍ମେୟା ? ୩୯ ଆଡ଼ଃ ଆମ୍ ହାସୁତାନରେ ଚାଏ ଜେହେଲ୍କାନରେ ଚିଉଲା ଆଲେ ଆମ୍ବକେ ନେନେଲ୍ତେଲେ ସେନ୍କେନା ?’ ୪୦ ଆଡ଼ଃ ରାଜା ଇନ୍କୁକେ କାଜିରୁହାଡ଼କଥାଏ, ‘ଆଇଙ୍ଗ୍ ଆପେକେ ସାର୍ଚିଗିଙ୍ଗ୍ କାଜିୟାପେତାନା, ଆପେ ଆଇଁୟାଃ ନେ ହାଗାକଏତେ ମିହୁଡ଼୍ ନାଗେନ୍ତେ ଅକ୍ନାଃପେ ରିକାକାଦା, ଏନା ଆଇଁୟାଃ ନାଗେନ୍ତେୟ ରିକାକାଦାପେ ।’

୪୧ “ଏନ୍ତେ ପାର୍ମେଶ୍ୱାର୍ ଆୟାଃ ଲେଙ୍ଗାଡ଼ିସାଃରେନକକେ କାଜିୟାଦ୍କଥାଏ, ‘ହେ ସାର୍ପାଅକାନ୍ ହଡ଼କ ! ଆଇଁୟାଃତାଃଏତେ ନିର୍ପେ ଏନ୍ତେ ସାଏତାନ୍ ଆଡ଼ଃ ଆୟାଃ ଦୁଡ଼କ ନାଗେନ୍ତେ

ବାଇୟାକାନ୍ ଜାନାଅ କା ଇଣିଂଜଃ ସେଲେଲ୍‌ତେ ସେନୱପେ । ୪୨ ଚିୟାଃଚି ଆଇଙ୍ଗ୍ ରେଲେଃ ତାଇକେନ୍‌ରେ ଜମେୟାଃ କାପେ ଏମାଦିୟା, ଆଇଙ୍ଗ୍ ତେତାଙ୍ଗ୍ ତାଇକେନ୍‌ରେ ନୁଁ ନାଗେନ୍ତେ ଦାଆଃ କାପେ ଏମାଦିୟା । ୪୩ ଆଇଙ୍ଗ୍ ଏଟାଃ ଦିଶୁମ୍‌ରେ ତାଇକେନ୍ ଇମ୍‌ତା ଆପେ ଆପେୟାଃ ଅଡ଼ାଃରେ ତାଇନ୍ ନାଙ୍ଗ୍ ଠାୟାଦ୍ କାପେ ଏମାଦିୟା, ଆଇଙ୍ଗ୍ ସାମାହଡ଼ମ୍ ତାଇକେନ୍‌ରେ ତୁସିଙ୍ଗ୍ ନାଙ୍ଗ୍ ଲିଜାଃ କାପେ ଏମାଦିୟା, ଆଡ଼ଃ ଆଇଙ୍ଗ୍ ଦୁକୁରେ ଆଡ଼ଃ ଜେହେଲ୍‌ରେ ତାଇକେନ୍ ଇମ୍‌ତା ଆଇଙ୍ଗ୍‌କେ କାପେ ଯାଡ଼ନାଅ ସାକ୍‌ଲାଅ କେଦିୟା ।

୪୪ “ଏନ୍ତେ ଇନ୍‌କୁହଗି ଇନିଃକେ କାଜିରୁହାଡ଼ିୟାକ, ‘ହେ ପ୍ରାଭୁ, ଚିତ୍ତଲା ଆଲେ ଆମ୍‌କେ ରେଲେଃତାନ୍ ଚାଏ ତେତାଙ୍ଗ୍‌ତାନ୍ ଚାଏ ଏଟାଃ ଦିଶୁମ୍‌ରେନ୍, ଚାଏ ସାମାହଡ଼ମ୍, ଚାଏ ହାସୁତାନ୍, ଚାଏ ଜେହେଲ୍‌ରେ ନେଲ୍‌କେଦ୍‌ତେ କାଲେ ଦେଙ୍ଗାକେଦ୍‌ମେୟା ।’ ୪୫ ଏନ୍ତେ ରାଜା କାଜିରୁହାଡ଼କଆଏ, ‘ସାର୍‌ତିଗିଙ୍ଗ୍ କାଜିୟାପେତାନା, ଆପେ ନେ ହୁପ୍‌ତିଙ୍ଗ୍‌କଏତେ ମିହୁଡ଼କେହ୍ କାପେ ଦେଙ୍ଗାକେଦ୍‌କ ନାଗେନ୍ତେ ଆଇଙ୍ଗ୍‌କେହ୍ କାପେ ଦେଙ୍ଗାକେଦିୟା ।’ ୪୬ ଏନ୍ତେ ଇନ୍‌କୁ ଜାନାଅ ଜାନାଅରେୟାଃ ଦୁକୁ, ମେନ୍‌ଦ ଧାର୍‌ମାନ୍‌କ ଜାନାଅ ଜାନାଅରେୟାଃ ଜୀଦାନ୍‌କ ନାମେୟା ।”

୨୭

ୟାଶୁଆଃ ବିରୁଧ୍‌ରେ ରଜୋଟ

(ମାର୍କ ୧୪:୧-୨; ଲୁକ ୨୨:୧-୨; ଯୋହାନ୍ ୧୧:୪୫-୫୩)

୧ ଯାଶୁ ନେ ସବେନ୍ କାଜିକ କାଜି ଚାବାକେଦ୍‌ଚି, ଇନିଃ ଆୟାଃ ଚେଲ୍‌କକେ କାଜିୟାଦ୍‌କଆଏ, ୨ “ବାର୍‌ସିଙ୍ଗ୍ ତାୟମ୍‌ତେ ପାସକା ପାରାବ୍ ହବଅଆଃ ଏନା ଆପେ ସାରିତାନାପେ । ଇମ୍‌ତା ମାନଞ୍ଜାହନ୍ କୁଶ୍‌ରେ କିଲାଅଃ ନାଗେନ୍ତେ ଜିମାଃଞ୍ଜାଏ ।”

୩ ଏନ୍ତେ ମୁଲ୍ ଯାଜାକ୍‌କ, ଆଡ଼ଃ ପ୍ରାଚିନ୍‌କ, କାୟଫା ନୁତୁମ୍ ମାରାଙ୍ଗ୍ ଯାଜାକ୍‌ରାଃ ଅଡ଼ାଃରାଚାରେ ହୁଣ୍ଡିୟାନା । ୪ ଆଡ଼ଃ ଇନ୍‌କୁ ଯାଶୁକେ ବେଦାତେ ସାବ୍‌କେଦ୍‌ତେ ଗଜି ନାଗେନ୍ତେ ରଜୋଟକେଦାକ । ୫ ମେନ୍‌ଦ ଇନ୍‌କୁ କାଜିକେଦାକ, “ପାରାବ୍‌ରେଦ କାହାଗି, କା'ରେଦ ହଡ଼କ ହାଲାଗୁଲ୍‌ୟାକ ।”

ବେଥ୍‌ନିଆରେ ଯୀଶୁଆଃ ବହଃରେ ସୁନୁମ୍ ଦୁଲ୍‌ଠାନା
(ମାର୍କ ୧୪:୩-୯; ଯୋହାନ୍ ୧୨:୧-୮)

୬ ଯୀଶୁ ବେଥ୍‌ନିଆରେ ନାଗେଘାଅଏତେ ବୁଗିଆକାନ୍ ଗିମୋନ୍‌ଆଃ ଅଡ଼ାଃରେ ତାଇକେନ୍ ଇମ୍‌ତା, ୭ *ମିଆଁଦ୍ କୁଡ଼ି ପୁରାଃ ଗନଙ୍‌ଆଁନ୍ ବୁଗିନ୍ ସହାନ୍ ସୁନୁମ୍‌ତେ ପେରେଜାକାନ୍ ମିଆଁଦ୍ ପୁଣ୍ଡିଦିରିରାଃ ତୁକାଃ ସାବ୍‌କେଦ୍‌ତେ ଯୀଶୁତାଃତେ ହିଜୁଃୟାନା, ଆଡ଼ଃ ଯୀଶୁ ଜଜମ୍ ନାଗେନ୍ତେ ଦୁବାକାନ୍ ଇମ୍‌ତା ଇନିୟାଃ ବହଃରେ ଦୁଲ୍‌କେଦାଏ । ଠ ଇନିୟାଃ ତେଲାଇ ନେଆଁ ନେଲ୍‌କେଦ୍‌ତେ ଖୁୟ୍‌ୟାନାକ ଆଡ଼ଃ କୁଲିକିୟାକ, “ତିୟାଃ ନାଗେନ୍ତେ ନେ ସବେନ୍ ସାମାଗି ଏଣ୍ଡାଗଠାନା ?” ୯ ନେ ବୁଗିନ୍ ସହାନ୍ ସୁନୁମ୍ ପୁରାଃ ଗନଙ୍‌ତେ ଆଖିରିଙ୍ ଦାଡ଼ିକାନ୍‌ତେୟାଃ ଆଡ଼ଃ ରେଙ୍ଗେଃକକେ ଏମାକାନ୍‌ତେୟାଃ ।”

୧୦ ତେଲାଇ କାଜିତାନ୍‌ତେୟାଃ ଯୀଶୁ ସାରିକେଦ୍‌ତେ କାଜିକେଦ୍‌କଆଏ, “ଆପେ ତିନାଃମେନ୍ତେ ଏନ୍ କୁଡ଼ିକେ ବିତ୍‌ଲାଈତାନାପେ ? ନିଃଦ୍ ଆଇଁୟାଃ ନାଗେନ୍ତେ ବୁଗିନ୍ କାମି କାମିକାଦାଏ । ୧୧ ରେଙ୍ଗେଃକଦ୍ ଆପେଲଃ ସବେନ୍ ଇମ୍‌ତା ତାଇନାଃକ ମେନ୍‌ଦ୍ ଆଇଙ୍ ଆପେଲଃ ସବେନ୍ ଇମ୍‌ତା କାଇଙ୍ ତାଇନା । ୧୨ ଆଇଁୟାଃ ତପାଅଃରାଃ ସେକାଡେନ୍ ନାଗେନ୍ତେ ଇନିଃ ନେ ବୁଗିନ୍ ସହାନ୍ ସୁନୁମ୍‌କେ ଆଇଁୟାଃ ହଡ଼ମ୍‌ରେ ଦୁଲ୍‌କାଦା । ୧୩ ସାର୍‌ତିଗିଙ୍ କାଜିୟାପେତାନା, ଅତେଦିଶୁମ୍‌ରେୟାଃ ଜାହାତାଃରେଗି ସୁକୁକାଜି ଉଦୁବଃତାନ୍ ଇମ୍‌ତା ଏନ୍ କୁଡ଼ି କାମିକାଦ୍‌ତେୟାଃ ପାହାମେ ନାଗେନ୍ତେ ଉଦୁବଃଆ ।”

ଯୀଶୁକେ ସାବ୍‌ରିକାଇ ନାଗେନ୍ତେ ଯୀହୁଦା ଟାକା ନାମେତାନା
(ମାର୍କ ୧୪:୧୦-୧୧; ଲୁକ ୨୨:୩-୬)

୧୪ ଏନ୍ତେ ଏନ୍ ଗେଲ୍‌ବାର୍ ତେଲାଇଏତେ ମିଆଁଦ୍‌ନିଃ, ଇଷ୍ଟାରିୟ୍ ଯିହୁଦା ମୁଲ୍ ଯାଜାକ୍‌କତାଃ ସେନଃୟାନାଏ, ୧୫ ଆଡ଼ଃ କୁଲିକେଦ୍‌କଆଏ, “ଆଇଙ୍ ଇନିଃକେ ଆପେୟାଃ ତିଃଇରେ ଜିମାଈରେଦ୍ ଆପେ ଆଇଙ୍‌କେ ତିନାଃପେ ଏମାଈୟା ?” ଏନ୍ତେ ଇନ୍‌କୁ ଇନିଃକେ ତିରିଶ୍‌ତୁ ରୁପା ସିକା ଲେକାକେଦ୍‌ତେ ଏମ୍‌କିୟାକ

☆ ୨୬:୭ ୨୬:୭ ଲୁକ ୭:୩୭,୩୮.

। ୧୭ ଏନ୍ ହୁଲାଙ୍ଗ୍‌ତାଃଏତେ ଇନିଃ ଯୀଶୁକେ ସାବ୍ରିକାଲ ନାଗେନ୍ତେ ସୁଯୋଗ୍ ଦାଣ୍ଡାତାନାଏ ତାଇକେନା ।

ୟୀଶୁ ଆୟାଃ ଚେଲାକଲଃ ପାସ୍କା ପାରାବ୍ ଜମେତାନାଏ

(ମାର୍କ ୧୪:୧୨-୨୧; ଲୁକ ୨୨:୭-୧୩, ୨୧-୨୩; ଯୋହାନ୍ ୧୩:୨୧-୩୦)

୧୭ ସାବାଃ ହୁଲାଙ୍ଗ୍ ପାରାବ୍‌ରେୟାଃ ସିଦା ହୁଲାଙ୍ଗ୍‌ରେ ଚେଲାକ ଯୀଶୁତାଃଏତେ ହିନ୍ଦୁଃକେଦ୍‌ତେ କୁଲିକିୟାକ, “ଆଲେ ଅକ୍‌ତାଃରେ ଆମାଃ ନାଗେନ୍ତେ ପାସ୍କା ପାରାବ୍‌ରେୟାଃ ଜମେୟାଃଲେ ବାଇୟା ମେନ୍ତେମ୍ ସାନାଙ୍ଗ୍‌ତାନା ?”

୧୮ ଯୀଶୁ ଚେଲାକକେ ମେତାଦକଆ, “ଏନ୍ ନାଗାର୍‌ରେନ୍ ଜେତାଏ ହଡ୍‌ତାଃତେ ସେନ୍‌ପେ ଆଡ଼ଃ ମେତାଇପେ, ‘ଗୁରୁ କାଜିତାନାଏ, ଆଇଁୟାଃ ନେଡା ସେଟେରାକାନା, ଆଇଙ୍ଗ୍ ଆଇୟାଃ ଚେଲାକଲଃ ଆମାଃ ଅଡ଼ାଃରେ ପାସ୍କା ପାରାବ୍ ମାନାଅୟାଇଙ୍ଗ୍ ।’”

୧୯ ଏନ୍ତେ ଚେଲାକ ଯୀଶୁ ଆଟୁକାଦ୍‌ଲେକା ରିକାକେଦାକ ଆଡ଼ଃ ପାସ୍କା ପାରାବ୍‌ରେୟାଃ ଜମେୟାଃକ ବାଇକେଦା ।

୨୦ ଆୟୁବ୍‌ୟାନ୍‌ତି ଯୀଶୁ ଗେଲ୍‌ବାର୍ ଚେଲାକଲଃ ଜଜମ୍ ନାଗେନ୍ତେ ଦୁବ୍‌ୟାନାଏ । ୨୧ ଇନ୍‌କୁ ଜମ୍‌ତାଇକେନ୍ ଇମ୍‌ତା ଇନିଃ ମେତାଦକଆଏ, “ସାବ୍‌ତିଗିଙ୍ଗ୍ କାଜିୟାପେତାନା, ଆପେକଏତେ ମିଆଁଦ୍‌ନିଃ ଆଇଙ୍ଗ୍‌କେ ବାଇରିକଆଃ ତିଃଇରେ ସାବ୍‌ରିକାଇଙ୍ଗ୍‌ୟାଏ ।”

୨୨ ଇନ୍‌କୁ ପୁରାଃଗି ହୁଡିଙ୍ଗ୍‌ଜୀଉୟାନାକ ଆଡ଼ଃ ଇନିଃକେ “ହେ ପ୍ରାଭୁ, ଇନିଃ ଆଇଙ୍ଗ୍ ତାନିଙ୍ଗ୍‌ତି ?” ମେନ୍ତେ ମିହୁଡ୍ ମିହୁଡ୍‌ତେ କୁଲି ଏଟେଦ୍‌କିୟାକ ।

୨୩ ଆଡ଼ଃ ଯୀଶୁ କାଜିରୁହାଡାଦକଆଏ, “ଆଇଁୟାଃଲଃ କାଟୋରାରେ ଆୟାଃ ତିଃଇ ସୁଡ଼ଃକାଦ୍‌ନିଃଗି ସାବ୍‌ରିକାଇଙ୍ଗ୍‌ୟାଏ । ୨୪ ପାବିତାର୍ ଅନଲ୍‌କରେ ଅଲ୍‌କାନ୍ ଲେକା, ଆଇଙ୍ଗ୍ ମାନଝାହନ୍ ତାନିଙ୍ଗ୍, ଆଇଙ୍ଗ୍‌କେ ଗଜଃଲ୍‌ଗାତିୟାଃ । ମେନ୍‌ଦ ଆଇଙ୍ଗ୍ ମାନଝାହନ୍ ତାନିଙ୍ଗ୍, ଆଇଙ୍ଗ୍‌କେ ବାଇରିକଆଃ ତିଃଇରେ ସାବ୍‌ରିକାନିଃ ହାୟ୍ ହାୟ୍ ଚିମିନ୍ ଦୁକୁନାମେୟାଏ । ଏନ୍ ହଡ୍ କାଏ ଜାନାମ୍‌କାନ୍‌ରେଦ ଇନିଃ ନାଗେନ୍ତେ ବୁଗିକାନ୍‌ତେଆଃ ।”

୨୫ ଏନ୍ତେ ଯୀଶୁକେ ସାବ୍ରିକାଈନିଃ ଯିହୁଦା କାଜିରୁହାଡ଼କିୟାଏ,
“ହେ ଗୁରୁ, ଈନିଃ ଆଇଙ୍ଗ୍ ତାନିଙ୍ଗ୍ତି ?”

ୟୀଶୁ ଈନିଃକେ କାଜିକିୟାଏ, “ହେଗି, ଆମ୍ବି ତାନମେ ।”

ପ୍ରାଭୁ ଭୋଜ୍

(ମାର୍କ ୧୪:୨୨-୨୬; ଲୁକ ୨୨:୧୪-୨୦; ୧ କରିନ୍ଥ୍ରିୟ ୧୧:୨୩-୨୫)

୨୬ ଚେଲାକ ଜମ୍ତାଈକେନ୍ ଈମ୍ତା ଯୀଶୁ ମିଆଁଦ୍ ହଲଙ୍ଗ୍
ଈଦିକେଦ୍ତେ ଆଶିଷକେଦାଏ ଆଡ଼ଃ ଏନାକେ କେଟାଃକେଦ୍ତେ
ଆୟାଃ ଚେଲାକକେ ଏମ୍କେଦ୍ତେ ମେତାଦ୍‌କଆଏ, “ନେ
ଚେଲାଏପେ ଆଡ଼ଃ ଜମେପେ, ନେଆଁ ଆଇଁୟାଃ ହଡ଼ମ୍ ତାନାଃ
।”

୨୭ ଏନ୍ତେ ଈନିଃ କାଟୋରା ଈଦିକେଦ୍ତେ ଆଶିଷକେଦାଏ ଆଡ଼ଃ
ଏନା ଈନ୍କୁକେ ଏମ୍କେଦ୍ତେ ମେତାଦ୍‌କଆଏ, “ଆପେ ସବେନ୍
ନେଆଁଏତେ ନୁଁଏପେ । ୨୮ ନେଆଁଦ୍ ପାରମେଶ୍ୱାର୍‌ଆଃ ରାଜିନାମାକେ
ମୋହ୍‌ରକାଦ୍ ଆଇଁୟାଃ ମାୟୋମ୍ ତାନାଃ । ଅକ୍‌ନାଃତି ପୁରାଃ
ହଡ଼କଆଃ ପାପ୍ ଛାମା ନାଗେନ୍ତେ ନେ ମାୟୋମ୍ ଲିଙ୍ଗିଆକାନା
। ୨୯ ଆଇଙ୍ଗ୍ ଆପେକେ କାଜିୟାପେ ତାନାଈଙ୍ଗ୍, ଆପୁଇଁୟାଃ
ରାଈଜ୍‌ରେ ଆପେଲଃ ନାଞ୍ଜା ଦାଖ୍‌ରାସି ଆଡ଼ରିଙ୍ଗ୍ ନୁଁଇ ଜାକେଦ୍,
ନାହାଁଃଏତେ ନେ ଦାଖ୍‌ରାସି ଆଡ଼ଃ ଚିଡ଼ଲାଅ କାଈଙ୍ଗ୍ ନୁଁଇଆ ।”

୩୦ ଏନ୍ତେ ଈନ୍କୁ ମାଈନାନ୍ ଦୁରାଙ୍ଗ୍ ଦୁରାଙ୍ଗ୍‌କେଦ୍ତେ ଜାଈଡୁନ୍
ବୁରୁଡେକ ସେନଃୟାନା ।

ୟୀଶୁ ପାଡ଼ରାସ୍‌କେ ଚେତାଈତାନା

(ମାର୍କ ୧୪:୨୭-୩୧; ଲୁକ ୨୨:୩୧-୩୪; ଯୋହାନ୍ ୧୩:୩୬-୩୮)

୩୧ ଏନ୍ତେ ଯୀଶୁ ଚେଲାକକେ କାଜିୟାଦ୍‌କଆଏ, “ଆପେ ସବେନ୍‌କ
ନେ ନିଦାରେ ଆଇଙ୍ଗ୍‌କେ ବାଗିକେଦ୍ତେ ନିର୍କଆଃପେ, ନେଆଁଦ୍
ଧାରମ୍‌ପୁଅରେ ଅଲାକାନା, ‘ପାରମେଶ୍ୱାର୍ ଗୁପିନିଃକେ ଦାଲିୟାଏ
ଆଡ଼ଃ ଗୋଟ୍‌ରେନ୍ ମିଶ୍ଟିକ ଛିତିବିତିୟଃଆ ।’ ୩୨ ☆ମେନ୍‌ଦ୍
ଆଇଙ୍ଗ୍ ଜୀଉବିରିଦ୍‌କେଦ୍ତେ ଗାଲିଲ୍ ପାରଗାନ୍‌ତେ ଆପେଏତେ
ଆୟାରିରେଇଙ୍ଗ୍ ସେନାଃ ।”

☆ ୨୬:୩୨ ୨୬:୩୨ ମାଥୁର ୨୮:୧୭.

୩୩ ଆତ୍ମ ପାତ୍ରରାସ୍ ଯୁକ୍ତେ କାଳିକିୟାଏ, “ଏଗାଠକ ବାଗିତାମ୍ରେହ୍, ଆଇଙ୍ଗ୍ ଆମ୍ରେକେ କାଇଙ୍ଗ୍ ବାଗିମେଆ ।”

୩୪ ଯୁକ୍ତ ପାତ୍ରରାସ୍ କାଳିକିୟାଏ, “ଆଇଙ୍ଗ୍ ସାର୍ତ୍ତିଗିଙ୍ଗ୍ କାଳିକିୟାମ୍ତାନା, ନେ ନିଦାରେ ସାଣ୍ଡିସିମ୍ବକ ରାଃଏ ସିଦାରେ ଆମ୍ ଆଇଙ୍ଗ୍ରେକେ କାଇଙ୍ଗ୍ ସାରିୟା ମେନ୍ତେ ଆପିସାମ୍ କାଳିୟା ।”

୩୫ ପାତ୍ରରାସ୍ ଇନିଃକେ କାଳିରୁହାଡ଼କିୟାଏ, “ଆଇଙ୍ଗ୍ରେକେ ଆମାଃଲଃ ଗଜଃ ଲାଗାଡ଼ିଙ୍ଗ୍ରେୟ ଆଇଙ୍ଗ୍ ଆମ୍ରେକେ କାଇଙ୍ଗ୍ ସାରିୟା ମେନ୍ତେ କାଇଙ୍ଗ୍ରି କାଳିୟା,”

ଆତ୍ମ ସବେନ୍ ଏଗାଠ ଚେଲକହ ଏନ୍ଲେକାଗି କାଳିକେଦାକ ।

ଗେଥ୍ସିମାନି ବାଖ୍ଡିରେ ଯୁକ୍ତାଆଃ ବିନ୍ତି
(ମାର୍କ ୧୪:୩୨-୪୨; ଲୁକ ୨୨:୩୯-୪୭)

୩୬ ଏନ୍ତେ ଯୁକ୍ତ ଆୟାଃ ଚେଲକଲଃ ଗେଥ୍ସିମାନି ନୁଡୁମ୍ ମିଆଁଦ୍ ବାଖ୍ଡିତେକ ସେନଃୟାନା, ଆତ୍ମ ଇନିଃ ଇନ୍କୁକେ ମେତାଦକଆଏ, “ଆଇଙ୍ଗ୍ ଏନ୍ତାଃରେ ବିନ୍ତି ଜାକେଦ୍ ଆପେ ନେତାଃରେ ଦୁବ୍ପେ ଆତ୍ମ ବିନ୍ତିପେ ।” ୩୭ ଇନିଃ ପାତ୍ରରାସ୍ ଆତ୍ମ ଜେବଦୀୟାଃ ବାରାନ୍ ହନ୍କିନ୍କେ ଆୟାଃଲଃ ଇଦିକେଦକଆଏ, ଆତ୍ମ ଇନିଃ ପୁରାଃଗି ଦୁକୁତେ ଆକୁଲ୍ବାକୁଲ୍ୟାନା, ୩୮ ଆତ୍ମ ଇନିଃ ଇନ୍କୁକେ କାଳିୟାଦକଆଏ, “ଜୀଉତାଇୟାଃ ଗଜଃଲେକା ଦୁକୁଃତାନା, ନେତାଃରେଗି ତାଇନ୍କାନ୍ପେ ଆତ୍ମ ଆଇଁୟାଃଲଃ ଏୟନାକାନ୍ ତାଇନ୍ପେ ।”

୩୯ ଆତ୍ମ ଯୁକ୍ତ କାଟିଃ ସାଙ୍ଗିନ୍ ସେନ୍କେଦ୍ପେ ଅତେରେ ଇକ୍ଡୁୟାନ୍ଲଃ ଅମ୍ବାଃୟାନାଏ ଆତ୍ମ ବିନ୍ତିକେଦାଏ, “ହେ ଆବା, ହବାଦାଡ଼ିୟାଃରେଦ୍ ନେ ଦୁକୁରାଃ କାଟୋରା ଆଇଙ୍ଗ୍ତାଃଏତେ ଇଦିୟାକା, ଏନ୍ରେୟ ଆଇଁୟାଃ ମନେଲେକାଦ୍ କା ମେନ୍ଦ୍ ଆମାଃ ମନେଲେକାଗି ହବାଅଃକା ।”

୪୦ ଏନ୍ତେ ଯୁକ୍ତ ଚେଲକତାଃ ରୁହାଡ଼ୟାନ୍ତି ଇନ୍କୁକେ ଦୁଡ଼ୟାକାନ୍ ନାମ୍ରେକେଦକଆଏ, ଆତ୍ମ ପାତ୍ରରାସ୍ କାଳିକିୟାଏ, “ଆପେ ଆଇଁୟାଃଲଃ ମିଦ୍ପାଣ୍ଡାହ୍ ଏୟନ୍କେଦ୍ପେ କାପେ ତାଇନ୍ ଦାଡ଼ିକେନା ? ୪୧ ବିଡାଅରେ ଆଲ୍ପେ ଉୟୁଗଃକା ମେନ୍ତେ

ଏୟନାକାନ ତାଇନ୍‌ପେ ଆଡ଼ଃ ବିନ୍ତିପେ । ଆମ୍ବାଦ ସାନାଙ୍ଗତାନାଏ, ମେନ୍‌ଦ ହଡ଼୍‌ମ ନାରାଦୁରାଗିୟାଃ ।”

୪୨ ଇନିଃ ଆଡ଼ଃମିସା ସେନଃୟାନାଏ ଆଡ଼ଃ ବିନ୍ତିକେଦାଏ, “ହେ ଆଇଁୟାଃ ଆବା, ଆଇଙ୍ଗ କାଇଙ୍ଗ ନୁଁ ଜାକେଦ୍ ନେ ଦୁକୁରାଃ କାଟୋରା ଆଇଙ୍ଗତାଃଏତେ କା ଇଦି ଦାଡ଼ିୟାଃରେଦ, ଆମାଃ ମନେ ଲେକାଗି ହବାଅଃକା ।” ୪୩ ଇନିଃ ଇନ୍‌କୁତାଃ ହିଜୁଃରୁହାଡ଼ିୟାନ୍‌ତି ଆଡ଼ଃମିସା ଦୁଡ଼ମ୍ବାକାନ ନାମ୍‌କେଦ୍‌କଆଏ, ଚିୟାଃଟି ଇନ୍‌କୁଦ ଦୁଡ଼ମ୍ବୁତେ ମେଦ୍‌ତାକଆଃ ଆରିଦ୍ କାକ ଦାଡ଼ିତାଇକେନା ।

୪୪ ଯୀଶୁ ଇନ୍‌କୁକେ ବାଗିକେଦ୍‌ତେ ଆଡ଼ଃଗି ସେନଃୟାନା ଆଡ଼ଃ ଏନ୍ ଲେକାଗି ଆପିସାଏ ବିନ୍ତିକେଦା । ୪୫ ଏନ୍ତେ ଇନିଃ ଆୟାଃ ଚେଲାକତାଃ ହିଜୁଃକେଦ୍‌ତେ ଇନ୍‌କୁକେ ମେତାଦ୍‌କଆ, “ନାହାଁଃ ଜାକେଦ୍‌ଟିପେ ଦୁଡ଼ମ୍ବାତାନା ଆଡ଼ଃ ରୁଡ଼ନୁତାନା ? ନେଲେପେ, ଆଇଙ୍ଗ ମାନଂଝାହନ୍ ପାପିକଆଃ ତିଃଇରେ ସାବ୍‌ରିକାଅଃତାନାଇଙ୍ଗ । ୪୬ ବିରିଦ୍‌ପେ, ଦଲାବୁ ସେନଆଃ ! ନେଲିପେ, ଆଇଙ୍ଗକେ ସାବ୍‌ରିକାଇଙ୍ଗିଃ ସେଟେରାକାନାଏ ।”

ୟୀଶୁକେକ ସାବିତାନା

(ମାର୍କ ୧୪:୪୩-୫୦; ଲୁକ ୨୨:୪୭-୫୩; ଯୋହାନ୍ ୧୮:୩-୧୨)

୪୭ ଯୀଶୁ ନେଆଁ କାଜିତାନ୍ ଇମ୍‌ତାଗି ଗେଲ୍‌ବାର୍ ଚେଲାକଏତେ ମିଆଁଦ୍‌ନିଃ ଯିହୁଦା ନୁଡୁମ୍ ଚେଲା ହିଜୁଃୟାନାଏ, ଇନିଃଲଃ ପୁରାଃ ଗାଦେଲ୍ ହଡ଼କ ତାରାଉଡ଼ି ଆଡ଼ଃ ଭଙ୍ଗାବ୍‌କ ସାବ୍‌କେଦ୍‌ତେ ହିଜୁଃୟାନାକ । ମୁଲ୍ ଯାଜାକ୍‌କ ଆଡ଼ଃ ପ୍ରାଟିନ୍‌କ ଇନ୍‌କୁକେ କୁଲାକାଦ୍‌କ ତାଇକେନା । ୪୮ “ଆଇଙ୍ଗ ଅକ୍‌ନିଃକେ ଚଅଃ'ଇଙ୍ଗ ଇନିଃକେଗି ସାବ୍‌କିତେ ତଲିପେ” ମେନ୍ତେ ଯୀଶୁକେ ସାବ୍‌ରିକାନିଃ ଯିହୁଦା ଏନ୍ ଗାଦେଲ୍ ହଡ଼କକେ ଚିହ୍ନାଁ ଏମାକାଦ୍‌କ ତାଇକେନାଏ ।

୪୯ ଯିହୁଦା, ଯୀଶୁଆଃ ନାଡ଼େଃ ସେନ୍‌କେଦ୍‌ତେ, “ହେ ଗୁରୁ, ଜହାର୍” ମେତାଇୟାଏ ଆଡ଼ଃ ଇନିଃକେ ଚଅଃ'କିୟାଏ ।

୫୦ ଯୀଶୁ କାଜିରୁହାଡ଼କିୟାଏ, “ଏ ଗାଡି ଆମ୍ ଅକନ୍ କାମିନାଙ୍ଗ ହିଜୁଆକାନାମ୍ ଏନା ରିକାଧାବେମେ ।”

ଏନ୍ତେ ଇନ୍‌କୁ ନାଡ଼େଃ ହିଜୁଃକେଦ୍‌ତେ ଯୀଶୁକେ ସାବ୍‌କେଦ୍‌ତେ ତଲ୍‌କିୟାଃକ । ୫୧ ଯୀଶୁଲଃ ତାଇକେନ୍ ହଡ଼କଏତେ ମିହୁଡ଼୍,

ଆୟାଃ ତାରାଉଡ଼ି ଅତଙ୍ଗକେଦତେ ମାରାଙ୍ଗ୍ ଯାଜାକରାଃ ଦାସିଆଃ
 ଲୁତୁରକେ ମାଆଃ ଖାଣ୍ଡାଅକେଦାଏ । ^{୫୨} ଯୀଶୁ ଇନିଃକେ
 କାଜିକିୟାଏ, “ଆମାଃ ତାରାଉଡ଼ିକେ ଖାପ୍ରେ ଦହଏମେ, ଚିୟାଃତି
 ତାରାଉଡ଼ି ସାବକେଦତେ କାମିତାନ୍ ସବେନ୍‌କଦ ତାରାଉଡ଼ିତେକ
 ଗଜଃଆ । ^{୫୩} ଆପେ ଚିନାଃ କାପେ ସାରିତାନା, ଆଇଁୟାଃ
 ଆପୁଇଙ୍ଗକେ ବିକ୍ରିଲେରେ, ଇନିଃ ଚିନାଃ ଆଇଁୟାଃ ନାଗେନ୍ତେ
 ଇମ୍‌ତାଗି ଗେଲ୍‌ବାର୍ ଫାଉଦ୍‌ତାଃଏତେ ଆଦ୍‌କା ଦୁଡ୍‌କକେ କାଏ
 କୁଲ୍‌ଦାଡ଼ିୟା ? ^{୫୪} ମେନ୍‌ଦ ନେ ଲେକାତେ ହବାଅଃଗି ଲାଗାଡ଼ିଙ୍ଗ୍‌ୟାଃ
 ମେନ୍ତେ ଧାରାମ୍‌ପୁଅରେ ଅଲ୍‌କାନ୍‌ତେୟାଃ ଚିଲ୍‌କାତେ ପୁରାଅଃଆ
 ।”

^{୫୫} ☆ଏନ୍ ଦିପିଲିରେ ଯୀଶୁ ଗାଦେଲ୍ ହଡ଼କକେ ମେତାଦ୍‌କଆ,
 “ଚିୟାଃ କୁମ୍‌ତୁଲେକା ସାବିଙ୍ଗ୍ ନାଗେନ୍ତେ ତାରାଉଡ଼ିକ ଆତଃ
 ଭଙ୍ଗାବ୍‌କ ସାବକେଦତେ ହିଜୁଃକାନାପେ ? ଆଇଙ୍ଗ୍ ସବେନ୍
 ହୁଲାଙ୍ଗ୍ ମାନ୍‌ିର୍ ଅଡ଼ାଃରେ ଦୁବ୍‌କେଦତେ ଇତୁକ ତାଇକେନାଇଙ୍ଗ୍
 ଆତଃ ଆପେ ଆଇଙ୍ଗ୍‌କେ କାପେ ସାବକେଦିୟା । ^{୫୬} ମେନ୍‌ଦ
 ଧାରାମ୍‌ପୁଅରେ ନାବୀକ ଅଲ୍‌କାନ୍‌ତେୟାଃ ପୁରାଅଃ ନାଗେନ୍ତେ ନେ
 ସବେନାଃ ହବାୟାନା ।”

ଏନ୍ତେ ସବେନ୍ ଚେଲ୍‌କ ଇନିଃକେ ବାଗିକିୟାକ ଆତଃ
 ନିର୍‌ୟାନାକ ।

ଯିହୁଦୀକଆଃ ପାଞ୍ଚେବ୍‌ରେ ଯୀଶୁଆଃ ବିଚାର୍

(ମାର୍କ ୧୪:୫୩-୬୫; ଲୁକ ୨୨:୫୪-୫୫, ୬୩-୬୧; ଯୋହାନ୍
 ୧୮:୧୩, ୧୪, ୧୯-୨୪)

^{୫୭} ଯୀଶୁକେ ସାବାକାଇ ହଡ଼କ ଇନିଃକେ କାୟ୍‌ଫା ମାରାଙ୍ଗ୍
 ଯାଜାକ୍‌ଆଃ ଅଡ଼ାଃତେକ ଇଦିକିୟା, ଏନ୍ତାଃରେ ଆଇନ୍ ଇତୁକ
 ଆତଃ ପ୍ରାଚିନ୍‌କ ହୁଣ୍ଡିୟାକାନ୍‌କ ତାଇକେନା । ^{୫୮} ମେନ୍‌ଦ
 ପାଡ଼ରାସ୍ ସାଙ୍ଗିନ୍‌ଏତେ ମାରାଙ୍ଗ୍ ଯାଜାକ୍‌ଆଃ ଅଡ଼ାଃରାଚା ଜାକେଦ୍
 ଅତଙ୍ଗକେଦ୍‌କଆଏ ଆତଃ ଟୁଣ୍ଡୁରେ ଚିନାଃ ହବାଅଆଃ ଏନା ନେନେଲ୍
 ନାଗେନ୍ତେ ଇନିଃ ଭିତାର୍ ବଲକେଦତେ ଏନ୍ତାଃରେ ଦାର୍‌ଖାନ୍‌କଲ୍‌ଃ
 ଦୁବ୍‌ୟାନାଏ ।

☆ ୨୭:୫୫ ୨୭:୫୫ ଲୁକ ୧୯:୪୭; ୨୧:୩୭.

୫୯ ମୁଲ୍ ଯାଜାକ୍ ଆତଃ ଯିହୁଦୀ ପାଞ୍ଚେତ୍ରେନ୍ ସବେନ୍କ ଯୀଶୁକେ ଗଗଏଃ ନାଗେନ୍ତେ ହସଡ଼ ଗାଞ୍ଜାକ ଦାଣ୍ଠାବାଡ଼ା ତାଇକେନା । ୬୦ ମେନ୍ଦ ପୁରାଃ ହଡ଼କ ହସଡ଼ ଗାଞ୍ଜାକ ଏମ୍ବେଦ୍ରେୟ ଜେଡ଼ନାଃ କାକ ନାମ୍ବେଦା, ଏନ୍ତେ ତୁଣ୍ଡୁରେ ବାରହଡ଼୍ ଆୟାର୍ତେ ହିଜୁଃକେଦ୍ତେ କାଜିକେଦାକିନ୍, ୬୧ ☆“ନେ ହଡ଼ କାଜିକାଦ୍ ତାଇକେନାଏ, “ଆଇଙ୍ଗ୍ ପାର୍ମେଶ୍ୱାର୍ଆଃ ମାନ୍ଦିର୍ ଅଡ଼ାଃକେ ହାଦୁଡ଼କେଦ୍ତେ ଆପିମାରେ ଏନାକେ ବାଇରୁହାଡ଼୍ ଦାଡ଼ିୟାଇଙ୍ଗ୍ ।”

୬୨ ଏନ୍ତେ ମାରାଙ୍ଗ୍ ଯାଜାକ୍ ବିରିଦ୍‌ୟାନାଏ ଆତଃ ଯୀଶୁକେ କାଜିକିୟା, “ନେ ହଡ଼କ ଆମାଃ ବିରୁଧ୍ରେ ଗାଞ୍ଜାକ ଏମ୍ବତାନା, ଆମ୍ ଚିକାନାଙ୍ଗ୍ ଇନ୍‌କୁକେ କାମ୍ କାଜିରୁହାଡ଼କତାନା ?” ୬୩ ମେନ୍ଦ ଯୀଶୁ ହାପାକାନ୍ ତାଇକେନାଏ, ଇମ୍ତା ମାରାଙ୍ଗ୍ ଯାଜାକ୍ ଆତଃଗି କାଜିକିୟାଏ, “ଆଇଙ୍ଗ୍ ଜାନିଦ୍ ପାର୍ମେଶ୍ୱାର୍ଆଃ ନୁତୁମ୍ତେ କିରିୟାନ୍‌ତାନଲଃ କୁଲିମେ ତାନାଇଙ୍ଗ୍, ସାର୍ତ୍ତିଗି କାଜିୟାଲେମ୍, ଆମ୍ ପାର୍ମେଶ୍ୱାର୍ଆଃ ହନ୍ ଖ୍ରୀଷ୍ଟ୍ ତାନମେଚି ?”

୬୪ ଯୀଶୁ ଇନିଃକେ କାଜିରୁହାଡ଼କିୟାଏ, “ଆମ୍ ଠାଉକାଗି କାଜିକେଦାମ୍, ମେନ୍ଦ ଆଇଙ୍ଗ୍ ଆପେ ସବେନ୍‌କକେ କାଜିୟାପେ ତାନାଇଙ୍ଗ୍, ନାହାଁଃଏତେ ଆପେ ମାନଞ୍ଜାହନ୍‌କେ ସବେନ୍ ପେଡେୟାନ୍ ପାର୍ମେଶ୍ୱାର୍ଆଃ ଜମ୍ତିସାଃରେ ଦୁବାକାନ୍ ଆତଃ ସିର୍ମାରାଃ ରିମିଲ୍ରେ ହିଜୁଃତାନପେ ନେଲିୟା ।”

୬୫ ଏନ୍ତେ ମାରାଙ୍ଗ୍ ଯାଜାକ୍ ଆୟାଃ ଲିଜାଃ ଚେଟାଃକେଦ୍ତେ କାଜିକେଦାଏ, “ନିଃଦ୍ ପାର୍ମେଶ୍ୱାର୍ଆଃ ହିଲାଙ୍ଗ୍‌କାଜି କାଜିକେଦା, ଆତଃ ଆବୁକେ ଚିକାନ୍ ଗାଞ୍ଜା ଲାଗାଡ଼ିଙ୍ଗ୍‌ୟାଃ ? ନେଲେପେ, ଆପେଦ୍ ନାହାଁଃଗି ପାର୍ମେଶ୍ୱାର୍ଆଃ ନିନ୍ଦାକାଜିପେ ଆୟୁମ୍‌କେଦା, ୬୬ ଆପେ ଚିନାଃପେ ଉଡ଼ୁତାନା ?”

ଇନ୍‌କୁ କାଜିରୁହାଡ଼କେଦାକ୍, “ଇନିଃ ଚିଟାକାନ୍‌ନିଃ ତାନିଃ, ଇନିଃକେ ଗଜଃ ଲାଗାଡ଼ିଙ୍ଗ୍‌ୟାଃ ।”

୬୭ ଏନ୍ତେ ଇନ୍‌କୁ ଇନିୟାଃ ମେଦ୍‌ମୁହାଁଡ଼ରେ ବେଏକ୍‌କିତେ ଦାଲ୍‌କିୟାକ୍ ଆତଃ ଏଟାଃକ୍ ଆପ୍‌ଡ଼ିତାନଲଃ ୬୮ କାଜିକିୟାକ୍,

☆ ୨୭:୬୧ ୨୭:୬୧ ଯୋହାନ୍ ୨:୧୯.

“ଏ ଖ୍ରୀଷ୍ଟ ! ଆମ୍ଭ ପରେ ନାବୀ ତାନ୍ମେ, ମାର୍ କାଜିଲେମେ, ଆମ୍ଭକେ ଅକଏ ଦାଲ୍ଲମେତାନାଏ ?”

ପାତ୍ରରାସ୍ ଯୀଶୁକେ କାଇଙ୍ଗ୍ ସାରିୟା ମେନ୍ତେ ଦଦାଦ୍‌ୟାନାଏ

(ମାର୍କ ୧୪:୨୭-୨୯; ଲୁକ ୨୨:୫୭-୬୨; ଯୋହାନ୍ ୧୮:୧୫-୧୮, ୨୫-୨୭)

^{୨୯} ପାତ୍ରରାସ୍ ବାହାରି ଅଡ଼ାଃରାଚାରେ ଦୁବାକାନ୍ ତାଇକେନାଏ, ଏନ୍ତେ ମାରାଙ୍ଗ୍ ଯାଜାକରାଃ ମିଆଁଦ୍ କାମ୍ଡି ଇନିୟାଃ ନାଡ଼େଃଡ଼େ ହିଜୁଃକେଦ୍‌ଡ଼େ କାଜିକିୟାଏ, “ଆମ୍‌ହ ଗାଲିଲ୍‌ରେନ୍ ଯୀଶୁଲଃ ତାଇକେନାମ୍ ।”

^{୩୦} ମେନ୍‌ଦ ପାତ୍ରରାସ୍ ସବେନ୍‌କଆଃ ସାମ୍‌ନାଙ୍ଗ୍‌ରେ ଦଦାଦ୍*ତାନ୍‌ଲଃ କାଜିରୁହାଡ଼କିୟାଏ, “ଆମ୍ ଚିନାଃମ୍ କାଜିତାନା ଆଇଙ୍ଗ୍ କାଇଙ୍ଗ୍ ସାରିୟା ।” ^{୩୧} ଆତଃ ଇନିଃ ବାହାରି ଅଡ଼ାଃରାଚାରେୟାଃ ବଲ୍‌ଦୁଆର୍‌ତାଃଡ଼େ ସେନଃୟାନା । ଆତଃମିଆଁଦ୍ କାମ୍ଡି ଇନିଃକେ ନେଲ୍‌କେଦ୍‌ଡ଼େ ଏନ୍ତାଃରେ ତାଇକାନ୍ ହଡ଼କକେ ମେତାଦ୍‌କଆ, “ନିଃଦ୍ ନାଜ୍‌ରେଡ଼ରେନ୍ ଯୀଶୁଲଃ ତାଇକେନାଏ ।”

^{୩୨} ଇନିଃ ଆତଃମିସା କିରିୟାତାନ୍‌ଲଃ ଦଦାଦ୍‌ୟାନାଏ ଆତଃ କାଜିକେଦାଏ, “ଆଇଙ୍ଗ୍ ଏନ୍ ହଡ଼କେ କାଇଙ୍ଗ୍ ସାରିୟା ।”

^{୩୩} ଘାଡ଼ିକାଦ୍ ତାୟମ୍‌ଡ଼େ ନାଡ଼େଃଡ଼େ ତିଜୁଆକାନ୍‌କ ପାତ୍ରରାସ୍‌ତାଃଡ଼େ ସେନ୍‌କେଦ୍‌ଡ଼େ କାଜିକିୟାକ, “ଆମ୍‌ହ ସାର୍‌ତିଗି ଇନ୍‌କୁଏଡ଼େ ମିଆଁଦ୍‌ନିଃ ତାନ୍‌ମେ, ଚିୟାଃତି ଆମାଃ ଜାଗାର୍ ଉଦୁବେତାନା ।”

^{୩୪} ଏନ୍ତେ ପାତ୍ରରାସ୍ କାଜିକେଦାଏ, “ଆଇଙ୍ଗ୍ କିରିୟାକେଦ୍‌ଡ଼େ ସାର୍‌ତିଗି କାଜିତାନାଇଙ୍ଗ୍, କାହାରେଦ୍ ପାର୍‌ମେଶ୍‌ବାର୍ ଆଇଙ୍ଗ୍‌କେ ସାଜାଇ ଏମାଇଙ୍ଗ୍‌କାଏ, ଆଇଙ୍ଗ୍ ଏନ୍ ହଡ଼କେ କାଇଙ୍ଗ୍ ସାରିୟା,”

ଇମ୍‌ତାଙ୍ଗି ସାଣ୍ଡିସିମ୍ ରାଆଃକେଦାଏ, ^{୩୫} ଆତଃ “ସାଣ୍ଡିସିମ୍ ଆଉରି ରାଆଃ ସିଦାରେ ଆମ୍ ଆଇଙ୍ଗ୍‌କେ ଆପିସା କାଇଙ୍ଗ୍ ସାରିୟା ମେନ୍ତେ କାଜିୟାମ୍” ମେନ୍ତେ ଯୀଶୁ କାଜିକାଇ କାଜିକେ ପାତ୍ରରାସ୍ ପାହାମ୍‌କେଦାଏ ଆତଃ ଇନିଃ ଅଡ଼ଙ୍ଗ୍‌କେଦ୍‌ଡ଼େ କୁସୁଦ୍ କୁସୁଦ୍‌ତାନ୍ ରାଆଃକେଦାଏ ।

* ୨୭:୨୦ ୨୭:୨୦ ଅସ୍‌ସାକାର୍

୨୭

ୟୀଶୁକେ ପିଲାତୁସ୍ତାଃତେ ଇଦିକିୟାକ

(ମାର୍କ ୧୫:୧; ଲୁକ ୨୩:୧-୨; ଯୋହାନ୍ ୧୮:୨୮-୩୨)

୧ ସେତାଃ ଇଦାନରେ ସବେନ୍ ମୁଲ୍ ଯାଜାକ୍ ଆତଃ ହତ୍ତକଆଃ ପ୍ରାଚିନ୍ କ ଯୀଶୁକେ ଗଜି ନାଗେନ୍ତେକ ରଜୋଟକେଦା । ୨ ଇନ୍କୁ ଯୀଶୁକେ ସିକ୍ତ୍ରିତେ ତଲ୍ଲକେଦ୍ତେ ରୋମିରେନ୍ ଲାଟ୍‌ସାହେଦ୍ ପିଲାତୁସ୍ତାଃତେକ ଜିମାକିୟା ।

ଯିହୁଦାରାଃ ଗନଏଃ

(ପ୍ରେରିତ୍ ୧:୧୮-୧୯)

୩ *ବାଇରିକଆଃ ତିଃଇରେ ସାବ୍ରିକାକାଇ ଯିହୁଦା, ଯୀଶୁଆଃ ଗନଏଃ ସାଜାଇରେୟାଃ ବିଚାର୍ ଆୟୁମ୍‌କେଦ୍ତେ ହେୟାତିକ୍‌କେଦା ଆତଃ ଏନ୍ ତିରିଶ୍ଟୁ ରୁପା ସିକା ରୁହାଡ୍ ନାଗେନ୍ତେ ମୁଲ୍ ଯାଜାକ୍ ଆତଃ ପ୍ରାଚିନ୍‌କତାଃ ଆଉକେଦାଏ । ୪ ଆତଃ କାଜିକେଦାଏ, “ଆଇକ୍ ମିହୁଡ୍ କା ଚିଟାଃଅ ହତ୍ତକେ ଗଏଃ ନାଗେନ୍ତେ ବାଇରିକଆଃ ତିଃଇରେ ଜିମାକେଦ୍ତେ ପାପ୍‌କାଦାଇକ୍,”

ମେନ୍‌ଦ ଇନ୍କୁ କାଜିରୁହାଡ୍‌କିୟାକ, “ଏନାରେ ଆଲେ ଚିନାଃ ଚିକାୟାଲେ ? ଏନା ଆମ୍‌ଗି ସାରିମେ !”

୫ ଯିହୁଦା ଏନ୍ ସିକାକେ ମାନ୍ଦିର୍ ଅଡ଼ାଃରେ ହୁଦ୍‌ମାକେଦ୍ତେ ସେନଃୟାନା ଆତଃ ଆଇଃକ୍‌ଗି ହାକା ଗଏଃୟାନାଏ ।

୬ ମୁଲ୍ ଯାଜାକ୍ ଏନ୍ ସିକା ଆଉକେଦ୍ତେ କାଜିକେଦାକ, “ନେଆଁଦ ମାୟୋମ୍‌ରେୟାଃ ଟାକା ତାନାଃ, ଆଇନ୍ ଲେକାତେ ନେଆଁକେ ମାନ୍ଦିର୍ ଅଡ଼ାଃରେୟାଃ ଖୁଜ୍ ଅଡ଼ାଃରେ ଦହ ନାଜ୍ କା ବୁଗିନାଃ ।” ୭ ଏନ୍ତେ ଇନ୍କୁ ନେ ବିଷାଏରେ ସାଲ୍‌ହାକେଦ୍ତେ, ଏଟାଃ ଦିଶ୍ଟମ୍‌ରେନକକେ ତପାକ ନାଗେନ୍ତେ ଏନ୍ ଟାକାତେ କୁମ୍‌ରୁଆଃ ଅତେକେ କିରିକ୍‌କେଦାକ । ୮ ଏନାମେନ୍ତେ ଏନ୍ ଅତେକେ ତିସିକ୍ ଜାକେଦ୍ “ମାୟୋମ୍‌ରେୟାଃ ଅତେ” ମେନ୍ତେକ କାଜିତାନା ।

୯ ଏନ୍ତେ ନେ ବିଷାଏରେ ଯିରିମିୟ ନାବୀ କାଜିକାଦ୍ କାଜି ପୁରାୟାନା, “ଇସ୍ରାଏଲ୍‌ରେନ୍ ହତ୍ତକ ଇନିୟାଃ ନାଜ୍ ଠାହାରାଅକାଦ୍

☆ ୨୭:୩ ୨୭:୩ ପ୍ରେରିତ୍ ୧:୧୮, ୧୯.

ଗନଙ୍କକେ ଚାଏ ଏନ୍ ତିରିଶଠୁ ରୁପା ସିକା ଇଦିକେଦତେ,
୧୦ ଆଇଁୟାଃ ପ୍ରାଭୁଆଃ ଆତୁ ଲେକା ଇନ୍‌କୁ କୁମ୍‌ରାଆଃ ଅତେକ
କିରିଙ୍ଗକେଦା ।”

ୟୀଶୁକେ ପିଲାତୁସ୍‌ଆଃ କୁନ୍‌ଲି

(ମାର୍କ ୧୫:୨-୫; ଲୁକ ୨୩:୩-୫; ଯୋହାନ୍ ୧୮:୩୩-୩୮)

୧୧ ଯୀଶୁକେ ରୋମିରେନ୍ ଲାଟ୍‌ସାହେବ୍ ପିଲାତୁସ୍‌ଆଃ
ସାମ୍‌ନାଙ୍ଗ୍‌ରେ ତିଙ୍ଗୁକିୟାକ, ଆଡ଼ଃ ଲାଟ୍‌ସାହେବ୍ ଇନିଃକେ
କୁଲିକିୟାଏ, “ଆମ୍ ଯିହୁଦୀକଆଃ ରାଜା ତାନ୍‌ମେଟି ?”

ୟୀଶୁ କାଜିରୁହାଡ଼କିୟାଏ, “ହେଗି, ଆମ୍‌ଗି କାଜିତାନାମ୍ ।”

୧୨ ମୁଲ୍ ଯାଜାକ୍‌କ ଆଡ଼ଃ ପ୍ରାଚିନ୍‌କ ଇନିଃକେ ଚିଟାଈତାନ୍ ଇମ୍‌ତା
ଇନିଃ ଜେଡ଼ନାଃ କାଏ କାଜିରୁହାଡ଼କେଦା ।

୧୩ ଏନ୍ତେ ପିଲାତୁସ୍ ଇନିଃକେ କାଜିକିୟାଏ, “ଇନ୍‌କୁ ଆମାଃ
ବିରୁଧ୍‌ରେ ଚିଟାନାଙ୍ଗ୍ ପୁରାଃ ଗାଞ୍ଜକ ଏମ୍‌ତାନା ଏନା ତିନାଃ କାମ୍
ଆୟୁମେତାନା ?”

୧୪ ମେନ୍‌ଦ ଯୀଶୁ ମିଆଁଦ୍ କାଜିୟ କାଏ କାଜିକେଦା, ଏନାମେନ୍ତେ
ଲାଟ୍‌ସାହେବ୍ ପୁରାଃଗି ଆକ୍‌ଦାନ୍‌ଆୟାନା ।

ୟୀଶୁଆଃ ଗନଏଃ ବିଚାର

(ମାର୍କ ୧୫:୬-୧୫; ଲୁକ ୨୩:୧୩-୨୫; ଯୋହାନ୍ ୧୮:୩୯-୧୯:୧୭)

୧୫ ରୋମିରେନ୍ ଲାଟ୍‌ସାହେବ୍‌ଆଃ ରିଡିଲେକାତେ ପାସକା
ପାରାବ୍ ଦିପିଲିରେ ଗାଦେଲ୍ ହଡ଼କଆଃ ମନେଲେକା ମିଆଁଦ୍
ଜେହେଲ୍‌କାନ୍‌ନିଃକେ ଇନ୍‌କୁଆଃ ନାଗେନ୍ତେ ଆଡ଼ାଗାକତାନ୍
ତାଇକେନାଏ । ୧୬ ଏନ୍ ଦିପିଲିରେ ବାରବ୍‌ବା* ନୁତୁମ୍ ମିଆଁଦ୍
ନାମିକୁମ୍‌ତୁ ଜେହେଲ୍‌ରେ ତାଇକେନାଏ । ୧୭ ଏନ୍ତେ ଇନ୍‌କୁ ହୁଣ୍ଡିକାନ୍
ତାଇକେନ୍ ଇମ୍‌ତା ପିଲାତୁସ୍ ଇନ୍‌କୁକେ କୁଲିକେଦକଆଏ, “ଆଇଙ୍ଗ୍
ଆପେୟାଃ ନାଗେନ୍ତେ ଅକଏକେଇଙ୍ଗ୍ ଆଡ଼ାଃଇୟା ମେନ୍ତେପେ
ସାନାଙ୍ଗ୍‌ତାନା ? ବାରବ୍‌ବାକେ ଚି ଖ୍ରୀଷ୍ଟ୍ ନୁତୁମ୍‌ତାନ୍ ଯୀଶୁକେ
?” ୧୮ ଚିୟାଃଗି ଯିହୁଦୀକଆଃ ପ୍ରାଚିନ୍‌କ ହିସ୍‌ଙ୍ଗାତେ ଇନିଃକେକ
ଜିମାକିୟା, ଏନା ପିଲାତୁସ୍ ସାରିତାଇକେନାଏ ।

* ୨୭:୧୭ ୨୭:୧୭ ଚିନିନ୍ ମାରି ଅନଲ୍‌ରେ ଇନିୟାଃ ନୁତୁମ୍ ଯୀଶୁ ବାରବ୍‌ବାସ୍ ଅଲ୍‌କାନା

୧୯ ପିଲାତୁସ୍ ବିଚାର ଠାୟାଦ୍ରେ ଦୁବାକାନ୍ ତାଇକେନ୍ ଇମ୍ତା ଆୟାଃ କୁଡ଼ି, “ଏନ୍ ଧାର୍ମାନ୍ ହଡ଼କେ ଜେଡ଼ନାଃ ଆଲମ୍ ରିକାଇୟା, ଚିୟାଃଟି ଇନିୟାଃ ନାଗେନ୍ତେ ଆଇଙ୍ଗ୍ କୁମ୍ପୁରେ ତିସିଙ୍ଗ୍ ନିଦାରେ ପୁରାଃଗି ଦୁକୁଇଙ୍ଗ୍ ନାମାକାଦା” ମେନ୍ତେ କାଜି କୁଲ୍‌କେଦାଏ ।

୨୦ ମେନ୍ଦ ଦ ମୁଲ୍ ଯାଜାକ୍‌କ ଆଡ଼ଃ ପ୍ରାଚିନ୍‌କ ବାରବ୍‌ବାକେ ଆସି ନାଙ୍ଗ୍ ଆଡ଼ଃ ଯାଶୁକେ ଗଜି ନାଗେନ୍ତେ ଗାଦେଲ୍ ହଡ଼କକେ ଉସ୍‌କୁରକେଦକଆକ । ୨୧ ମେନ୍ଦ ରୋମିରେନ୍ ଲାଟ୍‌ସାହେବ୍ ଗାଦେଲ୍ ହଡ଼କକେ କୁଲିକେଦକଆଏ, “ନେ ବାରାନ୍‌କିନ୍‌ଏତେ ଆପେୟାଃ ନାଗେନ୍ତେ ଅକଏକେଇଙ୍ଗ୍ ଆଡ଼ାଃଇୟା ମେନ୍ତେପେ ସାନାଙ୍ଗ୍‌ତାନା ?”

ଇନ୍‌କୁ “ବାରବ୍‌ବାକେ” ମେନ୍ତେକ କାଜିରୁହାଡ଼କିୟା ।

୨୨ ପିଲାତୁସ୍ ଇନ୍‌କୁକେ କୁଲିକେଦକଆଏ, “ଖ୍ରୀଷ୍ଟ୍ ନୁଡୁମ୍ ଯାଶୁକେ ଆଇଙ୍ଗ୍ ଚିନାଃ ଚିକାଇୟାଇଙ୍ଗ୍ ?”

ଇନ୍‌କୁ ସବେନ୍‌କ କାଉରିକେଦ୍‌ତେ କାଜିରୁହାଡ଼କିୟା, “ଇନିଃକେ କୁଶ୍‌ରେ କିଲାଇମେ ।”

୨୩ ମେନ୍ଦ ପିଲାତୁସ୍ ଇନ୍‌କୁକେ କୁଲିକେଦକଆଏ, “ଚିକାନାଙ୍ଗ୍ ଇନିଃ କିଲାଝାଏଃ ଚିକାନ୍ ଗୁହ୍ନା ରିକାକାଦାଏ ?”

ମେନ୍ଦ ଇନ୍‌କୁ ପୁରାଃତେକ କାଉରିକେଦା, “କୁଶ୍‌ରେ କିଲାଅଃକାଏ ।”

୨୪ ଏନ୍ତେ ପିଲାତୁସ୍ ଜେଡ଼ନାଃ ରିକା କାଏ ଦାଡ଼ିକେନା, ମେନ୍ଦ ଆଦକା ପୁରାଃ ହାଲାଗୁଲାଅଃତାନା, ନେଆଁ ଆବ୍‌କାରକେଦ୍‌ତେ ଦାଆଃ ଆଉକେଦାଏ ଆଡ଼ଃ ଗାଦେଲ୍ ହଡ଼କଆଃ ସାମ୍‌ନାଙ୍ଗ୍‌ରେ ଆୟାଃ ଡିଃଇ ଆବୁଙ୍ଗ୍‌କେଦ୍‌ତେ କାଜିକେଦାଏ, “ନେ ହଡ଼ଆଃ ଗନ୍‌ଏଃ ମାୟୋମ୍‌ରେ ଆଇଙ୍ଗ୍ କାଇଙ୍ଗ୍ ଚିଚାନାଃ, ଏନା ଆପେୟାଃ କାମିତାନାଃ ।”

୨୫ ସବେନ୍ ହଡ଼କ କାଜିରୁହାଡ଼କିୟାକ, “ୟାଶୁଆଃ ଗନ୍‌ଏଃରାଃ ଗୁହ୍ନା ଆଲେୟାଃରେ ଆଡ଼ଃ ଆଲେୟାଃ ହନ୍‌କଆଃରେ ଠଗଃକା ।”

୨୬ ଏନ୍ତେ ପିଲାତୁସ୍ ବାରବ୍‌ବାକେ ଇନ୍‌କୁ ନାଗେନ୍ତେ ଆଡ଼ାଃକିୟା, ମେନ୍ଦ ଯାଶୁକେ ହାଣ୍‌ସା ରିକାକେଦ୍‌ତେ କୁଶ୍‌ରେ କିଲାଅଃକାଏ ମେନ୍ତେ ସିପାଇକଆଃ ଡିଃଇରେ ଜିମାକିୟାଏ ।

ୟୀଶୁକେ ସିପାଇକ ଲାନ୍ଦାଇତାନା

(ମାର୍କ ୧୫:୧୭-୨୦; ଯୋହାନ୍ ୧୯:୨-୩)

୨୭ ଏନ୍ତେ ପିଲାତୁସଆଃ ସିପାଇକ ଯୀଶୁକେ ରୋମିରେନ୍ ଲାଟ୍‌ସାହେବ୍‌ଆଃ ଅଡ଼ାଃ ଭିତାରେତେ ଇଦିକେଦ୍‌ତେ ଗଟା ପାଲଟାନକରେନ୍‌କକେ ହୁଣ୍ଡିକେଦକଆକ । ୨୮ ଇନ୍‌କୁ ଇନିୟାଃ ଲିଜାଃ ହଲେଃକକେଦ୍‌ତେ ଇନିଃକେ ମିଆଁଦ୍ ବାଇଗିନିଆ ଲିଜାଃକ ତୁସିଙ୍ଗକିୟା । ୨୯ ଏନ୍ତେ ଜାନୁମ୍ କତ ଗାଲାଙ୍ଗକେଦ୍‌ତେ ମୁକୁଟକ ବାଇକେଦା ଏନ୍ତେ ଇନିୟାଃ ବହଃରେକ ରୁପୁରିକିଆ ଆତଃ ଇନିୟାଃ ଜମ୍ ତିଃଇରେ ମିଆଁଦ୍ ସଟାକ ଏମ୍‌କିୟା ଆତଃ ଇନିୟାଃ ଆୟାରେ ଇକ୍‌ଡ୍‌ମୁକେଦ୍‌ତେ, “ଏ ଯିହୁଦୀକଆଃ ରାଜା ଜାନାଅ ଜାକେଦ୍ ତାଇନ୍‌ମେ” ମେନ୍ତେ କାଜିକେଦ୍‌ତେ ଇନିଃକେକ ଲାନ୍ଦାକିୟା । ୩୦ ଆତଃ ଇନ୍‌କୁ ଇନିଃକେ ବେଏକ୍‌କିୟାକ ଆତଃ ଏନ୍ ପାଇପ୍ ଇଦିକେଦ୍‌ତେ ଇନିୟାଃ ବହଃରେକ ଦାଲ୍‌କିୟା । ୩୧ ଇନ୍‌କୁ ଇନିଃକେ ଲାନ୍ଦା ଚାବାକିତେ, ଏନ୍ ଲିଜାଃକ ହଲେଃକକେଦା ଆତଃ ଆୟାଃ ଲିଜାଃ ତୁସିଙ୍ଗକିତେ କୁଶ୍‌ରେ କିଲାଇ ନାଗେନ୍ତେକ ଇଦିକିୟା ।

ୟୀଶୁ କିଲାୟାନାଏ

(ମାର୍କ ୧୫:୨୧-୩୨; ଲୁକ ୨୩:୨୭-୪୩; ଯୋହାନ୍ ୧୯:୧୭-୨୭)

୩୨ ଇନ୍‌କୁ ସାହାର୍‌ଏତେ ସେନଃତାନ୍ ତାଇକେନ୍ ଇମ୍‌ତାଗି ଗିମୋନ୍ ନୁତୁମ୍ କୁରିନି ସାହାର୍‌ରେନ୍ ମିଆଁଦ୍ ହଡ୍‌କେ ନେଲ୍‌କେଦ୍‌ତେ ଯୀଶୁଆଃ କୁଶ୍ ଗଅଃ ନାଗେନ୍ତେ ଇନିଃକେ ଜାବାର୍‌ଜାସ୍ତିକିୟାକ । ୩୩ ଇନ୍‌କୁ ଗାଲ୍‌ଗାଆ, ନେଆଁରାଃ ମୁଣ୍ଡିଦ୍ “ବହଃଜାଙ୍ଗ୍” ନୁତୁମ୍ ମିଆଁଦ୍ ଠାୟାଦ୍‌ତେକ ହିଜୁଃୟାନା । ୩୪ ଏନ୍ତାଃରେ ଇନ୍‌କୁ ଇନିଃକେ ମେହେର୍‌ତେଆଃ ମେସାକାନ୍ ଦାଖ୍‌ରାସି ନୁଁଇ ନାଗେନ୍ତେକ ଏମ୍‌କିୟା, ମେନ୍‌ଦ୍ ଇନିଃ ଏନାକେ ଚାଖାଅକେଦ୍‌ତେ ନୁଁ କାଏ ଦାଡ଼ିକେନା ।

୩୫ ଇନ୍‌କୁ ଯୀଶୁକେ କୁଶ୍‌ରେ କିଲାକିୟାକ, ଏନ୍ତେ ଇନିୟାଃ ଲିଜାଃକକେ ଇଦି ନାଗେନ୍ତେ ଚିଠା ଭୟୁଃକେଦାକ ଆତଃ ଲିଜାଃତାୟାଃ ହାଟିଙ୍ଗକେଦାକ । ୩୬ ଏନ୍ ତାୟମ୍‌ତେ ଇନ୍‌କୁ ଏନ୍ତାଃରେ ଦୁବ୍‌କେଦ୍‌ତେ ଇନିଃକେକ ହରକିୟା । ୩୭ ଆତଃ ଇନିୟାଃ

ବହଃ ରେତାନ୍ରେ ଇନ୍କୁ “ନିଃ ଯିହୁଦୀକଆଃ ରାଜା ଯୀଶୁ ତାନିଃ,”
 ମେନ୍ତେ ଆୟାଃ ବିରୁଧରେ ମିଆଁଦ୍ ଚିଠାଅନଲ୍ରେ ଅଲ୍ଲକେଦ୍ତେ
 ହାକାକେଦାକ । ୩୮ ଏନ୍ତେ ଇନିଃଲଃ ବାଋହଡ୍, ରେରେଃକକିନ୍କେ
 କୁଶ୍ରେକ କିଲ୍ଲକେଦ୍କିନା ମିଆଁଦ୍ନିଃକେ ଜମ୍ଫାଃରାଃ କୁଶ୍ରେ
 ଆଡଃମିଆଁଦ୍ନିଃକେ ଲେକ୍ଫାତିସାଃରାଃ କୁଶ୍ରେ ।

୩୯ ଆଡଃ ଏନ୍ ହରାରେ ସେନ୍ପାରମଃତାନ୍ ହଡକ ଆକଆଃ
 ବହଃ ହିଲ୍ଲାଅକେଦ୍ତେ ଯୀଶୁକେ ନିନ୍ଦାତାନ୍ଲଃ ଲାନ୍ଦାକିୟାକ,
 ୪୦ ✽ଆଡଃ କାଜି ଏଟେଦ୍କେଦାକ, “ବାଃରେ, ମାନ୍ଦିର୍ ହାଦୁଡ୍ନିଃ
 ଆଡଃ ଆପିମାରେ ବାଈରୁହାଡ୍ନିଃ, ଆମ୍ ପାର୍ମେଶ୍ଵାର୍ଆଃ
 ହନ୍ତାନ୍ମେରେଦ୍ ମାର୍ କୁଶ୍ଏତେ ଆଡଃଗୁନ୍ମେ ଆଡଃ
 ବାଞ୍ଚାଅଏନ୍ମେ ।”

୪୧ ଏନ୍ ଲେକାଗି ମୁଲ୍ ଯାଜାକକ, ଆଇନ୍ ଇଡୁକ ଆଡଃ ପ୍ରାଚିନ୍କ
 ସବେନ୍ ଲାନ୍ଦାକିୟାକ, ୪୨ ଆଡଃ କାଜିକିୟାକ, “ଇନିଃଦ୍ ଏଟାଃକକେ
 ବାଞ୍ଚାଅକେଦ୍କଆଏ, ମେନ୍ଦ୍ ଇନିଃ ଆଇଃକଗି ବାଞ୍ଚାଞ୍ଜେନ୍
 କାଏ ଦାଡ୍ଡିତାନ୍ । ଇନିଃ ଇସ୍ରାଏଲ୍ରେନ୍ ରାଜା ତାନିଃରେଦ୍
 ନାହାଁଃଗି କୁଶ୍ଏତେ ଆଡଃଗୁନ୍କାଏ, ଆଡଃ ଆରୁ ସବେନ୍କ ଏନା
 ନେଲ୍କେଦ୍ତେ ଇନିଃରେରୁ ବିଶ୍ଵାସେତେୟାଃ । ୪୩ ଇନିଃଦ୍
 ଆଇଃକଗି ପାର୍ମେଶ୍ଵାର୍ଆଃ ହନ୍ତାନିକ୍ ମେନ୍ତେ କାଜିୟାଏ ଆଡଃ
 ପାର୍ମେଶ୍ଵାର୍ତାଃରେ ଭାର୍ସାକାଦାଏ । ଠାଉକାଗିୟା, ପାର୍ମେଶ୍ଵାର୍
 ଇନିଃକେ ବାଞ୍ଚାଅ ସାନାକ୍ତାନାଏ ଚି କାହା ଏନା ମାର୍ରୁ ନେଲେୟା
 ।”

୪୪ ଆଡଃ ଇନିଃଲଃ କୁଶ୍ରେ କିଲ୍ଲକାନ୍ ଏଡକାନ୍ କାମିକିନ୍ହଗି
 ନେ ଲେକାଗି ଇନିଃକେକିନ୍ ଲାନ୍ଦାକିୟା ।

ୟୀଶୁଆଃ ଗନଏଃ

(ମାର୍କ ୧୫:୩୩-୪୧; ଲୁକ ୨୩:୪୪-୪୯; ଯୋହାନ୍ ୧୯:୨୮-୩୦)

୪୫ ତିକିନ୍ସିକ୍ଏତେ ତାର୍ସିକ୍ ତିନ୍ଦାଣ୍ଟା ଜାକେଦ୍ ଗଟା ଦିଶୁମ୍
 ନୁବାଃୟାନା । ୪୬ ତାର୍ସିକ୍ ତିନ୍ଦାଣ୍ଟେ ଇମ୍ତାକ ଯୀଶୁ ପୁରାଃତେ
 କାଉରିକେଦ୍ତେ କାଜିକେଦାଏ, “ଏଲୋଇ, ଏଲୋଇ, ଲାମା

✽ ୨୭:୪୦ ୨୭:୪୦ ମାଥୁର ୨୭:୨୧; ଯୋହାନ୍ ୨:୧୯.

ସାବାକଥାନି ?” ଏନାରାଃ ମୁଣ୍ଡିଦ, “ଏ ଆଇଁୟାଃ ପାରମେଶ୍ୱାର୍, ଏ ଆଇଁୟାଃ ପାରମେଶ୍ୱାର୍ ଚିନାଃମେନ୍ତେ ଆଇଙ୍ଗକେ ବାଗିକିଦିୟାମ୍ ?”

୪୭ ଏନ୍ତାଃରେ ତିଙ୍ଗୁଆକାନ ଚିମିନ୍ ହଡକ ନେଆଁ ଆୟୁମକେଦ୍ତେ, “ଇନିଃ ଏଲିୟକେ ହାକାଅତାନା” ମେନ୍ତେକ କାଜିକେଦା । ୪୮ ଇନ୍କୁଏତେ ମିଆଁଦ୍ନିଃ ନିରଧାବ୍କେଦ୍ତେ ସ୍ତୁଜ୍ଜକେ ସାବ୍କେଦାଏ ଆଡଃ ମେହେର୍ ରାସିରେ ତୁପୁକେଦ୍ତେ ମିଆଁଦ୍ ଜିଲିଙ୍ଗ୍ ସଟାରେୟାଃ ରୁଚିରେ ଗୁଡୁକେଦାଏ, ଏନ୍ତେ ଇନିଃକେ ନୁଁ ନାଗେନ୍ତେ ଏମ୍କିୟାଏ ।

୪୯ ମେନ୍ଦ୍ ଏଟାଃକ କାଜିକେଦା, “ରାହା, ନାହାଁଃ ଏଲିୟ ଇନିଃକେ ବାସ୍ତାଅ ନାଗେନ୍ତେ ହିନ୍ତୁଃଆଏ ଚି କାହା ଏନାବୁ ନେଲେୟା ।”

୫୦ ଯୀଶୁ ଆଡଃମିସା ପୁରାଃଗି କାଉରିକେଦାଏ ଆଡଃ ଜୀଉତାୟାଃ ଅତଙ୍ଗୟାନା ।

୫୧ ଏନ୍ତେ ମାନ୍ଦିର୍ ଅଡଃରେ ହାକାକାନ ହାନାଟିଙ୍ଗ୍ ଦାନାଙ୍ଗଲିଜାଃ ଚେତାନଏତେ ଲାତାର୍ ଜାକେଦ୍ ଆଲାରେ ବାର୍ ହିସା ଚାଗାଡ଼ୟାନା ଆଡଃ ଅତେ ଏକ୍ଲାଅକେଦ୍ତେ ଚାଚେନ୍କ ଦାଡ଼ାଃୟାନା ।

୫୨ ଆଡଃ ଚିମିନ୍ ତପାଗାଡ଼ାକ ଅଟାଃୟାନା ଆଡଃ ପାରମେଶ୍ୱାର୍ଆଃ ଚିମିନ୍ ଗଜାକାନ ପାବିତାର୍ ହଡକଆଃ ହଡ଼ମ୍ ଜୀଉବିରିଦ୍ୟାନା ।

୫୩ ଆଡଃ ଇନ୍କୁ ତପାଗାଡ଼ା ବାଗିକେଦ୍ତେ ଯୀଶୁଆଃ ଜୀଉବିରିଦ୍ ତାୟମ୍ତେ ପାବିତାର୍ ନାଗାର୍ ଯୀରୁଶାଲେମ୍ତେ ସେନଃୟାନାକ । ଏନା ପୁରାଃ ହଡକ ଇନ୍କୁକେ ନେଲ୍କେଦ୍କଆକ ।

୫୪ ମିଦ୍ଶାଅ ସିପାଇକଆଃ ଗମକେ ଆଡଃ ଆୟାଃଲଃ ଯୀଶୁକେ ହିରଇତାନକ୍ ଅତେ ଏକ୍ଲାଅଃତେୟାଃ ଆଡଃ ସବେନ୍ ହବାୟାନ୍ତେୟାଃକ ନେଲ୍କେଦ୍ତେ ପୁରାଃଗିକ ବରକେଦା ଆଡଃ ଆକ୍ଦାନ୍ଦାଅଃତାନଲଃ କାଜିକେଦାକ, “ସାର୍ତିଗି ନେ ହଡ୍ ପାରମେଶ୍ୱାର୍ଆଃ ହନ୍ଗି ତାଇକେନାଏ ।”

୫୫ ଏନ୍ତାଃରେ ଯୀଶୁକେ ଦେଙ୍ଗାକାଇ ପୁରାଃ କୁଡ଼ିକ ସାଙ୍ଗିନ୍ଏତେ ନେଲି ତାଇକେନାକ । ଇନ୍କୁ ଗାଲିଲ୍ଏତେ ଅତଙ୍ଗଆଉକାଇ ତାଇକେନାକ । ୫୬ ଇନ୍କୁଏତେ, ମାଗ୍ଦାଲିନି ମାରିୟାମ୍, ଯାକୁବ୍ ଆଡଃ ଯୋଷେଫ୍ଆଃ ଏଙ୍ଗାତେ ମାରିୟାମ୍ ଆଡଃ ଜେବଦାୟାଃ ହନ୍କଆଃ ଏଙ୍ଗାତେ, ନେ ସବେନ୍କ ତାଇକେନା ।

ୟୀଶୁଆଃ ତପାଅଃ

(ମାର୍କ ୧୫:୪୨-୪୭; ଲୁକ ୨୩:୫୦-୫୬; ଯୋହାନ୍ ୧୯:୩୮-୪୨)

୫୭ ଆୟୁର୍ଯ୍ୟାନତି ହାରାମାଥୁୟା ସାହାରରେନ୍ ଯୋଷେଫ୍ ନୁତୁମ୍ ମିଆଁଦ୍ କିସାଁଣ୍ ହଡ୍ ହିଜୁଃୟାନାଏ, ଇନିଃହଗି ଯୀଶୁଆଃ ମିଆଁଦ୍ ଚେଲା ତାଇକେନାଏ । ୫୮ ଇନିଃ ପିଲାତୁସ୍ତାଃତେ ସେନକେଦ୍ତେ ଯୀଶୁଆଃ ଗଏଃହଡ୍ତମ୍ ଆସିକିୟାଏ, ଏନ୍ତେ ପିଲାତୁସ୍ ଇନିୟାଃ ଗଏଃହଡ୍ତମ୍ ଏମାଇ ନାଗେନ୍ତେ ଆରୁକେଦ୍କଆ । ୫୯ ଆତଃ ଯୋଷେଫ୍ ଯୀଶୁଆଃ ଗନଏଃ ହଡ୍ତମ୍ ଆତକେଦ୍ତେ ଫାର୍ତି ନିରାଲ୍ ଲିଜାଃତେ ପଚମ୍କେଦାଏ । ୬୦ ଆତଃ ଇନିଃ ଆୟାଃ ନାଗେନ୍ତେ ଚାଟେନ୍ରେ ଉରାକାନ୍ ନାଖା ତପାଗାଡ଼ାରେ ଇନିଃକେ ଦହକିୟାଏ ଆତଃ ତପାଗାଡ଼ା ଦୁଆରରେ ମିଆଁଦ୍ ମାରାଙ୍ଗ୍ ଦିରିତେ ବାଟିକେସେଦ୍କେଦ୍ତେ ସେନଃୟାନାଏ । ୬୧ ଆତଃ ମାଗ୍ଦାଲିନି ମାରିୟାମ୍ ଆତଃ ଏଗାଃ ମାରିୟାମ୍ ତପାଗାଡ଼ା ହେପାଦ୍ରେ ଦୁର୍ଯ୍ୟାନାକିନ୍ ।

ତପାଗାଡ଼ାତାଃରେ ଦାରଖାନକ

୬୨ ଏଗାଃ ହୁଲାଙ୍ଗ୍, ଅକ୍ନାଃତି ରୁଡ୍ନୁହୁଲାଙ୍ଗ୍ରେ ମୁଲ୍ ଯାଜାକ୍ ଆତଃ ଫାରୁଗୀକ ପିଲାତୁସ୍ତାଃତେ ସେନଃୟାନାକ ୬୩ ☆ଆତଃ କାଜିକିୟାକ, “ହେ ଗମ୍କେ, ଆଲେ ନାହାଁଃ ଜାକେଦ୍ ପାହାମ୍କାଦାଲେ ଏନ୍ ବେଦାନିଃ ଜାନିଦ୍ ତାଇକେନ୍ରେ ‘ଆଇଙ୍ଗ୍ ଆପିମା ତାୟମ୍ତେ ଜୀଉବିରିଦାଇଙ୍ଗ୍’ ମେନ୍ତେ କାଜିକାଦ୍ ତାଇକେନାଏ । ୬୪ ଏନା ନାଗେନ୍ତେ ତପାଗାଡ଼ାକେ ଆପିମା ଜାକେଦ୍ ହର ନାଗେନ୍ତେ ଆରୁକମ୍, କା'ରେଦ୍ ଇନିୟାଃ ଚେଲାକ ନିଦାରେ ହିଜୁଃଆକ ଆତଃ ଗଏଃହଡ୍ତମ୍କେ କୁମ୍ପୁତୁ ଇଦିକେୟାକ ଏନ୍ତେ ଇନିଃ ଗଜାକାନ୍କଏତେ ଜୀଉବିରିଦାକାନାଏ ମେନ୍ତେ ହଡ୍ତକକେ କାଜିୟାକଆକ । ନେ ତୁଣ୍ଡୁବେଦା ପାହିଲା ବେଦାଏତେ ପୁରାଃ ଏଡ୍କାନ୍ ହବାଅଆଃ ।”

☆ ୨୨:୨୩ ୨୭:୨୩ ମାଥୁର ୧୬:୨୧; ୧୭:୨୩; ୨୦:୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩.

୨୫ ପିଲାତୁସ୍ ଇନ୍‌କୁକେ କାଜିରୁହାଡ଼ାଦକଆଏ, “ତୁ ଦାରଖାନକକେ ଇଦିକପେ ଆଡ଼ଃ ଏନ୍ ତପାଗାଡ଼ାକେ ବୁଗିଲେକା ହରୟେପେ ।”

୨୬ ଏନ୍ତେ ଇନ୍‌କୁ ଦାରଖାନକଲଃ ସେନ୍‌କେଦ୍‌ତେ ତପାଗାଡ଼ା ବଲତାଃରେ ହାଣ୍ଡେଦାକାନ୍ ଦିରିକେ ମୋହର୍ ଏମ୍‌କେଦ୍‌ତେ ତପାଗାଡ଼ାକେ ହର ନାଗେନ୍ତେ ଦାରଖାନକକେ କାଜିକେଦ୍‌କଆକ ।

୨୮

ୟାଶୁଆଃ ଜୀଉବିନିରିଦ୍

(ମାର୍କ ୧୬:୧-୮; ଲୁକ ୨୪:୧-୧୨; ଯୋହାନ୍ ୨୦:୧-୧୦)

୧ ରୁଡ଼ନ୍ତୁ ହୁଲାଙ୍ଗ୍ ତାୟମ୍‌ତେ, ଏତଆର୍ ହୁଲାଙ୍ଗ୍ ସେତାଃ ଇଦାନ୍‌ରେ ମାଗଦାଲିନି ମାରିୟାମ୍ ଆଡ଼ଃ ଏଗାଃ ମାରିୟାମ୍ ତପାଗାଡ଼ା ଠାୟାଦ୍‌ତେ ନେନେଲ୍‌ତେକିନ୍ ସେନଃୟାନା । ୨ ଆଡ଼ଃ ଏନ୍ତାଃରେ ପୁରାଃଗି ଅତେ ଏକ୍‌ଲାଅୟାନା ଚିୟାଃଚି ପ୍ରାଭୁଆଃ ଦୁଁଡ୍ ସିର୍ମାଏତେ ଆଡ଼ଗୁୟାନା ଏନ୍ତେ ତପାଗାଡ଼ା ସେନ୍‌କେଦ୍‌ତେ ଦୁଆର୍ତାଃରାଃ ପୁରାଃ ମାରାଙ୍ଗ୍ ଦିରିକେ ବାଟି ଆତମ୍‌କେଦ୍‌ତେ ଏନାରେ ଦୁବ୍‌ୟାନାଏ । ୩ ଇନିଃଦ୍ ହିଚିର୍ ଲେକା ନେଲଃ ତାଇକେନାଏ ଆଡ଼ଃ ଇନିୟାଃ ଲିଜାଃ ବାରାୟ୍ ଲେକା ପୁଣ୍ଡିଗି ତାଇକେନା । ୪ ଦାରଖାନକ ଇନିଃକେ ନେଲ୍‌କେଦ୍‌ତେ ବରତେ ଆର୍‌ଆରାଅୟାନାକ ଆଡ଼ଃ ଗଜାକାନ୍‌କ ଲେକା ହବାୟାନାକ ।

୫ ମେନ୍‌ଦ୍ ଦୁଁଡ୍ ଏନ୍ କୁଡ଼ିକକେ ମେତାଦକଆଏ, “ଆଲ୍‌ପେ ବରଏୟା । ଆଇଙ୍ଗ୍ ସାରିତାନାଇଙ୍ଗ୍ ଆପେ କୁଶ୍‌ରେ କିଲାୟାନ୍ ଯାଶୁକେ ଦାଣ୍ଡାତାନାପେ । ୬ ଇନିଃ ନେତାଃରେ ବାଙ୍ଗାଲୟା ଇନିଃଦ୍ ଆୟାଃ କାଜିଲେକାତେ ଜୀଉବିରିଦାକାନାଏ । ନେତାଃ ହିଜୁଃକେଦ୍‌ତେ ନେଲେପେ, ନେତାଃରେ ଇନିୟାଃ ଗଏଃ ହଡ଼ମ୍‌କେ ଦହକାଦ୍ ତାଇକେନାକ । ୭ ଆଡ଼ଃ ଆପେ ଜାଲ୍‌ଦି ସେନ୍‌କେଦ୍‌ତେ ତେଲା ତାୟାଃକକେ କାଜିୟାକପେ, ‘ଇନିଃ ଗଜାକାନ୍‌କଏତେ ଜୀଉବିରିଦାକାନାଏ, ଆଡ଼ଃ ଆପେଏତେ ଆୟାର୍‌ରେ ଇନିଃ ଗାଲିଲ୍‌ତେ ସେନଃତାନା । ଏନ୍ତାଃରେ ଆପେ ଇନିଃକେପେ ନେଲିୟା ।’ ଆଇଙ୍ଗ୍ ଆପେକେ କାଜିକାଦ୍‌ପେତେୟାଃ ପାହାମେପେ ।”

୮ ନେଆଁ ଆୟୁମ୍ବକେଦ୍‌ତେ ଇନ୍‌କୁ ବରତାନ୍‌ରେୟ ପୁରାଃ ରାସ୍‌କାତାନ୍‌ଲଃ ଇମ୍‌ତାଗି ତପାଗାଡ଼ା ବାଗିକେଦ୍‌ତେ ଆୟାଃ ଚେଲ୍ୟାକକେ ଉଦ୍‌ବାକ ନାଗେନ୍ତେ ନିରକେଦାକ ।

୯ ଇମ୍‌ତାଙ୍ଗି ଯୀଶୁ ଇନ୍‌କୁକେ ହିନ୍ଦୁଃନାମ୍‌କେଦ୍‌ତେ କାଜିୟାଦକଆଏ, “ଆପେୟାଃ ଜୀଉସୁକୁ ହବାଅଃକା” ଆଡ଼ଃ ଇନ୍‌କୁ ସେନ୍ ହେପାଦ୍‌କେଦ୍‌ତେ ଇନିୟାଃ କାଟା ସାବ୍‌କେଦ୍‌ତେ ଜହାରକିୟାକ । ୧୦ ଏନ୍ତେ ଯୀଶୁ ଇନ୍‌କୁକେ କାଜିୟାଦକଆଏ, “ଆଲ୍‌ପେ ବରଏୟା, ଆପେ ସେନ୍‌କେଦ୍‌ତେ ଆଇଁୟାଃ ହାଗାଇଙ୍ଗକକେ କାଜିୟାକପେ, ଗାଲିଲ୍‌ତେ ସେନଃପେ ଆଡ଼ଃ ଏନ୍ତାଃରେ ଇନିଃକେପେ ନେଲିୟା ।”

ଦାରଝାନକଆଃ ଉନ୍ନୁଦୁବ୍

୧୧ ଏନ୍ କୁଡ଼ିକ ସେନଃତାଇକେନ୍ ଇମ୍‌ତା, ତପାଗାଡ଼ା ହରତାଇକେନ୍ ଦାରଝାନ ସିପାଇକଏତେ ଚିମିନ୍‌କ ନାଗାର୍‌ତେ ରୁହାଡ଼କେଦ୍‌ତେ ମୁଲ୍ ଯାଜାକକକେ ହବାଲେନ୍‌ତେୟାଃ ସବେନାଃ ଉଦୁବାଦକଆକ । ୧୨ ଆଡ଼ଃ ମୁଲ୍ ଯାଜାକକ ଆଡ଼ଃ ପ୍ରାଚିନ୍‌କ ହୁଣ୍ଡିକେଦ୍‌ତେ ବାଗାଣ୍ ବାଇକେଦାକ ଏନ୍ତେ ଦାରଝାନ ସିପାଇକକେ ପୁରାଃ ଟାକା ଏମ୍‌କେଦ୍‌ତେ, ୧୩ କାଜିକେଦକଆକ, “ଆଲେ ଦୁଡ଼ମ୍‌କାନ୍ ତାଇକେନ୍ ଇମ୍‌ତା ଇନିୟାଃ ଚେଲ୍ୟାକ ନିଦାରେ ହିନ୍ଦୁଃକେଦ୍‌ତେ ଇନିଃକେ କୁମ୍‌ଡୁ ଲୁଦିକିୟାକ ମେନ୍ତେ କାଜିୟାକପେ । ୧୪ ଆଡ଼ଃ ନେ କାଜି ରୋମିରେନ୍ ଲାଟ୍‌ସାହେବ୍ ଆୟୁମେରେଦ ଆଲେ ଇନିଃକେ ବୁଗିଲେକା କାଜିତାଇୟାଲେ ଯେ, ଆପେୟାଃ ଜେତାନ୍ ଗୁନ୍ନା ବାନଆଃ । ନେ ବିଷାଏରେ ଆପେ ଜେଡ୍‌ନାଃ ଆଲ୍‌ପେ ଉଡ଼ୁୟା ।”

୧୫ ଦାରଝାନ ସିପାଇକ ଟାକା ନାମ୍‌କେଦ୍‌ତେ ଇନ୍‌କୁ ଇଡୁକାଦକ ତାଇକେନ୍ ଲେକାକ କାଜିକେଦା ଆଡ଼ଃ ଏନ୍ କାଜି ଯିହୁଦୀକଆଃ ଆଲ୍‌ରେ ନିତିରୟାନା ଆଡ଼ଃ ତିସିଙ୍ଗ ଜାକେଦ୍ ମେନାଃ ।

ୟୀଶୁ ଆୟାଃ ଚେଲ୍ୟାକତାଃରେ ଉଦୁବେନ୍‌ୟାନା

(ମାର୍କ ୧୬:୧୪-୧୮; ଲୁକ ୨୪:୩୬-୪୯; ଯୋହାନ୍ ୨୦:୧୯-୨୩; ପ୍ରେରିଡ୍ ୧:୬-୮)

୧୭ ☆ଏଗାରାଝାନ୍ ଚେଲାକ ଗାଲିଲ୍‌ରେ ସେନ୍‌କେଦ୍‌ରେ ଯିଶୁ କାଜିକାଦ୍‌କ ତାଇକେନ୍ ବୁରୁତେକ ସେନଃୟାନା । ୧୭ ଏନ୍ତାଃରେ ଇନ୍‌କୁ ଯିଶୁକେ ନେଲ୍‌କେଦ୍‌ରେ ଜହାଦ୍‌କିୟାକ ମେନ୍‌ଦ ଚିମିନ୍‌କ ଆଡ଼ାଃଉଡ଼ୁୟାନା । ୧୮ ଏନ୍ତେ ଯିଶୁ ଇନ୍‌କୁତାଃରେ ହିନ୍ତୁଃକେଦ୍‌ରେ କାଜିକେଦ୍‌କଆଏ, “ସିମ୍‌ନା ଆଡ଼ଃ ଅତେରେୟାଃ ସବେନ୍ ଆକ୍‌ତେୟାର୍ ଆଇଁୟାଃ ତିଃଇରେ ଏମାକାନା, ୧୯ ☆ଏନାମେନ୍ତେ ସେନଃପେ ଆଡ଼ଃ ଅତେଦିଶୁମ୍‌ରେନ୍ ସବେନ୍ ହଡ଼କକେ ଆଇଁୟାଃ ଚେଲା ବାଇକପେ ଆଡ଼ଃ ଇନ୍‌କୁକେ ଆପୁ, ହନ୍ ଆଡ଼ଃ ପାବିତାର୍ ଆମ୍‌ରାଃ ନୁତୁମ୍‌ରେ ବାପ୍ତିସ୍ମାକପେ । ୨୦ ଆଡ଼ଃ ଆଇଙ୍ଗ୍ ଆରୁକାଦ୍ ସବେନାଃ ମାନାତିଙ୍ଗ୍ ନାଗେନ୍ତେ ଇତୁକପେ ଆଡ଼ଃ ସାରିଜମେପେ, ଆଇଙ୍ଗ୍ ଅତେଦିଶୁମ୍‌ରେୟାଃ ତୁଣ୍ଡୁ ଦିପିଲି ଜାକେଦ୍ ଆପେଲଃ ସବେନ୍‌ଇମ୍‌ତା ତାଇନାଇଙ୍ଗ୍ ।”

ପାରମେଶ୍ଵାରଥାଃ ଜୀନିଦ୍ ବାଚାନ୍
The New Testament in the Munda language of India:
ପାରମେଶ୍ଵାରଥାଃ ଜୀନିଦ୍ ବାଚାନ୍

copyright © 2020 The Word for the World International

Language: ମୁଞ୍ଜା (Muṅḍa) (Munda)

Contributor: The Word for the World International

ପାରମେଶ୍ଵାରଥାଃ ଜୀନିଦ୍ ବାଚାନ୍
ନାଞ୍ଜା ନିୟମ୍ , 2020

The New Testament in Munda Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 22 Feb 2024 from source files dated 14 Apr 2023

903abb6b-97c3-582d-9df8-a6a8f2fce6d6